


Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 60 4° (LN 1116:1-3 4° copy 3)









Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 60 4° (LN 1116:1-3 4° copy 3)





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 60 4° (LN 1116:1-3 4° copy 3)





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 60 4° (LN 1116:1-3 4° copy 3)

AD  
**SCRIPTVRAM**  
**SACRAM DISCENDAM**  
**ET DOCENDAM,**  
 INTRODVCTIO:

Quæ constat in Grammatica explica-  
 tione phrasium Hebraicarum:  
 In Rhetorica & Dialectica sacræ Scriptu-  
 ræ exemplis illustribus illustrata.

**PRAELECTA PVBLICE IN ACA-**  
**DEMIA REGIA HAFNIENSI**  
**IN DANIA.**

A  
*Viro Clarissimo & Doctissimo*  
**D. IACOBO MATTHIÆ.**  
 fœlicis memoriæ.


**Tomus Secundus.**

NVNC  
*Editus opera & studio*  
**ANDRÆ KRAGII**  
 Ripensis, & Hæredum.

LN 1116<sup>II</sup>

ex. 3





VIRO  
GENI  
ALIUS



tundo. Id e  
exantlati la  
perveniret:  
Ita una ead  
erat, & qvi  
Talem er  
meritum est  
memoria, p  
serpres fide  
litteras artes  
cū propria  
ad hoc in par  
concredatu  
des multos  
viri Ecclesi  
cademia lin  
dibus & sen  
tio tractat  
& argumen  
litter alia  
blasi juris fa  
exemptus pr  
De plurib  
litterarum  
tium praece





66

127

# VIRO VIRTUTE, DOCTRINA.

GENERE, MULTISQVE NOMINIBUS  
ALII NOBILISSIMO, D. ARNOLDO HVITFELDIO,  
Regni Daniæ Senatori prudentissimo, & Cancellario  
fidelissimo, Domino suo observando.



VI indefessis diurnis nocturnisq; laboribus mortē sibi ipsi accersivit, quibus tamen multos alios ab interitu prohibuit: eum etiam ab omni oblivione & silētio hominum vindicandum hortatur pietas, postulat gratitudo. Id enim nisi confieret, supervacanei viderentur, præduri exantlati labores, à quibus nihil utilitatis ad ipsum auctorem perveniret: & in homines ingratos beneficia elocata dicerentur. Ita una eademq; sentētia, & qui de repub. literaria optimè meritis erat, & qui fructus alieno cultos labore decerpant, cōdemnantur.

Talem eruditionis & diligentia opinionem, si quisquam alius, meritis est D. JACOBUS MATTHIAE Arhusiensis, felicitis memoria, sacrosanctæ Theologiae in Regia Academia Hafniensi interpretis fidelissimus. Secundum Dei gloriā & patrie utilitatē sacras litteras, artes et linguas puriores ut propagaret, nullis pepercit, etiā cū propriæ valetudinis jactura, lucubrationibus. Docuit juvenis adhuc in patria schola Arhusiensi feliciter: et talentū sibi in patria concreditū magno cum fœnore patrie reddidit. In Germaniā cōcedēs multos reliquit post se discipulos qui nunc eximie eruditionis viri Ecclesiis & scholis plurimū profunt. Reversus docuit in hac Academia linguā Latinam, Gracā, et artes ab omnibus purgatas sordibus & sentinis magna cū laude & fructu. Sacras litteras quo pacto tractaverit, testimonio sunt qui illum prælegendē audiverunt: & argumento hæc quæ moriens ingenii sui reliquit monumenta.

Inter alia autem reperitur præsens hoc scriptum quod jam publici juris facimus: ut is qui vitæ multis profuit, pluribus vitæ exemptus profuit.

De phrasibus Hebraicis (quæ introductio quædam sunt ad sacras litteras rectè intelligēdas) Rhetorica & Logica dicimus, quarū artium præcepta, exēplis ex sacra Scriptura tota cōquisitis, in publicis

R 2 pra-



prelectionibus illustravit: admonens Theologum istarum artium imperitum in studio Theologico currere quidem, sed extra viam.

Præcepta proposuit brevissimè, nugas & inanes istas in tradendis præceptis tautologias de industria negligens. Animadvertit enim nimia præceptorum multitudine obscurari artes & usu privari: multos, non infelices ingenii, adolescentes in studiis retardari & nimis diu detineri: & plures multò inde prorsus arceri.

Non itaq; est admiratione dignū si nullius auctoris præcepta ad amussim secutus sit: sed ab aliis constituta partim mutaverit, partim prætermiserit. Consilium enim ipsius fuit usum præceptorum in sacris potius litteris ostendere, quàm omnia præcepta quæ ibi infrequenter in usu sunt percensere.

In exēplis sacra Scriptura recitandis, nec veterem nec vulgarem semper retinuit versionem, sed illam quæ cum Hebraica veritate potissimum cōsentit, qualem hanc judicavit quæ in Bibliis Hebraicis Pagnini à Benedicto Aria expensis extat.

Hoc itaq; ejus scriptum in lucem emissuri hæredes à me elimatum prodire voluerunt: quòd illis amicitia nomine conjunctus essem: & quòd D. JACOBUS MATTHIAE de meis studiis promovendis semper fuisset sollicitus. Ego initio modestè detrectabam: sed instantibus illis meam submisi voluntatem.

Opus hoc præsens de phrasibus Hebraicis, Rhetorica & Dialectica legi & relegi. Quæ irrepsērūt errata librariorū & amanuēsū negligētia emēdavi. Rarissimè aliquid immutavi, quāvis sapius à cōmuni tradēdarū artū ratione dissentiat auctor, ne viderer damnato auctoris consilio, meum tanquam gravius aut doctius substituere.

Tuo autē nomini, vir Generose, idē inscribēdum duxerunt. Nam is es qui de hisce studiis decernere optimè potes: et tibi ingenii, labores & studia auctoris penitus perspecta erant: cū etiā propter eruditionem & judicii gravitatem sepius ad tuū colloquium sit admisus. Quare, vir amplissime, patere illum ab omni mortalitate per te conservari, qui multos alios immortalī donavit gloria. Vale diu & feliciter. Hafnia xv. Augusti Anno CHRISTI DEI, MDLXIII.

ANDREAS KRAGIUS

Ripensis suo & Hæredum nomine.



# DE PHRASIBVS HEBRAICIS.



**P**HRASIS Hebraica est, quæ à linguæ Latinæ phrasi & consuetudine discrepat. Eademque Hebraismus, locutio Hebraica, & Hebraicū dicendi genus seu idioma appellatur. Eius cognitio necessaria est, non solum ad linguam ipsam Hebræam intelligendam, sed etiam ad versionem Bibliorum, quam Iurisperiti *ἡ ῥωδ'α* vocant: quæ verbum verbo vertit. Qualis & vetus in multis locis, præsertim in Psalmis, Prophetis & Nouo testamento: & San. Pagnini versio veteris testamenti tota. Ea enim Hebraismos plerosque retinet.

Ideoq; & Augustinus, iam Episcopus, & ætate prouectus, locutiones Scripturarum seu idiomata linguæ Hebraicæ & Græcæ, ex septem primis Bibliorū libris, nempe ab initio Geneseos ad finem libri Iudicum, totidem libris colligere & explicare non est grauatus. De quibus ipse lib. 2. ca. 34. Retractionum sic scribit: Septem libros de septē libris diuinarū Scripturarū: id est, Moisi quinque, & vno Iesu Naue, & altero Iudicum feci: notatis locutionibus singulorum. Quæ minus sunt usitata lingua nostra. Quas parum aduertendo, sensum quærunt, qui legunt, diuinorum Eloquiorum cū sit locutionis genus. Et nonnunquam exculpunt aliquid, quod à veritate quidem non abhorreat: Non tamen id sensisse autor, à quo hoc scriptum est, inuenitur: Sed genere locutionis hoc dixisse credibilis apparet. Multa autē in Scripturis sanctis obscura, cognito locutionis genere, dilucescunt. Hæc Augustinus. Cū autem sermo &

R 3

phrasis.



phrasis in libris & narrationibus historicis propter rerum seriem, perspicua magis & certa esse solet. Primum ex libris historicis phrasticis. Sic ubi haberi potest, obseruanda & cognoscenda est, vt ea lumen afferat phrasi obscuriori. Qualis ferè est in psalmis & prophetis in Veteri testamento: & in Epistolis Apostolicis in Nouo. Atque hoc ipsum etiam Augustinus eodem loco monet. Propter hoc, inquit, cognoscenda sunt eadem genera locutionum, vbi sententiæ patent: vt etiam vbi latent, cognitio ipsa succurrat, easque intentioni legentis aperiat.

*PHRASIS Generalis est, quæ pluribus vocibus communis est: & ad vocum seu partium Orationis structuram spectat. Hæc & paucis & methodo tradi potest.*

Vt autem Linacer doctissimus Grammaticus Latinus, in libro suo de Emendata structura Latini sermonis, non solum figuratam Syntaxin Latinam, sed etiam Hellenisticos generales & Syntacticos ad tres ferè species retulit, nempe Ellipsin, Pleonasmum & Enallagen: ita ad easdem etiam Hebraismi generales reuocari optimè possunt. Atque cum ordinem doctis quibusdam placuisse etiam video. Quare cum ordinem nos hîc adhibere, & ad has tres species, Hebraismos omnes reuocare conabimur. Si qui autem erunt Hebraismi, erunt autem non pauci, qui ad plures ex his species, diuersa ratione referri possint: ij etiam pluribus locis repetèdi erunt. Vt enim *φαινόμενον* ab Astronomis varijs hypothesibus saluari: ita & phrasæ Orationis, variis modis à Grammaticis explicari possunt & solent.

*ELLIPSIS est, cum verba quedam, ad sensum necessaria, desiderantur. Quæ frequentior & maior sæpè est apud Hebræos quàm Latinos. Ea autem magnam obscuritatem*



tem parere solet. Quare interpretes eam ferè verba, quæ desiderantur, in versione explere solent. Et quidam minusculis literis ea notare vt fecit Pagninus. Et Ellipsis quidem inter tres species rarior est.

*PLEONASMV* S est cum verba quadã redundare videntur, quibus deptis sensus nihilominus integer esset. Sed Pleonasmus apud Hebræos non semper est otiosus. Nam repetitio præsertim earundẽ vocum fieri solet, aut ad Emphasin, exaggerationem & asseverationem maiorem, aut ad distributionem, aut ad varietatem significandam. Pleonasmus igitur Ellipsi frequentior est.

*ENALLAGE* est, cum vel pars pro parte, seu genus aut species vocum pro genere seu specie, vel accidens pro accidente ponitur. Multa autem Latinis immutata videntur, quæ Hebræis iustè & rectè dicta sunt. Atque hæc omnium frequentissima est. Pleonasmus autem & Enallage cum duriores sunt & obscuriores, emolliri & mutari, nonnihil ab interpretibus solent. Sepè etiam trium specierum binæ concurrunt.

Hæ autem tres species fiunt, primùm in vocibus singulis: Deinde in vocibus coniunctis, seu membris orationis integris. Singularum vocum phrasces per partes, vt vocant Orationis dicendæ sunt.

## DE PHRASIBVS NOMINIS SUBSTANTIVI.

### ELLIPSIS.

*Substantiuum interdum desideratur.*

I. *Ante adiectiuum cum quo conuenit, sed rariùs: vt, Ipse erat accinctus nouo,* 2. Samuel 24. v. 16. subaudi cense.

Tulie



Tulit Sephoua acutum. Exod. 4. v. 25. acutum, subaudi ensem vel cultrum.

Sic enim quidam eum locum interpretantur. Quod Iosua 5. v. 2. & 3. integrè sic legitur: Fac tibi gladios seu cultros acutos.

*II. Ante relatiuum sepiùs desideratur.*

Cum ingrederetur Moses tabernaculum, vt loqueretur cum eo, Num. 7. v. 89. cum eo, scilicet Deo.

Non assumam nomina eorum in labijs meis, Psal. 16. v. 4. Eorum scilicet idolorum. Vide Enallagen Relatiui.

*III. Deinde post verbũ, à quo regitur, et ex quo intelligitur: vt,*  
Qui sacrificat laudem, Psal. 50. v. 14. & 23. Vbi deest substantiuum sacrificium in verbo, inclusum, vt sit integrum, Qui sacrificat sacrificium laudis.

Non audiuit verbum Iephtæ, cum misisset ad eum, Iudic. 11. v. 28. subaudi, Legatos.

Misit Rex & congregauit, 2. Reg. 23. v. 1. Misit scilicet Nuncios. Sed hæc Ellipsis in verbo mittendi, etiam Latinis vsitata est.

PLEONASMVS.

*I. Pleonasmus substantiui est primũ in repetitione, cum idem substantiuum eodem casu repetitur. Quod fit primũ propter Emphasin: vt,*

Sicut ynguētum quod descendit in barbam, barbam Aaronis, Psal. 133. v. 2. pro circunquaque in barbam.

Quid vocatis me Domine Domine, Luc. 6. v. 46.

*II. Ad multitudinem significandam: vt,*

Vallis erat putei putei, Genes. 32. vers. 16. pro plena puteis.

Et erunt Rivi Rivi aquarum in die interfectionis multitudinis, Esa. 30. v. 25. pro. Erunt multi riui.

Turbæ,



Turbæ, Turbæ, in valle concisionis, Ioël. 3. v. 19. Pro, multæ turbæ.

*III. Ad distributionem significandam: vt,*

Dedit in manus seruatorum suorū greges greges, Gen. 32. v. 16. Pro, singulis seruis singulos greges tradidit.

Vir, vir, Leuit. 17. v. 3. Pro, singuli.

Ad portam & portam, 1. Paral. 26. v. 13. Pro, in singulis portis.

Cōstitues iudices in vrbe & vrbe, 2. Paral. 19. v. 5. Pro, in singulis vrbibus.

Seniores vrbis, & vrbis, Esdr. 10. vers. 14. Pro, singulorum vrbium.

*IIII. Ad diuersitatem & varietatem significandam: vt,*

In corde & corde loquuntur, Psal. 12. v. 13. Pro, diuersis cordibus seu diuersis cordis affectibus.

Pondus & pondus, seu Mensura & mensura abominabilia sunt Iehovæ, Prouerb. 20. v. 10. Pro, diuersa pondera & diuersæ mensuræ.

Abominabile est Iohouē pōdus & pondus. Ibid. v. 23.

*Deinde substantiuum repetitur in Regimine: id est, in Genitiuo vel singulari vel plurali.*

*In singulari repetitur ad Emphasin & Certitudinem.*

Die septimo Sabbathum sabbathi est, Exod. 31. v. 15. Pro, omninò cessandum est die septimo.

Et lamentabitur lamentum lamentationis, Micheę. 2. v. 4. Pro, certò & grauiter lamentabitur.

*In plurali repetitur ad excellentiam significandam: vt,*

Deus Deorum, Psal. 136. v. 2. & Dan. 2. v. 47. Pro, summus Deus.

Dominus Dominorum, Ibid. Pro, summus Dominus.

Rex Regum, Dan. 2. v. 37. Pro, summus Rex.

Vanitas vanitatum, Eccl. 1. v. 2. Pro, Summa vanitas.

S Canticum



Canticū Cāticorum, Cant. 1. v. 1. Pro, excellētissimum canticum.

*II. Pleonasmus substantiui est in regimine diuersorum substantiuorum. Quia ratione primum, substantiuum regens interdum redundat.*

Os gladii, Deut. 13. v. 15. Pro, gladius.

Filii hominum, Psal. 36. v. 8. Pro, homines.

Nomen Dei, Psal. 20. v. 2. Pro, Deus.

*Sic illa esse videntur.*

Spiritus Dæmoni, Pro, dæmonum, Luc. 4. v. 33. Et,

Spiritus Dæmonum, Pro, Dæmones, Apoc. 16. v. 14.

*Sic vir substantiuum redundare quodammodo videtur: vt in his periphrasibus:*

Vir terræ, Genes. 9. v. 20. Pro, agricola.

Vir agri, Gen. 25. v. 27. Pro, agricola.

Vir pugnae, Num. 31. v. 21. Pro, Miles, bellator.

Vir belli, 1. Sam. 17. v. 33. & 18. v. 5. Pro, miles, bellator.

Vir verborum, Exod. 4. v. 10. Pro, verbosus, facundus.

Vir labiorum, Iob 11. v. 2. Pro, garrulus, loquax.

Vir consilii, Psal. 119. v. 24. Consiliarius.

Vir pacis, Ierem. 20. v. 10. Pro, Amicus, socius.

*Interdum substantiuum rectum quod epitheti loco est, redundat: vt in his:*

Bestiæ agri, aues cœli, pisces maris, Hoseæ. 3. v. 4. Bestiæ, aues, pisces.

*Postremo interdum aliterum redundare videtur cū synonymon à synonymo regitur: vt,*

In terra pulveris, Dan. 12. vers. 2. Pro, in terra vel puluere.

Ex luto cœni, Psalm. 4. v. 3. Pro, è luto, vel è cœno.

Canticum Psalmi, Psalm. 48. vers. 1. Pro, canticum seu Psalmus.

ENAL



*Substantiuum ponitur pro Adiectiuo, pro Verbo, & pro Ad-  
uerbio, vel pro pluribus simul vocibus Latinis, seu peri-  
phrasi, est.*

*Pro Adiectiuo frequens est. Quod pauca Adiectiua Hebræi  
habeant. Adeo ut substantiua ipsis etiam Adiectiua esse  
videantur.*

*I. Cum duo substantiua eodem casu ponuntur, posterius pro  
Adiectiuo est. Primum in Nominatiuo, verbo substan-  
tino expresso vel subintellecto.*

*Tu pax, & domus tua pax, 1. Sam. 25. v. 5. Id est, Saluus  
& salua erit.*

*Sit via eorum tenebræ & lubricitates, Psalm. 35. v. 6.*

*Id est, Tenebrosa & lubrica.*

*Trabes domorum nostrarum cedri, Cant. 1. vers. 17.*

*Cedri: Id est, Cedrinæ sunt.*

*II. Cum substantiuorum alterum est Genitiui: alterum est  
loco Adiectiui, idque tribus ferè modis.*

*Primum enim substantiuum regens Adiectiui loco est: vt,*

*Vniuersitas Ciuitatis in Cælum ascendeabat, Iudic.*

*20. v. 40. Id est, Vniuersa ciuitas exusta est.*

*Multitudo populi cecidit, 1. Sam. 1. vers. 4. Id est, mul-  
tus populus.*

*Multitudo sapientiæ, Eccles. 1. v. 17. Pro, multa Sa-  
pientia.*

*Gravitas lapidis, & pondus arenæ, scilicet est, Prouer.*

*7. v. 3. Id est, grauis lapis & ponderosa arena est.*

*Redundantia gratiæ & Domum iustitiæ, Rom. 5. v. 17.*

*Pro, Redundans gratia & donata iustitia.*

*Stultitia prædicationis, 1. Corinth. 1. v. 21. Pro, stulta  
prædicatio.*

S 2

Promissio

ENAL



Promissio Spiritus, Galat. 3. v. 14. i. promissus spiritus.  
*Deinde substantiuum rectum seu casus Genitiui singularis  
 & pluralis loco Adiectiui seu Epitheti est, idque multo  
 frequentius: vt,*

Esto mihi petra fortitudinis & Domus munitio-  
 nis, Psal. 3. v. 3. Id est, petra fortis & domus munita.

Agnus lactis, Sam. 7. v. 9. Id est, Lactens. Dii montium, 1.  
 Reg. 20. vers. 23. Id est, montani.

Vxor & liberi fornicationum, Hoseæ 1. v. 2. Pro, forni-  
 catoria & fornicarii.

Corpus mortis, Rom. 7. v. 24. Id est, mortale.

Sanctitas Veritatis ad Ephes. 4. vers. 24. id est, vera.

Filius dilectionis ad Col. 1. v. 13. Id est, filius dilectus.

*Præuatim autem id fit, in substantiuis materiae, loci, &  
 temporis: vt,*

Vasa æris, Ios. 6. v. 19. Pro, ænea,

Animal agri, Gen. 2. vers. 19. pro, Agreste seu ferum.

Filius anni sui, Leuit. 23. vers. 12. pro, anniculus.

*Interdum autem hic Genitiuus pluralis est pro superlatiuo: vt,*

Botri amaritudinum sunt iis, Deut. 32. v. 32. i. amarissimi

*Tertio. Interdum dubium videri potest, utrum pro Adie-  
 ctiuo sit, regens ne an rectum: vt,*

Abominatio desolationis, Daniel. 9. vers. 27. id est, vel  
 abominatio desolans, vel abominabilis desolatio.

Regnum sacerdotum, Exo. 19. v. 6. Id est, vel regnum sacerdo-  
 tale: vel ut Petrus habet 1. Pet. 2. v. 9. regale sacerdotium.

Gloria magnificentiae, Psal. 145. v. 5. & 11. Id est, vel  
 gloria magnifica, vel magnificentia gloriosa.

Gehenna ignis, Matth. 5. v. 12. Pro, Gehenna ardens,  
 vel ignis Gehennalis.

Diuitiae Gloriarum, ad Ephes. 1. v. 18. Pro, diues gloria,  
 vel gloriosa opulencia, & Coloss. 1. vers. 27.

Ignis



Ignis flammæ, 2. Thess. 1. v. 8. id est, vel, ignea flamma: vel, flammeus ignis.

*Interdum autem plures Genitivi substantiuorum ordine coniunguntur, quos varie interpretari licebit: vt,*

Solennitatem Messis primitiarum operum tuorum, Exod. 23. v. 16. id est, solennitatem Messis, cum primitiæ terra nascentium offeruntur.

Ad principes virorū belli, Iosu. 10. v. 24. id est, ad principes militum.

Ad capita tribuum filiorū Israël, ibid. v. 14. id est, principes tribuum Israëlitarum.

Ad laudem gloriæ gratiæ ipsius, Eph. 1. v. 6. Pro, ad laudem gloriosæ gratiæ ipsius.

Secundum efficaciam roboris, fortitudinis ipsius, ibidem v. 19. Pro, Efficacitatē fortis roboris ipsius, vel fortissimi roboris.

*III. Substantiuū post prepositionem pro Adiectiuo est.*

*I. Primum Accusatiui casus, post in: vt,*

In die illo erit germen Iehouæ indecorum & gloriam, Esaia 4. v. 2. id est, germen inclytum & gloriosum: & fructus sublimis & gloriosus.

*II. Deinde Ablatiui post in: vt,*

Vox Iehouæ in potētia, Psal. 29. v. 4. id est, vox potens & vehemens.

Propter timorem in noctibus, Cant. 3. v. 5. id est, nocturnum.

*Et post De, vel E, vel Ex: vt,*

Aper è sylua, Psal. 80. v. 14: id est, syluestris.

*Substantiuum est pro Relatiuo: idē, vel idem, vel cognatum: vt,*

Abraham erat Senex, & benedixerat Abrahæ Deus, Gen. 24. v. 1. Pro, Benedixerat ei Deus.

S. 3.

Expulit:



Expulit (scilicet Pharaon) eos à facie Pharaonis, Exod. 10.v.11. id est, à sua.

Et accipiet sacerdos de sextario olei, & infundet in manum sacerdotis, Leuit. 14.v.15. id est, suam.

Dixit Abner ad Dauidem: Surgā, & ibo vt cōgregem ad Dominum meum regem, vniuersum Israël, 1. Samuel. 19.v.3. Pro, ad te.

Ecce omnes viri Israël venerunt ad regem, & dixerūt: Cur furati sunt te fratres viri Iuda, & traduxerunt regem & familiam eius Iordanem, & omnes viri Dauidis cum eo, 2. Samuel. 19.v.41. Vbi sunt, regem: pro, te, & Dauidis: pro, tuos. Vnde & pronomina eius & eo sunt: pro, tua & tecum.

Tunc cōuocauit Solomon seniores Israël, ad regem Solomon, 1. Reg. 8.v.1. id est, ad se venit Roboam, vt reduceret regnū ad Roboam, 1. Reg. 12.v.21. id est, ad se.

Ambulare facit humiles in iudicio, & docebit humiles viam suam, Psal. 25.v.9. id est, eos.

*Substantiuum igitur pro Adiectiuo his ferè modis est.*

### S V B S T A N T I V V M P R O Verbo, sed rariùs.

*Substantiuum maximè Verbale pro Verbo interdum est: vt in his:*

Nocte canticum eius mecū, & oratio Deo vitæ meæ, Psal. 42.v.9. Pro, Cantabo eum & orabo.

Meditatio cordis mei intelligentiæ, Psal. 49.v.4. Pro, Cor meum meditatur intelligentiam.

Propter iniquitatem non euasio eius? Psal. 56.v.8. id est, non euadent ipsi.

Vox exultationis & salutis in tabernaculis iustorum, Psal.



Pfal. 118.v.15. id est, vociferantur & exultant iusti, propter salutem allatam.

Terra vestra desolatio, Esaie, 1.v.7. id est, desolabitur.

SUBSTANTIVVM PRO  
Adverbio.

*Substantivum post Verbum est pro Adverbio.*

I. In Accusativo: vt,

Iudica iusticiam, Prouerb. 31.v.9. id est, iusté.

Cum accepero tempus, ego iusticias indicabo, Psal. 75. id est, iusté.

II. In Ablativo, cum prepositione In: vt,

Seruire fecerunt eos in duritia, Exod. 1.v.13. id est, dure seu duriter.

Habitans in confidentia, Iudic. 18.v.7. id est, Confidentur seu securé.

Et Hoseæ, 2. v. 18.

Os suum aperit in sapientia, Prouerb. 31.v.6. id est, Sapienter.

Docet viam Dei in veritate, Matth. 22. v. 16. id est, veraciter.

In veritate dixisti, Marc. 12.v.31. id est, vere, recté.

SUBSTANTIVVM PRO  
pluribus vocibus.

*Substantivum Genitiui interdum pro pluribus vocibus & orationis partibus est: et significat vel causam efficiētē, personā aut rem, vel subiectū vel adiunctū aliquod.*

*Personam efficientem denotat. Vt in his:*

Alleuia de seruitute patris tui dura, & de iugo eius graui, 2. Par. 30.3. Pro, mitiga seruitutem quam pater tuus Solomō nobis imposuit: cuius causa & autor ipse fuit.

Nunc



Nunc conteram iugum eius & vincula tua dirumpā,  
Nahum. 1. 3. Pro, iugum quod ipse hostis tibi imposuit.

Innoxij erimus à iuramēto tuo vel tui, quod iurare fecisti nos, Ios. 2. 17. vbi interpretatio sequitur hebraismū.

Sic apud Paulum iusticia Dei est, pro ea quam Deus homini imputat atq; imponit dum peccata remittit, & impium iustificat.

Iusticia enim Dei per illud reuelatur, ex fide in fidē,  
Rom. 1. 17.

Nunc verò absq; lege iusticia Dei manifestata est, &c.  
Rom. 3. 2.

Iusticia, inquam, Dei per fidem Iesu Christi, v. 22.

Iusticiam Dei ignorantes & suam quærentes statuē-  
re, Rom. 10. 3.

Pro qua phrasi Paulus ipse ad <sup>Philip.</sup> Gal. 3. 9. ait: & modum locutionis interpretatur.

Vt inueniar in eo, nō habens meam iusticiam, quæ est ex lege: sed eam quæ est per fidem Christi, nempe iusticiam quæ est ex Deo per fidem

Et sic August. de Spiritu & litera c. 9. 4. 11. 9. Chrysostomus & Theophylactus in primum caput ad Ro. cū Phrasin interpretantur.

Apud Iacobum, iusticia Dei est, pro iusticia quā Deus præscribit & probat. Ita vir iusticiam Dei non operatur, Iacobi 1. 20: Opus Dei apud Iehouam est, pro eo, quod Deus flagrat & approbat: hoc est, opus Dei, vt credatis in eum, quem ille misit, Iohan. 6. 29.

*Rem efficientem denotat: vt,*

Comedunt panem impiorum, & vinum iniuriarum bibunt, Pro. 4. 17. Pro, per iniquitatem & iniuriam quæ sita. Comedere panem dolorum, Psal. 127. 2. Pro, doloribus & molestijs partum.

Mammon



Mammon iniquitat, Luc. 16.9: Per iniquitatem par-  
tus & retentus.

*Instrumentum denotat: vt,*

Lapis manus, Num. 35.17. Pro, Qui manu mittitur.

*Subiectum seu Obiectum notat: vt,*

Hoc gratum est, si quis propter conscientiam Dei suf-  
fert molestias immerito afflictus, 1. Pet. 2.19. Pro, qui  
Deum respicit, & propter eum, crucem ab eo imposita  
ferendam esse statuit.

Nonnulli cum conscientia idoli vsq; ad hoc tempus  
vt idolis immolatum edunt, 1. Cor. 8.7. Pro, quia idolum  
abominatur & idolis immolata immunda esse putantur:  
ideoq; ijs sine peccato vesci non posse se putant.

*Adiunctum denotat: vt,*

Vasa ire & misericordie, Rom. 2.22. & 10.23. Pro, qui-  
bus Deus irascitur & quorum miseretur.

## ENALLAGE NUMERI

### Substantiuorum.

#### SINGVLARE PRO PLVRALI.

*Substantiuum singulare pro plurali saepe est, praesertim in  
nominibus Specierum & Generum. vt in his:*

Venit Musca grauissima, Exod. 8.v.24. Pro, muscae gra-  
uissima.

Mittā ante te Crabonē, Exo. 12.v.5. id est, Crabones.

Hoc est animal quod comedere debetis, Leuit. 11.v.

2. Pro, haec sunt animalia quae comedere debetis.

Auferet a nobis serpētē, Num. 21.v.7. id est, serpētes.

Et omnis vir Iuda, 2. Reg. 23.v.2. id est, omnes vi-  
ri Iudae.

Et relinquetur homo paucus, Esaia 24.v.6. Pro, relin-  
quentur homines pauci.

T Mulier



Mulier seruabitur, 1. Timoth. 2. v. 14. id est, mulieres seruabuntur.

### PLURALE PRO Singulari.

I. *Substantia pluraliter efferuntur pro vno aliquo ex multis.* Vt in his:

Sepultus est in ciuitatibus Giliath, Iudic. 12. v. 7. Pro, in quadam ciuitatum.

Sepelierūt cum in sepulchris suis, 2. Paralip. 16. v. 14. Pro, sepulchro suo.

Sedens super asinum & pullum filium asinarū, Sacharia 9. v. 9. Pro, vnus alicuius asinæ.

Profectus est Iesus per segetes sabbathis, Matth. 12. v. 1. id est, Sabbatho.

II. *Substantiaum dignitatis pluraliter effertur ad ampliore honorem.* Vt in his:

Posuit seruus ille manum suam sub femore Abrahami Dominorum suorum, Gen. 24. v. 9. id est, Domini sui.

Donec veniet Domini eius ad domum suam, Gen. 39. v. 16. Pro, Dominus eius.

Loquutus est vir Domini terræ nobiscum dura, Gen. 42. v. 30. Pro, vir Dominus terræ.

Non trades seruum heris suis, Deut. 23. v. 15. Pro, heri suo.

Tradam Aegyptum in manus Dominorum duri, & rex fortis dominabitur ipsis, Esaia 14. v. 4. Pro Domini duri.

### ENALLAGE CASVS.

*Enallage casus in substantiis tribus precipue modis fit.*

I. *Nominatiuus substantiui initio sententia quasi absolute po-*



*te positus pro casu obliquo relatiui sequentis, & redundantis est.*

Suffimentum quod facit, secundum compositionem eius, non faciatis vobis, Exod. 30. 37. Pro, secundum compositionem suffimenti, quod tu facis, non facietis, &c.

Vir aut mulier, in cuius capite aut barba exorta fuerit lepra, videbit eos sacerdos, Leuit. 13. 29. Pro, Virum aut mulierem, in cuius capite aut barba fuerit lepra, videbit sacerdos. Dominus in tempestate & turbine via eius, Nahum. 1. 3. Pro, Domine in tempestate & turbine via est: vide Pleonasmum Relatiui.

Iste Moses vir qui eduxit nos ex Aegypto: quid ipsi acciderit, nescimus, Exo. 32. 1. Pro, isti Mosi viro, qui eduxit nos, &c. quid acciderit, nescimus.

II. *Obliquus contra pro nominatio est, post Verbum: vt,*

Vide Exo. 28. 32. Esa. 32. 1. Psal. 69. 23. Sit mensa eorum coram eis laqueus, & ad paces vel in pace, offendiculum, Pro, sit pax eorum & felicitas ipsis offendiculo.

Iacobi, 3. 18. fructus iusticie in pace seritur ijs qui pacem faciunt seu colunt. Pro, pax seritur.

1. Pet. 3. 4. Sed occultus ille cordis homo in incorruptione lenis & quieti spiritus: Pro, qui est incorruptus, lenis & quietus spiritus.

III. *Cum genitiuus Synonymi sequentis pro eo casu est, quo ponitur Synonymum antecedens, & quasi redundare videtur. Nam ea etiam huc referri possunt: vt,*

Ad similitudinem imaginis, Gen. 1. v. 23. Pro, ad similitudinem & imaginem.

In terra pulueris, Dan. 12. v. 2. Pro, in terra & puluere.

E' luto cœni, Psal. 4. v. 3. Pro, è luto & cœno.

Canticum Psalms, Psal. 49. v. 1. pro, Canticum seu Psalmus.

Iugum oneris, Esaia 9. v. 4. Pro, iugum & onus.

T 2 Ira



144 D'E PHRASIBVS

Ira indignationis, Psal. 77. v. 44. Pro, ira & indignatio:  
pro quo versu 49. dicitur indignationem & iram.

Sermo ytilis ad ædificationem vsus, ad Ephes. 4. v. 29.  
id est, ad ædificationem & vsum.

PHRASES ADIECTI-  
uorum.

ELLIPSIS.

*Adiectiuum ad substantiuum expressum pertinens interdum desideratur: vt,*

Quis ille qui vult vitam & diligit dies? Psal. 34. v. 13.  
Pro, vitam longam & dies multos.

Sicut lana crunt, Esaia 1. v. 18. vbi desideratur adiectiuum, alba.

PLEONASMVS.

*Adiectiua subinde repetuntur ad rei exaggerationem, aliàs bis, aliàs sepius: vt,*

Video ficus bonas, bonas: Valde & malas, malas valde, Ieremia 24. v. 3.

Sanctus, Sanctus, Sanctus, Dominus Deus exercituum, Esaia 6. v. 3.

*Quæ repetitiones per superlatiuum Latinè exprimi possunt: vt, optimus, pessimus, sanctissimus.*

ENALLAGE.

*Ponunt Hebraei Adiectiuum loco Substantiui, in regimine cum Genitiuo casu: quod tamen rariùs in versione exprimitur: vt,*

Omnes validi militiæ, Iosua 5. v. 4. Pro, ad militiam.

Beati integri viæ, Psal. 119. Pro, integri via.

Ordinatus belli, Ioël 2. v. 5. Pro, ad bellum.

SEC V N O



## SECUNDA ENALLAGE.

*Adiectiva feminina usurpantur pro neutris. Quibus carent Hebræi: Sed id etiam raro exprimitur.*

*Eiusmodi hæc esse videntur.*

Vnam petii à Domino hanc requiram, Psalm. 27.v.4.  
Pro, vnum hoc requiram.

A Domino facta est ista, & est mirabilis in oculis nostris. Pro, factum est istud, & est mirabile, Psal. 118.v.23.

Lingua loquens magnas, Psalm. 12.v.4. Id est, magna.

## TERTIA ENALLAGE.

*Casus Adiectiui interdum non cum eo substantiuo, cum quo deberet, sed cum proximo conuenit.*

Ex. 25.5. Pelles arietum rubro tinctorum. Pro, tinctas.

2. Sam. 2.v.4. arcus fortium fractorum. Pro, fractus.

Actorum 5.v.20. Loquemini populo omnia verba vitæ huius. Pro, hæc.

## PHRASES PRONOMINIS.

## PLEONASMVS.

*Pronomen separatum interdum cum substantiuo expressum, redundat, quod & ipsum rariùs interpretes exprimunt: vt,*

Iehoua exercituum, ipsum sanctificare, Esaia 8.v.13.

Vbi ipsum redundat.

## ENALLAGE.

*Pronomen demonstratiuum ferè semper vice verbi substantiui est, quod tamen non semper exprimitur: vt,*

Quos nosti, quod ipsi seniores, Num. 11.16. Pro, quod sui seniores.

T 3 PHRA.



## PHRASES RELATIVI.

## PLEONASMVS.

*Relatiuum redundat, sed in versione rariùs idq̃e tribus ferè modis.*

I. *Post Antecedens nominatiui, cum quoraro casu conuenit: vt,*

Dominus in tempestate & turbine via eius, Nahum. 1. v. 3. Pro, via Domini in tempestate est, vide suprà Enallagen casus in substantiuis.

II. *Post obliquum cum quo ferè casu conuenit: vt,*

Omnes suos aduersarios sufflat in eos, Psalm. 10. v. 5. Pro, in Omnes aduersarios suos sufflat Masculum & Feminam fecit eos, Gen. 1. 27. Vbi redundat eos.

Malos malè perdet eos, Matth. 21. v. 4. vbi rursum redundat eos.

Iesum à Nazareth. Quomodo vnxit eum Deus, Acto. 10. v. 38. vbi redundat eum.

Noui hominem in Christo, raptum eum in tertium coelum, 2. Corinth. 12. v. 2. vbi rursum eum *πλεονάζει*.

III. *Post aliud Relatiuum, qui, quæ quod, vt casus obliqui.*

Quem vnxit eum oleo sanctitatis, Num. 35. v. 25. vbi eum redundat.

Beata Gens cuius Dominus Deus eius, Psalm. 32. v. 12. vbi redundat eius.

Cuius sagittæ eius acutæ, Esaiæ 5. vers. 28.

Cuius liuore ipsius sanati estis, 1. Pct. 2. v. 24.

*Interdum idem relatiuum aut simile repetitum redūdat: vt,*

Et gladius eius euaginat in manum eius, Iosua 5. v. 13. Pro, tenens manu gladium suum euaginat.

Et funda eius in manu eius, 1. Sam. 17. vers. 40. Pro, fundam sua manu gestabat.

Pueris



Pacris ipsis quatuor, ipsis dedit Deus cognitionem.  
Daniel. 1. vers. 17. vbi posterius relatiuum redundat.

ENALLAGE.

*Relatiuum interdum sine Antecedente, quasi pro Antecedente, usurpatur, vbi loci peristasis aut argumentum ipsum antecedens prodit: vt,*

Cum ingrederetur Moses tabernaculum, vt loqueretur cum eo, Num. 7. v. 89. vbi cum eo, est, pro, cum Deo.

Nec assumam nomina eorum in labiis meis, Psal. 16. v. 4. eorum, pro idolorum, vt comedere mel multum non est bonum, sic inuestigatio gloriæ eorum non est gloria.

Proverb. 25. v. 27. eorum, pro cœlestium seu rerum Diuinarum.

Requiescent in cubilibus suis, qui ambularunt coram eo, Esaia 57. v. 2. eo, pro Deo.

Vbi vermis eorum non interit, & ignis eorum non exstinguitur, Marc. 9. v. 44. eorum, pro damnatorum, seu in Gehennam coniectorum.

Tunc ancilla cepit dicere astantibus: Iste est vnus ex ipsis, Marc. 14. v. 69. ipsis, pro Christi Discipulis seu Galilæis.

*Atq; hic Antecedens interdum longiori intervallo precedit: vt,*

Die octauo Circumcidetur caro præputii eius, Levit. 12. v. 3. Eius pro infantis masculi. Cuius versu secundo fit mentio.

*Interdum autem mox subsequitur: vt,*

Fundamentum eius in nominibus sanctis diligit Iehona portas Zion magis quam omnia habitacula Iacob, Psal. 87. v. 1. & 2. vbi ejus est: pro, Zionis, quod proximo versu sequitur.

Et obiurgauit illud Iesus & exiuit Dæmonium, Matth. 17. v. 18. Pro, obiurgauit Dæmonium & illud exiuit.

Bonum



148 DE PHRASIBVS

Donū erat illi si natus non fuisset homo ille, Matt. 26.  
v. 24. Pro, bonum erat homini illi si is natus non fuisset.  
*Durior hic Hebraismus est, in his Pauli verbis.*

In quibus Deus huius seculi excācavit mētes infidelium, 2. Cor. 4. v. 4. Pro, in quibus infidelibus, &c.

DE VERBI PHRASIBVS.

ELLIPSIS.

*Verbum interdum ad sententiam complendam pertinens desideratur, idque duobus ferè modis.*

1. *Quod extra assumendum est: sapè enim breuitatis causa vnū verbum pro duobus ponitur, quod consequutio ipsa satis ostendit, quæ tunc non quadrat, nisi commodum verbum subauditur: vt,*

Transi Iordanem istum, tu & omnis populus iste, ad terram quam ego do illis, filiis Israël, Iosua 1. v. 2. Pro, transi Iordanem vt pergas ad terram.

Et conculcet in terram vitam meam, Psal. 7. v. 6. Pro, prosternat in terram vitam meā, & prostratā conculcet.

A Cornibus vnicornium exaudisti me, Psal. 22. v. 22. Pro, liberaisti & exaudisti: vel liberabis & exaudies.

Postularūt à nobis verba Cātici, Psal. 137. v. 3. Pro, Postularunt à nobis vt caneremus verba Cātici seu Cātica.

*Rariùs hic verbum prorsus supprimitur: vt,*

Et Iosaphat Rex Iuda, scilicet mortu⁹ est, 2. Reg. 8. v. 16.

*Et hoc modo interdum Infinitiuus desideratur: vt,*

Non potero iniquitatem & cœtum, Isaia 1. vers. 13.  
Non potero scilicet ferre.

*Verbi autem substantiuī defectus hoc modo frequens admodum est: vt,*

Grauitas lapidis & pondus arenæ, Prouerb. 17. v. 3. vbi desideratur verbum est.

In



In omnibus oppressi, scilicet fuimus, 2. Corinth. v. 5.

II. Cum ex precedenti aut vicino, verbum repetendum est: vt,

Anima mea ad Dominum, Ps. 130. v. 6. scilicet expectat.

Præcessit enim expectaui Iehouam.

Sicut ros Hermon, qui descendit super montem Zion, Psal. 133. v. 2. Pro, Sicut ros qui descendit super Hermon, & qui descendit super montem Zion.

PLEONASMVS.

Verbum idem repetitur ad Emphasin, aut vehementiam, aut certitudinem, aut celeritatem.

Atq; hic alterum ferè verbū infinitiui modi est, quod vel præcedit vel sequitur verbum finitum: & Latinis ferè per Gerundium in do, aut Participium actiuum presentis temporis vertitur.

Præcedit idq; plerumq; vt,

Moriendo morieris, Gen. 2. v. 77.

Videndo vidi afflictionem populi mei, Exod. 3. v. 7.

Quod Stephanus in Actis ca. 7. v. 34. exprimit, ἰδὼν ἐδόρυ.

Quod verus vertit, videns, vidi.

Veniendo veniet Rex Babel, Ieremiæ 36. v. 29. Id est, omnino venturus est.

Quia veniens veniet & non tardabit, Abacuch. 2. v. 3.

Excidendo nō excidam te, Ierem. 46. v. 48. Id est, prorsus non excidam.

Sequitur sed rariùs, idq; ferè Imperatiuum: vt,

Vade dic populo huic, audite audiendo & ne intelligatis, & videte videndo, & ne cognoscatis, Esaia. 6. v. 9. vel vt vetus vertit, audite audientes.

Interdū et futurū sequitur, præsertim particula intercedere: vt,

Ego descendam tecum in Aegyptum, & ego ascendere faciam te etiam ascendendo, Genes. 46. v. 4. Id est, Certò te rursus ex Aegypto reducam.

V ENAL



DE PHRASIBVS  
ENALLAGE VERBI

## Pro

ADVERBIO, VEL ADIECTIVO.

*Cum duo verba eiusdem temporis & modi coniunguntur,  
vel copula intercedente, vel sine copula, Interdum prius  
pro Adverbio, vel Adiectivo est: vt.*

Festinavit & dimisit Hydriam, Gen. 24.v. 18. Pro, festinanter dimisit.

Festinavit & effudit hydriam suam in canalem, ibid. v. 20. Pro, festinanter effudit.

Festinavit & venit, 1. Sam. 4.v. 14. Pro, festinanter venit aut festinus.

Festinaverunt obliti sunt, Psal. 106.v. 13. Pro, festinanter obliti sunt.

Et reuersus est Isaac & fodit puteos aquæ, Gen. 26.v. 18. Pro, rursus fodit.

Reuertar pascam, Gen. 30.v. 31. Pro, rursus pascam.

Voluit ambulauit post præceptum, Hos. 5.v. 11. Pro, Volens seu libenter ambulauit, post præceptum scilicet Iehouæ.  
*Et in Imperatiuis duobus sine copula: vt,*

Reuerte tolle tibi volumẽ, Jerem. 36.v. 28. Pro, rursus tolle tibi volumen.

*Quadam verba Imperatiui, præsertim da & veni, pro Adverbis hortandi sunt: vt,*

Da laterificemus lateres, Gen. 11.v. 3. Pro, Eia, vel agite faciamus lateres.

Da quæso ingrediar ad te, Genes. 38.v. 16. Pro, age ingrediar.

Da sapiētiores simus illo, Exod. 11.v. 10. Pro, Eia, agite.

Veni, potum demus patri nostro, Genes. 19.v. 22. Pro, age potum demus.

Nunc



## H E B R A I C I S. 151

Nunc ergo veni & mittam te, Exod. 3. v. 10. Pro, nunc ergo age mittam.

Veni consulam tibi quid facias, Leuit. 4. v. 14. Pro, age consulam.

Venite & reuertamur ad Ichouam, Hoseæ 6. v. 2. Pro, agite, seu agite dum reuertamur.

### E N A L L A G E G E N E R I S.

*Actiuum sæpè pro neutro aut passiuo est: vt,*

Propter risum faciunt panem, Eccles. 10. 19. Pro, fit panis vel fieri solet, vt sit personale pro impersonali.

### E N A L L A G E M O D I.

*I. Cùm duo verba finita coniunguntur, interdum posterius pro Infinitiuo est: vt,*

Cœpit & plārauit Noah vineā, Gen. 9. v. 20. Pro, cœpit plantare.

Incipe, posside, Deut. 2. v. 31. Pro, incipe possidere.

Vtinam voluissemus & mansissemus trans Iordanem, Iosua 7. v. 7. Pro, vtinam voluissemus manere.

Velis & benedic, 2. Sam. 7. v. 29. Pro, velis benedicere.

Si volueritis & audieritis, Esaiæ. 1. v. 18. Pro, si volueritis audire.

*Interdum cùm duo verba iunguntur ferè modi & temporis, Alterum quod indicatiui modi est, pro substantiuo est, idq; vel precedens vel sequens.*

*Precedens: vt,*

Et erit, & ego abibo à te, & Spiritus Ichouæ asportabit te, 1. Reg. 18. v. 12. Pro, cùm ego abiero à te.

*Atq; hoc interdū etiam per participium exprimi potest: vt,*

Et multiplicati sunt dies & mortua est, Gen. 38. v. 12.

Pro, cùm multiplicati essent dies, seu multiplicatis diebus mortua est.

V 2

Et



Et audiuit Rubē & eripuit eū, Gen. 27. v. 21. Pro, Cū audiuiſſet id Ruben, vel audiens id Ruben eripuit eum.

Et vidit, & ecce popul⁹ egrediebatur, Iudi. 9. v. 43. Pro, cū videret populū egrediētem, ſeu videns populū, &c.

Audiuerūt malū meū gauiſi ſūt, Threnor. 1. v. 21. Pro, cū audirent malū meū, vel audito malo meo gauiſi ſunt.

*Sequens pro Coniunctiuo eſt. vt,*

Præcipit Iofua & depoſuerunt, Iofuæ 8. v. 29. Pro, præcipit vt deponerent.

Præcipit Moſes & tranſire fecerunt vocem, Exod. 36. v. 6. Pro, præcepit vt proclamarent.

Tunc præcipiet Sacerdos, vt tollet ei qui mundatur, duos paſſeres, Leuit. 14. v. 4. Pro, præcipiet vt tollat.

*Poteſt tamen in his & ſimilibus Ellipſis eſſe. vt,*

Præcipit Iofua vt deponerent, & depoſuerunt, &c.

### IMPERATIVI PRO INDICATIVO:

#### AC PRIMVM PRO PRÆSENTI.

*Sed rari⁹: vt,*

Videte quod malum eſt coram facie veſtra, Exod. 10. v. 10. Pro, Videtis.

*Secundo pro futuro, idq; ſepi⁹: vt,*

Orabit pro te & viue, Gen. 20. v. 7. Pro, viues.

Hoc facite & viuite, Gen. 42. v. 18. Pro, & viuetis.

Declina à malo & fac bonum, & inhabita in ſeculum ſeculi, Pſal. 37. v. 27. Pro, inhabitabis in ſeculum ſeculi.

Ingrederet in petram & abſconde te in puluere, Eſa. 2. v. 10. Pro, ingredieris & abſcondes.

Tolle molas & mole farinam, Eſa. 47. v. 2. Pro tolles & moles.

Longè eſto ab oppreſſione, Eſa. 54. v. 4. Pro, aberis.

Seruete ei atq; populo eius & viuito, Ierem. 27. v. 17. Pro viuetis.

Seminate



Seminate vobis in iustitia, metite in misericordia, Hoseæ 10. v. 12. Pro, metetis

### IMPERATIVI PRO FUTURO Subiunctiui: vt,

Pone in petra nidum tuum, tamen eris in depastione, Num. 24. v. 21. Pro, si posueris. (ritis.

Irafcimini & nolite peccare, Psal. 4. v. 5. pro, si irati fueritis.  
Tange montes & fumigabunt, Psal. 144. 5. pro, si tetigeris vel cum tangis, Pro quo Psal. 104. 32. dicitur: Tangit montes & fumant.

Ecclesiast. 30. 9. Lacta filium tuum & metum tibi afferet. Lude cum eo & contristabit te, pro, si tactaueris, si luseris.

Deuorabit te tanquam bruchus, multiplica te ut bruchus, multiplica te ut locusta.

Nahum 3. v. 15. Pro, Etiam si multiplicaueris te ut bruchus, &c.

Destruite templum hoc, & post triduum ædificabo illud, Iohan. 2. v. 19. Pro, Cum vel si destruxeritis.

### ENALLAGE INFINITIUI.

*Infinitiuus Hebraeis pro omnibus ferè modis & temporibus accipitur. Sed hac Enallage haud temerè Latine exprimitur.*

### ENALLAGE TEMPORUM.

*Præteritum primum pro præsentis est: vt,*

Annunciaui hodie Deo tuo, quod ingressus sum terram, Deut. 26. v. 3. Pro, annuncio hodie.

Dixit insipiens in corde suo, non est Deus, Psal. 14. v. 1. Pro, dicit seu cogitat.

Mi Deus in te confisus sum, Psal. 35. v. 2. Pro, confido.

V 3 In



In te Domine speravi, non confundar in æternum,  
Psal. 31. v. 2. Pro, spero.

In Cathedra Moſi ſedebant Scribæ & Pharifæi, Matth.  
23. v. 2. Pro, ſedent.

Hic eſt Filius meus dilectus in quo complacui, Matth.  
3. v. 13. Pro, complaceo ſeu acquieſco.

Magnificauit anima mea Dominum, & exultauit Spi-  
ritus meus, &c. Luc. 1. v. 46. pro exultat: & ſic deinceps  
per totum ſerè Canticum.

*Interdum pro præterito pluſquamperfecto eſt, quod non ha-  
bent Hebræi, ſicut nec imperfectum: vt,*

Renunciauit Iacob ipſi Rachel, quòd frater patris ſui  
eſſet, Gen. 29. v. 12. Pro, iam antè renunciauerat. (xerat.

Dixit præterea Ichoua, Exod. 33. v. 5. pro, iam antè di-  
pugnauerunt filiæ Iudæ contra Ieruſalem, Iudic. 1. v. 8.  
Pro, iam antè pugnauerant.

*Et præteritum, præſertim in promiſſionibus & cõinationi-  
bus propheticis, ſapiſſimè pro futuro eſt, idq; ad rei futura  
certitudinem, quaſi ea iam facta eſſet: vt,*

Mortuus es propter mulierem, Gen. 20. 3. Pro, morie-  
ris, niſi eam dimiſeris.

Puer natus eſt nobis & Filius datus eſt nobis, Eſaiæ 9.  
v. 6. pro naſcetur, & dabitur.

Venit lux tua, & gloria Domini ſuper te orta eſt, Eſaiæ  
6. v. 1. Pro, Veniet & orietur.

Cecidit, cecidit Babylon, Eſaiæ 21. verſ. 9. & Apocal.  
14. v. 8. & 18. v. 2. Pro, cadet, cadet.

### DE FUTVRI ENALLAGE.

*Futuri Enallage triplex ſerè eſt, vbi ſimul etiam modi  
Enallage fit.*

1. Futurum pro præterito eſt.

Cuſto-



Custodietis sacerdotium vestrum & ministracionem  
dñi ponam sacerdotium vestrū, Num. 18.7. Pro, posui.

Veni, quæso, in alium locum, vnde videas illum. Nam  
tantum extremum eius videbis, & totum ipsum non vi-  
debis, Num. 23.13. Pro, vidisti & non vidisti.

Ascendit autē Angelus Iehouæ de Gilgal ad Bochum,  
& dixit: Educam vos ex Aegypto, Iud. 21. Pro, eduxi: se-  
quitur enim & introduxi in terram.

Cum eligit Deus nouos, Iud. 38. Pro, eligit, sequitur:  
Tunc fuit prælum in portis.

Calcabis anima mea fortiter, Iud. 5.21. Pro, calcavit  
scilicet hostes cæcos.

*I. Fuit enim in omni loco, quo perrexisti, &c.*

Et faciam tibi nomen, 2. Sam. 2.9. Pro, feci.

Et populum, qui erat in urbe eduxit, &c. & sic faciet  
omnibus urbibus Ammon. 2. Sam. 12.31. Pro, sic fecit.

*Secundo futurum indicatiui sapissime pro imperatiuo est,  
idq; maxime in praeceptis, ut in Decalogo apparet, ubi ven-  
ba ferè omnia singulorū praeceptorū futuri sunt temporis.*

Letentur omnes qui sperant in te, in seculum iubilent;  
& operies eos, Psal. 5.12. Pro operi eos.

*Tertiò, pro modo obsecrãdi & petendi, ut liceat aliquid: vt,*

Transibo terram tuam, Num. 20.7. Pro, liceat mihi  
quæso. transire. Ibo nunc in agrum & spicas colligam,  
Ruth 2.v.2. & 7. Pro, liceat mihi per te ire in agrum.

Transibo quæso, ut auferam caput eius, 2. Sam. 16.9.  
Pro, permittite ut transeam.

Ibo nunc & percutiam Ismaëlem, &c. & nemo sciет, Je-  
remia 40.v.15. Pro, liceat mihi ire & percutere.

*Tertiò, pro modo potentiali est: vt,*

Ponam semē tuū ut puluerē terræ, quia si quis poterit  
numerare puluerē terræ, etiā semen tuum numerabitur.  
Gen.



Gen. 13. v. 16. Numerabitur. Pro, numerari poterit. Vbi præcedit modum interpretum.

Multiplicabo semen tuū, & nō numerabitur præ multitudine, Gen. 16. v. 10. Pro, non poterit numerari.

Seruus nunc est in medio populi tui, qui nec supputabitur, nec numerabitur præ multitudine, 1. Reg. 3. v. 8. Pro, qui nec supputari nec numerari poterit.

Nōne meliores sunt Amaria & Parpar fluij? Annōn lauabo me in illis & mundus ero? 2. Reg. 5. 12. Pro, lauare me & mundus fieri potero?

Erit numerus filiorū Israhēl, sicut arena maris, quæ nec mensurabitur nec numerabitur, Hos. 1. 10. quæ nec mēsurari nec numerari poterit. Atq; hætenus Enallage temporis fuit.

### ENALLAGE PERSONARVM.

Frequentissima est in Oratione Prophetica personarum Enallage.

Cū autē hæc Enallage etiam ad Nomina & Pronomina se extēdat, hoc loco simul de ijs dicetur: Cū hac autem etiam substantiui pro relatiuo positi Enallage interdum coniungitur.

*Secunda persona pro prima est:* vt,

Quid proderit tibi? quid accipiam utilitatis pro expiatione mea, Iob 35. v. 2. Tibi, pro, mihi.

*Secunda pro tertia.* Edent pauperes & saturabūtur, &c.

Viuet cor vestrum in seculum, Psal. 22. v. 27. Cor vestrum, Pro, cor eorum.

Non audiet verba mea & non audiuiſtis, Ieremiæ 29. v. 19. Pro, non audiuerunt.

*Secunda singularis pro tertia plurali est:* vt,

Enarres in auribus filij, & filij filij tui, Exod. 10. 2. Pro, enar-



enarrent filij Israël & filij nepotibus suis.

*Tertia pro prima est: idq; frequenter in substantiuorū Enallage: vt,*

Erit filius Israël ad memoriam coram Iehoua, Exod. 30.v.16. Coram Iehoua, pro, coram me.

Vt doceatis statuta quę locutus est Iehoua ad eos, Leuit. 10.v.11. Pro, quę locutus sum ego.

Magnificans salutes Regis sui, Psal. 18.v.31. Pro, qui magnam salutem affert mihi Regi suo.

Os meum ipsum præcepit, & spiritus eius congregabit ea, Esaia 34.v.17. Pro, spiritus meus.

Et interficiam ipsi Iehouæ desiderium eorum, Michea, 4.v.13. Pro, mihi.

*Tertia est pro secunda: vt,*

Afferetq; Myrrham & offeret illam sacerdoti, Leuit. 2.v.9. Pro, afferes & offeres.

Quemadmodum præcepit Iehoua Moysi, Num. 27.v.11. Pro, præcepi ego tibi.

Paululum visitabit te ira eius, neq; nouit multum admodum, Iob 35.v.15. Pro, nosti.

Dentes eorum confregisti, Iehouæ est salus & super populum tuum benedictio tua, Psal. 3.v.9.

Tu illumines lucernam meam, Deus meus illuminat tenebras meas, Psal. 18.v.29. Pro, tu illuminas tenebras, &c.

Et vincula tua dirumpam, & non redigent illum in seruitutem ultra, Ieremia 30.v.8. Pro, te.

Quis Deus similis tui? &c. non retinet in æternū iram suam, Michea 7.v.18. Pro, tu non retines.

Lapis quem dedi coram Iosua, Sacharia 3.v.9. Pro, coram te.

Beata quę credidit, nā perficientur ea quę dicta sunt

X

ci à



ei à Domino, Luc. 1. v. 45. Pro, quæ credidisti, & tibi.

Dixit autem ei Iesus: Hodie salus domui huic cōtigit: eò quòd ipse quoq; filius Abrahæ est, Luc. 19. v. 9. Pro, tu ò Sachæe filius Abrahæ es.

Erit semen eius inquilinum in terra aliena, Act. 7. v. 6. Pro, semen tuum ò Abraham.

Vt consolationem accipiant eorum corda, ad Colof. 2. v. 2. Pro, corda vestra. Quamuis & hoc rectū esse possit. Atq; hæcenus de verbo eius q; Phrasibus.

## DE PHRASIBVS PARTI- cipiorum.

### ENALLAGE.

I. Participia nōnunquam pro nominibus vsurpantur, sicut & apud Latinos: vt,

Odio habens omnes operantes iniquitatem, Psal. 5. v. 6. Pro, operarios iniquitatis.

Ad videndum num esset intelligens, Psal. 14. v. 2. Pro, studiosus auditor doctrinæ cœlestis.

Argentum electum lingua iusti, Prouerb. 10. v. 20. id est, eximium seu præstans argentum.

Petrus erat condemnatus, ad Gal. 2. Pro, condemnabilis, seu reprehensione dignus.

II. Enallage Participij pro Verbo frequens est, & cum hac temporis presentis pro præterito aut futuro Enallage sapissime cōiungitur: quare utraq; simul dicēda est. Cum enim Verbo presentis temporis careant Hebraei, pro eo ferè, Participio, quòd præsens tēpus continet, vtantur: sed interpretes id interdū per Verbum, interdum per Participiū reddunt.

Præsens igitur primò pro præterito est: vt,

Qui ascendere facio vos ex terra Aegypti, Leuit. 11. v. 45. Pro, feci ascendere.

Oculi.



Oculi vestri videntes sunt, quæ fecit Iehoua, Deut. 4. v. 3. Pro, viderunt.

Vos autem adherentes Iehouæ, Deut. 4. v. 3. Pro, adhesistis.

*Præsens pro futuro est: vt,*

Ecce ego adduco diluuium aquarum, Gen. 6. v. 14. Pro, adducturus sum.

Ecce ego percutio, Exod. 8. v. 2. Pro, percutiam ego pluo, Exod. 16. v. 3. Pro, pluam.

Venio ad te, Exod. 19. v. 9. Pro, venturus sum.

Ecce ego mitto angelum coram te, Exod. 23. v. 20. Pro mittam.

Discedo ad populum meum, Num. 24. v. 14. Pro, discedam.

Ad terram, quam ego do illis, Iosue 1. v. 2. Pro, quam daturus sum.

Abeo per viam vniuersæ terræ, 1. Reg. 2. v. 21. Pro, breui abiturus sum.

Adduco super te malum, 1. Reg. 21. v. 21. Pro, adducam.

*Et cum participium participio redditur: vt,*

Ego non dans, Exod. 5. v. 10. Pro, non daturus sum: & vos transeuntes per terminum, Deut. 2. v. 4. Pro, transitori estis.

Sed filius egrediens de lumbis tuis, 1. Reg. 8. v. 19. Pro, qui egressurus est. Atque hæc pro ratione temporis, de participijs sufficiant.

## DE PHRASIBVS AD uerbiorum.

### ELLIPSIS PRIMA.

*Aduerbium similitudinis sæpius desideratur: vt,*

Vos ipsi vidistis quomodo portaucrim vos super alas aquilarum, Exod. 19. v. 4. Pro, quasi super alas.

X 2 Dentes



Dentes eius dentes Leonis, Ioël. 1.v.6. Pro, quasi dentes Leonis sunt.

*In plenis autem similitudinibus interdum accommodationis tantum particula desideratur: vt,*

Fiat voluntas tua sicut in cœlo, etiam in terra, Matth. 6.v.10. sic etiam fiat in terra.

*Interdum utraq; particula & ὡς ἔσται & ὡς ἔστιν, desideratur: vt,*

Spina ascendit in manu Ebrij: Parabola in ore stultorum est, Prouerb. 26.v.9. Pro, sicut spina ascendit in manu ebrij, sic parabola in ore stulti.

Perdix colligit quæ non peperit, qui facit diuitias & non in iudicio, Jeremiæ 1.v.11. Pro, sicut perdix colligit oua quæ non peperit, sic qui facit diuit. &c.

Solium gloriæ altitudinis ab initio, locus sanctificationis nostræ, Jeremiæ 17.v.12. Pro, sicut solium seu cœlum æternum est: sic locus sanctificationis nostræ: id est, templum nostrum perpetuum erit.

#### SECUNDA ELLIPSIS.

*In membris antithesis post negationem sæpè desideratur particula relatiua, vel solum & etiam, vel tam & quam.*

Vnde negatio sæpè non tam remouet quàm corrigit, vt ait Erasmus in Com. Mar. 9.

*Et ex oratione simplici sæpè fit comparatiua: vt,*

Non amplius vocaberis Iacob, sed Israël, Gen. 32.28. Non vocaberis scilicet solum.

Non te sperauerunt, sed me, ne regnem super eos, 1. Sam. 87. Non te, scilicet solum.

In vijs earum non ambulasti, sed corrupta præ illis in omnibus vijs tuis, Ezechiel. 16.v.47. Pro, non solum ambulasti, &c.

Qui



Qui me excipit, non me excipit, sed eum qui me misit, Marc. 9. v. 37. Id est, vel non solum me, sed etiam eum: nō tam me quā eum qui misit me, &c.

Cū facis conuiuium ne vocato Amicos aut cognatos, sed pauperes & agrotos, Luc. 14. v. 12. Pro, non tām Amicos quā pauperes: vel, non solū amicos, sed etiam pauperes.

Non quæro voluntatem meam, sed voluntatem eius qui misit me, Patris, Iohan. 5. v. 30. Pro, non tām meam quā Patris.

Descendi è cœlo ut faciam non voluntatem meam, sed voluntatem eius qui misit me, Iohan. 6. v. 38.

Qui credit in me, non credit in me, sed in eum qui misit me, Iohan. 12. v. 44. Pro, non tām credit in me, quā in eum, &c. vel, non solum in me credit, sed etiam, &c.

Mea doctrina nō est mea, sed eius, qui misit me, Iohan. 7. v. 16.

Non est igitur volentis neq; currentis, sed miserentis Dei, Rom. 9. 16. Sic enim Nazianzenus hunc etiam locū interpretatur.

## TERTIA ELLIPSIS.

*Particula interrogatiua, exhortatiua, & negatiua in primo sententiæ membro posita, in reliquis interdum desiderantur, & ex primo repetenda sunt: vt,*

Quare fremuerunt gentes? & populi meditantur inania, Psal. 2. v. 1. Pro, & quare populi me, &c.

Domine quā multiplicati sunt hostes mei, multi insurgunt aduersum me, multi dicunt Animæ meæ, Psal. 3. v. 1. Pro, quā multi insurgūt & quā multi dicunt, &c.

Vsquequo gloriam meam vertetis in ignominiam? diligetis vanitatem? quæretis mendacium? Psal. 4. v. Pro, vsquequò quæritis, & vsquequò diligetis?

X 3

Negatiua.



*Negative.* vt, non iurabis in nomine meo mendaciter, & pollues nomen Dei tui, Leuit. 19. v. 12. Pro, & non pollues, &c.

Nō in seculum obliuioni erit pauper: expectatio pauperum peribit in seculum, Psal. 9. v. 19. Pro, non peribit.

Comedere mel multum nō est bonum, sic inuestigatio gloriæ eorum, gloria, Prouerb. 25. vers. 7. Pro, non est gloria.

Non enim sepulcrum Cōfitebitur tibi, mors laudabit te, Esa. 38. v. 18. Pro, mors non laudabit te.

Quæ non relinquet eis radicem & ramum, Malac. 4. v. 1. Pro, & non ramum.

### PLEONASMVS.

*I. Geminatōnes in aduerbijs, vel emphasin seu assenerationem vel distributionem significant.*

*Emphasin.* vt, Amen Amen dico vobis, Ioan. 1. v. 51. Pro, Certissimè dico seu affirmo.

*Distributionem.* vt, seruet lingua sacerdos manè manè, Leuit. 6. v. 12. Pro, quolibet tempore matutino.

*II. Similitudinis particula interdū pleonasticōs usurpatur veletiam vim asserendi habet.* vt,

In tabulis erat, sicut omnia verba quæ dixerat Ichoua, Deut. 9. v. 10. Pro, Erant omnia verba.

Non dixisset nobis secundum hæc, Iudic. 13. vers. 23 Pro, hæc.

Erat sudor eius quasi guttæ sanguinis, Luc. 24. v. 44. Pro, Erat reuera guttæ sanguinis.

Vidimus gloriā eius quasi vnigeniti à Patre, Iohan. 1. v. 14. Pro, reipsa vnigeniti.

Quia nō ex fide, sed tãquam ex operibus Legis, Rom. 9. v. 32. Id est, sed ex operibus.

Transfor-



Transformamur in eandem imaginē, tanquam à Domini spiritu, 2. Corinth. 3. v. 18. Pro, transformamur ab ipso Domini spiritu.

III. *Adverbium ibi, quod est quasi loci relatiuum interdū redundat: vt ad locum in quo habitabo ibi. Exod. 43. v. 7. Pro, in quo habitabo.*

Sunt domus coquentiū in quibus coquent ibi. Ezech. 46. v. 24. Pro, in quibus coquent.

ENALLAGE.

*Adverbium nomini substantiuo subiectum interdum est pro nomine adiectiuo: vt, Holocaustum semper, Num. 28. v. 6. Pro, iuge seu perpetuum.*

Maledictio gratis, Prouer. 26. v. 2. Pro, quæ immeritò infligitur.

PHRASES PRÆPOSITIONVM.

ELLIPSIS.

*Præpositio ante nomina materia interdum desideratur: vt, Fecit Candelabrum auro. Exod. 27. v. 17. Pro, ex auro.*

PLEONASMVS.

*Hebrei addunt nominibus substantiuis Cause, instrumenti, modi & præpositiōem In, quæ cōsuetudine Latina reducere videtur, & interdum omittitur, interdum per alias præpositiones aut aliter redditur.*

*Cause: vt, in Deo faciemus virtutem, Psal. 6. v. 14. Pro, Deo Autore, eo quæ favente & protegente nos.*

*In te contriui exercitum, & in Deo meo trāsiliam murum, Psal. 17. v. 30. Pro tua opera adiutus.*

*Fatigatus in gemitu meo, Psal. 6. v. 7. Pro, gemitu, seu ob gemitum.*

Ve



Vt Anima eorū in malo liquefiat, Pſal. 107. v. 26. Pro, malo vel ob malum.

Ne percat in omnibus peccatis eorum, Num. 16. v. 26. Pro, propter peccata eorum.

*Instrumenti*: vt, Occidit eos in ore gladii, Exo. 17. v. 13. Pro, ore seu acre gladii, seu gladio.

Qui percussit aliquem in lapide seu pugno, Exod. 21. v. 18. Pro, lapide aut pugno.

Reges eos in ſceptro ferreo, Pſal. 2. v. 9. Pro, ſceptro ferreo.

Sacerdotes eorum cadebant in gladio, Pſal. 78. v. 64. Pro, gladio.

Fecit potentiam in brachio ſuo, Luc. 1. verſ. 51. Pro, brachio ſuo.

Si ſal infatuatum fuerit, in quo ſalietur? Matth. 5. v. 13. Pro, quo, seu qua re ſalietur.

*Precii*: vt, Quam emit Iacob in centū agnis seu numis, Ioſuæ 24. v. 32. Pro, centum agnis.

Aquam noſtrā in pecunia bibimus, Thren. 5. v. 4. Pro, pecunia redempta seu per comparatam bibimus.

*Modi*: vt, Coletis eū in integritate & veritate, Ioſ. 24. v. 14. Pro, cum integritate & veritate.

Inclinabo me ad templum ſanctum tuum in timore tui, Pſal. 5. v. 8. Pro, cum timore tui.

*Secundo* | pro & Hebraico ante accuſatum nominis ſubſtantiu aliter etiam redundat: vt,

Eris in patrem gentium, Genef. 17. v. 4. Pro, eris Pater multarum gentium.

Habituſ vobiscum & erimus in populum vnum, Genef. 34. v. 16. Pro, erimus populus vnus.

Ego ero ei in Patrem, & ipſe erit in Filiū, 2. Sam. 7. v. 14. Pro, ero ei Pater, & ipſe erit mihi Filius.

*Tertius*



*Tertius. Propositio eadem in Exegeti præsertim, sæpè pleonastice iteratur: vt,*

Vim fecerunt in virum in Loth, Gen. 19. v. 9. Pro, in virum Lothum.

Non erit heres filius ancillæ cum filio meo cū Isaach, Gen. 21. v. 10. Pro, cum filio meo Isaach.

Erue me de manu fratris mei, de manu Esau, Gen. 32. v. 11. Pro, de manu fratris mei Esau.

Vbi etiam manus repetitum redundat vt vngerem te regem super populum suum super Israël, 1. Sam. 15. v. 1. Pro, super populum suum Israël.

Qui fecistis misericordiam cum domino vestro, &c. Saule, 2. Sam. 2. v. 5. Pro, cum domino vestro Saule.

ENALLAGE.

*I. Propositio In & accusatiuus substantiui sæpè pro adiectiuo est.*

Erit germen Iehouæ in magnificentiam & gloriam, Esaia 4. v. 2. Pro, erit magnificum & gloriosum. Vide supra substantiui Enallage.

*II. In cum accusatiuo pro adiectiuo commodo est: vt, omnis locus erit in veprem & in spinam, Esa. 7. v. 23. Pro, plenus seu obsitus vepribus & spinis.*

*III. Interdum pro quasi est, aut alio adverbio similitudinis aut etiam adiectiuo similis: vt,*

Erit fortis eius in stupam, & Autor eius in scintillam, & comburētur ambo simul, Esa. 1. v. 31. Pro, quasi stupa, vel similis stupæ, seu scintillæ.

*IIII. Propositio In, & ablatiuus substantiui sæpè est pro adverbio: vt,*

Ille indicat orbem in iustitia, & iudicat populum in rectitudine, Psa. 9. v. 9. Pro, iustè & rectè. Vide supra Enallage.

Y

lage



lage substantiui pro abuerbio. Et in pleonasmo *In* cum substantiuis modi.

*V. Ad pro In, & contra est, Ad pro In, seu & pro q̃, seu la- med vel el vel al pro Bath: vt,*

Gen. 49. 29. Sepelire me ad speluncā, quæ est in agro Ephron Sittari, Pro, In spelunca.

Matth. 23. Habitauit ad urbem quæ dicitur Nazareth. Pro, in vrbe.

Marc. 1. 9. Baptizatus est à Iohanne ad Iordanem. Pro, in Iordane.

Et 2. 1. Auditum est, quòd ad domum esset. Pro, in dō- mo seu domi.

Luc. 8. 48. Vade ad pacem. Pro, in pace. In pro ad.

Matth. 16. 28. Dum viderint Filium hominis venien- tem in regno suo. Pro, ad regnum suum, vel in regnum.

Luc. 1. 17. Vt conuertat corda patrum ad filios, & re- belles in prudentia iustorum. Pro, ad prudentiam.

Ephes. 4. 24. Qui secundum Deum conditus est in iu- stitia & sanctimonia vera. Pro, ad iustitiam, &c.

*VI. Ante seu coram interdum pro contra est.*

Non est sapientia, non est prudentia, non est cōsiliū coram Domino. Prouerb. 21. v. 30. Pro, cōtra Dominū. Atque hactenus phrasēs Præpositionum.

### CONIUNCTIONVM PHRASES.

#### ENITORS.

*Coniunctio etiam sepe omittitur.*

*I. Copulatiua:* vt, sicut ros Hermon qui descēdit in mō- tem Sion, Psal. 133. v. 3. Pro & qui descendit, &c.

*II. Disiunctiua:* vt, duo, tria grana in summitate rami, quatuor, quinque in cacuminibus, Esa 17. v. 6. Pro, duo vel tria, quatuor aut quinque.

*III. Aduersatiua, Sed vel at: vt,*

Nouit



Nouit bos possessorē suum, Israël nō cognouit, Esa. 1.  
v. 2. Pro, sed Israël.

IIII. *Aduersatiua tamen*: vt, paruus sum ego & cōtem-  
ptus, testimoniorum tuorum nō sum oblitus, Psal. 119.  
litera Pro, Tamen testimonium tuorum, &c.

PLEONASMV S.

I. *Geminatio coniunctionum interdū fit ad vehementiā*: vt,  
Propterea propterea quod errare fecerunt populum,  
Ezech. 13. v. 9. Pro, propterea.

II. *Copulatiua Et specialiter interdum redundat*: vt,  
Nisi reduxero & peccabo tibi, Genes. 47. v. 9. Pro, Nisi  
reduxero peccabo seu obnoxius tibi ero.

Respondit Moses & dixit: & Ecce non credent, Exod.  
4. v. 1. Pro, non credent.

Videntes quod rem foedam fecissent Dauidi & mise-  
runt, 2. Sam. 10. v. 6. Pro, miserunt.

III. *Quod vel quoniam interdum, praesertim post verbum  
dicendi vel loquendi redundat*: vt,

Tu dixisti domine mi Rex, quod Solomon filius tuus  
regnabit post me, 1. Reg. 1. vers. 13. Pro, dixisti Solomon  
regnabit.

Venit ad eum leprosus dicēs: Quod si velis potes me  
mundare, Marc. 1. v. 40. Pro, si velis potes.

Et dixit, Quoniā nō sum Christus, Iohan. 1. v. 20. Pro,  
non sum Christus.

ENALLAGE.

*Coniunctio Et interdum pro Relatiuo est*: vt, cœpiloqui, &  
ego puluis & cinis sum, Gen. 18. v. 27. Pro, q puluis sum.

Et concubina eius, & nomen eius erat, &c. Gen. 22. v.  
24. Pro, cuius nomen erat.

Nō faciet pater meus rem vllam, & nō indicabit mihi,  
1. Sam. 20. v. 2. Pro, quam.

Y 2 Sicut



Sicut luna, stabilietur thronus eius & testis in cœlo fidelis, Psal. 28. v. 3. 8. Pro, quæ testis est.

Deus est Iehoua & illuxit nobis, Psal. 118. v. 27. Pro, qui illuxit

Ecce dies venient, & auferetur quicquid est in domo tua, Esa. 39. v. 6. Pro, quibus auferetur.

Ecce arbor in medio terræ: & altitudo eius magna, Dan. 4. v. 7. Pro, cuius altitudo, &c.

*II. Coniunctio Si in iuramentis præsertim Dei, interdum, pro non est: vt,*

Nunc ergo iura mihi per Deum, si mentieris mihi & filio meo, &c. Gen. 21. v. 23. Pro, quod non mentiaris.

Sit iuramentum inter nos, si facias nobis malū, Gen. 6. vers. 26. Pro, quod non facias.

Iurauit Iehoua, si videbunt terrā Promissā, Num. 24. v. 23. Et Deut. 1. v. 34. Pro, non videbunt.

Iuravi in furore meo, si intrabunt in requiem meam, Psal. 25. v. 11, Pro, non intrabunt.

*Interdū Si magis confirmat quàm dubitat. Prisc. pag. 652.*

Aeneid. 2. dii, si qua est cœlo pietas, &c.

*III. Particula causalis Quia, interdum pro rationali seu conclusiua ideo aut igitur usurpatur: vt,*

Non audiuerunt vocem patris sui, quia voluit eos Iehoua occidere, 1. Reg. 2. v. 25. Pro, ideo quæ.

Credidi quia locutus sum, Psal. 116. vers. 10. Pro, ideo loquutus..

Remissa sunt ei peccata multa, quoniā dilexit multū, Luc. 7. v. 47. Pro, ideo quæ dilexit.

*IIII. Coniunctio, Vt pro multis aduerbijs et plerisq; alijs conjunctionibus apud Hebræos usurpatur, cuius rei exempla ex libro Phrasin Hebraicarū Roberti Stephani repetantur.*

D E



HEBRAICIS. 169  
DE VOCVM SONIVNCTARVM  
SEV MEMBRI ORATIONIS  
Phrasi aut Syntaxi.

**H**Astenus vocum singularum seu partiũ orationis  
Phrasis & Syntaxis fuit: Nunc de pluriũ vocum seu  
membri seu sententiæ Phrasibus dicendum est.

ELLIPSIS MEMBRI SEV  
sententiæ.

*In oratione interdum plura verba aut membrum integrum  
desideratur. Quod ἀναπόδος vel ἀναρταπόδοτος ἀgram-  
maticis dicitur: vt,*

Ne fortè mittat manum suam, & sumat de arbore vi-  
tæ, &c. Gen. 3. v. 23. subaudi, eijciemus eum ex paradiso.

Verũ si tu, quæso audias me, Genes. 23. v. 13. subau-  
di, si tu mihi gratificari vis, aut agrum mihi daturus es,  
aut facturus quod dicis, aut aliquid simile.

Si sic, vt quid ego? Genes. 25. v. 22. Pro, si sic futurum  
est, quid proderit concepisse.

Ne filiæ meæ, Ruth 1. v. 13. subaudi, sitis mihi molestæ.

Quis renunciabit mihi, 1. Samuel. 20. v. 10. Pro, si tibi  
benignè responderit pater.

Cogitarunt cogitationem, non potuerunt, Psalm. 21.  
v. 12. Pro, quam non potuerunt perficere.

Euge euge, vidit oculus noster, Psalm. 35. v. 21. subau-  
di, quæ optauimus videre.

Vidisti Iehoua, ne taceas, Psalm. eodem, v. 22. subau-  
di, iniurias quibus me afficiunt hostes mei.

Si quidem fructum fecerit, si autem non, postea eam  
excindes, Luc. 13. 9. subaudi, ad prius membrum, benè  
est vel non excindes eam.

Y 3. Nempe:



Nempe si tu nosces vel hoc scire dic, quæ ad pacem tuam pertinet, Luc. 19. 42. subaudi, Magnoperè gaude- rem vel non flectem, vel tu aliter te gereres, vel fœlix es- ses, aut aliquid simile.

*Ellipsis peculiaris est in Apostopæsi seu reticentia quæ fit specialiter.*

I. *In Promissionibus:* vt, si benedicendo benedixeris mi- hi, 1. Paralip. 4. v. 10. subaudi, faciam talia vel talia, vel hoc aut illo modo gratus ero.

II. *In Comminationibus:* vt, si afflixeris pupillum, Exo. 22. v. 23. subaudi, te rursus affligā, aut vicissim puniam.

III. *In Iuramentis, idq̃ frequentius.* Hic enim pœnæ im- precatio plerunq; omitti solet: Si accepero ex omnibus quæ tua sunt, Genes. 14. v. 23. subaudi, perdat me Deus: vel hoc faciat mihi Deus: & hoc addat, vt integra oratio expressa est, 1. Samuel. 14. v. 44. & alibi.

Si non posui & filere feci animam meam, vt ablecta- tus apud matrem suam, Psalm. 131. v. 2. subaudi, hæc fa- ciat mihi Deus, vel nunquam Deus mihi adsit, aut ali- quid simile.

Sit Iehoua inter nos testis veritatis & fidei, si nō iuxta omne verbum tuum sic faciamus, Ierem. 42. v. 5. subau- di, perdat nos Deus, aut pereamus, aut aliquid simile.

### PLEONASMVS.

*Repetitio verborum & sententiarum in Sacris literis fre- quentissima est.*

*Interdum autem eadem verba repetuntur ad distributionē significandam: vt,*

Atrium in angulo atrij erat: atrium in angulo atrij e- rat: atrium in angulo atrij erat, Ezech. 46. v. 21. Pro, sin- gula atria parua erant, in singulis angulis atrij magni.

*Interdum*



*Interdum eadem aut penè eadē ad Emphasin repetuntur: vt,*  
Fecerunt Israël quemadmodum præceperat Moyses &  
Aaron, sic fecerunt, Exod. 12. vers. 50.

Filij Israël comederūt Man quadraginta annis donec  
ingrederētur terram Liberationis. Man comederunt dō  
nec venerūt ad terminos terræ Chanaan, Exod. 16. v. 35.

Vir qui adulterium commiserit cum vxore alterius:  
vir qui adulterium commiserit cum vxore proximi sui,  
morte moriatur cum adultera, Leuit. 20. v. 10.

Nisi Iehoua fuisset nobiscum, dicat nunc Israël: Nisi Ie-  
houa fuisset nobiscum, Psalm. 114. v. 1. & 2.

Propinquus est Iehoua omnibus inuocantibus eum:  
omnibus inuocantibus eum in veritate, Psal. 145. v. 18.  
& Psalm. 136. Ad singulos ferè versūs repetitur clausu-  
la, quoniam in secula misericordia eius.

*Interdum autem eadem sententia, sed verbis diuersis repe-  
titur, idq; vel synonymis vel oppositis negatis.*

*Synonymis:* vt, mensis iste vobis caput mensium erit:  
primus ipse sit vobis mensium anni, Exod. 12. v. 2.

Si audiendo audieris vocem Dei tui: & quod rectum  
est in oculis eius feceris: & auscultaueris præceptis eius:  
& custodieris omnia statuta eius, &c. Exod. 15. v. 26.

Post Iehouam Deum vestrum ambulabitis, & illum  
timebitis, ac præcepta eius custodietis, vociq; eius obe-  
dietis: atq; illum coletis, illiq; adhærebitis, Deut. 13. v. 4.

Eloquia mea auribus percipe Iehoua, intellige ser-  
monē meū, attēde voci clamoris mei, & Psal. 5. v. 1. & 2.

Audiuit Iehoua vocē fletus mei, audiuit Iehoua pre-  
cationem meam: Iehoua orationem meā suscepit, Psal.  
6. v. 9. & 10.

Conuertetur peruersitas eius in caput eius, & in ver-  
ticem eius iniquitas eius descendit, Psal. 7. v. 17.

Non



Non crediderunt in Deum, & non sperarunt in salute eius, Psalm. 78. v. 22. Afferte Domino fameliæ populorum: afferte Domino gloriam & potentiam: afferte Domino gloriam nominis eius, Psalm. 26. v. 7. & 8.

Secundum multitudinem fructus sui multiplicarunt altaria, secundum bonitatem terræ suæ cumularunt statuas, Hoseæ 10. v. 1.

*Oppositis negatis*: vt, Emitte nobis frumentum, vt viuiamus, & non moriamur, Genes. 42. v. 2.

Morieris tu & non viues, 4. Reg. 20. v. 1. Peccatum suū indicarunt & non absconderunt, Esaia 3. v. 9.

Male dicta sit dies in qua natus sum, & dies in qua perit me mater mea non sit benedicta, Ieremiæ 20. v. 19.

Omnia per ipsum facta sunt, & sine ipso factum est nihil, Iohan. 1. v. 3.

Confessus est & non negauit, Iohan. 1. v. 20.

*Interdum eadem sententia nūc figurata oratione nunc propria repetitur, quod in Psalmis & Prophetis est frequentissimum.*

Ecce parturit vanitatem & cōcepit laborem & pariet mendacium.

Foueam effodit & excauauit eā, & incidet in foueam quam fecit: Reuertitur labor eius in caput eius & in verticem eius iniquitas eius descendet: vbi priora figurata sunt, posteriora propria.

Cum Ephraim inter fratres creuerit, veniet orientalis ventus Ichouæ, è deserto ascendens, & siccabit venam eius, succabiturq; fons eius: ipse deripiet Thesaurum omnium vasorum preciosorū. Desolabitur Samaria, quia rebellauit in Deum suū, gladio cadēt ciues eius, paruuli eius allidentur, & grauidę eius discindētur, Hoseæ 13. v. 15. & 16. vbi primū figurata, postea propria oratio est.

ENAL



*Enallage membri est cum membrum orationis parum cum membro precedente convenit: Et ex accedentium presertim Numeri, generis, persona Enallage oritur. Estque frequentior in scriptis Prophetis quam Apostolicis. Atque hac in genere ἐνωκόλητος vocari potest.*

*Numeri autem mutatio seu Enallage hic fit, cum propter aliam, tum quod Propheta, de populo, alias ut uno corpore aut homine, alias ut multis membris aut hominibus loquantur, alias de multis eiusdem generis: ut,*

*Eritque Ephraim veluti columba stolidus, & excors Aegyptios inuocabunt & in Assyriam abibunt, Hosea 7. v. 10. & 12.*

*Repulit a se Israel bonum, itaque inimicus persequetur eum. Ipsi regnare fecerunt, & non ex me: principes crearunt & non novi, Hosea 8. v. 3. & 4. Cum loquitur Ephraim tremor est, &c.*

*Nunc vero amplius peccant, & faciunt sibi confutia, cap. 13. v. 1. & 2.*

*Saluabitur mulier, si manserint in fide & charitate, 1. Tim. 2. 15. Pro, manserit puer, & dabit ei vitam: peccantibus dico non ad mortem, 1. Ioh. 5. 16. Pro, peccanti.*

*Generis mutatio fit, cum alijs de causis, tum quod Propheta populum, nunc ut virum, nunc ut feminam, seu regionem seu urbem considerent & compellent: ut, Hosea, cap. 2. v. 22. hac exaudient ipsum Israel. & v. 23. Seminabo eam mihi in terra, &c.*

*Interdum & numeri & generis mutatio concurrit: ut, Hosea 2. v. 14. Propterea deducam eam in desertum. Et 18. Et percussio eis foedus in die illa cum bestiis agri, &c. Vbi eam singulare foemininum est, eis autem plurale masculinum.*

*Personarum mutatio creberrima est. Nunc enim Prophe-*

Z tæ,



ta, nunc Deus, nunc populus Dei, nunc hostes populi loquentes introducuntur, & horum singuli nunc de sese, nunc ad alias, nunc de alijs loquuntur: vnde oratio frequenter *μιμνδική* est, & perpetuus quasi *διαλογισμός*. Sic exempli causa, Psal. 2. persona minimū septies mutatur.

*Primum* enim v. 1. & 2. querela Dauidis est, de cōsilijs & studijs hostium de Ecclesia in tertia persona.

1. Cur congregant se summatim gēres, & populi meditantur inane.

2. Astant Reges terræ, & principes cōsiliū capiunt pariter, aduersus Iehouam, & aduersus Christum eius.

*Deinde* v. 3. Hostes ecclesiæ loquuntur de se quidem in prima persona, de pijs autem in tertia.

3. Dirumpamus vincula eorū, & proijciamus à nobis funes eorum.

*Tertiò*. Rursum narratio est in tertia persona, qua Dei potentia & præsētia hostibus Ecclesiæ opponitur.

4. Habitans in cœlis ridebit, Iehouē subsannabit eos.

5. Loquet̃ ad eos in furore suo & in ira sua terrebit eos.

*Quartò*. Rursum Iehoua in prima persona loquitur.

6. Ego autem constitui regem meum super Sion mōtem sanctum meum.

*Quintò*. Oratio tribuitur Filio Dei, qui de se in prima persona loquitur.

7. Narrabo decretum quod Iehoua dixit ad me.

*Sextò*. Oratio rursum Patris est, ad Filium in secūda persona: Filius meus es tu, ego hodie genui te.

8. Postula à me, & dabo gentes hæreditatem tuam, & possessionem tuam terminos terræ, &c.

*Septimò*. Ipse Dauid rursum loquitur & admonet hostes Ecclesiæ vt resipiscant, eamq; oppugnare desinant: idq; per apostrophē ad eos in secunda persona.

9. Itaq;

9. Itaq;  
terræ.

10. Se

11. Ol

Simile

Hoseæ est

mis exem

Postremū

concur

Hæc de

tenti


adde

Sac

S

IN

D.



na Christi



9. Itaq; reges prudenter agite, & crudimini Iudices terræ.

10. Seruite Iehouæ cū timore, & exultate cū tremore.

11. Osculamini Filiū, ne fortē irascatur, & pereatis, &c.

Simile ferē exemplum, minus tamen varium cap. 14. Hoseæ est. Et eiusmodi multa passim in Prophetis & Psal-  
mis exempla occurrunt.

*Postremò & numeri & generis & personæ Enallage non rarò  
concurrit: cuius rei existit, ipsa lectio suppeditabit.*

Hæc de Phrasibus Hebræis in verbis singulis & sen-  
tentia membris integris. Plura exempla Lector  
addet: nobis satis erat auditoribus viā mōstrasse.

T R O P I

Sacræ Scripturæ illu-  
STRIBVS EXEMPLIS  
illustrati:

ET  
IN ACADEMIA HAFNIEN-  
si publicè propositi:

A  
D. IACOBO MATTHIÆ,  
fœlicis memoriæ.



**R**ETORICA est ars benè dicendi: cuius  
partes propriè duæ sunt, Elocutio & Pro-  
nūciatio. Elocutio est orationis exornatio.  
Hac minimè carēt Sacrę literę: vnde Augu-  
stinus nō dubitat scribere libro 4. de Doctri-  
na Christiana, cap. 6. hoc modo: Possē, inquit, si vaca-  
ret,



ret, omnes virtutes & ornamenta eloquentiæ in Sacris literis ostendere. Elocutio est Tropus aut figura. Tropus est Elocutio, qua verbum à nativā significatione in aliā immutatur. Hic etiam in lingua sancta & Scriptura sacra admodum frequens est. Augustinus de doctrina Christiana, li. 3. ca. 29. Sciunt, inquit, literati modis omnibus locutionis, quos Grammatici *τρόπος* appellant; autores nostros vltos fuisse, & multiplicius & copiosius, quam possunt existimare vel credere, qui id nesciunt.

Et paulò post: Troporū non solum exempla, sed quorundam etiam nomina in diuinis libris leguntur, vt Allegoria, Aenigma & Parabola. Quare cognitio doctrinæ de Tropis ad Scripturam intelligendā est prorsus necessaria: vnde & Christus Matth. 16. v. 11. reprehendit discipulos suos, qui troporum usum in sermone non intellexerant. Quomodo, inquit, non intellexistis quod non dixerim vobis de pane: cū iuberem, vt caueatis à fermento Phariseorum & Saduceorum: Christus enim, ut sequitur, non de pane, sed de doctrina Phariseorum locutus est.

### DE HYPERBOLE, CATA- chresi & Allegoria.

**T**ropus si audacior fuerit, Hyperbole appellari potest, Latine Superlatio, quæ etiā in Sacris literis nō est infrequens. Quod si durior fuerit, vel inæqualior Catachresis seu abusus dici potest: Grammaticis *ἀνιστολογία*, quæ etiam in lingua Hebræa frequens est, præsertim si cū linguæ Latinæ consuetudine cōferatur. Cuiusmodi sunt: videre vocē, itē fœtere fecistis odorē nostrū in oculis Pharaonis. Item oculi omnium in te sperant: Excir-



Excindere mustum ex ore hominis, debilitari oleum:  
Exarescere gaudium à filiis hominum. Cùm autem tro-  
pi continuantur, & plures ordine coniunguntur *anagora*  
*ela* seu inuersio nominari potest.

## DE METONYMIA CAUSÆ.

**T**Roporum genera duo sunt, primum est in Metony-  
mia & Ironia. Metonymia est tropus causæ ad effe-  
ctum, subiecti ad adiunctum: vel cōtrā. Metonymia  
causæ, est efficientis aut materiæ.

Efficiētis vt cùm persona efficiēs pro re effecta est. Sic  
Christ⁹ interdū pro doctrina & beneficijs Christi vsurpa-  
ri videtur, vt ad Gal. 3. v. 27. Quotquot in Christo bap-  
tizati estis, Christū induxistis: pro, beneficiorū Christi par-  
ticipes facti estis. Ad Philip. 3. v. 7. Quæ mihi erant licta,  
ea duxi propter Christū damna esse, v. 8. Quinetiam cer-  
tè duco omnia damna esse propter eminētem cognitio-  
nem Christi, propter quem me omnibus istis multari  
volo: eaq; duco pro stercorebus, vt Christum lucrificā,  
v. 9. Et comperio in Christo non habēs meam iusticiā,  
quæ est ex lege, sed eam, quæ per fidem est Christi: id est,  
iusticiā, quæ est ex Deo per fidem. Vbi tropi interpre-  
tatio esse videtur in eminentia cognitionis Christi, & in  
iusticia per Christi fidem.

*Spiritus autem sepius pro donis spiritus est.*

Num. 11. v. 17. Et abstulit Ichoua de spiritu, qui erat in  
Mose, & dedit 70. viris.

Daniel. 5. v. 12. Spiritus amplior & prudentiā, intelli-  
gentiaque inuenta sunt in Daniele.

Luc. 1. v. 17. Ipse præcedet eum cum spiritu & virtute.

Eliæ. 1. Cor. 14. v. 12. Quoniā ambitis Spiritus, quæ-  
rite, ut excellatis ad ædificationem Ecclesiæ.

Z 3

Et



Et v. 32. Spiritus Prophetarū Prophetis subiecti sunt: id est, doctrina seu interpretatio, seu sententia vnius doctoris, alterius iudicio subiecta erit.

1. Iohan. 4. v. 1. Ne cuiusvis Spiritui credite: sed probare an Spiritus à Deo sit.

*Et specialiter Spiritus est pro donis, quibus Euangelij prædicatione, & fides credentium olim obsignabantur, ut erant lingue, Prophetie, Miracula, Sanationes: idque maximè cum Epitheton Sanctus additur.*

Iohan. 7. vers. 3. Nondum erat Spiritus Sanctus: Quia Christus nondum erat glorificatus.

Act. 8. vers. 15. Preces pro ijs faciebant, ut acciperent Spiritum Sanctum.

Et cap. 19. v. 1. Cum Paulus Ephesum venisset, dixit ijs: Num Spiritū Sanctum accepistis, postquam credidistis? At illi dixerunt: Imò ne hoc quidem scimus, an sit Spiritus Sanctus.

Et v. 6. Cum autem Paulus imposuisset ipsis manus, venit super eos Spiritus Sanctus, & loquebātur linguis & prophetabant, vbi in postremis verbis: *loqui linguis & prophetare*, tropi interpretatio est.

*Et Pater pro filiis est: Sic Israël pro filiis Israël est.*

Exod. 3. v. 2. Nescio Ichouam, & Israël non dimittam: id est, filios Israël.

Rom. 9. v. 6. Non omnis qui sunt ex Israël, sunt Israël: id est, filij Israël.

*Sic & Iacob pro filiis Iacob.*

Num. 23. v. 10. Quis potest numerare pulcrē Iacob.

Et 24. v. 17. Oritur stella ex Iacob.

*Sic Iudas pro filiis Iuda.*

1. Reg. 18. vers. 16. Israël & Iuda diligebant Dauid.

Oseæ 5. v. 5. Ruat etiam Iudas cum eis.

Huc



*Huc pertinet cū scriptor pro scripto ponitur. Sic Nouo præsertim testamento Moses & Propheta, pro scriptis Mosi & Prophetarum usurpantur.*

Luc. 16. v. 29. Habēt Mosē & Prophetas, audiāt eos.  
Et cap. 24. v. 27. Exorsus à Mosē & omnibus Prophetis, interpretabatur ipsis in omnib⁹ Scripturis, quæ de ipso scripta erāt: ubi in voce *Scripturis* tropi interpretatio est.

Sic dicitur Mosēs legi, Act. 15. v. 20. 2. Cor. 3. v. 15. Sic Efaías dicitur legi Act. 18. v. 8.

*Secundo cū res efficiens pro re effecta est. Quod à Latinis observatum non est.*

*Sic effectuum quorundam nomina pro effectis interdū sunt.*

*Sic misericordia Genes. 20. pro officio vel beneficio ex misericordia profecta est.*

Gen. 20. v. 13. Hanc misericordiam mecum facies, vt dicas me fratrem tuum esse.

Et cap. 32. v. 10. Minor sum omnib⁹ misericordiis tuis.

2. Paral. 35. v. 30. Reliqua facta Iosif & misericordiæ ei⁹.

Psal. 88. v. 2. Misericordias Domini in æternū cantabo.

Oseæ 6. v. 6. Et de Homine.

Misericordiam volo, & non sacrificium, Misericordiā: id est, officia misericordiæ, & caritates erga Proximum.

Hoc tropo Græci Eleemosynam appellāt beneficium pauperibus ex misericordia præstitum.

*Sic caritas.*

1. Iohan. 3. v. 1. Videte qualem caritatem dedit nobis Deus Pater: vt filij Dei vocemur. Pro, quale caritatis officium præstitit.

*Sic ira et similia, pro pœna & ultione quæ ex ira profecta sunt.*

Psal. 78. v. 6. Effunde iram tuam in gentes, quæ nō noverunt nomen tuum.

Micheæ 7. v. 9. Iram Domini portavi: quia peccaui ei.

Rom.



Rom. 13. v. 49. Magistratus est vindex ad iram, ei qui malè agit.

Ephes. 5. vers. 6. Propter hæc venit ira Dei in homines contumaces.

*Deinde actio pro actionis effectu est. Sic opus, èris, pro mercede seu premio operis est, quod vel homo homini, vel Deus homini reddit.*

*Homo homini.*

Leuit. 19. v. 13. Opus Mercenarij non pernoctabit tecum. Pro, mercedem mercenarij non retinebis in diem posterum.

Ierem. 22. vers. 13. Vc ædificanti domum suam, &c. qui Proximi sui opera vtitur gratis, & opus ipsius non reddit ipsi.

*Deus homini. vt,*

Ruth. 2. v. 13. Reddat tibi Iehoua opus tuum: sitque merces tua perfecta à Iehoua: vbi tropi interpretatio sequitur.

Esa. 40. v. 10. Ecce Dominus Iehoua veniet, & merces eius cum eo, & opus illius cum ipso. Opus pro præmiis, quibus suorum calamitates pensabit. Atque hic etiam tropi interpretatio præcedit, vt etiam hic.

Cap. 62. v. 11. Dicite filii Sion: Ecce salus tua venit, Ecce merces eius cum eo, & opus eius coram illo.

*Et pro merito specialibus.*

Rom. 11. v. 6. Quòd si per gratiam, non iam ex operibus: id est, meritis, alioqui gratia non gratia. Sin autem ex operibus, non iam ex gratia. Alioqui opus non est opus. Vbi gratia & opus: id est, meritum opponuntur.

*Sic labor pro rebus, labore partis, est.*

Ecclesiast. 2. vers. 19. Dominabitur omni labori meo, quòd sapiens fui: id est, rebus labore meo partis.

Ezechiel.



SACRÆ SCRIPTURÆ. 181

Ezechiel. 23. v. 29. Tollent omnem laborem tuum, & dimittent te cuidam: pro, facultates labore tuo partas.

*Et specialiter pro cibo, labore parto.*

Psal. 120. v. 2. Laborem manuum tuarum māducabis. Tale & illud videtur, vbi augurium. Pro, præmio augurij seu diuinationis poni videtur.

Num. 22. v. 7. Perrexerunt seniores Moabetæ, & auguria erant in manibus ipsorum: id est, præmia, quæ darent Balam. Pro, augurio.

*Sic iusticia, pro premio iusticia est.*

Gen. 30. v. 32. Et testificabitur de iure & iusticia mea, coram te, cūm viderit mercedem meam.

Deut. 6. v. 25. Præcepit nobis Ichoua, vt seruemus statuta ipsius, in bonum nostrum: & iusticia erit nobis, si legem seruauerimus: vbi tropi interpretatio præcedere videtur *in bonum nostrum.*

Et cap. 24. v. 13. Restitues pauperi pignus post Solis occasum, vt dormiat in vestimēto suo, & benedicat tibi, tibi que sit iusticia coram Ichoua Deo tuo.

1. Sam. 26. v. 23. Ichoua reddat viro iusticiam suam, & fidem suā. Pro, reddat mihi præmia iusticiæ meæ & fidei meæ o Saul.

*Iudicium Dei præsertim pro pæna impiorum & liberatione piorum.*

Exod. 6. v. 6. Iudiciis magnis redimam vos: id est, Aegyptiorum pœnis.

Prouerb. 13. v. 29. Parata sunt derisoribus iudicia.

Ezech. 14. vers. 21. Si quatuor iudicia mea misero, gladium, famem, bestiam malam, & pestem.

Rom. 2. v. 3. Existimas, o homo, qui damnas eos, qui talia faciunt, & facis eadem, fore vt effugas iudicium Dei.

Aa 1. Cor.



1. Cor. 11. v. 29. Qui edit & bibit indignè, iudicium sibi edit, & bibit: id est, pœnam edendo & bibendo sibi attrahit.

2. Pet. 2. v. 10. Quibus iudicium iam olim non tardabit, & quorum perditio nō dormitabit: vbi Tropi interpretatio sequitur.

*Et de iudicio hominis.*

Ierem. 26. v. 11. Iudicium mortis est viro huic: id est, Ieremias supplicio capitali dignus est.

*Peccatum cum Synonimis quibusdam pro peccati pœna est.*

Leuit. 22. v. 9. Custodient custodiam meam, & non portabunt peccatum, nec morientur: vbi in verbo *moriendi* Tropi interpretatio est: id est, non luant pœnam.

Deut. 23. v. 21. Si votum voveris Deo tuo, noli committere vt non reddas. Id enim à te exigit Iehoua: & erit in te peccatum: id est, pœna.

Et 24. v. 24. Ne mercede fraudato Mercenarium: ne sit in te peccatum: id est, pœna peccati.

1. Reg. 13. v. 14. Et fuit hæc res in peccatum domui Ieroboam, vt extirparetur atque deleretur domus eius è superficie terræ: vbi in postremis verbis Tropi interpretatio est.

*Iniquitas pro pœna iniquitatis est.*

Genes. 4. v. 13. Maior est iniquitas mea, quàm vt eam ferre possim.

Et cap. 13. v. 5. Ne fortè pereas in iniquitate ciuitatis.

Psal. 7. vers. 17. Super verticem eius iniquitas eius descendet.

*Atque hoc specialiter fit cum verbo ferendi seu portandi.*

Exod. 28. vers. 43. Fac ipsis feminalia, &c. ne ferant iniquitatem, & moriantur: vbi Tropi interpretatio sequitur.

Leuit. 5.



Leuit. 5. v. 1. Cū anima peccauerit, iniquitatē suam  
feret: id est, pœnam suæ iniquitatis luet.

*Delictum pro pœna delicti, præsertim cū dicitur aliquid  
esse in delictum.*

1. Paralip. 21. v. 3. vt quid quærit hæc Dominus meus?  
vt quid erit in delictum Israël: id est, perniciem.

2. Paral. 28. v. 13. Ne adducatis captiuitatem hāc huc,  
ne sit in delictum Domino super nos.

*Tertiò instrumentū est pro re, per instrumentū effecta. Quod  
à Latinis & rariū usurpatur & vulgo non annotatur.*

*Lingua pro sermone est.*

Prouerb. 25. v. 15. Lingua mollis confringit iram. Pro,  
sermo mollis.

Et v. 23. Vt ventus Aquilo fugat pluuiam: Sic facies  
verecunda linguam secreti: id est, Qui odit & aduersatur  
obtrectatores, fugat sermonem occultè detrahentem.

*Sic etiam populus profunde lingua dicitur.*

Esa. 33. v. 19. Non videbis populum profundę lingue,  
quem, nō possis intelligere: id est, cuius sermo obscurior  
sit, quā vt intelligi possit.

*Labium pro sermone.*

Prouer. 12. v. 19. Labium veritatis firmum erit in per-  
petuum. Pro, sermo verus.

Et cap. 17. v. 7. Non decet stultum labium excellens:  
id est, sermo de rebus magnis & arduis.

Et 18. v. 7. Labia stulti laqueus animæ ipsius: id est, suis  
ipsius verbis capitur stultus.

*Et specialius pro dialecto et idiomate sermonis.*

Genes. 11. v. 6. & 7. Omnis terra erit labij vnus, & vox  
vna omnibus. Pro, omnes homines vno sermonis idio-  
mate utebantur.

Ezechiel. 3. vers. 5. Non ad populum profundilabij &

Aa 2 grauis



grauis linguæ mitteris: Quorum non intelligas verba: vbi tropi interpretatio sequitur.

*Os pro sermone.*

Prouerb. 10. v. 11. Vera vita est os iustorum.

Et 16. v. 28. Os blandum facit impulsione: Pro, sermo blandus.

Sic Terent. Os durum. Et Ouid. Os dulce, & os falsum dixisse videtur.

*Et specialius pro mandato.*

Exod. 17. v. 1. Profectus est Israël ad os Iehouæ: Pro, ad mandatum.

Et 28. v. 21. Quod numeratum fuit ad os Moïsis.

Gen. 45. v. 21. Dedit ipsi Ioseph currus iuxta os Pharaonis. Pro quo dicitur, 1. Reg. 17. v. 1. Non erit pluuia nisi ad oris mei verba.

Et aliter Num. 20. v. 24. Eò quòd rebelles fueritis ori Iosua. 1. v. 18. Qui reuelauerit ori tuo. (meo.

1. Sam. 24. Peccaui, quia transgressus sum os Iehouæ.

*Et pro testimonio.*

Deut. 19. v. 15. In ore duorum testium, aut trium stabit verbum.

Et 17. vers. 6. In ore duorum aut trium testium interficitur.

*Palatum pro sermone.*

Prouerb. 5. v. 3. Leuius est oleo palatum extraneæ.

Iob 31. v. 30. Non dedi ad peccandum palatum meum.

*Sic brachium et manus pro rebus brachio et manu gestis: praesertim cum de Deo dicuntur.*

Deut. 11. v. 2. Scitote hodie castigationem Iehouæ, manum eius validam, & brachium eius extentum: & signa, opera eius, quæ facit in Aegypto: vbi tropi interpretatio manifesta sequitur.

*Et*



SACRÆ SCRIPTURÆ. 185

*Et manus seorsim pro plaga, manu infixa.*

Exod. 7.v.4.1. Sam. 5.v.11. Grauis erat valdè manus Dei ibi, Psal. 38.v.3. Descendit super me manus tua.

*Et manus etiam pro scriptura est apud Paulum.*

1. Cor. 16.v.21. Et ad Colof. 4.v.18. Salutatio mea manu Pauli.

*Sic gladius pro bello, aut cade est.*

Leuit. 36.v.6. Dabo pacem in terra, & gladius non transibit terram. Matth. 10.v.34. Non veni missurus pacem, sed gladium: id est, bellum.

*Metonymiam rei efficientis & instrumenti apud Latinos esse in voce lingue & manus & peccati obseruat Augustinus lib. 14. contra Faustum Manicheum cap. 3.*

Mors, inquit, hominis pœna peccati est, vnde & ipsa peccatum dicitur, non quia peccat homo dum moritur. Sicut alio modo dicitur, lingua propriè caro, quæ intra dentes sub palato mouetur. Et alio modo dicitur lingua, id quod per linguam fit, secundum quem modum dicitur lingua Græca, lingua Latina. Et manus vno modo dicitur, propriè ipsum corporis membrum, quod mouetur ad agendum: & alio modo manus dicitur scriptura, quæ per manum fit. Dicimus enim, Prolata est manus eius: lecta est manus eius: habet manum tuam: recipe manum tuam. Hæc Augustinus. Quare non rectè hæc Metonymia à Latinis prætermissa est. Metonymia ergo causæ efficientis sic fuit.

*Metonymia materiæ pro materiato.*

*Sic puluis & cinis pro homine est, ex puluere & cinere facto.*

Genes. 3.v.19. Ex terra sumptus es, puluis es, & in puluerem reuerteris: vbi tropi interpretatio præcedit.

Et 18.v.27. Dixit Abraham ad Deum: Ecce cœpi loqui ad Iehouam, qui sum puluis & cinis.

Aa 3 Sit



*Sic aurum, argentum, & alia similia pro rebus ex auro, argento, &c. factis.*

Num. 31.v.30. Accepit Moses & Eleazar Sacerdos aurum ex illis, nempe omnia vasa operis: vbi Tropi interpretatio sequitur.

1. Paralip. 29.v.2. Totis viribus meis preparavi domui Dei mei. Aurum ad aurum: id est, ad aurea vasa, argenti ad argentum, & æs ad æs, & ferrum ad ferrum, & ligna ad lignum: Vbi in voce auri, argenti, æris, ferri, & lignorum, posteriori loco Tropus est.

*Et specialiter pro idolo ex auro aut argento facto.*

Psal. 115.v.4. Simulacra gentium argentum & aurum: id est, argentea & aurea sunt.

*Sic cedrus, pro tabulis cedrinis est.*

1. Reg. 6.v.18. Cedri erant in domo intrinsecus. Pro, tabulæ cedrinæ vestiebant partem interiorem domus.

*Sic pelles sunt pro tentorijs ex pellibus factis.*

2. Sam. 7.v.2. Ego habito in domo cedrina, arca autem habitat in pellibus: id est, in tentorijs. Atque hactenus Metonymiæ causa fuit.

*Metonymia effecti, cum effectum pro efficiente ponitur. Quæ tota verè à Latinis prætermissa est: Estque duplex ratione efficientis: & effectus pro Persona efficiente est.*

*Sic salus pro Deo servatore est.*

Esaia 33.v.10. Tu salus nostra es in tempore angustiarum.

Abacuch. 3.v.48. Latabor in Deo salute mea: id est, autore salutis.

Luc. 1.v.47. Exultat Spiritus meus in Deo salute mea.

*Et de Messia.*

Gen. 49.v.18. Salutem tuam expecto Ichoua. Pro, Messiam servatorem promissum. Quomodo & Chaldaus hunc locum interpretatur.

Luc.



Luc. 2. v. 30. Vident oculi mei salutē tuam: id est, Mes-  
sam seru atorem iam natum & exhibitum.

*Sic & alia nomina de Deo dicuntur.*

Deut. 30. v. 20. Ichoua Deus est vita tua, & longitudo  
dierum tuorum. Pro, autor vitæ & longitudinis.

Psal. 3. v. 4. Tu Ichoua gloria mea, & exaltans caput  
meum. Pro, autor gloriæ meæ: vbi Tropi etiam interpre-  
tatio sequitur.

Ierem. 16. v. 19. Dominus fortitudo mea, & robur  
meum est. Pro, autor fortitudinis & roboris.

*Sic de Christo in nouo Testamento.*

Ioh. 11. v. 25. Ego sum resurrectio & vita. Pro, autor re-  
surrectionis & vitæ: seu resuscitator, & viuificator.

Et 14. v. 6. Ego sum via, veritas, & vita. Pro, Dux, Magi-  
ster, & viuificator, viæ, &c.

1. Cor. 1. v. 20. Christus factus est nobis à Deo, sapiētia,  
iustificatio, sanctificatio & redēptio. Pro, autor sapiētiæ.

*Et de Homine.*

2. Corinth. 1. v. 14. Nos gloriatio vestra sumus: quem-  
admodum & vos nostra, &c. Pro, nos sumus causa glo-  
riandi seu gloriationis: quod à me sitis instituti in Euāge-  
lio: & vos mihi vicissim, quod vos Christo lucrifecerim.

*Effectus est pro re efficiente.*

Deuteron. 30. vers. 15. Ecce propono tibi hodie vi-  
tam & mortem, bonum & malum. Pro, causam vitæ &  
mortis, &c. nempe doctrinā cœlestē & cultū veri Dei.

Num. 22. v. 7. Auguria erant in manibus ipsorum. Pro,  
munera & præmia causæ auguriorum, quibus Balaam  
ad augurandum inuitaret.

Ioh. 3. v. 19. Hoc est iudicium, quod lux venit in mun-  
dum: sed dilexerunt homines tenebras magis quàm lu-  
cem: Pro, causa iudicij seu cōdemnationis hominum

Et



Et 17.v.3. Hęc est vita æterna, vt cognoscant te verum Deum, & quem misisti Iesum Christum. Pro, causſæ uitæ æternæ.

Rom. 7.v.7. Quid ergo dicemus: id est, num lex peccatum est, pro causſa peccati.

*Sic res conſeruata pro causſa conſeruante eſt, quod Latine durius eſt.*

Deut. 20.v.19. Cũ obſederis urbem, non cædes ſecuribus arbores fructiferas: ſed illarum fructus veſceris. Arbor enim agri homo eſt. Homo: id eſt, res conſeruans hominem, & vitam eius, nempe fructu ſuo.

Et 24.v.6. Nemo accipiet pro pignore vel ſuperiore vel inferiorem molam. Quoniam hoc eſt animã accipere. Animam pro rem animæ & vitæ cõſeruationem, vtilem & neceſſariam.

*Atq; hanc Metonymiam effecti etiam in ſubſtantiis apud Latinos fieri ſubindicat Auguſtinus Tom. 1. de lib. arb. lib. 3. cap. 19. & 6. Tom. de impys & concupiſcentia, lib. 1. cap. 13. Et contra duas Epiſtolas Pelagianorum, lib. 1. cap. 12. Vbi ait concupiſcentiam peccatum appellari in renatis per eum Tropum, quo vel nomen causſæ effectui tribuitur: vel contra, quo nomen Effectus causſa tribuitur, atq; eiſmodi ſunt illa apud Latinos.*

Virgil. 1. Aeneid. Nate, meæ uires, mea magna potentia ſolus.

Terent. Niſi eo ad mercatum, maximum damnum eſt mihi. Pro, causſa damni.

Propert. lib. 1:

*ſit mihi præcipue puluis Hetruſca dolor. Pro, causſa doloris.*

*Tertia ſpecies, Metonymia Subiecti, cũ Subiectum pro Adiuncto eſt.*

*Ac 1. Perſonæ pro Perſona.*

*Sic Iehoua eſt pro Iehouæ Angelo ſeu miniſtro.*

Iudicum



Iudicum 6.v.23. Et dixit ei Iehoua: Pax tibi, nō morieris. Et sic versu 14. & 16. est: Pro quo alijs versibus dicitur Angelus Iehouæ.v.20. Angelus verò Iehouæ recessit ab oculis eius. Et v.21. Videns autem Gedeon, quòd Angelus Iehouæ esset, &c. Quamuis in his & similibus locis potiùs Filius Dei, qui est verus Iehoua, Angelus Dei dici videatur.

*Et pro Sacerdotibus, & Iudicibus, ministris Iehouæ.*

Deut. 19.v.17. Tunc stabunt duo illi homines, quibus lis est coram Iehoua: id est, coram Sacerdotibus, & iudicibus, qui sunt illo tempore.

*Et pro Populo Iehouæ.*

Iudicum 5.v.23. Maledicite terræ Meros, dicit Angelus Iehouæ: maledicēdo maledicite habitatoribus eius. Quia non adfuerunt ad auxilium Iehouæ contra fortes. Iehoua pro populo Iehouæ, qui dux & defensor populi in prælio fuit.

*Sic Christus est pro Christianis & Ecclesia Christi.*

1. Cor. 12.v.12. Sicut corpus vnum est, & multa habet membra, & omnia membra corporis vnius multa cū sint, vnum tamen sunt corpus. Ita & Christus est: id est, Christi Ecclesia multa membra habet: & multi fideles vnum corpus Christi, seu vnam Ecclesiam constituunt. Sequitur enim nos omnes per vnum spiritum in vnum corpus baptizati sumus. Vnde & Christus suam Personā pro suis vsurpat. Qui Tropus suauissimus est, & consolationis plenissimus.

Matth. 23.v.34. Esuriui & dedistis mihi cibum: sitiui & dedistis mihi potum: vbi sequitur Tropi interpretatio. v.43. Quicquid fecistis vni ex fratrib. meis, mihi fecistis.

Act. 9.v.4. Ego sum Iesus, quē tu persequeris. Pro, cu-

B b ius



ius discipulos persequeris. Dicitur 1. i. v. 1. & 2. Spirans minas & eadem aduersus discipulos Domini.

*Et persona pro re adiuncta.*

Sic Iehoua est pro Archa, Tabernaculo, & Templo Iehouæ: præsertim cum aliquid coram Iehoua fieri dicitur.

*Pro Archa, idq. sapius.*

Exod. 16. v. 33. Reponere Man coram Iehoua in custodiam. Pro quo v. 34. dicitur: Et posuit Aaron Man coram testimonio: id est, Archa testimonij.

2. Sam. 6. v. 4. & 5. Tulerunt ergo Archam à domo Aminadab. Aha autem ibat ante Archam: Dauid verò & totus Israël ludebant coram Iehoua: id est, coram Archa Iehouæ.

*Pro Tabernaculo.*

1. Sam. 21. v. 7. Ibi erat quidam de seruis Saulis eo tempore qui commorabatur coram Iehoua: id est, coram Tabernaculo.

*Pro Templo.*

2. Paralip. 20. v. 13. Omnis filij Iuda stabant coram Iehoua. Pro, quo v. 5. dicitur: In domo Iehouæ. Pro, ante Templum.

*Possessor pro domo est.*

Marc. 5. v. 35. Adhuc eo loquente veniunt quidam à Principe Synagogæ. Pro, à domo Principis.

*Et pro facultatibus.*

2. Cor. 12. v. 20. Sustinetis, si quis vos deuorat, exedit vos: id est, facultates vestras.

*Res subiecta primum pro persona est: sicut locus, pro hominibus loci incolis est.*

*Mundus pro hominibus.*

Ioh. 3. v. Sic Deus dilexit mundum, &c.

2. Cor.



SACRÆ SCRIPTURÆ. 191

2. Cor. 5. v. 19. Deus per Christum mundum sibi reconciliauit.

*Terra pro hominibus.*

Genes. 6. v. 11. Corrupta est terra coram Deo.

Et 11. v. 1. Terra erat labij vnus.

Matth. 5. v. 13. Vos estis sal terræ.

*Regionis nomen speciale.*

Genes. 47. v. 15. Omnis Aegyptus veniebat ad Iosephum. Pro, omnes Aegyptij.

Matth. 3. v. 5. Omnis Iudæa exiuit ad Iohannem. Pro, omnes Iudæi.

Rom. 15. v. 26. Placuit Macedoniæ & Achaia Eleemosynas conferre.

*Et Regnum pro Regni incolis.*

2. Paralip. 32. v. 9. Synacherib. oppugnabat Lachis, & omne Regnum eius erat cum eo.

*Vrbs pro Oppidanis.*

1. Sam. 22. v. 19. Vrbs Syclad percussa est ore gladij.

*Porta pro senatu aut ciuibus.*

Ruth. 3. v. 11. Nouit vniuersa populi mei, &c.

*Castra pro copijs seu militibus.*

Iudicū 4. v. 16. Ceciderunt omnia castra Sicera: id est, omnes milites hostium.

*Res subiecta pro re adiuncta est.*

*Sic nidus pro pullis est.*

Deut. 32. v. 30. Sicut aquila excitat nidum suum ad volandum: id est, pullos.

*Sic vas pro eo est, quod vase continetur: vt,*

*Calix pro vino.*

Ierem. 49. v. 12. Quorum non fuerit iudicium, vt calicem biberent, bibendo bibent.

B b 2

Ezechiel.



Ezechiel. 23. v. 32. Calicem sororis tuæ bibes. Tale est illud Virgil.

—ille impiger hausit

Spumantem pateram, & pleno se prouit auro: id est, aureo.

*Sic Hydria.*

1. Reg. 17. v. 14. Hydria farinæ non deficiet. Pro, farina hydria non deficiet.

*Deinde argumentum scripti pro scripto est. Sic fœdus pro libris seu tabulis fœderis est apud Paulum.*

Rom. 9. v. 5. Quorum sunt fœdera.

2. Corin. 3. v. 14. In lectione veteris fœderis seu testamenti.

*Sic onus pro Prophetia de onere apud Prophetas.*

Esa. 21. v. 1. Onus deserti: ubi sequitur Tropi interpretatio, *Visio dura ostensa est mihi.*

*Secundò in ceremonijs & rebus sacris specialiter rei, vel actionis appellatio tribuitur ceremonie aut victimæ.*

*Sic fœdus pro signo fœderis solenni accipitur primum de circumcissione.*

Genes. 17. v. 2. Ponam fœdus meum inter te & me, & circumcides omnes masculos, &c. Quod v. 11. & 12. dicitur: Et erit signum fœderis inter te & me.

*Deinde de Sabbatho.*

Exod. 31. v. 16. Obseruabunt filij Israël Sabbathum in generationibus suis: quia fœdus perpetuum est. Pro quo versu 13. dicitur: Sabbathum meum seruabitis: quia sunt signa inter me & vos perpetua, ut sciat quod ego sim Iehoua sanctificans vos.

*Sic fauor & gratia pro Signo solenni fauoris, & gratie dici videtur.*

Exod. 28. v. 38. Aaron portabit laminam in fronte in fauorem & gratiam Iehouæ erga ipsos: pro, in signum fauoris & gratiæ.

*Deinde*



Deinde actionis appellatio pro victima ponitur. Sic peccatum cum Synonymis pro victima est, quæ pro peccato expiando offertur.

Exod. 29.v.24. Carnem iuueni & pellem eius combures extra castra. Nam peccatum est.

Leuit. 4.v.14. Accipiet Sacerdos de sanguine peccati digito suo.

2. Cor. 5.v.21. Fecit Deus ut is, qui non nouit peccatum. Pro, nobis peccatum fieret: ubi posteriori loco tropus est.

*Sic delictum.*

Leuit. 7.v.2. Vbi holocaustum mactabunt: ibi & delictum mactabunt.

*Et iniquitas.*

Osæ 4.v.3. Peccata populi mei comedunt: & ad iniquitatem eorum leuant animas suas.

Apud Latinos contrarius flexus est in voce piaculi, quod primò significat hostiam, quo expiatur peccatum: hostia ad ipsum peccatum significandum accommodatur, ut in illo Virg.

*Distulit in seram commissa piacula mortem.*

*Et Pascha seu transitus est pro victima & sacrificio: quod Deo offertur, pro celebrando beneficio transitus Iudeis præstito in Aegypto.*

Exod. 12.vers. 11. Comedit agnum festinanter: quia Pascha seu transitus Iehouæ est. Et 21. Accipite pecora & immolate Pascha seu transitum. Pro quo versu 26. & 27. dicitur: Cum autem dixerint vobis filij vestri, quid sibi vult cultus iste? Tunc dicetis, sacrificium est Paschæ seu transitus.

2. Paralip. 20.v.15. Deinde sacrificarunt Pascha.

Et 17.v. Sacerdotes erant occupati in immolatione Paschatum.

Bb 3 1. Cor.



1. Cor. 5. v. 7. Pascha nostrum immolatus est Christus. Atque sic ferè Homerus locutus est Iliados 3. vers. 245. Cùm ait præcones per urbem gestasse fida Deorum fœdera, scilicet agnos duos & vinum. Vbi fœdera vocat sacrificia ad fœdus confirmandum & celebrandum adhibita.

*Metonymia adiuncti est, cùm Adiunctum pro Subiecto ponitur. Est quæ duplex. Primum enim res adiuncta pro persona subiecta est: vel ut Grammatici dicunt, Abstractum pro concreto est, aut Substantivum pro Adiectivo coniungato & gentili est. Quod in Phrasibus Hebraicis Enallage fuit.*

*Sic virtus, vitium, aut simile accidens pro homine est. Iusticia pro iustis.*

Psal. 114. v. 7. Iustus est Ichoua & iusticias diligit: id est, iustos.

2. Cor. 5. Vt nos fieremus iusticia Dei per eum. Pro, iusti coram Deo.

*Peccatum pro peccante, seu Peccatore.*

Prouer. 14. v. 6. Iusticia custodit Perfectum via: Impietas peruertit peccatum: id est, Peccatorem.

Esa. 1. vers. 18. Si fuerint peccata vestra rubra vt coccinum, &c. Pro, si vos rubri fueritis, scil. ex plagis propter peccata.

2. Cor. 5. Eum qui nouit peccatum, Pro nobis fecit peccatum: id est, peccatorem, scilicet imputans ipsi peccata hominum. Sic enim quidam eum locum interpretantur.

*Lepra seu plaga pro leproso.*

Leuit 13. v. 12. Videbit eum Sacerdos: & tum declarabit plagam eius mundam. Pro, Leprosum mundum, vt eo cap. passim.

Matth. 8.



SACRÆ SCRIPTURÆ. 195

Matth. 8. vers. 3. Et statim purgata fuit lepra eius. Pro,  
ipse Leprosus: præcedit enim volo mundus esto.

*Captiuitas pro captiuis.*

Num. 31. v. 12. Adduxerunt ad Moysen captiuitatem  
& prædam: id est, captiuos.

Psal. 68. vers. 19. Et Ephes. 4. v. 8. Ascendit in altum, ca-  
ptiuam duxit captiuitatem.

*Abominatio pro abominabili.*

Genes. 46. vers. 34. Abominatio est Aegyptiis omnis  
Pastor.

Luc. 16. v. 15. Quod est altum coram hominibus, est  
abominatio coram Deo: vbi de hypocritis superbis lo-

*Somnus pro somnolento.*

(quitur.

Prouerb. 23. vers. 21. Potator & epulo pauperes effi-  
cientur: & laceras vestes induet somnus: id est, somnu-  
lentus.

*Apud Paulum præputium pro præputiatis & circumcisis.*

Rom. 3. v. 30. Vnus est Deus, qui iustificauit circumci-  
sionem ex fide, & præputium per fidem.

Philip. 3. v. 3. Nos sumus circumcisio, qui Spiritu Deo  
seruimus.

*Sic opus pro operante.*

Rom. 13. v. 2. Magistratus non est terrori bonis operi-  
bus: id est, benè operantibus.

*Sic spes seu expectatio pro expectante est in Prosopopeia.*

Rom. 8. v. 13. Creatura expectatio, expectat reuela-  
tionem filiorum Dei. Pro, ipsa creatura expectat.

*Adiunctares pro persona subiecta est nominis diuersi. Sic:  
nomen pro Deo Christo, aut homine est.*

*Pro Deo.*

Psal. 20. v. 2. Exaudiet te Iehoua in die angustie: & pro-  
teget te nomen Dei Iacob.

Etc



Et 115. v. 11. Non nobis Domine, sed nomini tuo da gloriam.

*Pro Christo.*

Iohan. 3. v. 18. Qui credit in eum, non condemnatur. Qui autem non credit, iam condemnatus est. Quia non credit in nomen vnigeniti filii Dei. Vbi tropi interpretatio præcedit.

Act. 3. vers. 16. Per fidem in nomen ipsius, hunc quem conspicitis confirmavit nomen ipsius: id est, Christus. Et 4. vers. 12. Non est aliud nomen sub cælo datum, per quod oporteat nos seruari. Pro, non est alius Christus aut Messias.

*Pro homine.*

Act. 1. vers. 15. Erat autem turba, quasi centum viginti nominum: id est, hominum.

Apocal. 3. v. 4. Habes aliquot nomina in Sardibus: id est, aliquot homines.

*Et cum tropo hoc aliquo modo conuenit, quod apud Latinos dicitur: Nomen Romanū Volschum, pro Romanis, Volschis, ut sæpè est apud Liuium. Et quod nomina pro debitoribus vsurpent Latini.*

*Res adiuncta pro re subiecta est. Sic primum sensus, affectus, aut actio hominis pro re quæ sensui, affectui, & actioni subiecta est.*

*Sic auditus pro sermone audito est.*

Esa. 53. v. 1. Rom. 10. v. 20. Quis credit auditui nostro: id est, sermoni.

*Et pro fama audita.*

Abdia 1. v. 1. Auditum audiuius à Domino.

Matth. 4. vers. 24. Exitus auditus eius in rotam Syriam. Sic Thucydides voce Græca ἀκοῖς vsus est.

*Spes*



*Spes pro resperata.*

Prouer. 13. v. 12. Spes quæ differtur, affligit animam.

Rom. 8. v. 24. Spes quæ cernitur, non est spes: vbi sequitur, quod enim quis cernit, cur speret?

Gal. 5. v. 5. Spem iusticiæ expectamus.

*Petitio pro re petita.*

1. Sam. 1. v. 27. Dedit mihi Ichoua petitionem meam: id est, quod petii.

Iob 6. v. 8. Quis det, vt veniat petitio mea, & expectationem meam det mihi Deus.

*Tempus pro re, quæ in tempore sit, primum generaliter pro rebus.*

Ester 1. Dixit Rex sapientibus, scientibus tempora: id est, res retroactis temporibus gestas.

*Et specialiter primum pro rebus secundis, sed variis.*

Iob 11. vers. 17. Ipso meridie clarius surget tempus tuum.

*Et pro aduersis, sepius.*

1. Paralip. 26. v. 30. Gesta Dauidis cum omni regno eius, & tempora quæ transierunt, super eum, & super Israëlem. Sic Cicero hoc sensu exclamat: O tempora, o mores: & tempora Reipublicæ amicorum. Pro, periculis & necessitatibus dixit.

*Sic etiam dies pro rebus aduersis est.*

Iob 18. v. 19. Super Dies eius obstupefcent Posterii.

Psal. 137. vers. 7. Recordare Ichoua Edum, & dici Hierusalem, &c.

*Et pro iudicio apud Paulum.*

1. Cor. 4. v. 5. Mihi pro minimo est, vt à vobis iudicer, aut ab humano die: id est, iudicio.

*Sic verbum pro re est, quod est merè Hebraicum.*

Genes. 20. v. 10. Quid fecisti verbum hoc?

Cc

Esa. 39.



Esa. 39. v. 20. Non fuit verbum, quod non offendit  
ipsis Ezechias.

Luc. 2. v. 15. Trāseamus Bethlehem, vt videamus ver-  
bum, quod indicauit nobis Deus.

## DE IRONIA.

**I**ronia est tropus à contrario ad contrarium: id est, fit in  
specie aliqua contrariorum. Ἐἰρων Græcè, est cauilla-  
tor, dissimulator, delusor, & irrisor. Et Ironia, simula-  
tio, dissimulatio, illusio, irrisio est. Augustinus libro 3. de  
doctrina Christiana, cap. 29. & lib. contra Mendacium  
ad Cōsentium cap. 10. Antiphrasin appellat, nomine ad-  
modum conuenienti: etsi vulgò specialius vsurpetur.  
Quid, inquit, ad Consentium, quod tropica locutio vsq;  
ad eam peruenit, quæ appellatur Antiphrasis, vt dicatur  
abundare, quod non est: dulce esse, quod acidum est:  
Lucus quod non luceat. Parca quod non parcant. Et in  
Scriptura benedicere pro maledicere. Qui locus est 3.  
Rég. 21. v. 10. & Iob 2. v. Agnoscitur autem hic tropus ex  
dissensione vel rei, vel pronunciationis, vel vtriusque.  
Nam si altera vel vtraque à verbis dissentit, apparet mē-  
tem voci cōtrariam esse. Plerunq; autem hic tropus sub  
specie affirmationis, laudationis, iussionis, permissionis,  
negat, reprehendit, & vetat: & vt in tragœdia est, dura  
molliter dicit. Fit autem Ironia, in omnibus vorum ge-  
neribus, sicut & metaphora, præterquā in coniunctione.

Hic autem tropus in species veras diuidi non potest,  
contrariorum enim nullæ veræ sunt species.

Potest autem docendi causa, duplex Ironia in Sacris  
litteris cōstitui, Nempe pia & impia. Pia quæ fiat in Perso-  
na Dei, Christi, aut hominum piorum.

*In Persona Dei Ironia est, quæ peccatum reprehenditur. vt,*  
Genes. 3. v. 22. Dixit autem Iehoua: Ecce homo iste,  
factus



factus est quasi vnus ex nobis, &c. Pro, minimè nobis id est, Deo similis est, sed homo miserrimus.

Iudic. 10. v. 14. Dixit autem Iehoua ad filios Israël: Ite & clamate ad Deos vestros, quos elegistis, ipsi saluāt vos tempore angustia vestra. Pro, si nunc Deos vestros inuocaueritis minimè saluabunt.

*In persona Christi Ironia est: Qua vel fides Piorum tēatur, qualis hac esse videtur.*

Matth. 15. vers. 14. Ipse verò respōdit dicens: Nō sum missus nisi ad oues perditas domus Israël, &c. Vbi factū Christi à verbis ipsius discrepat: Christus enim filiā mulieris sanitati restituit.

*Vel etiam factū aliquod, & præcipuè peccatū reprehenditur.*

Matth. 26. v. 45. Et vidēs eos dormiētes, dixit: Dormite iā & quiescite: q. d. minimè nūc dormiēdi & quiescēdi tempus est, sed vigilandi potius, & periculi cauendi.

Et v. 50. Et dixit Iesus Iudæ: Amice, quorsum vadis? Vbi amicus est pro inimico & hoste.

Marc. 7. v. 9. Et dixit Iesus Phariseis hypocritis: Bene sanè abrogatis mandatum Dei, & traditiones vestras seruatis. Pro pessimè facitis, dum id agitis.

Luc. 11. v. 41. Date eleemosynam, & ecce omnia erūt vobis munda. Pro, minimè mūda erūt: etsi eleemosynas dederitis, vel minimè eleemosyna expiabitis Peccata.

Iohan. 7. v. 28. Clamabat Iesus in templo, dicēs: Et me nostis, & vnde sim nostis: q. d. minimè nostis.

*Et Christus non solum in sermonibus, sed etiam in gestibus pia Ironia vsus esse legitur.*

Lucæ 24. Et ipse fingeat se longiùs iturum esse, sed ipsi coegerunt eum, vt maneret. Vbi præ se tulit se longiùs iturum, vt coactus manere gratior discipulis esset.



*In persona piorum ironia est, qua impij, & ipsorum facta reprehenduntur.*

1. Sam. 26. v. 15. Dixit autem Dauid ad Abner: Nūquid non vires? Et quis alius est similis tui in Israel? Pro, minimè vires: sed ignauus & imbellis, qui regem non custodis.

1. Reg. 18. Cū autem esset meridies, illudebat eis Elias, dicens: Clamate altiùs: Deus enim est. Sed aliquid fortasse contemplatur, aut occupatus est, aut iter facit, nisi fortè dormit, vt sit expergefaciendus: q. d. Baal, nec Deus, nec homo viuus est.

Et cap. 22. v. 15. Cū ergo venisset Michæas ad regem Achab, tunc dicit ad eum rex: Michæa ire ne debeo in Ramoth Giliat, in bellum an desistere? Et dixit ad eum Michæas: Ascēde & prosperè agas. Nam tradat Ramoth in manus tuas: q. d. hoc minimè futurum est, vt paulò post prædicit. Rex ironiam intelligens iurciurando addit, vt seriò verum dicat, quod & facit.

2. Reg. 8. vers. 9. Abiit Hazaël in occursum Prophetæ cum muneribus & ait: Filius tuus Benhada misit me ad te, vt sciscitarer an ex hoc morbo conualescere possit. Cui respōdit Elisæus: Vade dic ei quod vietur? est. Quibus verbis impium regem, & populi Dei hostem tātum ludit. Nam paulò post addit: Ostēdit mihi tamen Iehoua. quòd sit moriturus.

Ezechiel 28. vers. 3. Ecce sapientior es Daniele. Nihil est tam occultum, quod te lateat. Quibus verbis Prophetæ Regi Tyri illudit: q. d. minimè sapiens es, sed fatuus.

Ioëlis 3. vers. 3. Amos 4. vers. 4. Venite in Bethel, impiè agite in Gilgala, multiplicare prauaricationem, & offerte victimas vestras: vbi sub specie præcepti & exhorta-

S  
exhortati  
prehensi  
Naoh  
munition  
significat  
Act. 23  
tificem M  
ximè nota  
1. Cor. 4  
nobis regn  
est, scientia  
Et cap. 9  
poteltate  
2. Cor. 3  
tius Episto  
Et 10. v  
nos cum  
Et 11. v  
pientes: q  
Pseudoapo  
Et 12. v  
Ecclesijs: r  
tia gratian  
nice: vt A  
Propheta  
Iron  
Genes  
no morie  
Matth.  
filius Dei  
Deus, mi  
ctus adula



exhortatione ad idololatriam exercendam ironica reprehensio idololatriæ est.

Naoh 3.v.14. Aquam ad obsidionem hauri, in staura munitiones tuas, &c. Ironice conatus inanis Niniuitarū significatur.

Act. 23.v.5. Dixit autem Paulus: Nesciebā, fratres, Pontificem Maximū esse, &c. Simulat se ignorare, quod maximè norat.

1. Cor. 4.v.8. Iam saturati estis, iam ditati estis, absque nobis regnum adepti estis: q.d. minimè saturati estis: id est, scientia & cognitione solida Euangelij abundatis.

Et cap. 9.v.6. An solus ego & Barnabas non habemus potestatem non operandi: q.d. maximè habemus.

2. Cor. 3.v.1. Num egemus, ut nonnulli commendatijs Epistolis ad vos, aut à vobis: q.d. minimè.

Et 10.v.12. Non audemus cōnumerare aut cōparare nos cum quibusdā, qui seipso cōmendāt: q.d. maximè.

Et 11.v.19. Libenter toleratis insipientes, cum sitis Sapientes: q.d. minimè sapientes estis, qui finitis vobis à Pseudoapostolis imponi.

Et 12.v.3. Quid est in quo fueritis inferiores ceteris Ecclesijs: nisi quod Ego vos non grauam? huius iniuriæ gratiam mihi facite. Iniuriā vocat & deprecatur ironice: ut Augustinus etiam contra aduersarium Legis & Prophetarum hunc locum interpretatur.

*Ironia impia primū in persona Sathana.*

Genes. 3.v.4. Et dixit Serpens ad mulierē: Non omnino moriemini: sed eritis sicut scientes bonū & malum.

Matth. 4.v.3. Cum venisset ad Iesum tētor, dixit: Si filius Dei es, iube ut lapides isti panes fiant. Et v.6. Si filius Dei es, mitte te deorsum. In quibus verbis Theophilatus adulationem & perinde ironiam agnoscit. Neque

Cc 3. enim



enim Diabolus voci coelitus de Christo missæ, quod fili-  
us Dei esset, credidit: vt sit sensus. Nec filius Dei es, nec  
hoc facere potes.

*In persona hominum impiorum.*

Gen. 37.v.19. Et dixerūt inter se: Ecce Magister, ille  
Somniorum venit, adeste occidamus eum. Pro, minimè  
magister.

Exod. 14.v.11. Et dixit populus ad Moysen: An ideo edu-  
xisti nos ex Aegypto, vt moriamur in deserto, quod non  
fuerint in Aegypto sepulcra: q.d. ibi sepulcrorū satis erat.

2. Sam. 6.v.20. Egressa est Michol obuiam Dauidi, &  
dixit: O' quāta fuit hodie regis Israëliti grauitas & Pro,  
quanta fuit tua leuitas.

Psal. 22.v.9. Et Matth. 26.v.43. Deuoluit res suas ad  
Iehouam: Eruat eum, eripiat eum, quoniā placet ei: q.d.  
minimè eruat, nec placet. Est enim mimesis Ironica im-  
piorum, Dauidem, & Christum ipsum deridentium.

Matth. 2.v.8. Profecti illuc, exquirite de puero, & re-  
nunciate mihi, vt Ego veniam & adorem eū. Pro, cum  
interficiam.

Et 22.v.16. Mittunt ad eum Pharisei discipulos suos,  
dicentes: Preceptor, scimus te veracem esse, & viam Dei  
sincerè docere, nec quenquā curare. Neq; enim Christū  
veracem esse aut rectè docere Pharisei existimarunt.

Et 26.v.29. Et milites genu flexo antè eū, illudebāt ei  
dicentes: Aue Rex Iudeorum: q.d. minimè rex.

Et v. 39. Serua te ipsum si filius Dei es, descende de cru-  
ce: q.d. minimè seruabis te. Et 42. Si Rex Israël est, de-  
scendat nūc de cruce, & credamus ei: q.d. Nec descendit  
nec credimus. In quibus etiā amarulenta Sarcasmus est.

Tropi primum genus fuit in Metonymia & Ironia: se-  
cundum sequitur in Metaphora & Sinecdоче.

TER-



## TERTIVS TROPVS

## Metaphora.

**M**etaphora est Tropus à simili, ad simile. Estq; frequens admodum in Sacris literis cum alijs de causis, tū propter ellipsin particulæ similitudinis Caph Hebræis familiarem: vt in Phrasibus in capite de Aduerbio dictum est. Vt autem Ironia, ita & Metaphora in tribus orationis partibus, Nomine, Verbo, & Aduerbio fit: cuius rei pauca exempla recitabimus. Huc autem propriè & commodissimè omnia Adiectiua, Verba & Aduerbia tropicè vsurpata, referri possunt: nisi quatenus significatio contraria est, quod Ironiæ est.

*In Substantiis.*

*Deus pro hominibus autoritate præstantibus.*

Psal. 82. v. 1. Deus stat in cœtu Deorum: & in medio Deorum iudicat. Et v. 6. Ego dixi: Dij estis.

*Exercitus pro stellis.*

Ierem. 33. v. 22. Non potest numerari exercitus cœli.

*Adeps de frumento.*

Deut. 32. v. 14. Comedit fructus agrorum vnà cū adide granorum tritici.

*Ovis de homine.*

Psal. 99. v. 3. Nos populus tuus sumus: & oves pascui tui.

*Sal de Doctore.*

Matth. 5. v. 13. Vos estis Sal terræ.

*Lux de Christo summo doctore Ecclesiæ.*

Ioh. 8. v. 12. Ego sum lux mundi.

*Sic virtus pro virtute est, vt iustitia pro misericordia.*

Psal. 103. v. 17. Misericordia autē Domini, ab æterno vsq; in æternum, &c. & iusticia eius erga filios filiorum.



*In adiectiuis: vt, Ebrius sanguine.*

Apocalyp. 17. v. 6. Vidi mulierē Ebriam sanguine Sanctorum.

*Sana doctrina.*

Ad Titum 2. v. Tu loquere, quæ sanam doctrinā decet.  
*Mortuus de incredulo, & mundo addicto homine.*

Matth. 8. v. 22. Sequere me, & sine vt mortui sepeliant suos mortuos.

*Cæcus de animo.*

Matth. 15. v. 14. Cæci sunt, & cæcorum duces.

*Præputiatus corde.*

Ierem. 9. v. 26. Israël præputiatus est corde: id est, Profanus & impius est.

*Præputiata auris.*

Ierem. 6. v. 10. Præputiata est auris eorū. Pro, surda est.

*Et Præputiatus labijs.*

Exod. 6. v. 13. Quomodo audiet me Pharaon, cum sim præputiatus labijs: id est, infans & indifertus.

### IN VERBIS.

*Sic verbū cognoscendi est pro curare, cōplecti & defendere.*

Psal. 1. v. 6. Nouit Dominus viam iustorum: id est, Probat & amat.

Prouerb. 20. v. 7. Nouit iustus causas pauperum. Pro, curat & defendit.

Amos 3. v. 2. Audite Israëlita, tantum vos noui ex omnibus gentibus. Pro, vos præcipuè complector.

Rom. 11. v. 2. Nō abiecit Deus populum suum, quem antè cognouit. Pro, elegit & complexus est.

*Est & nosse pro facere.*

Psal. 35. v. 11. Quæ non cognoui, interrogarunt me. Pro, quæ non feci.

2. Cor.



2. Cor. 5. v. 21. Fecit Deus, vt qui nō nouit peccatum, pro nobis peccatum fieret. Pro, qui non fecit peccatū.

*Sic obliuisci pro negligere, contemnere, &c, abicere est.*

Ierem. 23. v. 39. Ecce omnino obliuiscar vestri.

Psal. 9. v. 19. Non in seculum in obliuione pauper erit.

Seneca de beneficijs, lib. 7. ca. 22. Errat, inquit, si quis existimat: cum dicimus, eum qui beneficium dedit, obliuisci oportere, excutere nos illi memoriā rei præsertim honestissimæ. Quædam petimus ultra modum, vt ad verum & suum redeant. Cum ergo dicimus meminisse nō debet: hoc volumus intelligi, prædicare nō debet, nec iactare, nec grauis esse. Et paulo post capite proximo: Cū dicimus, qui beneficiū dedit, obliuiscatur, hoc dicimus: similis sit oblito: memoria eius non appareat, nec incurrat. Hic Seneca his verbis talium verborum troporum quæ sensum, aut affectum significant commo dissimè ad metaphoram referri posse.

## IN VERBIS SENSVS.

*Videre pro frui est.*

Psal. 4. v. 7. Quī faciat nos videre bonum.

*Et pro pati.*

Psal. 16. v. 10. Ne sinas sanctū tuū videre corruptionē. Sic videre dura, & videre mortem, Psal. 89. 49.

*Audire pro intelligere.*

4. Reg. 18. v. 26. Loquere ad seruos tuos Syriae: Nā nos audimus: id est, intelligimus.

*Et pro obedire.*

Deut. 11. v. 42. Locutus sum, & non audiuitis, sed rebelles fuistis. Sed hæc metaphora etiam Latina est, vt non audit verbera currus: & in illo Terentij: Vni auscultem seni.

D d      *Gustare*



*Gustare pro periculum facere.*

Psal. 34. v. 9. Gustate & videte quā bonus sit Dominus.  
 Prouerb. 3. v. 8. Gustat quod bona sit negotiatio  
 sua. Vnde & verbale gustus pro sensu & intelligentia est.  
 1. Sam. 22. v. 13. Et mutauit Dauid gustū suum, & insa-  
 niuit in manibus ipsorum.

Psal. 119. v. 66. Bonum gustum & scientiam doce me.

*Et gustare mortem.*

Ioh. 8. v. 52. Si quis sermonem meum seruat, non gu-  
 stabit mortem æternam. Quomodo & Euripides loqui-  
 tur in Phœnissis: γινώσκων τὰ κακά, gustare mala, & ἀγινώσκων  
 τὰ κακά, qui nihil mali expertus est.

### IN VERBIS AFFECTVS.

*Diligere & amare pro curare, iuuare, obseruare, & defende-  
 re est: odisse contra pro negligere, contemnere, & alijs simi-  
 libus est.*

Malachia 1. v. 3. Iacob dilexi, Esau autem odio habui.  
 Pro, magis Iacobo, quàm Esau benefeci.

Prouerb. 13. v. 8. Qui parcit virgæ, odit filium. Pro, ne-  
 gligit & malè instituit.

Luc. 14. v. 26. Si quis venit ad me, & non odit patrem  
 suum, non est me dignus. Pro, qui non Patrem negligit  
 propter me cum res postulat.

*In verbis actionis pro studio & conatu.*

Ezechiel. 24. v. 13. Mundaui te, & non es mundata.

Act. 7. v. 26. Moyses redigit seu compulit eos in con-  
 cordiā. Pro, redigere conatus est. Sequitur enim, qui in-  
 iuriam faciebat, repulit eum.

Rom. 15. v. 2. Vnusquisq; proximo suo placeat in bo-  
 num. Pro, studeat placere.

1. Cor. 10. v. 32. Estote sine offēdiculo Ecclesię Chri-  
 sti:



stificut & ego per omnia omnibus placeo. Pro, placere studeo.

Galat. 1. v. 10. Si hominibus placerem, Christi seruus non essem. Pro, si placere stude rem.

Et 5. v. 4. Facti estis inanes Christi, quicunq; per legem iustificamini. Pro, iustificari vultis.

*In verbis facti pro dicto est, vt loquitur Linacer.*

Exod. 13. v. 2. Sanctificabis mihi omne Primogenitū. Pro, mandabis populo vt sanctificet.

Esa. 6. v. 10. Impingua cor populi huius, & aures eius aggraua: & oculos eius claude, ne fortè oculis suis videant, &c. Pro, denuncia & clama eos tales esse, ac tales futuros donec pereant. Nā v. 9. dicitur: Dic populo huic: vide Matth. 13. v. 15.

Ierem. 9. v. 9. Constituo te hodie super gētes & regna, vt euellas & destruas, vt ædifices & plantes. Pro, prædices, regna impia euertenda, & rursum aliquando ædificanda & restauranda.

Act. 10. v. 15. Quæ Deus purgauit, tu ne polluito. Pro, quæ Deus pura esse pronunciat: ea ne polluta dixeris: vt rectè hîc vetus vertit:

Gal. 3. v. 22. Conclusit Scriptura omnia sub peccatū, vt promissio ex fide detur credentibus. Pro, lex omnes peccati aceusat & damnat, ut ad misericordiam Dei cōfugiant. Et similis tropus apud Virgilium est Ecloga 6. in his verbis:

*Tum Phœtontiadæ musco circumdat amara*

*Corticis: atq; solo proceros erigit alnos. Pro, canit circumdatas, & erectas. Vide Linacrum lib. 2. in fine.*

*Et contra dictum pro facto est, & vocare seu appellare pro facere est.*

2. Reg. 8. v. 1. Vocabit Deus famem super terram.

D d 2 Psal.



Psal. 105. v. 16. Cum vocauerit famem super terram.  
 Jerem. 36. v. 39. Vocabo frumentum & multiplicabo illud.

Rom. 4. v. 17. Vocat ea, quæ non sunt, tanquam sint.  
 Pro; facit vt sint.

*Et vocari seu dici, pro Esse seu fieri.*

Esa. 4. v. 3. Omnes in Israël residui sancti vocabuntur.

Et 47. v. 5. Non vltra vocaueris Domina regnorum.

Et 56. v. 7. Et Matt. 20. v. 13. Domus mea, domus pre-  
 cationis vocabitur omnibus populis.

Matth. 5. v. 13. Beati pacifici, quoniam ipsi filij Dei vo-  
 cabuntur. Et v. 19. Qui soluerit vnum ex mandatis his  
 minimis, minimus vocabitur in regno Cœlorum: Qui au-  
 tē fecerit & docuerit, is magnus vocabitur in regno Cœ-  
 lorū: id est, nullus erit, & particeps erit regni Cœlorum.

Luc. 1. v. 76. Tu Puerule Propheta altissimi vocaberis:  
 id est, eris.

Rom. 7. v. 1. Si mulier se alteri iunxerit, viuente mari-  
 to, adultera vocabitur. Pro est, vel fit.

1. Ioh. 3. v. 1. Videte qualem dilectionem dedit nobis  
 Pater, vt filij Dei vocentur. Pro; simus.

Et sic etiā Homerus Iliados 8. v. 60. Locutus est, cum  
 ait, in persona Iunonis: — ἡγὰρ θυγάτηρ εἶμι πατρὸς κούρης κέκλεται ::  
 quoniam tibi, vel tua vxor vocor. Vbi Eustathius: Voc-  
 di, inquit, verbum non dubitationem significat: sed pro  
 verbo Sum ponitur.

### IN VERBIS SINGVLIS.

*Aedificare pro creare.*

Genes. 2. v. 22. Aedificauit Deus ex costa mulierem.

*Et integrum restituere.*

Jerem. 31. v. 1. Aedificabo te virgo Israël.

*Et*



*Et ædificari pro florere.*

Malachiæ 3. v. 15. Etiam illi, qui faciunt iniquitatem, ædificantur.

*Et apud Paulum pro iuuare, aut utile esse.*

1. Cor. 10. vers. 24. Omnia mihi licent, sed non omnia ædificant.

1. Thessal. 5. v. 11. Aedificate vos mutuo. Pro, docendo iuuare.

*Ambulare pro vitam instituere.*

Psal. 119. v. 1. Beati immaculati in via, qui ambulant in lege Domini.

Galat. 5. v. 6. Spiritu ambulate.

Ephes. 5. v. 6. Vt filii lucis ambulate.

*Induere maledictionem.*

Psal. 109. v. 8. Induet maledictionem, vt vestimentum.

*Et indui Pudore.*

Vers. 29. Induantur Aduersarii tui Pudore.

*Induere Christum.*

Galat. 3. vers. 27. Quotquot baptizati estis, Christum induistis.

*Induere Nouum hominem.*

Colos. 4. v. 24. Exuite veterem hominem, & induite nouum. Atque hoc ferè modo Virgilius locutus est:

—cū se nux plurima syluis induit in florem.

*Occidere pro accusare & reprehendere.*

Osæ 6. v. 6. Occidi eos verbis oris mei. In quo inest & hyperbole. Atque hoc modo & illud accipi potest 2. Cor. 3. vers. 6. Litera occidit: Spiritus autem viuificat: Pro, lex accusat & damnat homines: Euangelium autem consolatur. Atque huic simile est aliquo modo illud Terentij in Adelphis: Occidunt me, dum nimis sanctas nuptias student facere.

D d 3 Stillare



*Stillare pro Docere, & Prophetare.*

Ezechiel. 2. 1. v. 2. Pone faciem tuam cōtra viam austri, & stilla ad meridiem.

Amos 7. v. 16. Ne prophetes contra Ierusalem, & ne stillas contra domum Israël.

### IN ADVERBIIS. vt,

*Durè accipere, pro grauitè ferre.*

Gen. 2. 1. v. 11. Durè accipit hoc Abrahā, & durè loquitur.

Gen. 4. 2. v. 7. Locutus est nobis Dominus terræ durè.

Tit. 1. v. 13. Increpa eos durè, vt sint sani.

*Et durè agere.*

2. Cor. 1. 3. v. 10. Ne cūm venero durius agam.

*Grauitè, pro valde seu vehementer.*

3. Reg. 2. 2. v. 34. Quia grauitè sum vulneratus.

2. Esdræ 9. v. 7. Nos ipsi peccauimus grauitè. Sed hæc Metaphora etiam Latina est. Atque hic dignus est locus Ciceronis, vt obseruetur, qui extat lib. 1. 6. Epistola 17. Fam. ad Tironem: Heus tu qui *κακῶν* esse meorū scriptorum soles, vnde illud tam *ἀνυποπ*, valetudini fideliter in seruiendo? Vnde in istum locū fideliter venit? Cui verbo domiciliū est proprium in officio. Migrationes in alienum locū: Nam & doctrina & domus & ars, & ager etiā fidelis dici potest: ut sit quomodo Theophrasto placet, verecunda translatio.

### METAPHORA CONTINVATA.

Allegoria seu inuersio præcipuè in Metaphora eminet: & frequens est in Sacris literis. Quæ est comparatio qualitatis imperfecta: in qua membrum posterius seu *ἀπὸ δόξης* seu interpretatio ipsa desideratur. Comparatio enim plena duobus membris constat, & non tropus, sed vt ita dicam, *τότε* est, & argumentum logicum in Topicis



picis tradendum. Paul. Gal. 4. v. 2. voce ex allegoria deducta, usus est. Vbi hæc, inquit, sunt *ἐκ τῆς ἀγορεύσεως* seu per allegoriam dicta.

Eiusmodi sunt hæc, Esa. 42. v. 3. Et Matth. 12. vers. 20. Arundinem quassam non conteret, & linum fumigās non extinguet. Pro, Christus non aspernabitur infirmos & imbecilles, in quibus aliquid bonæ spei est: sed hos fouebit potius quàm opprimet.

Oseæ 8. v. 7. Quia seminant ventum, turbinem metēt. Pro, quia peccant, ideo punientur. Vel quia vana sunt opera eorum, ideo nullus fructus consequetur.

Matth. 7. v. 6. Ne deris quod sanctum est canibus: nec margaritas vestras coram porcis proieceritis. Pro, mysteria doctrinæ cœlestis non sunt promiscuè dignis & indignis prodenda. Vel doctrina Euangelii non est proponēda contemptoribus verbi, Epicureis, & hypocritis.

1. Cor. 9. v. 9. Bui trituranți non obligabis os. Pro, docenti victum & stipendium non denegabis.

Galat. 6. v. 7. Quicquid seminat homo, hoc & metet. Pro, Qui egenis benefecerit, præmium à Deo recipiet.

*Allegoria autem hominū sermone trita Paremia dicitur, seu Proverbium.*

Ezechiel. 36. Omnis qui vulgò proverbiis vtitur: de te dicit illud: qualis mater, talis filia. Pro, peccatis.

Et cap. 18. v. 2. Cur vos hoc Proverbio utemini de terra Israël, Patres comederunt vnam acerbam, & filiorum dentes obstupuerunt. Pro, nos luimus peccata nostrorum maiorum.

Matth. 15. v. 14. Si cæcus cæcum duxerit, ambo in foueam cadunt. Pro, stultus & indoctus Præceptor, stultos & indoctos Discipulos facit.

Et 23. v. 24. Colatis culicem, & deglutitis camelum.

Pro,



Pro, in minimis superstitiosi, in maximis negligentes estis.

Act. 9. v. 5. Durum est contra stimulum calcitrare. Pro, difficile est potentiori Deo præsertim repugnare.

1. Cor. 9. v. 6. Modicum fermenti totam massam fermentat. Pro, vnius improbi contagium multos inficit; vel vnus falsus doctor totum cœtum inficere potest: vel exiguum Iudaismi Euangelio mixtum totius fidei sinceritatem corrumpit.

1. Pet. 2. v. 22. Accidit illis, quod verè prouerbio dici solet: Canis ad vomitum reuersus est, & sus lota ad volutabrum eceni.

*Allegoria autem si minus trita, & obscura proinde sit, anigma dicitur.*

1. Reg. 10. v. 1. Quòd regina Scheba ad Solomonem venerit, vt cum ænigmatibus tentaret. Aenigma autem in Sermone vitium magis est quàm virtus, vt ait Fabius: Quare etiam hæc allegoria in Scriptura rarissima est. In historia Samsonis, Iud. 14. v. 14. vnicum ferè extat exemplum, quod ibi legatur.

### PROSOPOPEIA.

Atque hætenus generalis Metaphora fuit, eius duæ species à Theologis factæ, & nominibus docendi causa distinctæ sunt, nēpe Prosopopeia & ἀνθρωποποίηση. Quæ ambæ ab homine sumptæ sunt.

*Prosopopeia est, cum id, quod homini propriū est, ad res alias transfertur.* Chrysostomus ad locum Pauli Rom. 8. v. 22. vbi dicitur res omnes & mundum ipsum expectare reuelationem Dei. Prosopopij, inquit, τῶν κόσμων: id est, mūdo personam tribuit, vt oratio maiorem vim & Emphasim habeat. Hæc ergo fit in substantiuis.

*Sic*



*Sic populus seu gens de bestijs dicitur.*

Ioël. 1. v. 6. Inuadit terram meam potens & innume-  
rabilis gens. Loquitur enim de Locustis.

*Sic exercitus.*

Cap. 2. v. 25. Reddam vobis fructus, quos comederūt  
locustæ exercitus meus ingens.

*Et tales sunt aliquot Prosopopeïa.*

Prouerb. 30. v. 25. Et hac Prosopopeïa etiam Virgilius  
vsus est de apibus 4. Georg. cū ait:

*Magnanimosque duces, totiusque ex ordine gentis,  
Mores et studia, et populos et prælia dicam.*

*Sic filius Bouis dicitur.*

Exod. 29. v. 1. Tolle iuuenicum vnum filium Bouis.

*Et filius Asinæ.*

Zacha. 9. v. 9. Sedens super asinum, & super pullum fi-  
lium asinæ: vbi idem bis dicitur.

*Sic filius Pharetræ.*

Threnorū 3. Fecit vt intrarent in renes meos filij pha-  
retræ: Pro, Sagittæ.

*Sic filie pro urbibus minoribus ad metropolim pertinentes.*

Esa. 40. v. 6. Et comburentur filii eius. Hoc tropo Pin-  
darus appellat pluuiam nubis filiam.

*Manus canis.*

Psal. 21. v. 21. Erue à gladio animam meam, & è manu  
canis vnicam meam.

*Manus flammæ.*

Esa. 47. vers. 14. Non liberabunt animam suam de ma-  
nu flammæ.

*Manus gladij.*

Iob. 5. v. 20. Redime me à manu gladij.

E c

Præpu-



*Præputium arboris pro fructu immunda.*

Leuit. 19. v. 24. Tum circumcidetis præputium eius.

*In Adiectiuis.*

Huc referri possunt illa, quæ vulgo ad metonymiam effecti pro causa inuolutè referuntur: vt,

*Mors pallida* apud Horatium. Item:

*Pallentes habitant morbi tristisque senectus.*

### IN VERBIS.

Canticorum 1. v. 6. Nigra sum, quia sol me aspexit.

Iosue 24. v. 27. Ecce lapis iste erit testis foederis: ipse enim audiuit omnia verba Iehouæ.

Psal. 98. v. 8. Flumina plaudent manu, & colles exultabunt: vbi etiam Augustinus Prosopopœiam agnoscit.

Et 65. v. 4. Pascua induant se pecudibus, & valles operient se frumento.

Deut. 32. v. 42. Inebriabo sagittas meas sanguine.

Psal. 106. vers. 9. Increpauit mare rubrum & exsiccatum est.

Nahum 1. v. 2. Obiurgat mare, & exsiccatur illud.

Eiusmodi sunt hæc apud Virgilium:

—respondent omnia syluæ. Item:

*Arctos Oceani metuentes æquore tingi.*

Et apud Horat. *Amatque lanua limen.* Atque hoc genus Græci γλῶκν: id est, suaue appellant.

*Atque huc spectat Apostrophe ad res inanimatas.*

Deut. 32. v. 1. & Esa. 1. v. 2. Audite cœli, quæ loquor, & audiat terra verba oris mei.

Malach. 6. v. 2. Audite mōtes expostulationē Iehouæ.

Psal. 24. vers. 7. Eleuate portæ capita vestra.

Et 68. v. 17. Vt quid exilitis montes excelsi.

*Species*



SACRÆ SCRIPTURÆ. 215

*Species Prosopopeiæ est προσωποποιεῖα, cum id, quod hominis est, ad res incorporeas seu accidentia transfertur: & ipsæ quasi corpus induitur.*

Psal. 85. v. 11. Misericordia & veritas sibi mutuò obuiâ venient: iustitia & pax se mutuò osculabuntur.

Et 30. v. 6. Vesperti pernoctabit fletus, sed manè reuertetur lætitia.

Prouerb. 8. v. 1. Nōne sapientia clamat: & intelligentiâ edit vocem.

Luc. 4. v. 39. Christus obiurgauit febrem: & illa demisit eam.

Ἀνθρωποποιεῖα.

*Ἀνθρωποποιεῖα, cum id quod hominis est ad Deum transfertur: quā nimium, ut ait Cicero, Homerus usus est. Hæc ferè perpetua est, cum Scriptura de Deo loquitur. Cum enim Scriptura hominibus loquitur, pro captu humano loquitur. Homines autem aliter de Deo cogitare, aut intelligere, aut loqui nequeunt, quàm pro suo captu.*

*In Scriptura igitur Deo tribuuntur nomina officiorum humanorum: vt, Rex, Iudex, Dominus, Pater, Pastor.*

*Deinde membra humana: vt, facies vultus, oculi, aures, os, labia, brachia, manus, digiti, pedes, cor.*

*Item vestis: Arma, gladius, arcus, sagittæ, libri. (ctus.*

*Præterea sensus humani: vt, Ignoratio, obliuio: Item affectus: Amor, odium, lætitia, tristitia, ira, zelus.*

*Postremò actiones humane: vt, videre, audire, loqui, stare, sedere, ambulare, surgere, ascēdere, descēdere, vigilare, dormire. Quorū exēpla lectio quotidiana suppeditabit. Hæc cum Andiani sine tropo acciperent: ab alijs ἀνθρωποποιεῖα dicti sunt: de quibus vide Augustinum libro de Hæresibus cap. 50. Atque hætenus Metaphora fuit.*

Ec 2. QV AR.



Q V A R T V S T R O P V S S Y-  
N E C D O C H E.

*Synecdoche, est tropus, cum ex parte totum, aut contrà significatur: & fit ferè in solis substantiis.*

*Pars est membrum vel species.*

*Synecdoche membri est, quãdo membrum pro integro ponitur: vt, Membra hominis pro homine.*

*Sic anima pro homine est.*

Gen. 12.v.5. Tulit Abraham animas, quas sibi acquisuerat in Haram. Pro, homines seruos & liberos.

Et 26.v.15. Omnes animæ filiorum eius, & filiarum eius fuerunt triginta tres.

Et v.18. Peperit ipsi Iacob decem animas.

Ezech. 18.v.4. Anima quæ peccauerit, ipsa moriatur.

Act. 2.verf.4. Et accesserunt ad fidem circiter ter mille animæ.

Rom. 13.v.1. Omnis anima sit subiecta potestati.

Atque sic etiam Græci & Latini interdum locuti sunt, Sophocles in Oedipo Colonio: Sufficere, inquit, existimo, si pro multis vna anima hæc perficiat, quæ beneuola sit, & Horat. lib. 1. serm. Satyra quinta:

*Postera lux oritur muliò gratissima: namque*

*Plocius & Varius, Sinuessæ, Virgiliusque*

*Occurrunt animæ, quales neque candidiores:*

*Terra tulit, neque quæis me sit deuinctior aliter.*

Tale & illud Persei esse videtur Satyra secunda:

*O curuæ in terras animæ & cœlestium inanes.*

Et illud Ciceronis: Vos meæ carissimæ animæ sapissimè ad me scribite.

*Corpus etiam pro toto homine est.*

Exod. 21.v.3. Si cum corpore suo venerit, cum corpore suo exhibit. Pro, si ipse solus vel secum venerit: si solus venerit, solus sine vxore exhibit.

Rom. 12.



Rom. 12. v. 1. Precor vt sistatis corpora vestra hostias viuas Deo. Pro, vos ipsos totos.

1. Cor. 6. v. 20. An nescitis corpora vestra membra esse Christi. Pro, vos ipsos.

Iacobi 3. v. 16. Lingua maculat totum corpus. Pro, totum hominem.

Sic & Græci loquuntur, & corpus pro homine dicunt: vt,

*Aedificare domos, & pascere corpora multa.*

*Ad paupertatem proximus est aditus.*

Sic & Virgilius de Ceruis loquens 1. Aeneid. hac voce est usus:.

*Nec prius absistit, quàm septem ingentia Victor.*

*Corpora fundit humi.*

*Et pars corporis similis pro toto est: sic caro primum pro corpore hominis est.*

Genes. 17. v. 13. Erit pactum meum in carne vestra. Pro, in corpore vestro.

Prouerb. 14. v. 30. Vita carnium sanitas cordis.

Ioh. 6. v. 51. Panis, quē ego dabo, caro mea est: quam dabo pro mundi vita. Pro quo dicitur, Luc. 22. v. 19. Hoc est corpus meum, quod pro vobis datur.

2. Cor. 7. v. 1. Purgemus nos ab omni inquinamento carnis & spiritus. Pro, corporis & animi.

*Secundò pro toto homine caro est.*

Genes. 6. v. 12. Finis omnis carnis venit corā me: quia omnis caro corrumpit viam suam.

Psal. 56. v. 5. Deo fidam non timebo, quid faciat mihi caro: sequitur versu 8. Quid faciat mihi homo.

Esa. 40. v. 5. Omnis caro fœnum.

Matth. 24. v. 22. Nisi abbreviarentur dies illi, non fieret salua vlla caro..

Ee 3. Ioh..



Ioh. 1. v. 14. Et Sermo caro factus est. Pro, filius Dei homo factus est.

Rom 3. v. 20. Ex operibus Legis non iustificabitur vlla caro.

*Tertiò pro toto animali caro est.*

Genes. 6. 1. v. 17. Interficiam omnem carnem, in qua sit spiritus vitæ sub cœlo. Pro, omne animal.

Leuit. 17. v. 14. Sanguinem cuiuscunq; carnis, non comedetis. Pro, sanguinem nullius animalis comedetis.

Psal. 136. v. 26. Qui dat escam omni carni.

*Sanguis pro homine est.*

Psal. 94. v. 21. Congregant exercitum contra animam iusti, sanguinem innocentem condemnant. Pro, hominem innocentem.

Matth. 16. v. 17. Beatus es Simon, quia caro & sanguis non reuelabit hæc tibi. Sequitur enim, sed Pater meus qui in cœlis est.

Et 27. v. 4. Peccaui, prodens sanguinem innocentem. Pro, Christum innocentem.

*Et pars dissimilis pro toto homine est.*

*Primum caput.*

2. Reg 2. v. 3. An non nosti, quod Ichoua tollet Dominum tuum à capite tuo. Pro, à te.

Prouerb. 4. v. 9. Sapientia dabit capiti tuo augmentum gratiæ. Pro, ornabit te, & augustiorem te reddet. Sequitur enim & coronam decoram dabit tibi. Atq; sic etiam Terentius loquitur, lepidum caput.

*Os pro homine est.*

Psal. 17. v. 10. Os eorum loquitur superbiam. Pro, ipsi loquuntur.

Et Psal. 30. Os iusti meditatur sapientiam. Pro, iustus.

Prouerb. 8. v. 13. Os lingue detestor, Pro, hominem bilirguem.

*Oculus*



*Oculus pro homine est.*

Prouerb. 22.v. 10. Benignus oculus benedicetur:  
quòd de pane suo dat pauperi. Pro, homo beneficus.

Deut. 15.v. 10. Caue ne sit malignus oculus tuus in fra-  
trem mendicum, vt non des ei. Pro, ne tu ipse nimis sis  
malignus.

Matt. 20.v. 15. Num oculus tuus malus est, quòd ego  
sum bonus. Pro, num tu alijs meam bonitatē inuides.

*Cor pro homine est.*

Deut. 15.v. 11. Dando dabis ei: neq; malignū erit cor  
tuum. Pro, ipse ne eris malignus.

Ezechiel. 20.v. 6. Quia post idola sua cor eorum gra-  
ditur. Pro, ipsi gradiuntur.

Et 33.v. 31. Post auaritiam suam cor eorum ambulat.

*Et pars rei pro re tota est.**Sic porta seu, porta pro vrbe sunt.*

Genes. 22.v. 27. Et cap. 20.v. 60. Semen tuum posside-  
bit portas inimicorum tuorum. Pro, vrbes.

Deut. 16.v. 5. Non poteris sacrificare Pascha in quali-  
bet porta tua. Pro, in qualibet vrbe.

Et v. 18. Iudices & Præfectos cōstitues in omnib. por-  
tis tuis, quas dabit tibi Deus. Pro, in omnibus vrbibus.

Psal. 87.v. 2. Diligit Dominus portas Syon.

*Sic Syon pro tota Ierusalem est.*

Psal. 69.v. 36. Saluam faciet Iehoua Syon: id est, Ieru-  
solymam.

Et 87.v. 2. Diligit Dominus portas Syon.

Esa. 2.v. 3. De Syon exhibet lex, & verbum Domini de Ie-  
rusalē: vbi tropi interpretatio sequitur. Bis. n. idē dicitur.

Micheæ 3.v. 12. Propter vos Syon, vt ager arabitur,  
& Ierusalem in acervos lapidū redigetur, vbi rursum bis  
idem dicitur.

*Sic*



*Sic Ierusalem & Iuda pro tota regione & gente.*

Esa. 1. v. 1. Visio Esaia, quā vidit super Iuda & Ierusalem.

Osee 4. v. 15. Si peccat Samaria, saltē ne delinquet Iuda.

*Synecdoche speciei, cum species pro genere est. Atq; hac cū Metaphora aliquo modo cognata est: praesertim cum genus & species nimis procul distant: nam cum species generi vicina est, Synecdoche perspicua est.*

*Sic species hominis pro genere est: ut Vir pro homine utriusq; sexus.*

Psal. 112. v. 1. Beatus vir, qui timet Dominum.

*Sic nomina quaedam cognationis specialia: ut, Pater, frater, filius, & similia generalius accipi solent: ut,*

*Pater pro Maioribus.*

Psal. 22. v. 4. In te sperauerunt Patres nostri.

Et 106. v. 5. Peccauimus cum Patribus nostris.

*Frater pro cognatis & consanguineis.*

Iudicum 9. v. 1. Abijt ad fratres matris suae: id est, cognatos matris.

1. Paralip. 12. v. 29. De filiis Benjamin fratribus Saulis,

Matth. 12. v. 47. Et dixerunt ad Christum: Mater tua, & fratres tui stant foris. Pro, cognati tui.

*Et de Minoribus.*

Genes. 14. v. 12. Et audiuit Abraham, quod captus esset Loth frater suus. Vbi Loth frater Abrahami appellatur, qui fuit filius tantum fratris Abrahami, ut dicitur cap. 12. v. 5.

*Filij pro Posteris.*

Ierem. 30. v. 29. Patres comederunt vnam acerbam, & dentes filiorum obstupuerunt. Pro, Maiorum peccata luunt posteris. Et in his cum dicitur filius Israël Exo. 1. v. 7. Filij autem Israël creuerunt.

Num. 21. v. 24. Et percussit filios Amon. Atq; hoc modo



do Christus filius Dauidis dicitur Matth. 22.v.42.

*Et in proprijs nominibus pro appellatiuis.*

Ezechiel. 14.v.14. & v.20. Si fuerint tres viri in medio eius, Noë, Daniel, & Iob: ipsi iusticia sua liberabunt animam suam. Pro, si fuerint aliqui homines iusti, similes Noë, Danieli, & Iobo.

1. Cor. 3.v.6. Ego plantaui, Apollo rigauit: sed Deus dedit incrementum. Pro, ministri verbi tantum plantant & rigant: sed Deus dat incrementum. Sequitur 11.cap. 4.v.6. Hæc per figuram transtuli ad meipsum, & Apollo propter vos, ut in nobis discatis de vobis non sentire supra id, quod scripsi, ut ne alius aduersus alium inflemini.

*Et species rei pro genere est.*

*Sic panis pro quouis cibo & omni victu est.*

Genes. 3.v.19. In sudore vultus tui vesceris pane tuo. Pro, magno cum labore & difficultate parabis tibi victum.

1. Sam. 14.v.24. Maledictus vir, qui comederit panem usque ad vesperum. Et in oratione Dominica dicitur: Panem nostrum quotidianum, &c.

*Et panis & aqua pro omnibus rebus ad vitam necessarijs sunt.*

Esa. 33.v.16. Panis eius dabitur illi, & aquæ eius stabiles erunt.

*Dies est pro tempore sæpius.*

Psal. 102.v.12. Dies mei sunt sicut umbra: & ego ut herba arefco. Pro, tempus vite meæ.

Et 103.v.5. Hominis dies, ut herbarum dies sunt.

4. Reg. 20.v.1. In diebus illis ægrotauit Ezechias.

Matt. 2.v.1. Cum natus esset Iesus in diebus Herodis. *Vita & mors, pro bono & malo, seu felicitate & infelicitate.*

Deut. 30.v.15. Ecce pono hodie coram te vitam & bonum:

Ff num:



num: & mortē & malum: vbi Synonima locum siue Tropum interpretatur.

Et v. 19. Propono tibi vitam & benedictionē: & mortem & maledictionem. Vbi rursus Synonima Tropum interpretatur.

Psal. 30. v. 6. Momentum est in furore eius: vita in voluntate eius.

Exo. 10. v. 17. Orate pro me Iehouam, vt auferat à me mortē istā. Pro, malū istud. Loquitur enim de locustis.

*Sic pax pro bono seu felicitate est.*

Psal. 113. v. 165. Pax multa est diligentibus Legem tuam, & non est illis offendiculum. Pro, bona multa proposita sunt.

Esa. 32. v. 17. Erit opus iusticiæ Pax. Pro, præmium iusticiæ felicitas.

Et 48. v. 22. Non est Pax impijs.

Rom. 2. v. 10. Gloria, honor & Pax omni operanti bonū.

Iacobi 3. v. 18. Fructus iusticiæ pax seminatur facientibus pacem.

*Sic in Salutationibus.*

Genes. 43. v. 23. Et respondit Ioseph.

*Et in benedictionibus seu faustis precationibus.*

Num. 6. v. 26. Attollat Iehoua faciem suam super te, & det tibi pacem. Cuiusmodi & Paulinæ salutationes & precationes sunt.

Rom. 1. v. 7. Gratia sit vobis & Pax à Deo Patre, &c.

*Specialiter hac Synecdoche fit in numero.*

*Species numeri certa, pro multitudine seu multis est, vt duplicia pro multis.*

Esa. 40. v. 2. Suscipiet de manu Iehouæ duplicia pro peccatis suis. Pro, multa beneficia à Deo percipiet pro calamitatibus, quas propter peccatum tulit.

*Et*



*Et septem frequentius.*

Leuit. 4. v. 6. Intinget Sacerdos digitū in sanguine, & asperget septē vicibus corā Iehoua. Pro, multis vicibus.

Prouerb. 26. v. 25. Cū te blandē compellat, ne credas ei, quoniam septem abominationes sunt in corde eius. Pro, multæ.

Esa. 4. v. 1. Et apprehendent septem mulieres virum vnum. Pro, multæ.

Ierem. 15. v. 9. Eneruata est, quæ peperit septem. Pro, multos liberos: id est, populus multus redactus est ad exiguum numerum.

Ezechiel. 39. v. 12. Et sepelient eos septē mensibus, vt mudent terram. Pro, multis mensibus: q. d. tantus erit cæcorum numerus, vt paucis mensibus sepeliri nequeāt.

*Et Aduerbialiter.*

Leuit. 26. v. 18. Percutiam vos septies propter peccata vestra. Pro sæpè & multis plagis.

Psal. 12. v. 8. Eloquia Iehouæ sunt eloquia munda, vt argentum purgatum septies. Pro, sæpè.

Et 119. v. 164. Septies quotidie laudo te. Pro, sæpè vel semper: vt Tyconius regula quinta apud Augustinū interpretatur.

Prouerb. 24. v. 16. Septies in die cadit iustus, & resurgit. Pro, sæpè periclitatur, sed nō prorsus euertitur, Deo eum custodiente.

*Et septenarius diuisus eodem modo vsurpatur.*

Iob. 5. v. 19. In sex angustijs eruet te, & in septima non tanget te malum. Pro, in multis angustijs, aut potius omnibus Deus tibi aderit.

Amos 1. v. 3. Propter tres præuaricationes Damasci, & quatuor nō parcam ei: id est, propter multas & varias præuaricationes non parcam Damasco.

Ff 2 Vt



*Vt autem septenarius multitudinem significat. Ita septu-  
plicatio pro ingenti numero accipitur.*

Gen. 4. v. 24. Septuplū vindicabitur Cain, at Lamech  
septuagies septies.

Matth. 18. v. 22. Non dico tibi vsq; septies, sed vsq; se-  
ptuagies septies.

*Decem pro multis.*

Genes. 31. v. 7. Mutauit mercedem meam decem vici-  
bus. Pro, pluribus vicibus.

Ecclesiastæ 7. v. 20. Sapiētia roborat sapientē, magis  
quām decē potētes, qui sunt in vrbe. Pro, multi potētes.

*Centum pro multis.*

Ecclesiastæ 6. v. 2. Si genuerit homo centum liberos,  
& annos multos vixerit. Pro, multos liberos.

Et 8. v. 12. Quamuis peccans faciat malum. cētum vi-  
cibus. Pro, multis vicibus.

*Mille pro multis.*

Iosua 22. v. 14. In millibus Israēl erant singulī princi-  
pes familiarum. Pro, in populo Israēl, cuius magnus erat  
numerus.

Psal. 119. v. 72. Diligo iudicia tua magis quām millia.  
auri aut argenti. Pro, multos & magnos thesauros.

*Et decem millia pro multis.*

Psal. 3. v. 6. Nō timebo à decem millibus populorum,  
quī circumquaq; castra ponūt aduersum me. Pro, à mul-  
tis populis non timebo.

*Et mille millia.*

Genes. 24. v. 60. Et sic in millia millium.

*Et decem millia millium.*

Num. 10. v. 36. Reuertere Ichoua ad decem millia mill-  
lium Israēlis. Pro, ad populum Israēl, cuius magnus est  
numerus.

*Et*



*Et sic Latini sexcenta pro multis dicunt.*

Cic. 2. de Diuinat. Sexcenta licet eiusmodi proferre,  
Et Terēt. in Phor. Sexcētas proinde scribito poti⁹ dicas.  
Et Hesiodus: Trecenta ligna in plaustro esse dixit. Pro,  
multis, vt Galenus de Placitis Hippocratis & Galeni in-  
terpretatur.

*Et quedā Aduerbia temporis specialia generaliter accipiun-  
tur, nempe Hodie, Heri, Cras.*

*Hodie pro presenti tempore est.*

Deut. 27. v. 9. Ausculta Israël, hodie factus est populus  
Iehouæ Deo tuo.

Iosua 22. v. 16. Quæ est ista prauaricatio, vt auertami-  
ni hodie à Iehoua.

Psal. 95. v. 8. Hodie si vocem eius audieritis, nolite ob-  
durare corda vestra.

Esa. 58. v. 4. Ne ieiunetis posthac sicut hodie, vt audia-  
tur in excelsis vox vestra.

Osea 4. v. 5. Corruet hodie, & corruet Propheta tecū.

*Atque sic etiam Latini interdum loquuntur.*

Terent. in Eunuchis: O populares ecquis me viuit ho-  
die fortunatior.

Et Cic. pro domo sua: Hodieq; Volaterani non mo-  
dò ciues, sed optimi ciues priuantur nobiscum simul  
ciuitate.

*Heri pro tempore præterito, seu antè seu priùs est.*

Michea 2. v. 8. Et heri populus meus, tanquam hostis  
insurgit. Pro, qui antè populus meus fuit: nunc hostis  
meus factus est.

*Hoc autem sensu sæpiùs dicitur heri & nudius tertius.*

Genes. 31. v. 2. Non erat sicut heri & nudius tertius.

Exod. 5. v. 7. Si bos cornupeta fuerit ab heri & nudius  
tertius.

Ef. 3. Deut. 4.



Deut. 4. v. 42. Si homicida non oderit cum heri & nudius tertius.

2. Sam. 3. v. 17. Etiam heri, etiam nudius tertius quæsiuistis Dauidem, ut esset super vos. Pro, iam antè quæsiuistis.

*Et heri pro nuper seu paulò antè.*

2. Sam. 15. v. 20. Heri venisti, & hodie excitabo te, ut eas nobiscum.

2. Reg. 9. v. 26. Nisi sanguinem Naboth viderim heri, dicit Ichoua. Pro, memor ero sanguinis Nabothi nuper effusi.

Iob 8. v. 9. Ab heri sumus. Pro hesterni sumus, seu nuper nati, & breui rursus morituri. Atq; hoc sensu Græci ferè dicunt: *Θεὸς καὶ πάλιν* id est, heri & nudius tertius pro tempore nuper clapsò. Vide Chiliades Erasmi.

*Cras pro futuro, vel post, vel olim.*

Exod. 13. v. 14. & Deut. 6. v. 20. Cùm interrogauerit te filius tuus cras.

Iosue 4. v. 6. Ut sit signum hoc in medio vestri, cùm cras interrogauerint filij Patres suos, &c.

Et 22. vers. 24. Cras dicent filij vestri filiis nostris. Tale & illud Horatii esse videtur: *Quid sit futurum cras fuge querere.* Et Plautus: *Quæ cras venerit, deinceps feretur foras.*

*Sic & dies crastina.*

Gen. 20. v. 33. Et testificabitur de me iustitia mea dies crastina. Pro, impofterum.

Matth. 6. v. 34. Ne sitis solliciti de crastino: Nam crastinus dies erit sollicitus de rebus suis.

*Et tempus per Aduerbia donec & usque determinatum interdum sequens tempus omne includit: ac proinde pro semper aut nunquam.*

*Pro*



*Pro Semper.*

Psal. 110. v. 1. Sede à dextris meis: donec ponam inimicos tuos scabellum pedum tuorum.

Esa. 46. v. 4. Usque ad senectam Ego sum vobiscum, & usque ad canitiem ego vos portabo.

*Pro Nunquam.*

Gen. 8. v. 7. Corvus non est reuersus donec siccarentur aquæ.

1. Sam. 15. v. 15. Samuel non vidit Saulem, usque ad diem mortis.

Matth. 1. v. 25. Nō cognouit illam, donec peperit primogenitum suum.

Et cap. 5. v. 26. Non exhibis illinc, donec perfolueris extremum quadrantem.

SYNECDOCHE TOTIVS.

Sequitur Synecdoche totius, in qua frequens est hyperbole. Estque duplex, integri & generis.

*Integri cum integrum pro membro est. Sic Persona primum integra pro parte, vel anima vel corpore frequentissime est, præsertim cum de mortuis mentio fit.*

*Pro Anima.*

Luca 16. v. 13. Et diues apud inferos sublati oculis suis vidit Abrahamum procul: & Lazarum in sinu eius. Vbi diues, Abrahā, Lazarus est pro anima diuitis, Abrahami, Lazari.

Et 23. v. 43. Et dixit Iesus ad latronem: Hodie mecum eris in Paradiso. Pro, anima tua mecum erit.

*Pro corpore, ut cum homo sepeliri dicitur.*

Genes. 23. vers. 19. Et sepeliuit Abraham Sara vxorem suam. Pro, corpus seu cadaver vxoris Saræ suæ.

Matth. 83



Matth. 8. v. 22. Sine vt mortui sepelient suos mortuos. Pro, mortuorum cadauera.

Iohan. 11. v. 34. Et dixit Iesus: Vbi posuistis eum? Pro, corpus eius.

*Sic Iesus seu Dominus pro corpore Iesu seu Domini est.*

Iohan. 19. vers. 42. Ibi propter pasceuen Iudæorum, quod propè esset monumentum, posuerunt eum.

Et cap. 20. v. 2. Sustulerunt Dominum meum, & nescio vbi posuerunt eum. Pro, quo versu 12. corpus Iesu dicitur.

Et Luc. 24. v. 3. dicitur: Nō inuenerunt corpus Domini.

Sic Augustinus de Principijs Dialecticæ: Ex toto, inquit, pars intelligitur: vt cū Tullius cadauer illius dicitur.

*Deinde res tota præfertim locus pro parte rei seu loci est.*

Atq; hīc etiam metonymia loci pro locato accidit frequenter.

*Sic mundus, seu orbis, seu terra pro magna vel certa aliqua parte mundi, orbis aut terre est.*

*Mundus.*

Iohan. 12. v. 19. Et dixerunt Pharisei inter sese: Videtis nos nihil proficere. Nam mundus Eum sequitur. Pro, magna pars mundi: id est, hominum seu Iudæorū magna multitudo ipsum sequitur.

Rom. 4. v. 13. Nō per legem promissio cessit Abrahe, vt esset hæres mundi. Pro, Iudææ, seu terræ Promissæ.

Et 1. v. 8. Gratias ago Deo de vobis, quod fides vestra annūciatur in toto mūdo. Pro, passim apud Christianos.

1. Iohan. 5. v. 19. Mundus totus in maligno positus est. Pro, magna pars mundi seu hominum.

*Orbis.*

Esa. 13. v. 11. Visitabo super orbem terrarum. Pro, super imperium Babylonicum.

Et 14.



Et 14.v. 17. Posuit rex Babel orbem quasi desertum.  
Pro, magnam orbis partem à se subactam.

Et 24.verf. 4. Destructa est terra, ruit orbis. Pro, Iudæa ruit.

Luc. 2.v. 1. Exiit edictum à Cæsare Augusto, vt cense-  
retur totus orbis. Pro, prouinciæ orbis Romano impe-  
rio subiectæ.

Act. 24.v. 5. Inuenimus hunc hominem mouentem  
seditionem omnibus Iudæis per vniversum orbem. Pro,  
passim in ijs locis vbi degunt Iudæi.

Quomodo & illud quidam accipiunt. Act. 11.v. 18.  
Agabus significauit per spiritum magnam famem futu-  
ram in toto terrarū orbe. Atq; sic etiā Latini loquuntur.  
Cic. Epistol. 46. Fam. Res vides, quomodo se habeat, or-  
bem terrarum distributis imperijs ardere bello: vbi or-  
bem terrarum dixit pro imperio Romano. Et Epist. 64.  
Sed scito ea, quæ nos pro salute Reipub. gessimus, orbis  
terræ iudicio comprobari. Pro, multorum hominum  
præsertim Romanorum.

Et Ouid. 1. de Arte:

*Nempe ab utroque mari iuuenes, ab utroque puellæ  
Venère: atque ingens orbis in urbe fuit.*

*Terra pro parte terra.*

Genes. 41.v. 57. Et omnis terra venit in Aegyptum ad  
emendum frumentum. Pro, Palæstina, seu Syria & alia  
loca Aegypto vicina.

2. Sam. 15.v. 23. Et omnis terra fleuit. Pro, omnis Iu-  
dæa fleuit, qui Dauidem fugientem sequebantur.

2. Paralip. 22.v. 12. Et Italia regnabat super terram Iu-  
dæam. De qua Synecdoche etiā Hieronymus cap. 5. Esa.  
loquitur, & notat Scripturæ morem esse, nomine totius  
terræ vocare eam tantum Prouinciam seu Regionem, de

G g      qua



qua sermo est. Quòd quidam, inquit, ignorantes ad totum terrarum orbem trahunt.

*Sic & Regnum, Regio, & Ciuitas pro magna regni, regionis, & ciuitatis parte est.*

4. Reg. 3 2. vers. 3. Et omne regnum Senacherib erat cum eo.

Matth. 3. v. 5. Tunc exiuit ad eum Hierosolyma, & tota Iudæa, & tota regio Iordanis. Pro, magna pars hominum ex Hierosolyma, Iudæa, & regione Iordanis.

Et 8. v. 3 4. Et tota ciuitas obuiam exiuit Iesu. Pro, magna pars ciuium.

Matth. 1. v. 3 3. Omnis ciuitas erat congregata ad Iohannam. Pro, multi ex ciuibus.

*Synecdoche generis.*

Synecdoche generis est, cum genus pro specie ponitur, eaque ferè insigni, quod Græci *καθ' ἑξῆς* appellant, hoc modo: Primus vox generalis pro speciali est. Atque hîc rursum cum genus à specie nimis procul distat: Metaphora appellari potest.

*Sic creatura pro homine est.*

Marci 1 6. v. 1 5. Prædicate Euāgelium omni creature: Pro, omni homini.

Coloss. 1. v. 2 3. Euāgelium prædicatum est omni creature sub cœlo. Pro, multis passim hominibus.

*Sic viuens seu animal pro homine est.*

Gen. 3. v. 2 0. Et Adam appellauit Vxorē suam Euam, quòd esset mater omnium viuentium. Pro, omnium hominum.

*Sic flumen sæpè pro Euphrate est.*

Gen. 3 1. v. 2 1. Fugit itaque Iacob, & transiuit flumen. Pro, Euphratem.

Iosue 24. v. 2. Trās flumen habitauerūt vestri à Seculo. Pro,



Pro, olim in Mesopotamia trans Euphratem Abraham  
& Patres eius scilicet habitauerunt.

1. Reg. 4. v. 2. A flumine vsque ad terram Aegypti.  
*Sic bonum & malum pro felicitate & infelicitate, seu præ-  
mijs & pœnis sunt.*

Deut. 30. v. 15. Vide propono tibi hodie vitam & bo-  
num, & mortem & malum.

*Sic malum seorsim.*

2. Reg. 6. vers. 33. Hoc malum à Ichoua est. Pro, hæc  
afflictio.

Amos 3. v. 6. Non est malum in ciuitate, quod non fa-  
cit Dominus. Pro, nulla est calamitas aut poena peccati,  
quæ præter voluntatem Dei nobis accedit.

*Et bonum pro beneficio est, vt malum pro male-  
ficio seu iniuria.*

1. Sam. 24. vers. 18. Tu retribuisti mihi bonum, vt ego  
tibi malum.

*Et bonum seorsim specialius pro fructu terræ est. vt frumen-  
to, & alijs similibus.*

Psal. 65. v. 12. Coronas annum bono tuo. Pro, fructus  
generis omnis.

Et 103. v. 4. Qui saliat bono os tuum: id est, fructu terre.

Esa. 1. v. 19. Bonum terræ comedetis.

Ierem. 2. v. 7. Vt comedatis fructum eius, & bonum  
eius: vbi Tropi interpretatio præcedit: bis enim idem  
dicitur.

*Secundo Nomina & Aduerbia quadã generalia sepe speciali-  
ter per se etiã vsurpantur, cuiusmodi sunt primum omnis  
et nullus cum Synonymis. Ac omnis primum pro multis est.*

Ac de hac significatione Augustinus lib. contra Iulia-  
num 6. cap. 12. Omnis, inquit, pro multis: Et multi pro  
omnibus vsurpari in Scripturis sæpè solent.

G g 2 *Primum*



*Primum ergo pro multis incertis est, in Subiecto.*

Genes. 24. v. 10. Omnia bona Abrahamæ erant in manu eius. Pro, multa ex bonis præcipuis.

Et 33. v. 11. Donauit mihi Deus, & sunt mihi omnia. Pro, multa sunt mihi.

Psal. 1. v. 3. Omne quod facit, prosperè cadet. Pro, plerique.

Ierem. 8. v. 6. Omnes conuersi sunt in cursum suum, Pro, plerique.

Matth. 21. v. 26. Omnes habent Iohannem quasi Prophetam, Pro, plerique ex Iudæis.

Philip. 2. v. 21. Omnes quæ sua sunt, quærunt, non quæ sunt Christi. Pro, plerique.

*In Prædicato.*

Deut. 28. v. 64. Et disperget te Ichoua, in omnes populos. Pro, in multos.

1. Paralip. 14. v. vltim. Et emanauit nomen Dauidis in omnes terras, & Ichoua dedit timorem eius in omnes gentes. Pro, multas Iudææ vicinas.

Matth. 24. v. 9. Et odio eritis omnibus gentibus propter nomen meum. Pro, multis. (multa.

Luc. 17. v. 10. Sic & vos cum feceritis omnia, &c. Pro,

Coloss. 3. v. 23. Euangelium prædicatū est omni creaturæ. Pro, multis hominibus. Atq; huc spectat cū omnis pro. quouis ac multis variorum generum.

Matth. 5. v. 11. Beati eritis cum dixerint in vos omne malum. Pro, quoduis.

*Omnis pro multis certa quasi speciei in Subiecto.*

1. Reg. 12. v. 18. Et omnes Israëlitarum lapidarunt eum. Pro, omnes, qui eo loco aderant.

Exod. 9. vers. 6. Omnia animalia Aegypti mortua sunt. Omnia scilicet quæ in agro erant, vt dicitur vers. 3.

Nam



Nam pōst Aegyptij multos equos & currus habebant.

Iudicum 20.v.9. Et omnes filij Israël egressi sunt, vt in Mispa conuenirent. Omnes scilicet præter Benjamin, vt dicitur versu 3.

Ierem. 26.v.9. Tū congregatus est omnis populus cōtra Ieremiā in domo Ichouæ. Omnis scilicet impius, qui ei fidem non habuit, præsertim sacerdotes impij & Pseudoprophetæ. Nam versu 11. & 16. dicitur: Quod principes & totus populus Ieremiam defenderit. Atq; ex hoc loco Ambrosius ad Rom. 3. duplicem vniuersitatem fecit, nempe bonorum & malorum.

Matth. 4.v.23. Sanans omnem languorem. Omnem scilicet sibi oblatum.

Marc. 9.v.23. Omnia sunt possibilia credenti. Omnia scilicet bona potest facere Christus credenti.

Et 28.v.19. Euntes docete omnes gentes. Omnes scilicet ad quas peruenire vobis liceret.

Ioh. 14.v.13. Quicquid petieritis Patrem in nomine meo dabit vobis. Quicquid scilicet ad Dei gloriam & vestram vtilitatem & necessitatem spectat.

Rom. 10.v.13. Omnis qui inuocat nomē Domini, saluus erit. Omnis scilicet inuocans in vera fide & perseuerat. Nam Matth. 7.v.31. Exceptio additur: Nō omnis, qui dicit mihi Domine, Domine, intrabit in regnū cœlorū.

1. Cor. 6.v.12. Omnia mihi licent, sed non omnia conducunt. Omnia scilicet media seu adiaphora. Nam aliās peccare nullo modo licet.

*In predicato.*

Matth. 6.v.15. Sic decet nos implere omnem iusticiā. Iusticiam omnem: id est, officium ad te & me spectans & pertinens, vt tu scilicet baptizes, ego abs te baptizer.

Et 23.v.3. Super Cathedram Moysis sedent Scribæ &

G g 3 Pharisei:



Pharisei: omnia quæ iusserint vos seruare, seruate. Omnia scilicet quæ cathedræ & doctrinæ Moſis conueniunt.

Et v. 5. Pharisei faciunt omnia opera ſua, vt ab hominibus ſpectentur. Omnia ſcilicet quæ religionis cauſſa & palam faciunt.

Ioh. 12. v. 32. Cùm exaltatus fuero, omnia traham ad me. Omnia ſcilicet: id eſt, omnes credentes, qui trahentem ſequi voluerint.

Et v. 6. Qui operatur omnia in omnibus. Omnia ſcilicet bona, in omnibus ſcilicet pijs.

1. Cor. 13. v. 32. Caritas omnia credit, omnia ſperat, omnia ſuffert. Omnia ſcilicet credenda, ſperanda, ferenda.

Philip. 4. v. 13. Poſſum omnia per Eum, qui me corroborat. Omnia ſcilicet aduerſa, præſertim inopiã poſſum ſcilicet æquo animo ferre.

Coloſ. 1. v. 20. Vt reconciliaret ſibi omnia per Chriſtum. Omnia pro omnes credentes ſeu Eccleſiam. Atq; hîc interdum Subiectum excipitur, vt Paulus etiam ipſe docet.

1. Cor. 13. v. 27. Cùm autem dicit, quòd omnia ſubiecta ſint, palam eſt, quòd excipiatuſ is, qui ei Chriſto omnia ſubiecit: q. d. Paulus: omnia ſubiecit Pater filio Chriſto præter ſeſe. Cui ſimile ferè illud eſt Genef. 3. v. 20. Et Adam vocauit vxorem ſuam Euam: quòd ipſa eſſet mater omnium viuentium. Omnium ſcilicet præter ſeſe & Adamũ. Cuiusmodi & illud Ouid. eſt de ſolo ſubiecto: & quod tegit omnia cœlum. Omnia ſcilicet præter ſeſe.

*Sic nullus & nemo, quæ Hebraicè omnis nō, & non quiſquā etiam dicuntur: ſunt pro paucis, certis & incertis.*

Ierem. 8. v. 6. Nullus eſt, qui agat pœnitentiã mali ſui. Pro, pauci ſunt.

Matth. 9. v. 16. Nullus immittit panniculum impexum  
in



in vestimentum vetus. Pro, pauci hoc facere solent.

Ioh. 3. v. 32. Quod vidit & audiuit testatur. Et nemo testimoniū Eius accipit. Pro, per pauci. Et 7. v. 13. Nemo palam loquebatur de Christo. Pro, pauci.

1. Cor. 2. v. 8. Quam sapientiam nemo Principum seculi huius cognouit. Pro, pauci: nam Nicodemus pius fuit

Et Ioh. 12. v. 42. dicitur: Ex principibus multi crediderunt in Eum.

2. Cor. 5. v. 7. Cū venissem in Macedoniam, nullam relaxationem habuit Caro mea. Pro, exiguam.

*Et nihil pro parum aut exiguum est.*

1. Sam. 25. v. 7. Nihil eis periit, quā diu fuerunt in Carmelo. Pro, parum aut exiguum periit.

Ioh. 18. v. 20. Nihil in occulto locutus sum. Pro, parū.

Act. 27. v. 33. Dies hic decimus quartus est, quod iciu ni permanetis, nihil cibi capientes. Pro, parum. Nam vita sine omni cibo tamdiu durare non potuit.

*Et certam speciem negat.*

Exod. 12. v. 16. Nihil operis facietis in diebus infirmitatis. Nihil operis, scilicet seruilis.

Num. 11. v. 6. Anima nostra arida, & nihil præter Man. respiciūt oculi nostri. Nihil scilicet cibi. Alias enim & cœlum & terram & alia multa viderunt.

Matth. 10. v. 26. Nihil est opertum, quod non sit relegendum: & nihil occultum, quod non sit cognoscendū. Nihil scilicet doctrinæ cœlestis & Euangelij.

Ioh. 15. v. 5. Sine me nihil potestis facere. Nihil scilicet boni, & spiritualium fructuum, vt eodem versu præcedit.

2. Thess. 3. v. 11. Nihil operantes, sed curiosè agentes. Nihil scilicet vtile, & necessarium.

1. Timoth. 6. v. 4. Si quis non accedit sanis sacris Sermonibus



monibus Domini, & c. is turgent, nihil sciens: nihil scilicet fanum & vtile.

*Et Aduerbia quædam generalia specialiter accipiuntur. Presertim temporis & loci, ut sunt semper, ubiq;, nunquã, & similia.*

*Semper pro sæpè aut diu est. Et interdum ad certum tempus restringitur.*

Genes. 27. v. 41. Oderat ergo semper Esau Iacobum. Pro, diu, donec reconciliati sunt.

Exod. 27. v. 20. Et ardebunt semper lucernæ in tabernaculo: Semper scilicet cùm fixum transferebatur tabernaculum.

Et 28. v. 30. Gestabit Aaron iudiciũ filiorum Israël super cor suum corã Iehoua semper. Semper scilicet quoties ingreditur tabernaculum corã Iehoua, vt versu eodem præcedit.

2. Sam. 9. v. 7. Tu comedes panem ad mensam meam semper: scilicet quoties comedo.

1. Reg. 10. v. 8. Beati viri tui, qui stant coram te, & audiunt sapientiam tuam semper. Pro, frequenter.

Psal. 51. v. 1. Peccatum meum coram me est semper. Pro, sæpè de meo peccato cogito, & de eo doleo.

Prouerb. 13. v. 10. Inter superbos semper sunt iurgia. Pro, sæpè & frequenter.

Luc. 18. v. 1. Dixit eis parabolam huc spectantẽ, quòd oporteret ipsos semper orare, nec sequeciscere. Pro, frequenter.

Et 24. v. 53. Erantq; semper in templo laudantes & benedicentes Deum. Pro, frequenter.

Ioh. 18. v. 20. Ego semper docui in Synagoga & in templo. Pro, sæpè: nam & alibi etiam docuit Christus.

1. Cor. 1. v. 4. Gratias ago Deo meo pro vobis semper. Pro, sæpè.

*Sic*



*Sic & Latini loquuntur. Iuuenalis:*

*Semper habet lites, alternāq; iurgia lectus.*

*In quo nupta iacet, minimum dormitur in illo. Vbi in voce minimum Tropi interpretatio est.*

*Sic etiam Aeternum & Perpetuum de longo tempore, & rei præsentī conueniente dicitur.*

Leuit. 25.v.46. Si serui & alienigenę fuerint, opera eorum in æternum vtmini. Pro, si vultis, non necesse erit eos dimittere ad annum Iubilæum.

Deut. 15.v.17. Si seruus fuerit frater tuus Iudæus, & noluerit à te discedere: tunc accipies subulam, & perforabis aurem eius in porta, & seruiet tibi in æternū. Pro, quod vixerit.

1. Paralip. 15.v.2. Leuitas elegit Deus, vt ministrent sibi vsq; in æternum. Pro, quoad durauerit regnum Iudaicum & Sacerdotium Aaronicum.

Esai. 34.v.6. Et bestię possidebūt Idumęam & Bosram vsq; in æternum. Pro, diu desolata erit terra Edom.

Et 49.v.3. Et erit Hasor habitaculum draconum, & solitudo vsq; in æternum. Pro, diu desolata erit, & hospitium præbebit draconibus & bestijs loca deserta inco-  
lentibus.

Daniel. 2.v.4. Rex in æternū viuere. Pro, vtinā diu viuas.

*Sic & Perpetuū & Sempiternū pro diu vel diuturno est.*

Genes. 17.v.8. Dabo tibi & semini tuo post te terram Canaan, in possessionem perpetuam. Pro, diuturnā: donec videlicet Messias natus fuerit.

Deut. 13.v.16. Eritq; ciuitas euerfa, tumulus perpetuus. Pro, diu vastata manebit.

Ierem. 25.v.9. Ecce redigam Iudæam, & terras vicinas in stuporem, in sibilum, & solitudinem perpetuam. Pro, diuturnam: vbi mox solitudo ea spacio septuaginta an-

Hh norum



norum definitur. v. 10. Et seruient regi Babel 70. annos.

Et v. 12. Cum autem impleti fuerint 70. anni, visitabo regem Babel: & terram Chaldeam, & redigam eam vicissim in solitudinem sempiternam. Pro, diuturnam.

*Sic ferè Horatius locutus est:*

*Seruiet eternum qui paruo nesciat vi.*

Què versum etià Augustinus, lib. 1. questionū super Genes. ca. 3. 1. Pro exemplo huius significationis adducit: cū de loco Genesios ca. 17. v. 8. què modò citauimus agit.

*Sic vbiq; passim est.*

Marc. 16. v. 2. Illi verò egressi prædicarunt vbiq; Domino cooperante. Pro, passim.

Luc. 17. v. 30. Deus nunc annunciauit omnibus vbiq; hominibus, vt resipiscerent. (citur.

Et 28. v. 22. De secta illa notū est, quod vbiq; cōtradit. 1. Cor. 4. v. 17. Sicut vbiq; in omnib. Ecclesijs doceo.

*Et Aduerbia negantia, vt nonnunquam, nusquam, non in aeternum, & similia, quæ sunt, vt nullus, nemo, nihil, specialiter vsurpantur.*

*Non certam speciem negat.*

Psal. 7. v. 4. Nō est iniquitas à manibus meis: scilicet in Saulis causā.

Ier. 7. v. 13. Nō præcepi vobis de sacrificijs: scil. cōmodè faciēdis cū opinione cultus per se & sine officijs caritatis.

Matth. 11. v. 18. Venit Iohannes neq; comedens, neq; bibens: scilicet cum quibusuis, aut quemuis cibum aut potum: vt Christus fecit. Erat enim ei peculiaris viuendi ratio, & à rebus vulgaribus abstinebat.

Ioh. 7. v. 13. Neq; parentes eius peccauerunt: scilicet: vt hic ob peccata cæcus nasceretur.

1. Cor. 2. v. 14. Animalis homo non est capax eorum, quæ sūt spiritus Dei (id est, doctrina Euāgelij) scil. dū manet homo animalis. Nā anteceddēte spiritu dei, eius q; gratiæ fit capax.

*Et*



*Et non prò raro, difficulter, & vix est.*

1. Reg. 15. v. 5. Dauid non declinauit ab vilo eorū, quæ præceperat ipsi Dominus, præterquā in re Vriæ Hēthēi. Pro, raro & minimum declinauit: Nam & alia eius peccata leguntur, vt Numeratio populi.

Ita Ecclesiast. 7. v. 29. Virum rectū ex mille vnum inueni: q. d. Pauciores sunt mulieres bonæ, quā viri.

Et 1. v. 4. Qui obseruat ventum nō seminabit, & qui obseruat nubes, non metet. Pro, facile seret & metet.

Luc. 2. v. 37. Ipsa vidua erat, & non decedebat à templo. Pro, raro discedebat. Atq; hoc modo Erasmus in Paraphrasi & commentario emollit, & interpretatur locos illos de peccato in Spiritum Sanctum.

Matth. 12. v. 31. Et Mar. 3. v. 29. Quoduis peccatum & blasphemia remittetur hominibus. Blasphemia verò Spiritus nō remittetur hominibus. Quæuis peccata remittentur filiis hominum, & blasphemie quibuscunq; blasphemauerint: sed quicunq; blasphemauerit in Spiritum Sanctum, non habebit remissionē in æternum, &c. Pro, vix remissionem habebit, & veniam difficulter impetrabit.

Et 1. Ioh. 5. v. 16. Si est peccatum ad mortem, non iubeo vt pro illo reges. Pro, non temerè aut facilè, nisi poenitentia signa euidentia videris.

*Et sic Prophetæ etiam in vehementi cōminatione loqui solent, & veniam peccantibus denegare.*

Ierem. 11. v. 14. Projiciam vos à facie mea, tu ergo ne ores pro populo isto: quia non exaudiam te.

Et 14. v. 11. Et dixit Iehoua ad me: Ne ores pro populo isto in bonū, qui cū obtulerint holocaustū & oblationē, nō acceptabo. Pro, agrè & difficulter exaudiam, & vix veniā à me impetrabunt. Nā Propheta v. 20. In persona populi precatur: Agnoscimus, inquit, ô Iehoua impietatem nostrā. Item ne abijcias nos propter nomē tuū, sed recordare populi tui.

Hh 2

Zacha-



Zachariæ 7. v. 13. Quemadmodū ego clamaui, & non audierunt: sic cū illi clamauerint, Ego non exaudiam. Pro, vix exaudiam.

*Sic & prohibendi, ne, specialiter vsurpatur.*

Matth. 5. v. 34. Ego verò dico vobis ne omni no iuretis, ne scilicet temerè leuiter, & Phariseorum more. Nā aliās & Christus & Apostoli iurasse leguntur. Quare & Augustinus Epistola ad Publicolam, quæ numero 154. est, Hyperbolen: id est, Synecdochen audaciorem hīc esse existimat. Et Erasmus: Cum pueris, inquit, interminamur, ne natent, dicimus hyperbolicās ne nates: Nā si lacum aut mare aspexeris, occidam te. Cuiusmodi multa eodem capite apud Matth. & alibi passim apud Euangelistas sunt. Atq; hactenus de primo Elocutionis genere, quæ fuit in Tropis & vocibus singulis.

## DE SECUNDO ELOCUTIONIS GENERE IN FIGVRIS.



Xposito primo genere elocutionis, sequitur vt de Figura secundo loco dicendum sit.

Est autē figura Elocutio qua orationis habitus à recta & simplici cōsuetudine mutatur. Vt enim Tropus est singularū vocū: sic figura est cōiūctarū.

Figura igitur est Dictionis, aut Sentētiæ. Dictionis qua elocutio figuratur dictionibus aptè & iucundè inter resonantibus.

Figura autem Dictionis aut est in dimensione sonorū aut repetitione.

Eas autem figuras ordine sine earūdem subtili distinctione nos recensere constituimus, quæ in sonorum repetitione sunt: cū illæ, quæ in sonorum sunt dimensione rarò in Sacris literis vsurpatæ sint: & alibi à nobis oblata occasione tractabuntur.

DE



DE FIGVRIS DICTIONIS IN  
SONI REPETITIONE, QVAE PLERVM-  
que Emphasin habent.

I. *E* *Pizeuxis*, *subiunctio*, cum sonus idem continuè in  
eadem sententia iteratur.

Exod. 34. v. 6. Domine Domine Deus.

Psal. 66. v. 7. Benedicat nobis Deus, Deus noster.

Esa. 6. v. 3. Sanctus, Sanctus, Sanctus Dominus.

Esa. 48. v. 11. Propter me, propter me, faciam ne blas-  
phemer.

Matth. 7. vers. 21. Non omnis qui dicit mihi Domine,  
Domine, intrabit in regnum cœlorum.

Et 26. Domine Domine aperi.

Et 23. vers. 37. Ierusalem. Ierusalem quæ occidis Pro-  
phetas.

Iohan. 1. v. 51. Amen Amen dico vobis.

II. *Anadiplosis Reduplicatio*. Quando idem sonus repetitur  
in fine præcedentis & in principio sequentis sententia.

Psal. 145. vers. 18. Propè est Dominus omnibus inuo-  
cantibus, omnibus inuocantibus eum in veritate.

Philip. 2. v. 7. Factus est obediens usque ad mortem:  
mortem autem crucis.

III. *Climax gradatio est anadiplosis compluribus gradibus  
continuata.*

Hoseæ 2. v. 21. Tum exaudiam, inquit Iehoua, exau-  
diam cœlos, & ipsi exaudient terram: terra verò exau-  
diet vinum & triticum & oleum. Et hæc audient ipsum  
Israëlem.

Iohan. 1. vers. In principio erat Verbum, & Verbum  
erat apud Deum, & Deus erat Verbum, &c. In ipso vita  
erat, & vita erat lux hominum, & lux in tenebris lucet, &  
Hh 3 tenebrę



tenebræ eam non comprehenderunt.

Ad Rom. 5. vers. 3. Oppressio patientiam efficit: patientia autem experiētiam: experientia verò spem. Spes autem non confundit. Quem locum Augustinus ipse lib. 4. de doctr. Christiana pro exēplo gradationis citat.

Rom. 8. vers. 30. Quod prædestinavit, hos & vocavit: quos vocavit, hos & iustificavit: quos iustificavit, hos & glorificavit.

Et 10. vers. 14. Quomodo inuocabunt, in quem non crediderunt? Quomodo credant ei, de quo non audierunt? Quomodo audiant sine prædicante? Quomodo verò prædicabunt nisi mittantur?

2. Pet. 1. v. 5. Præsente in virtute scientiam, in scientia abstinentiam, in abstinentia patientiam, in patientia pietatem, in pietate amorem fraternum, in amore fraterno charitatem.

*IIII. Anaphora Relatio, quando dictio aut sonus idem iteratur in principijs sententiarum.*

Psal. 67. vers. 6. Celebrabunt te populi, Deus: celebrabunt te populi omnes.

Et v. 7. & 8. Benedicat nobis Deus, Deus noster: benedicat nobis Deus & metuant cum omnes fines terræ.

Et 118. v. 6. & 7. Ichoua mihi adiutor est, non timebo quod faciat mihi homo: Ichoua mihi adiutor est & contemnā inimicos meos.

Et v. 8. 9. Melius est sperare in Ichoua, quàm sperare in hominibus: melius sperare in Ichoua quàm sperare in principibus.

Et v. 16. Dextra Ichouæ excelsa est: dextra Ichouæ facit fortitudinem.

Psal. 148. & 150. Plerique versus à verbo halelu seu laudate.

Et



Et Psal. 118. Toto, octoni semper versus ab iisdem alphabeti literis incipiunt.

*V. Epiphora vel Epistrophe conuersio, cum similis sonus in clausulis iteratur, cuius illustre exemplum est.*

Psal. 135. Vbi in singulis versibus repetitur hæc clausula: Quoniam bonus, quoniam in seculum misericordia eius.

*VI. Simploce complicatio, cum idem sonus in principijs & clausulis iteratur: quare hanc figuram Anaphoram & Epistrophem simul complectitur.*

Dan. 3. In cantico trium puerorum circiter 35. exempla huius figuræ extant, vbi frequenter repetitur.

Benedicite Angeli Domino, laudate & superexaltate eum in secula.

Benedicite cæli Domino, laudate & superexaltate eum in secula.

2. Cor. 9. v. 6. Qui seminat parcè, parcè & metet. Qui seminat copiosè, copiosè & metet.

*VII. Epanalepsis Resumptio, cum idem sonus sententias incipit & finit.*

Psal. 83. v. 2. Deus quis est similis tui. Ne facias neque conquiescas Deus.

Psal. 118. v. 7. Iehoua custodiat te ab omni malo, custodiat animam tuam Iehoua.

Ad Philip. 4. v. 4. Gaudete in Domino semper. Iterum dico gaudete.

*Sic Sedulius:*

Sola fuit mulier, putuit quam ianua leto,

Et qua uita redit sola fuit mulier.

*VIII. Epanodos Regressio, cum sonus in principio et medio, vel medio & fine, vel omnibus his locis simul comprehenditur.*

Psal. 114. v. 3. Mare uidit & fugit, Iordanis conuersus est.



est retrorsum, montes exilierunt vt arietes.

Et v. 5. Quid est tibi mare quod fugisti: & tu Iordanis quod cōuersus es retrorsum, & vos mōtes cur exiliistis.

2. Cor. 2. v. 14. Odorem notitiæ suæ patefecit per nos. Nam Christi bonus odor sumus Deo, &c. His quidem odor mortis ad mortem: illis verò, odor mortis ad vitā.

Rom. 3. v. 21. Nunc sine lege, iustitia Dei manifestata est. Iustitia autem Dei per fidem Iesu Christi.

*IX. Paronomasia agnominatio seu adnominatio & alijs parechesis, cum dictio, litera aut syllaba alicuius commutatione, significatione etiam commutatur: ea autem frequens est in Sacris literis, præsertim Prophetis in ipsa lingua sancta maxime.*

Atque hæc figura sæpè sentētias in Scriptura coniungit, quod qui nō intelligunt seriem sentētiarum & causam cohærentiæ, vt ignoret necesse est.

Gen. 18. vers. 27. Cœpi loqui cum Domino, qui sum: aphar & epher, puluis & cinis.

Exod. 32. v. 18. Non est vox Anath pugno, sed annath: id est, tripudij.

1. Sam. 1. v. 27. Et dedit mihi Dominus Scheala: id est, petitionem meam quam schaalti: id est, petij ab eo.

2. Par. 28. v. 11. Audire nos & Haschiuit: id est, reducite Haschibia captiuitatē, quā scheuatem captiuā duxistis.

Psal. 21. vers. 6. In te Bachu: id est, sunt confisi, & non Boschu: id est, non confusi.

Esa. 5. vers. 7. Expectaui vt vinea mea faceret Misphat: id est, iudicium, & ecce Misphat: id est, iudicium. Et ecce Mischbaepht: id est, iniquitas. Zedacha: iustitiam & ecce Saacha clamor.

Et 54. v. 8. Beschepht chesepht: id est, in momento iræ abscondi faciem meam à te.

Et 61.



Et 61.v.1. Vt prædicem captiuis libertatem & vinctis  
pesach, coach: id est, apertionem carceris.

Et v.2. Vt prædicem diem Nacham: id est, vltionis, vt  
Nachem consolet, omnes lugentes.

Et 62.v.4. Terra tua vocabitur Beula: id est, maritata  
& viro nubet.

Et v.18. & 19. Creabo Ierosolyma Gila: id est, exulta-  
tionem & populum eius Masos: quoniam Galti: id est,  
exultabo in Ierusalē, & Sasti: id est, gaudebo de populo  
meo.

Et 66.v.3. Qui offert oblationem, offert sanguinem  
cheshy suæ seu porci: & Maschir qui recordatur thuris be-  
nedicit Iddo.

Et vers 3. & 4. Ipsi Bacheru allegerunt vias suas: & ego  
ebshar eligam illusiones eorum.

Ierem. 12. vers. 2. Sama posuit, lismama in desolatio-  
nem terram luxit.

2. Cor. 5. v. 6. *ὅτι ὁ ἕκαστος*, dum sumus presentes in cor-  
pore. *ἐξ ὧν ἡμεῖς* peregrè absumus à Domino.

Ad Phil. 3. v. 3. Cauete *τὴν κατὸμην* circumcisionem:  
nos enim sumus peritumi circumcisi.

2. ad Thessal. 3. v. 11. Audimus quosdam versari inter  
vos inordinate: id est, *ἐργαζομένους* nihil agētes, sed *πρὸς ἐρ-  
γασίαν* inutilia agentes.

*Fit autem peculiariter in visionibus & prophetijs.*

Ierem. 1. v. 11. Et dixit Iehoua ad me: Quid vides Iere-  
mia? & dixi, Video virgam Schached amygdali. Et dixit  
Iehoua ad me: rectè vides. Quia Scoched vigilabo super  
verbum meum vt faciam illud.

Et v. 13. Et factum est verbum Domini ad me secundò  
dicens: Quid tu vides? & dixi: Ollam Naufaze bulliētem  
ego video, & facies ei⁹ à facie Saphona: id est, aquilonis.

Ii

Et



Et v. 14. Et dixit Iehoua ad me ex Saphon aquilone  
Tippasach pandetur omne malum.

Amos 8. v. 2. Et dixit: Quid tu vides Amos? & dixi: Canistrum chaijs: id est, fructu æstiuorum. Tum ait Iehoua ad me: Venit chertz: id est, finis super populū meū Israhel.

*Fit & in proprijs Nominibus specialiter & frequenter.*

Gen. 2. v. Ita vocabitur Ischa viriffa: quoniam Deifch: id est, viro sumpta est.

Et 3. v. 20. Et vocauit Adam nomen vxoris suæ chava: quod esset mater omnis chai: id est, viuentis.

Et 4. v. 1. Et concepit & peperit Chain, tunc dixit Canici: id est, acquisui virum à Iehoua.

Et vers. 26. Peperit filium & vocauit nomē eius Seth. Quoniam Seth: id est, posuit mihi Deus semel pro Abel quem occidit Cain.

Et 5. v. 19. Appellauit nomen eius Madicēs: quoniam ipse Ienachē: id est, cōsolabitur nos de operibus nostris.

Et 9. v. 27. Iaphet, dilathet Ioiephet seu Iaphet.

Et 11. v. 9. Propterea vocatum est nomen eius Babel: quoniam ibi Babal confudit Iehoua labiū omnis terræ.

Gen. 21. v. 3. & 6. Et vocauit nomē eius Isaach: & dixit Sara Echoch: id est, risum fecit mihi Deus. Quia non audiuerit hoc omnis, vnā mecum Ischach: id est, ridebit.

Num. 18. v. 2. Etiam fratres tuos de tribu Leui adiunge tibi: & illaui: id est, adhærebunt tibi.

Ruth 1. v. 20. Nolite vocare me Noēmi, sed vocate me mara: Quia hemar: id est, dolore affecit me Iehoua.

1. Paral. 22. v. 9. Ideo Schelomo erit nomē eius. Nam schalum: id est, pacem dabo ei.

Matth. 16. vers. 18. Et ego dico tibi, Tu es Petrus: id est, vocaris. Et super hāc petram ædificabo Ecclesiam meā. Vbi Græcè saltim agnominatio est.

*Et*



*Et in Prophetijs.*

Num. 24. v. 18. Et erit seir Ierisca: id est, possessio hostium & Israël faciet chad: id est, virtutem.

Ierem. 6. vers. 1. In thecoa thicheu: id est, buccina clangite.

Amos 5. v. 5. Gilgal gabo: id est, migrando Igle: id est, migrabit, exulabit & Bethel. Pro, domus Dei erit Betauen: id est, domus doloris.

Michea 1. v. 10. In domo Afra, apha: id est, puluere te indues.

Mich. 12. Dolebit propter bonum amissum habitatrix Mabotz: quoniam laraut ra: id est, descendit malum à Ichoua.

Et 15. Addur Iores: id est, heredem, s. Regem Assyrium adducam tibi & habitatrix, Marefcha: id est, hæreditatis.

*Sic apud Augustinum.*

Epist. 6. Ex hac vita quosdam nostros migrantes non misimus, sed præmisimus.

Hieron. Tom. 1. Non es eius cui natus es, sed cui Renatus es.

Et Tomo 8. Mutare quidpiam in transferendo, non est vertentis, sed euerentis.

Lactantius lib. 1. Non ergo ille furius, sed planè furiosus fuit.

*X. Poliptoton, cum eadem vox mutato casu aliquoties repetitur.*

Gal. 68. v. 15. Mons Dei est vt mons Bazan: vt, Quid exilitis montes excelsi, mons iste est quem desiderat Deus inhabitare.

2. Corinth. 10. v. 12. αὐτοὶ γὰρ ἑαυτοὺς ἑαυτοῖς μετροῦντες, καὶ συγκρίνοντες ἑαυτοῖς ἑαυτοῖς, ὅτι σωθεῖσι: id est, non intelligunt

Ii 2 quod



quod ipsi sese semetipsis metiuntur & sese sibi ipsis comparant.

Ad Col. 1. v. 16. *πάντα δι' αὐτοῦ, καὶ ἐς αὐτὸν ἑκτισαι, καὶ αὐτὸς ἐστὶ πρὸ πάντων, καὶ τὰ πάντα ἐν αὐτῷ συνέστηκε*: id est, Omnia per ipsum & in ipso creata sunt: Estque ipse ante omnia, & omnia per eum consistunt. Vbi in voce *πάντα* & *αὐτὸς* Agnominatio est.

Tertullianus: Non est religionis cogere religionem quæ spontè suscipi debet non vi.

Gregorius: Omnes infirmi sum⁹, sed infirmior est qui suam infirmitatem nescit. Haften⁹ de figuris Dictionis: sequitur figura Sententiæ in Logismo aut Dialogismo.

## DE FIGVRIS SENTENTIAE IN LOGISMO.

**L**ogismus est, quando sine collocutione sententia figuratur. Huius species sunt.

*I. Exclamatio: Quæ fit per Aduerbium exclamandi expressum vel intellectum.*

Psal. 8. v. 2. & 10. O' Iehoua Domine noster quàm admirabile est nomen tuum in vniuersa terra.

Ecclef. 4. v. 1. O' mors quàm amara memoria tui, homini quieti, viuenti in bonis suis.

Ad Rom. 7. v. 2. Infœlix ego homo quis me liberabit à torpore mortis huius?

Et cap. 11. v. 3. O' altitudo diuitiarum & Sapientiæ Dei, quàm imperscrutabilia sunt iudicia & imperuestigabiles vitæ eius.

*II. Epanortosis, correctio. Quæ est suipsius renocatio, qua id quod dictum est, quasi corrigitur.*

Ad Galat. 3. v. 4. Tam multa passi estis frustrà, si modò tamen



tamen frustrà: quasi diceret, nō tantū frustrà passi estis, sed etiam cum damno & detrimento.

*III. Apopsiopsis, reticentia, qua sententia inchoate cursus ita reuocatur, ut inde pars eius aliqua non dicta intelligatur: fitq̃.*

*Primum in Promissionibus: ut,*

1. Paral. 4. v. 10. Si benedicēdo benedixeris mihi: subaudi, hoc vel illo modo, gratus ero.

*Secundò in Comminationibus.*

Exod. 23. v. 23. Si affligeris pupillum: subaudi, te rursum affligam.

*Tertiò in Querelis: ut,*

Psal. 6. v. 4. Anima mea turbata est valde, sed tu Domine quousq̃: subaudi, vel me affliges, vel auxilium tuum differ.

Luc. 19. v. 41. Videns ciuitatem fleuit super eā, & ait: Si cognouisses & tu & quidem hac die tua, quæ ad pacē tuam: subaudi, pertinent, ea curares.

*Quartò in iuramentis causa: hīc enim pœna imprecatio plerūq̃, idq̃, frequentius mali ominis omittitur.*

Gen. 14. v. 23. Si accepero ex omnibus quæ tua sunt: subaudi, perdat me Deus, vel hoc faciat mihi Deus, & hoc addat & integra oratio expressa est.

1. Sam. 14. v. 44. & alibi.

Vide Ellipsin vocum coniunctarum seu orationis in Phrasibus.

*IIII. Apostrophe, auersio, cum oratio ad aliam personam conuertitur quā instituta oratio requirit, & praesertim ad secundam.*

Psal. 4. v. 3. Filij hominum quousq̃; gloriam in ignominiam vertetis.

Et Psal. 6. v. 4. Anima mea turbata est valde. Tu autem Domine quousq̃;

li 3 Et



250 DE FIGVRIS SENT.

Et 27.v.13. Credo me visurum bona Domini in terra viuentium. Expecta Dominum, viriliter age & confortetur cor tuum?

Et 104.v.5. Et colles exilierunt vt agni ouium, Quid tibi mare accidit quod fugisti? Quid tibi Iordan quod conuersus es retrorsum?

Esa. 1.v.5. Totum corpus plagis plenum est, quid percutiemini vltra cum adijcietis prauaricationem.

Ierem. 5.v.10. Ascendite muros & afferte propagines eius.

Et 40.v.6. O mucro Domini vsquequo non quiesces ingredi in vaginam tuam.

Ezech. 21.v.28. Mucro, mucro euagina te.

Matth. 11.v.21. Tunc cepit Iesus exprobrare vrbibus: Væ tibi Corasin: væ tibi Bethsaida, &c.

Et v.23. Tyro & Sydoni tolerabilius erit in die iudicii quàm vobis: & tu Capernaum quæ vsq; ad cœlum exaltata es, vsq; ad inferos detraheris.

Ad Rom. 11.v.13. Vobis dico gentibus.

Et 13.v.3. Vis non timere potestatem.

Roman. 14.v.4. Tu quis es qui condemnes alienum seruum.

Vide Enallagen personarum in Phrasibus Pronominum & Verborum.

*V. Prosopopœia personæ fictio, qua velut alienam personam nostra oratione loquentem fingimus.*

Psal. 3.v.3. Multi dicunt animæ meæ, non est ipsi salus in Deo eius.

Et 12.v.4. Succidet Iehoua vniuersa labia blanda, & linguas loquentes magnas. Qui dicunt linguam nostram roborauimus, labia nostra nobiscum sunt, quis dominabitur nobis?

Esa.



Esa. 13.v.13. Tu autem dixisti in corde tuo, ascendam super cœlos, super stellas cœli exaltabo solium meum: id est, delebo regnum Iude, & sedebo in monte congregationis in lateribus aquilonis.

Verf. 14. Ascendam super altitudines nubis, similis ero altissimo.

*Ea autem si tectior et occultior est, Mimesis imitatio scilicet sermonis alieni vulgò dicitur, quæ fit per Ellipsin verbi Dico: est q̃, frequens admodum Hebræis.*

Psal. 2.v.3. Dirumpamus vincula eorum, & proijciamus à nobis funes eorum: vbi personæ impiorum Propheta loquitur.

Et v.6. Loquetur ad eos in furore suo, & in ira sua terreat eos. Ego autem cōstitui Regem meum super Zion montem sanctum meum: vbi Deus ipse loquens introducit.

Et Psal. 24.v.8. & 10. Qui est iste Rex gloriæ: vbi in persona populi aut sacerdotum Propheta loquitur.

Esa. 14.v.16. Videntes te contemplabuntur te. Num hic est vir qui conturbabat terram & cōcutiebat regna, qui posuit regna terrarum tanquam desertum, & vrbes eius destruxit, & vinctis suis non aperuit carcerem.

Ad Col. 2.v.21. Quid ritibus oneramini, ne affligeris, ne gustaueris, ne contrectaueris. Vbi superstitio-  
si de cibis vetitis loquentes intro-  
ducuntur.

FIGVRAE



# FIGURAE SENTENTIAE IN DIALOGISMO.

**D**ialogismus autem est in Interrogatione & Respon-  
sione.

I. Interrogationis autem varius usus est apud  
Hebraeos.

Primum igitur simpliciter affirmat praesertim per particulas,  
nónne & an non, idq. frequenter.

Gen. 37.v.13. Et dixit Israël ad Ioseph: Nónne fratres  
tui pascunt omnes in Sichem? Pro, pascunt.

Exod. 4.v.14. Aaron frater tuus facundus est. Pro,  
facundus.

Deut. 11.v.30. An nón sunt trans Iordanem ad occa-  
sum Solis in terra Canaan? Pro, sunt.

Ios. 10.v.13. Nónne hoc scriptum est in lib. Iustorum.  
Pro, scriptum est.

Ruth. 3.v.1. An nón quæram tibi requiem filia mea, vt  
bene tibi sit? Pro, quæram.

1. Reg. 20.v.27. Nónne hæc scripta sunt in libro dierũ  
Iuda? Pro, scripta sunt.

Psal. 56.v.9. Pone lacrymas meas in vtero tuo, nónne  
in libro tuo sunt? Pro, sunt.

Et v. 14. Eripuisti animam meam à morte, nónne &  
pedes meos à lapsu? Pro, & eripis à lapsu.

Matth. 7.v.22. Domine nónne in nomine tuo prophe-  
tauimus?

Marc. 12.v.24. Nónne propterea erratis: quia nescitis  
Scripturas neq. potentiam Dei?

Iohan. 4.v.35. Nónne vos dicitis adhuc esse quatuor  
menses ad messẽ?

Et cap. 6.v.7. Nónne vos duodecim elegi, & vnus ve-  
strũ est Diabolus? Et



Et cap. 11. v. 9. Nónne duodecim sunt horæ diei?

1. Cor. 10. v. 16. Nónne fractio panis participatio corporis Domini est?

*Secundò negat, idg.*

*I. Per particulas An, Num & Nunquid.*

Gen. 18. v. 14. Nūquid difficile erit Domino verbum? Pro, minimè difficile erit.

Et v. 17. Nūquid cælabo ego Abrahamū, quæ facturus sum? Pro, non cælabo.

Ad Rom. 3. v. 3. Num incredulitas corū fidem Dei faciet irritam? Pro, non faciet.

Et v. 5. Num Deus iniustus est & pœnam inferat? Pro, minimè iniustus est.

*II. Per Quis.*

Psal. 113. Quis est sicut Dominus Deus noster? Pro, nemo est.

*III. Per Quomodo.*

Matth. 12. v. 26. Si Sathanas Sathanam vicit, quomodo stabit regnum eius? Pro, non potest consistere.

Et v. 34. Quomodo potestis bona loqui cum mali sitis? Pro, non potestis.

Et cap. 23. v. 33. Progenies viperarum quomodo effugietis damnationem Gehennæ? Pro, non effugietis.

Luc. 6. v. 42. Quomodo potes dicere fratri tuo: sine eijciam festucam ex oculo tuo? Pro, non potes.

Iohan. 3. v. 41. Quomodo potest homo nasci cum sit senex? Pro, non potest.

Et cap. 6. v. 52. Quomodo potest hîc dare nobis carnē suam? Pro, non potest.

1. Timoth. 3. v. 5. Qui propriæ domui præesse se nescit quomodo letitiam dei curabit? Pro, non curabit.

*III. Prohibet. Interrogatio enim facta per Cur aut Quare, &*

Kk

verbum



254 DE FIGVRIS SENT.

*verbum praesertim futuri temporis, causam dehortationis & prohibitionis continet quod merè Hebraicum est.*

Gen. 27. v. 43. Fili mi, fuge ad Laban fratrem tuum, donec quiescat furor fratris tui, &c. Quare vtroq; filio orabor vice vna? Pro (ne orber) vtroq;

1. Samuel. 19. v. 17. Respondit Michol Sauli: ipse dixit ad me: Dimitte me, quare te interficiam? Pro, ne te interficiam.

2. Samuel. 2. v. 22. Et dixit Abner ad Assahel: Recede à me, quare te percutiam humi? Pro, te ne percutiam.

Psal. 79. v. 10. Adiuvā nos Deus, quare dicent gentes: Vbi est Deus eorum? Pro, ne dicant.

Eccles. 7. 17. Ne sis iustus multum, & ne sis sapiens nimium: ut quid desolaberis. Pro, Ne desoleris.

18. Ne sis impius multum, & ne sis stultus: ut quid morieris non in tempore tuo? Pro, Ne moriaris.

Iere. 27. v. 13. Subijcite colla vestra iugo regis Babeli & servite ei: Quare moriemini tu & populus tuus gladio, fame, & peste? Pro, ne moriamini.

Et v. 17. Servite Regi Babel: Quare vrbs haec in solitudine redigetur? Pro, non redigatur.

Et cap. 40. v. 15. Iohanan autem filius Charea locutus est ad Godoliam clam in Mispa dicens: Ibo nunc & percutiam Ismaelem filium Nathaniae, & nemo sciet. Cur enim percutiet te & dispergentur omnes Iudaei qui congregati sunt à te? Pro, ne percutiat te.

*Exprimet autem Interrogatio varios affectus.*

*Primum Admirantis est.*

Psal. 8. v. 10. Domine quàm admirabile est nomen tuum in vniuersa terra?

Esa.



Esa. 1. v. 21. Quomodo facta est meretrix ciuitas fidelis?

*Secundò miserantis est.*

Thren. 1. v. 1. Quomodo sedet sola ciuitas domina gentium?

*Tertiò lamentantis & conquerentis est.*

Psal. 3. v. 2. Domine quàm multiplicati sunt hostes mei?

Psal. 22. vers. 2. Deus mi, Deus mi, quare me dereliquisti?

Esa. 58. v. 3. Quare ieiunauimus, & non aspexisti?

*Quartò indignantis & reprehendentis.*

Psal. 2. v. 1. Quare fremuerunt gentes, & populi meditati sunt inania?

Matt. 17. v. 17. Generatio incredula & peruersa: quousque ero vobiscum, quousque tolerabo vos?

II. *Responsio est: Cùm ipsi nostra interrogationi responderemus.*

Matth. 11. v. 7. Quid exiistis in desertum videre, num calamum à vento agitatum, an Prophetam? Amen dico vobis etiam præstantiorem Prophetam.

Ad Roman. 3. v. 1. Quæ est igitur præstantia Iudæi aut quæ utilitas Circumcisionis? Multa per omnem modum, &c. In quo capite plura etiam exempla sunt septem primis versibus & in fine Capitis.

III. *Addubitatio. & propositio: Cùm nobiscum deliberemus.*

Ad Phil. 1. v. 22. Vtrū verò viuere in carne mihi operetū sit, & quid eligā ignoro: coarctor enim vtrinque, desiderans migrare & esse cum Christo. Nam id longè

K k 2 optimum



optimum est: sed permanere in carne magis necessariū est propter vos.

IIII. *Communicatio ad vnoī vōis.*

*Cū deliberamus cum alijs.*

Esa. 5. Iudicate inter me & vineam meam.

Act 4. Iudicate vos an iustum sit coram Deo, vos potius audire quā ipsum?

1. ad Cor. 4. v. 2 1. Quid vultis? Cum virga veniam ad vos, an cum caritate & spiritu lenitatis.

Et cap. 10. v. 15. Ut peritis loquor, iudicate vos quid dico.

Et cap. 11. v. 13. Apud vosmetipsos iudicate. an decorum sit mulierem non velatam Deum orare.

*V. Occupatio seu præoccupatio. prolepsis et procathepsis: cū alieni consilij interrogationem occupamus, eiq; responsionem subiicimus: quæ responsio hīc specialiter. Subiectio dicitur. Atq; hæc figura tacitam fere prosopopæian coniunctam habet: estq; singularis prudentia, & iudicij schema. Quare apud Paulum scriptorem longè prudentissimum. frequens admodum, est.*

Ad Rom. 3. v. 1. Non qui in propatulo Iudæus est, Iudæus est, sed qui in occulto Iudæus est. Quæ est igitur præstātia Iudæi & quæ utilitas Circumcisionis? (Subiectio.) multa per omnem modum.

Et v. 5. Ut iustificeris in sermonibus tuis, &c. (Occupatio) quod si iniustitia nostra Dei iustitiam commendat. Quid dicemus num iniustus Deus qui inferat poenam? (Subiectio) absit, alioqui quomodo Iudex erit Deus mundi?

Et v. 7. Etenim si veritas Dei per meum mendacium redundat in gloriam eius: Cur ampliùs ego ut peccator condemnor? (Occup.) Ac non (sicut de nobis malè loquuntur,



loquuntur, & sicut quidam aiunt nos dicere) faciamus mala vt. veniat bonum. (Subiectio) quorum damnatio iusta est.

Et v. 3 1. Vnus Deus est qui iustificat circumcisionem ex fide & præputium per fidem: (Occupat.) legem igitur inanem reddimus per fidē? (Subiectio) absit inò legem stabilimus..

Et cap. 6. Quid igitur dicemus? permanebim? in peccato vt gratia Dei auctior fiat? (Subiectio) absit qui mortui sumus peccato quomodo adhuc viuemus in eo.

*V I. Permissio qua facti licentia permittitur, & ferè ironiam coniunctam habet quæ res seu factum prohibetur potius quàm permittitur.*

Iud. 10. v. 14. Et dixit Iehoua ad filios Israël: Ite & clamate ad Deos vestros quos eligitis, ipsi seruent vos tempore angustiarum vestrarum.

Ierem. 2. v. 28. Vbi dii tui quos fecisti tibi? surgant & liberent te tempore angustiarum tuarum.

Matth. 23. v. 3 1. Vos quoque implete mensuram patrum vestrorum. Pro, pergite occidere Prophetas & Doctores pios sicut patres vestri fecerunt.

Et 26. v. 46. Dormite iam & requiescite.

Iohan. 2. vers. 19. Destruite templum hoc.

Et 13. v. 27. Quod facis, fac citò.

I. ad Cor. 15. v. 3 2. Quæ mihi utilitas est si mortui nō suscitantur? Edamus & bibamus, cras enim morimur. Correctio: Nolite errare. Corruptunt bonos mores colloquia praua. Plura vide in tropo Ironiæ.

*V II. Concessio cum dictum aliquod aut argumentum condonatur, quæ & ipsa ironiam ferè adiunctam habet, & cum concedit negat & reprehendit.*

I. Cor. 4. v. 8. Iam saturati estis, iam diuites facti estis,

Kk. 3 sine



258 DE FIG. SENT. IN DIAL.

sine nobis Regnum adepti estis. Haftenus concessio: sequitur correctio: Atque vtinam regnetis vt & nos vobiscum regnemus.

2. Cor. 10. v. 1. Precor ego vos Paulus qui coram quidem sum humilis inter vos, absens verò apud vos sum confidens. Quod concessionem Ironicam esse apparet ex versu proximè sequente & ex vndecimo clariùs. Cum dicitur hoc cogiter: quia eiusmodi est, quales sumus vobis per epistolas cum absumus, tales etià erimus re ipsa cum aderimus.

Et cap. 11. v. 6. Quod si rudis sum sermone, nō tamen rudis sum cognitione: vbi in priori membro concessio Ironica esse videtur. Nam alibi, Act. 14. v. 12. Dux sermonis dicitur.

Et 1. Cor. 14. v. 8. Paulus ipse linguarū cognitionem & facultatem supra ceteros omnes sibi vendicat.

Et y. 19. Libenter toleratis insipientes cum sitis ipsi sapientes, quæ Ironica concessio est.

Vers. 13. De ipsis ait: Istiusmodi Pseudoapostoli operarij dolosi sunt transformati in Apostolos Christi.

Et cap. 12. v. 16. Sed esto: Non grauavi vos, sed cum essem callidus, dolo vos cepi: id est, per alios vos emulxi, & expilavi. Haftenus concessio: sequitur correctio: Nū per quenquam, quos nisi ad vos, expilavi vos?

Atque haftenus de figuris Dictionis & Sententiæ dictum est.

DIALE



Sacræ Scripturæ illu-  
STRIBVS EXEMPLIS  
illustrata:

ET IN  
ACADEMIA HAFNIENSI  
publicè propoſita:

A  
D. IACOBO MATTHIÆ,  
fœlicis memoriæ.

IN  
DOCTRINAM ARGV-  
MENTORVM SACRÆ  
SCRIPTVRÆ,  
P R A E F A T I O.



*BSOLVIMVS* hætenus Doctrinam de Phra-  
sibus Hebraïcis & Tropis atq; Figuris Sacræ ſcri-  
pturæ: Reliquum eſſe videtur vt exempla Tropo-  
rum ſeu Argumētorum Sacræ ſcripturæ addan-  
tur. Doctrina enim Argumentorum tertium eſt  
Scripturæ intelligendæ præſidium: ſine quo interpretatio eius  
erudita nec fieri nec intelligi poteſt. Deinde ipſa Troporum  
doctrina vt à nobis tradita eſt, ſine argumentorum explicatio-  
ne intelligi nō poteſt. Tropi enim ex Tropis oriuntur, & ad eos  
tanquam ad fontes à nobis accommodati ſunt.

*Eſſe autem non ſolum huius doctrinæ de Argumentis expli-  
catione: ſed totā etiam Dialecticā ad Sacram ſcripturam do-  
cendam.*



*cedam & discendam, perutilem, tum usus ipse quotidianus in docendo et discendo ostendit: tum etiam Augustinus in primis docet, Qui lib. 2. de Doctrina Christi. cap. 31. Disputationis inquit: Disciplina ad omnia genera Quaestionum, quae in libris Sanctis sunt, penetranda ac dissoluenda, plurimum valet. Tantum ibi vitanda est libido rixandi, & puerilis quadam ostentatio decipiendi aduersarium. Et idem aduersus Cresconium Grammaticum, lib. 1. cap. 14. & aliquot sequentibus, Christum & Apostolos Dialecticos, ostendere conatur, & ex Christi et Apostolorum concionibus, Argumentationes ex Dialecticorum legibus concinnatas, crebro inueniri perspicue ostendit. Et Hieronymus enarrans cap. 25. Ezech. Quicquid, inquit, in seculo peruersorum dogmatum est: Quicquid ad terrenam scientiam pertinet, & robustum esse putatur, hoc Dialectica arte subueritur. Hæc ille.*

*Si quid autem contra Dialecticam, apud veteres Theologos dictum legitur: id de Sophistica & artis abusu intelligendum est. De qua & Paulus loqui videtur ad Coloss. 2. cum ait: Videte ne quis vos per Philosophiam aut inanem deceptionem deprædetur.*

*Dialectica igitur studijs Theologicis perutilis est. Vnde ut Cicero Topica Forensia, et Iureconsulti quidam, ut Christophorus Hegendorphius, et Claudius Cantiuncula Dialecticas legales fecerunt: Ita & Theologi quidam Topica Theologica, ut Ioachimus Perionius Pontificius, et Andreas Hipperius: Quidam Dialecticam Theologicam conscripsere, ut nuper Casspar Oleuianus.*

*Verum in Dialectica Sacra Scripturae causa discenda, eique accommodanda, duplex præcipue vitium cauendum est. Primum, ne perperam tradatur et discatur: Deinde, ne nimium ei tribuatur. Perperam autem traditur si præceptis, et questionibus et technologijs subtilibus, et non necessarijs, aut etiam tautologijs*



tautologijs oneratur. Aut etiam ordine, nō satis ad vsum apto, traditur. Nam quod ad præcepta superflua attinet, ut reliquæ ferè omnes artes ambitionis aut quæstus causa: Ita et Dialectica olim primū à Philosophis ingenio et otio abundantibus, nimis aucta & inuoluta est: Deinde etiam à Scholasticis. Vnde Cicero Philosophos ait, plura quàm necesse esset, sibi querenda, proposuisse. Ea enim est omni in re animorum conditio, ut à necessarijs orsa, cuncta venerint ad nimium, ut ait Plinius lib. 26. cap. 6. Et ea est natura artium omnium: ut si tota vita nihil velis agere aliud: ipsa tractatio et quæstio quotidie aliquid ex se gignat, quod cū desidiosa delectatione vestiges. Vnde fit ut agitatione rerū sit infinita cognitio, ut ait Cicero 3. de Oratore.

Cū autem hoc modo traditur Dialectica, non solum ingenij, & iudicij, cuius illustrandi causa traditur, lumen obscurat: Sed etiam artes & doctrinas omnes, quibus docendis & instituendis quasi regula et norma adhibetur, corrūpit & depravat. Vnde et studia discipulorum difficiliora & tardiora multo fiunt. Ita superiori seculo, cū alias artes omnes, tum imprimis Theologiam præceptionibus et quæstionibus otiosis Dialectica vitiosa impleuit.

Ac de præceptis otiosis & spinosis in Dialectica eleganter ab Augustino dictum est de doctrina Christi. lib. 2. cap. 37. Plerumque, inquit, accidit ut facilius homines eas res assequantur, propter quas assequendas ea discuntur, quàm talium præceptorum nodosissimas et spinosissimas disciplinas. Tanquam si quispiam dare volens præcepta ambulandi, moneat nō esse leuandum pedem posteriorem, nisi composueris priorem. Deinde minutatim, quemadmodum articulorum et poplitum Cardines oporteat mouere, describat. Vera quidem dicit: nec aliter ambulari potest. Sed homines facilius hoc faciendo ambulant, quàm animaduertunt cū faciunt, aut intelligunt cū audiunt. Magisq̃, in his omnibus ipsa spectacula veritatis sepe

L1 delectant,



delectat, quā ex ijs in disputādo aut indicādo adiuvamur. Nisi forte quod exercitiora reddant ingenia: si etiam maligniora aut inflatiora non reddant: hoc est, ut aut decipere alios amēt, aut aliquid magnum, quo se bonis atque innocentibus antepo-  
nant se asecutos putēt, qui ista didicerunt. Hæc Augustinus.

Deinde Dialectica etiā perperā traditur, si cōfuse et pturbatē sine iusto ordine traditur. Nō enim potest tū aut in alijs arti-  
bus, aut in doctrina cælesti, verum docēdi ordinem monstrare.

Perperam etiam docetur, si verus vsus non satis mōstratur. Ut si ars tantum disputandi esse doceatur & existimetur. Quæ opinio ut peruetusta est, ita etiā admodū pernitiōsa. Hinc enim magna incommoda in Scholis & Ecclesijs extiterē. Nam pri-  
mum in Scholis existimatum est, præcipuū finem esse, vsum & fructum studiorum et artium omnium, acutē disputare. Atque ita non solum alia artes & doctrina, sed etiam Sacro Sancta Theologia ad disputationes & conflictationes Scholasticas, & ut Paulus ait *παραδιδωκεν* traducta est: Quarū nullus esset finis & modus. Aded ut vera et simplex doctrina, quæ disputa-  
tionum fundamētum est, præ ludo et certamine Sophismatū & Cavillationū, et ipsum etiam Sanctum docēdi officium frigeret atq; vilesceret: Nihilq; doctū putaretur, nisi quod Quæstiones, Syllogismos et distinctionum subtilitates saperet. Atq; ne dispu-  
tandi Materia uspiam deesset, sæpē nodus in scirpo quæsitus est: atq; omnia tandem vera, certa, perspicua, in dubium vocata sunt, & in utramq; partem de omnibus omnino disputatū est.

Neg, hoc solum intra Scholarū parietes constitit: sed etiā in ipsas Ecclesias emanavit et suggesta occupavit. Atq; in cōcioni-  
bus popularibus, in quibus populo pro capite eius simpliciter & religiosē fides & pietas tradenda atque suaderenda esset: sæpē Quæstiones non solum otiosæ et inextricabiles: sed etiā stultæ et ridiculæ propositæ et ventilatæ sunt. Quare ars Dialectica quæ Theologia servire debet admodum accuratē, præceptis, ordine & vsu tradi debet.

Deinde



Deinde & alterum vitium cauendum est: ne artirectè etiam traditè nimium tribuatur. Hoc est, ne vel Scriptura praeferatur vel aequetur. Augustinus lib. 2. de Doctr. Christ. cap. 37. Absit, inquit, error, quo videntur homines sibi ipsam beatam vitam veritatè didicisse, cum ista didicerint: ne etiam ea sola sine alijs bonis artibus ad Scripturae tractationem sufficere putetur. Præterea ne ut domina Scriptura adhibeatur: ad cuius leges superstitiosè astringatur: sed potiùs ut famula et ancilla cum opus est et res postulat non temerè operam ei nauet. Denique, ne in Scripturae tractatione immodicè et intempestinè, sed sobriè potiùs et prudenter adhibeatur. Vt enim ars sobriè et tempestinè Scripturae tractanda adhibita lucè adfert: ut & rectius intelligatur & diligentius consideretur, et ad usum facilius transferatur: ita immodicè et intempestinè adhibita, & tenebras ipsi offundit, & animos à doctrinae consideratione ad artificij observationem et admirationem, & ab usu doctrinae & actione, ad speculationes traducat. Denique Theologiam quasi in Logicam transformat.

Priscianus de Metris Comicis ex Aristionio sic scribit: Comici, inquit, Poëta, laxius in versib. suis, quam Tragici spaciū dederūt: et illa quoque loca quae Iambo debebātur, Dactylicis occupāt pedibus: dum quotidianū sermonem imitari voluerūt. Et à versificationis observatione, spectatorem ad actū rei cōuertēre. Hæc ille. Quod igitur Poëta homines sapientes fecerunt: id etiam nobis faciendum esse videtur: & ut illi aliqui de artificio versificationis remiserunt: ut spectatores & auditores magis res ipsas, quam in fabula proponerentur, quam versuum artem considerarent: Ita nobis etiam in doctrinae celestis tractatione ars ipsa Dialectica nonnihil dissimulanda est, & artificij eius laxius et crassius adhibendum est: ut ita ipsa doctrina celestis, eiusque usus emineat, magisque conspici & considerari possit.

Aristoteles lib. Ethicorū 1. cap. 3. Non est, inquit, in omni doctrina Genere aequè magna subtilitas requirēda. Nec in illo

L1 2 doctrina



doctrinæ genere maior subtilitas requiri debet quàm rei natura patitur. Et lib. 2. Omnis doctrina de rebus agendis, crasse, non subtiliter tradi debet. Hæc ille.

Doctrina autem cælestis tota Practica est, & ad vitam rectè instituendam pertinet, & ad consolationem animorum in peccatis & lapsibus, in rebus aduersis & morte ipsa. Quare doctrina etiam cælestis non nimis exili & subtili, sed crassiori artificio & formula & pinguiori, ut dicitur, Minerva, tractanda est, ne ars ei plus noceat quàm prosit. Qua in re summa prudentia & cautione opus est.

Hæc igitur duo vitia vitanda sunt: et ut vitentur, ars ipsa et accuratè admodum sine praeceptorum Ellipsi et Pleonasmis et ordinis Enallage tradenda est, et prudenter Scriptura adhibenda.

Sed verà eius artis tradenda & exercenda rationem discēt Studiosi à Professore Dialectico, qui eam eruditè explicat. Nos tantum, quod promissimus, exempla perspicua et illustria singulorum Argumentorum ex Scriptura colligemus, et eo ordine qui in Tropis expressus est digeremus.

Ut autem à capite rem accersam, etiam de arte Dialectica primùm Generales quasdam admonitiones addam. Dialectica igitur est ars benè differendi, quæ et Logica dicitur. Estq; propriè ars rationis et cogitationis: quæ homo tacitus, aut etiam mutus uti potest. Ut enim Grammatica et Rhetorica propriè orationis: ita Dialectica propriè rationis ars est. Verum, ut rationis et cogitationis, ita et artis ipsius usus in oratione maxime conspicitur. Differere igitur non est tantum hoc loco disputare, ut vulgò vocabulo utimur: sed etiam cogitare, ratiocinari, disceptare, disputare, docere, dicere, declamare, concionari, quæstiones simplices et coniunctas tractare: præterea scribere Orationes, Carmina, Historias, Epistolas, Artes et Tractat<sup>us</sup> instituire, verà cōfirmare, falsa refellere. Deniq; Dicta et Scripta aliorum expendere, et bonos autores omnis generis, Oratores, Poetas,



Poëtas, Philosophos, Medicos, Iureconsultos, Theologos, et ipsos denique Prophetas et Apostolos explicare, interpretari et commentarijs illustrare: Quod quidem ad rationis et cogitationis artificium attinet. Tàm enim latè patet artis vsus quam rationis et ingenij humani.

Dialectica autè opponitur Sophistica. Quæ est artis abusus ac simulata quedam, nō autem vera Logica. Et Sophisma artis vitium est, seu vitium Logicum. Vt Solæcismus et Barbarismus vitium Grāmaticum est. Latine Cauillatio, Cauillum, Fallacia dici potest. Et Sophista, qui arte abutitur ad alios fallendos. Cuius respectu Sophisma, dolus, fraus, *σοφισμα*, techna, Captio dici potest. Galenus 2. de Temperamentis: Quicquid, inquit, in omnibus artibus et omnibus vitæ partibus perversè indicatur, Sophisma est.

Causa autem artis Dialectica est partim natura, et ingenij humanum radijs Sapientie diuina illustratum: partim obseruatio hominum ingeniosorum. Sophistica autè causa est partim Malitia, cum quis ingenio et eruditione excellens circumuenire conatur: partim imperitia, qua quis vel per se errat et hallucinatur vel cogitando vel audiendo aut legendo: aut ab alio in errorem inducitur.

Finis, Vsus et Officium artis est animum hominis in rerum omnium tractatione regere et gubernare, ne à vero aberraret, ne fallatur quis, aut fallat alium, et ut fallentem deprehendat. Est enim ars dux certior quam natura: Quæ et hebetiores acuit et ingeniosos intra metas coercescit, ne temerè extra oleas, ut dicitur, euagentur. Estq, similis filo, quod ab Ariadne Theseo datum est, quo se ex labyrintho Cretenso explicauit. Vt enim filum illud, Theseus regebat in caci labyrinthi ambagibus: ita et ars hæc in magna rerum obscuritate et mentis humanae tenebris et cogitationum quasi labyrinthis animo nostro viam ostendit. Finis autem Sophistica est mendacium, et alios in mendacium inducere.



cere et fallere. Qui usus multò latius patet quàm usus Logica.

Instrumentum differendi est oratio vel orationis Symbolum Scriptio vel Scriptura. Oratio ergo nota et perspicua esse debet. Nisi enim oratio nota sit, nulla omninò potest esse cum alio differendi facultas: et nisi perspicua sit, facilis est error & lapsus. Oratio ergo si vel obscura vel ambigua est, vitiosa et Sophistica est. Vnde existunt errores & *λογουμαχία*, qua in maximis & gravissimis contentionibus sæpè dominatur. Quas etiam Paulus nominatim prohibet.

In sermonis ergo ignoratione, obscuritate & ambiguitate primus fons est Sophistica. Qui latissimè patet, non tantum in Scholis, in artibus & doctrinis: sed etiam in vita communi, in contractibus, in pactis, in fœderibus, in iudicijs, in legum interpretatione.

Atq; hæc Sophistica omnium maximè naturalis, vulgaris & usitata est, ut ait Arist. *Elenc. lib. 1. cap. 1. et lib. 2. cap. 7.* Nam quia fieri non potest, ut de rebus ipsis propalæ et ante oculos positis, differamus: sed nominum symbolis atque notis pro rebus utimur: Quod in nominib; usu venit: id quoq; in rebus usu venire arbitramur. Quemadmodum is accidit qui calculis ratiocinantur. At id nequaquàm est simile. Nomina siquidè sunt finita & verborum finitus est numerus: Res autem sunt innumerabiles et infinite. Vnde necesse est, ut unum et idem nomen atque verbum res plures significet. Quemadmodum itaq; à peritis falluntur ij, qui calculos subducere nesciunt. sic in differendo, qui verborum vim ignorant, decipiuntur: siue ipsi secum differant, siue alios differentes audiunt. Hæc ille, quæ diligenter sunt observanda. Nam hæc in Sacris etiam literis et doctrina cælesti maximè locum habent. Cum enim Doctrina cælestis tota ex libris Prophetarum et Apostolorum haurienda sit, nisi sermone rectè intelligatur, et facile est hallucinari, et error admodum periculosus




periculosus est. Sic plerique Heretici lapsi sunt. Sic Pelagius, cum vocem GRATIAE, apud Paulum non recte accepisset, Pauli doctrinam de Iustificatione hominis corripit. Sic cum Monachi non recte acciperent voces, Iusticia, Gratia, Fidei, graviter errarunt et doctrinam corruerunt.

Quare ante omnia in doctrina caelestis eiusque cognitione et explicatione vera sermonis significatio, querenda et constituenda est. In ijs praesertim locis, in quibus, de dogmatibus vel alijs gravioribus negotijs, agitur. Galenus inquit: ἀρχὴ τῆς σοφίας, τὸ πρῶτον διωρισμὸς ἡμετέρου: id est, prima ratio cauendi erroris et Sophismatis est, sermonem intelligere, eoque recte uti. Et Christus Matth. 22. Erratis, inquit, nescientes Scripturas: id est, non intelligentes Scripturas quas legitis.

Vt ergo sermo Scripturae intelligatur et de doctrina caelesti sine errore differatur, opus est, non solum Latina lingua, sed etiam Graece et Hebraice, quibus ea primum tradita est, cognitione haud vulgari: quae ex Grammaticis, Lexicis et Concordantijs Scripturae: atque ipsa Scriptura lectione et auditione assidua, petenda est. Et nos ad hunc usum Phrasium Hebraicarum, Tropicorum et Figurarum doctrinam ex Sacris literis proposuimus.

Deinde vocum certa significatio in Scriptura ex Argumento et Loco, petenda est. Vt enim Philosophis quibusdam visum est, nullum esse verbum quod non sit ambiguum, et plura significet, ut ait Quintil. lib. 7. cap. 9. Ita vocum ὁμοῦν et (ut ita dicam) πολυσημία tollitur, et certa significatio ex Argumento et Loco seu verbis Adiunctis constituitur. Cum autem cum alio disputatur: si sermone obscuro utitur, obscuritatis nomine reprehendendus est, ac dicendum, non intelligo, nisi apertius dicas, ut docet Cicero in Bruto de Cecinna et Caio Rustico pag. 133. et de Divin. lib. 2. pag. 136. Si autem sermone  
ambiguo





ambiguo utitur, ambiguitas ex Grammatica & Lexico, enumeratis significationibus, cum opus est, explicanda est. Atque hac in genere.

Sextus Empiricus lib. 2. Pyrrhonicarum Hypothesum cap. 23. admonet, Sermonem ambiguum etiam a pueris in vita communi intelligi, et cum opus est, explicari solere.

Et si autem Species obscuri & ambigui innumerabiles sunt, ut ait Fabius: Et in differendo satis est obscuritatis & ambiguitatis nomine sermonem reprehendere: tamen autores causas & Genera obscuritatis & ambiguitatis quedam notarunt. Vide Aristotelem de Elenchis in dictione. Fabium lib. 7. cap. 9. Et Augustinum Tomo 1. de principijs Dialectica, & Tomo 3. de deo et christo. lib. 3. cap. 4. et deinceps.

Subiectum artis est Ens: id est, res omnis de qua differi potest. Ut enim Grammatica de omni re loquitur: ita Dialectica de omni re differit. Sed hoc interest, Quod Grammatica etiam nulla habita veritatis ratione de rebus temere garrat et nugatur: Dialectica autem ad veritatem et naturam rei, cogitationem et orationem dirigit: Ut ars gubernandi navem ad portum. Res autem quæ ad differendum proponitur Thema, Thesis, Propositionum vel Quæstio denique dici potest.

Omne autem Thema et Quæstio omnis quæ in scholis Theologicis et Ecclesijs proponitur, utilis esse debet. Quod monet Paulus 1. ad Cor. 14. Cum sitis sectatores spirituum: Omnia ad edificationem Ecclesie facite. Ad Titum 3. Hac volo te proponere et asserere quæ sunt honesta et utilia hominibus: stultas autem quæstiones fuge: sunt enim inutiles et vana. Et 2. ad Tim. 2. Hac suggere obtestans coram Domino, ne verborum pugna sequantur, quod nullam adfert utilitatem, sed auditores tantum subvertit.

Aristoteles etiam Topicorum 1. cap. 9. admonet, non esse de quovis Themate differendum. Certa enim non esse disputanda, nisi id exercitij causa fiat, sed docenda potius. Neque de claris et per-



et perspicuis: neque de arduis & difficilibus questionibus: quoniam ille nullam habent dubitationem: hæ autem quæ explicari nequeunt, frustra disputantur.

Thematis autem cognitio necessaria est ad differendum. Aristoteles lib. 2. Rhet. cap. 21. Primum omnium, inquit, necesse est, ut is, qui de re aliqua disserere velit, cognita et perspecta habeat, vel ea omnia quæ ad rei naturam spectant, vel quædam saltem. Nam qui nihil cognitum habet, nihil etiam de re dicere potest. Thematis autem cognitio ex ijs artibus petenda est, in quibus res proposita explicatur. Singule enim artes & doctrine singularium rerum Dialecticæ sunt. Vide Arist. Anal. 1. cap. 20. & Top. 1. cap. 9.

Sic Thematis Theologici explicatio et cognitio ex libris Prophetiis & Apostolicis & Catechesibus: id est, libris doctrine Christianæ capita, Methodicè explicata, continentibus, petenda est. Vnde & de Paulo dicitur Act. 17. Quod cum Iudeis Thessalonicensibus diserneret ex Scripturis. Dissererat quidē ex præscripto Dialecticæ: sed res & materiam disputationis ex Scriptura sumebat.

Duo igitur prima sunt, ad differendi facultatem necessaria fundamenta: nempe sermonis primū, tum et rei cognitio. Quibus deinde accedit Dialectica, quæ disserendi tantum rationem præscribit.

Adiunctū Dialecticæ esse debet in docēdo Fides & Cādor. In disputando autem cum alijs: amor veritatis, odium Sophisticæ & Calumniæ: Candor in indicandis aliorum dictis: moderatio affectuum, ut ambitionis, iracundiæ & reliquorum, qui iudicium impediunt & communicationem placidi sermonis turbant. Absit Philoveria, absint conuitia: Denique sit modus quidā disputationis. Nimirum enim altercādo veritas amittitur, & quod nimis subtile est, Sycophanticum est. Vide Ambrosium lib. 1. Officiorum, cap. 26. Atque hæc hæc Præfatio fuit.

Mm DE



## DE ARGVMENTO.



**D**IALECTICAE duæ sunt Partes: Inuentio & Dispositio: vt docet præcipuè Fabius lib. 5. cap. 14. & Cicero in Topicis.

Inuētio est pars Dialecticæ de Argumentis inueniēdis. Estq; quasi Prædicamentū quoddā Relationis, & quasi arbor Consanguinitatis: in quo personæ & res variæ inter sese cōferuntur: vt intelligi potest ex ipso Arist. lib. 4. Metaph. cap. 15.

Doctrinam autem Inuentionis variis in locis Aristoteles in Organo tradidit: omnium autem commodissime in Rhetorica lib. 2. cap. 22. Quem secutus Cicero, eam in Topicis ad Trebatium exposuit. Philippus autem cum alibi, tum in Methodo Simplicium Quæstionum, in doctrina Locorum, & Methodo Didascalica Simplicis & Compositi Thēmat̃is explicat.

**V**SVS autē huius Doctrinæ est, non solum ad probandum, sed etiā ad docendū, dicendū, ornandū, amplificandum, mouendū, delectandum: siue de persona, siue de re aut facto, siue de simplici, siue coniuncto Themate agatur. Denique ad bonos autores & ipsam Sacram Scripturam tractandam & interpretandam: Quo nomine à nobis proponitur. Quod docet Erasinus lib. 2. de Concionandi ratione, & lib. 2. de Copia. Quare etiam semel ea doctrina tradi potest. Sed vsus eius variis exemplis, personæ, rei, Thēmat̃is Simplicis & Compositi, tum in docendo, tum in probando monstrari potest. Quia in re magnum est discendi compendium: quod & nos sequemur.

Ad inueniendum autem, si Thēma compositum offertur: id est, integra Sentētia & Oratio: primū in partes



tes & voces simplices resoluenda est. Vt si quaestio seu Thema sit: An Fides iustificet: & ad hanc probandam argumenta quaerenda sint: Primum resoluenda est in partes duas, nempe Fidem & Iustificationem: tum vtriusq; partis argumenta seorsim quaerenda sunt, primum Fidei, tum Iustificationis.

Argumentum autem est minima pars orationis Logica, quæ Thema arguit. Et Cathegorema, Locus, Principium, Elementum, Medium, Terminus, Ratio & Probatio etiam dicitur: & vel vna voce: vel oratione pro voce simplici sumpta, continetur. Vt autem Thema simile est personæ, de cuius cognatione quaeritur: Ita Argumentum simile est personæ, cum qua illa confertur. Et Argumenta quidem & cum Themate ipso & inter sese conferuntur. Et Thema quidem pro Argumento, cum quo conferitur, varia nomina sortitur. Sic in oratione, Fides iustificat: si Fides vt Thema accipiatur, causæ efficientis nomen sortitur: iustificare autem effectus: Si autem dicatur, Fides est donum Dei: iam Fides Effectus sit: Deus autem causa efficiens. Vt autem omnia Argumenta vni rei competere possunt: Ita etiam vnum Thema omnium Argumentorum nomina induere potest: excepto Deo, Qui cum sit causa & Subiectum rerum omnium: nullius rei effectus aut Adiunctum esse potest.

Argumenta igitur Summa sunt rerum omnium & Cognitionis atq; Scientiæ humanæ capita & genera. Sunt q; quasi Elementa & literæ cognitionis humanæ, vt ait Cicero: & omnis doctrinæ Fontes vberissimi. In Argumento autem interdum Hyperbole est: cum id naturam rei & Fidē excedit: vt cum dicitur, Terra fluens lacte & melle, Exod. 3. v. 17. Et Saul & Jonathan Leonibus fortiores & aquilis velociores erant, 2. Sam. 1. v. 23.

Mm 2 DE



**A**rgumenti cuiusq; ea est natura, vt res omnes suo ambitu complectatur: & per totam rerum naturā extendi potest. Quicquid enim exempli causā, in mūdo est, causā alicuius rei, Effectus alicuius rei, Subiectum alicuius rei, Adiunctum alicuius rei est. Vnde si singulorum Argumentorū Genera & Species fierent, doctrina infinita nasceretur, & in aliarum artium fines irrueret. Nam Physica rerum naturalium Substantiarum & Qualitatum argumenta explicat: Medicina morborum & remediorum: Aethica morū, officiorum, virtutum & vitiorum: Theologia Qualitatum & Actionum ad cultū Dei & hominum Salutem, adeoq; Dei ipsius, Christi & Spiritus S. Argumenta explicat.

Vt igitur huius doctrinē sit modus: prætermisiss Argumentorum speciebus vel non necessarijs, vel ad artes singulas pertinentibus: Generales tantū & ad doctrinē cœlestis tractationē Species in singulis Argumentis & exemplis recitabo. Deinde vnius rei seu Thematis Argumenta eiusdem generis varia esse possunt: sed certa ratione distincta & quasi subordinata. Vt alia sint Prima, alia Media, alia Postrema, alia Remotiora, alia Viciniora, alia Cōmuniora, alia Propria. Vnius ergo rei varię causę, varij Effectus, varia Subiecta, varia Adiuncta esse possunt. Sic, exempli causā, Fidei plures sunt causę. Prima Spiritus S. per verbum auditū aut lectum efficax. 2. Verbum Dei seu promissio Euangelij de Gratia & remissione peccatorum. 3. Mens & voluntas per Spiritum S. adiuta & verbo Dei assentiens. Effectus autem & Fines plures. Primus, Iustificatio: id est, remissio peccatorum & imputatio



tatio iustitię Christi. 2. Donatio Spiritus S. & Regeneratio. 3. Pax & Lætitiā conscientię acquiescentis in Deo propitio. 4. Omnia bona opera. 5. Vera invocatio Dei. 6. Vita æterna. Subiecta etiam Fidei plura: Primum Subiectū est homo ipse totus: deinde animus est & voluntas quatenus fiducia est. Subiectum circa quod est doctrina cœlestis, & in hac promissio remissionis peccatorum & vitæ æternæ propter Christum: Deinde etiam promissiones bonorum corporalium, & ipsa bona, & sic de alijs.

Atq; omnia quidem Argumenta eiusdem generis scire oportet eum, qui rem quamq; perfectè intelligere velit: Verum ea præcipuè maximè obseruanda sunt, quæ rei vicina propria, & propinqua sunt. De quo utilis extat admonitio apud Aristotelem Rhetoricorum lib. 2. cap. 21. Ea, inquit, Argumenta, potissimū colligēda & obseruanda sunt, quæ ad rem ipsam quā proximè accedunt. Hæc enim ad docendū accommodatiora sunt. Voco autem Communia hoc modo, vt si quis Achillem laudet, quod homo sit, quod Heros sit, & quod ad bellum Troianum profectus sit. Hæc enim alijs etiam multis competunt. Quare qui hæc commemorārit, non magis Achillem quā Diomedem aut alium aliquem laudārit. Propria verò illa dico, quæ nemini alijs contigerūt. Vt quod Hectorem Troianorum præstantissimū: & Cygnū, qui cū vulnerari non posset, Græcos omnes littore prohibuit, interfecerit: & quod omnium esset maximè adolescens: & quod iureiurando non astrictus ad id bellum profectus sit. Hæc Aristoteles. Quare propria maximè Argumenta, tum in personis, tum in rebus obseruanda & tractanda sunt.

Mm. 3. D E.



QVod autem ad Numerũ, Ordinem & Nomina Argumentorum seu Locorum attinet: parũ inter autores conuenit. Vix enim vnus cum alio consensit. Et de his fortassẽ nunquam inter omnes consensus erit. Nos in præsentia decem Capita & titulos Argumentorum, ad quæ omnia omninò Argumenta, quæ quidẽ vera Argumenta sunt, referri possint, recitabimus. Quæ hæc sunt:

- |                         |                         |
|-------------------------|-------------------------|
| 1. <i>Efficiens.</i>    | 6. <i>Comparatum.</i>   |
| 2. <i>Effectum</i>      | 7. <i>Distributio.</i>  |
| 3. <i>Subiectum.</i>    | 8. <i>Definitio.</i>    |
| 4. <i>Adiunctum.</i>    | 9. <i>Nomen.</i>        |
| 5. <i>Disſentaneum.</i> | 10. <i>Testimonium.</i> |

Hæc Summa & hic Ordo ad Leges artis, ad intelligentiam, ad memoriam & ad vsum commodissima esse videtur. Et cum Methodo Simplicis Quæstionis & Methodo Didascalica Philippi in Dialectica & Rhetorica ferè cõuenit: nisi quod pauci tituli hĩc addantur, & Nomina quædam mutata sunt, & ordo nonnihil immutatus est. Distributio enim, Definitio & Nomen, quæ ipse proponere solet: hĩc posteriori loco collocata sunt. Etsi enim Nominis explicatio, Definitio & Diuisio prima ferè in doctrinis esse solent: tamen hæc ipsa ex prioribus magna ex parte pendent: & ex ijs, Materiam & vim sumunt, & sine illis proinde doceri & inueniri commodè non possunt.

Conuenit etiam cum Ramea Locorum dispositione



ne postrema. Sed hîc quædam tamen immutata sunt. Materiam enim primùm & Formam, quas inter causas recitat, ad Diuisionem & partes referimus, & partibus subijciemus. Nam Aristoteles qui quatuor illa Causarum Genera, Efficientis, Materiæ, Formæ, Finis proposuit: etiam Materiam & Formam inter partes numerat Metaph. libro quarto, capite vigesimo quinto. Et Rodolphus etiam inter partes refert libro primo, capite nono.

Deinde in doctrina Cœlestis tractatione non magnū vsum habent hæc Argumenta. Doctrina enim Cœlestis, Deo ferè & hominè excepto, in Accidentibus & rebus incorporeis versatur, vt sunt Articuli Fidei, Euangelium, Lex Dei & Præcepta, Peccatum, Pœnitentia, Fides, Iustificatio, Sanctificatio, Regeneratio, Precatio, Bona opera, &c. Accidentia autem & res incorporeæ materiam non habent: & sibipsum sunt Formæ: Vt etiam Philippus in Methodo Simplicis Quæstionis indicat. Quare eorum duorum Argumentorum in doctrinæ cœlestis tractatione vsum habere non videmur: nec à Philippo in Methodis adhibentur. Et ipsa interdum adhibita, doctrinam magis inuoluere & obscurare quàm illustrare videntur, & plerunque inanes *ταυτολογίας* gignere solent.

Atque hac etiam de causâ & Aristoteles in Rhetoricis, & Cicero in Topicis forensibus, prætermisissè hæc Argumenta videntur. Formæ enim apud illos hoc sensu nulla fit mentio. Materiæ autem inter efficientia, obiter quasi à Cicerone mentio fit: Quòd ea parùm ad forum & Iurisprudentiam pertinere ipsis visa sint. Iurisprudētia enim tota in rebus incorporeis cōsistit. Vt sunt Ius hæreditatis, Vfus, Vsusfructus, Obligationis, &c. vt

est



est, lib. 2. Instit. titulo 2. de rebus corporalibus & incorporalibus.

Si quis autem horum duorum usus esse poterit: ex Divisionis loco, is peti potest.

Deinde causam Finale[m] partim ad causam Efficientem: quatenus in cogitatione agentis & efficientis versatur, eumq; ad agendum & efficiendum excitat atq; impellit, partim ad Effectum referimus: quatenus in usu & actione versatur & conspicitur. Erasmus in Ecclesiaste pag. 790. Sicut quidā loci, inquit, ita inter se constant, ut ijdem videantur, veluti cōtraria & repugnantia eadem videntur, ut Effecta, euenta & consequentia: causa efficiens & generatio, causa efficiens & finis. Et hæc ratio etiam ad doctrinæ cœlestis tractationem commoda esse videtur. Cum enim Finis ab Effectu distinguitur, & seorsim ad Thematis explicationem adhibetur, plerumq; *ταυτολογία* fit. Sic si de Iustificatione dicatur: & Finis eius Gloria Dei, & Effectus eius Gloria Dei dici potest. Quod si inter Efficientes causas Impulsiuā numeres, etiā Gloria Dei causa impellens Deum ad iustificandum hominē esse potest. Vnde duplex *ταυτολογία* nascitur. Vnde & Theologi ipso usu monente, non raro in doctrinæ explicatione Finē cum Effectu coniungunt. Sic Finis & Effectus fidei dicitur iustificatio: iustificationis autē tranquillitas & gaudium conscientia, &c. Atq; hæc de

Numero, Ordine & Nominibus Argumentorum in præsentia.

PRIMUM



PRIMUM ARGUMENTVM,  
CAVSSA EFFICIENS.

**E**FFICIENS est quod rem efficit. Quod & Confi-  
ciens, & Causa, & Origo, & Principium, & Ele-  
mentum, & Materia, & Semen, & Seges, & Radix,  
& Caput, & Fons: & de Persona seorsim: Autor, Fa-  
ber, Opifex, Fax, tuba dici potest. De quo Argumento ce-  
cinit Virg. 2. Georg.

Felix qui potuit rerum cognoscere causas.

A Causa autem merito doctrina Inventionis inchoatur:  
Quod hic ut rerum, ita & Scientiæ origo sit. Et in causis & Ef-  
fectis præcipuum omnis doctrinæ fundamentum est.

CAVSSA prima, & Summa, & Causa causarum, quæ  
nullam Causam habet, est Deus, mundi & rerum om-  
nium Opifex. Gen. 1. v. 1. In principio creavit Deus Cœ-  
lum & Terram. Deus igitur Fundamentum, Caput & Ra-  
dix est Causarum & Scientiæ omnis.

DEVS idem sua præsentia & providentia omnia ad-  
huc conseruat, sustentat & gubernat. Ioh. 5. v. 17. Pater  
meus adhuc operatur & Ego operor.

DEVS generis humani propagationem tuetur. Psal.  
32. v. 15. Qui fingit sigillatim corda eorum.

DEVS pijs laborantibus opem fert. Quare non est  
timendum aut desperandum. Psalm. 56. v. 12. Deo fido,  
non timebo quid faciat mihi homo.

DEVS pijs adest: ergo nemo ipsis nocere potest. Ad  
Rom. 8. v. 31. Si Deus pro nobis quis contra nos?

DEVS resipiscentes iustificat: ergo nemo eos con-  
demnare potest. Ad Rom. 8. v. 33. Deus est qui iustificat:  
quis est qui condemnat?

DEVS est autor Magistratus: ergo ei mos gerendus  
Nn est.



est. Ad Rom. 13. v. 1. Omnis anima potestati supereminenti subiecta esse debet. Non enim est potestas nisi à Deo.

DEVS autor est doctrinæ cœlestis: Ergo discenda & audienda est. Esai. 1. v. 1. Audite Cœli: quia Dominus loquitur.

DEVS est autor doctrinæ Apostolorum: Ergo impediri nō potest. Act. 5. v. 38. Dico vobis, abstinete ab hominibus istis. Quoniā si est ex hominibus cōsiliū aut opus hoc dissoluetur: Sin ex Deo est, dissolvere non potestis.

DEVS mandat bona opera: Ergo sunt necessariò facienda. 1. ad Thess. 4. v. 3. Hæc est voluntas Dei, &c. Ad Rom. 8. v. 12. Debitores Dei sumus non Carnis.

DEVS est autor pœnarū & crucis. Quare æquo animo ferenda sunt. Esai. 45. v. 7. Ego Dominus creans pacem & faciens malum. Amos 3. v. 6. Non est malum in ciuitate quod non facit Dominus.

DEVS infirmos tolerat: Ergo nos etiam ferre debemus. Ad Rom. 14. v. 3. Infirmum assume. Deus enim eū assumpsit.

DEVS etiam volens aut permittens fortuitorū euentuum causā dicitur, vt Exod. 21. v. 12. Qui percutit hominem vt moriatur, morte plectendus est. Sed si quis nō dedita opera interfecerit, sed Deus manui eius obiecit: is ad Asylum confugiet.

DEVS non est autor peccati. Psalm. 5. v. 5. Non Deus volens iniquitatem tu es.

NEC est autor mortis. Ezech. 18. v. 32. Nolo mortem peccatoris, &c.

CHRISTVS cum Patre omnia condidit & cōseruat. Ad Col. 1. v. 16. Per eū cōdita sunt omnia, &c. & omnia per eū consistunt.

CHRI



*CHRISTVS* redemit nos: Qui sua passione & morte Patrem placuit. Ad Gal. 3. v. 13. Christus nos redemit à maledictione legis dum pro nobis factus est maledictū.

*CHRISTVS* Antichristum conficit. 2. ad Theff. 2. v. 8. Dominus conficiet Antichristum Spiritu oris sui: id est, doctrina Euangelij.

*CHRISTVS* est autor Resurrectionis: Quare si ipse resurrexit, Homines etiam resurgent: Sin minus, non resurgent. 1. Cor. 15. v. 12. Si Christus resurrexit, etiā mortui resurgent. Si non resurrexit, non resurgēt. v. 21. Quia enim per hominem Mors: & per hominem quoque Resurrectio.

*DIABOLVS* homini peccati & mortis causa fuit. Gen. 3. & Ioh. 8. v. 44. Diabolus mendax est, & pater mendacij. Id est, primus fons & causa mendacij & omnis peccati. 1. Ioh. 3. v. 4. Qui facit peccatū ex Diabolo est. Quia ab initio Diabolus peccat: id est, Primus autor peccati est Diabolus.

*HOMO* à Diabolo impulsus etiam peccati autor est. Ad Rom. 5. v. 12. Per hominem peccatū intrauit in mundum: id est, homo sua libertate se à Deo auertit, sua fore Diabolo.

*HOMO* hominis causa est, dum procreat. Sic parentes sunt liberorum causa. Vnde varia sunt Scripturę Argumenta.

À parētibus plerunq; de filiis indicatur. Et filij ferē patrum similes sunt aut esse deberent. Deut. 32. v. 32. In Allegoria de vite cedunt: vitis eorum. 1. Sam. 20. v. 30. Filij Mulieris virum rapientis: id est, adultera. Ezech. 16. v. 3. Pater tuus Amorrhæus & Mater tua Cethea fuit: vbi & Hyperbole est. Et v. 44. Qualis Mater, talis Filia. Matth. 12. v. 34. Progenies viperarum quomodo potestis be-

Nn 2 nefacere



ne facere cum sitis mali: ubi in progenies viperarum etiam Metaphora Hyperbolica est: pro mali filij, malorum parentum. Ioh. 8. v. 39. Si filij Abraham essetis: opera Abraham faceretis.

*HOC* Argumento etiam Scriptura de Deo & hominibus dulci admodum Metaphora utitur. Deut. 32. v. 18. Dei qui te genuit oblitus es. Esai. 1. v. 2. Filios enutriui. At ipsi deseruerunt me. Matth. 5. v. 48. Estote perfecti sicut Pater vester coelestis perfectus est. Et, 6. v. 32. Ne Estote solliciti: quia pater coelestis vestri curam gerit.

*HOMO* etiam homini autor boni & mali, Salutis & interitus causa est.

*BONI* & Salutis autor est qui alit, conseruat, tuetur, docet: Cuiusmodi sunt, Nutrices, Paedagogi, Tutores, Magistratus, fideles Praeceptores & Doctores, Patroni, & Meccenates, amici, &c.

*PROPHETAE* & Apostoli Deum ipsum & Spiritum S. praepceptorem habuere. 2. Pet. 1. v. 21. A Spiritu Sancto acti, locuti sunt Sancti Dei homines.

*ET* iidem hominum rursus Magistri, & doctrinae coelestis autores, & Ecclesiae conditores secundarij suere. Ad Ephes. 2. v. 20. Superstructi super fundamentum Prophetarum & Apostolorum.

*MINISTRI* Euangelij, & Pij doctores sunt hominibus causa salutis. 1. Timoth. 4. v. 16. Attende tibi ipsi & doctrinae. Hoc enim faciens te ipsum saluum facies, & eos qui te audiunt.

*MALI* autor est homo homini, varijs modis, vel praua doctrina, ut Sophistae & Haeretici, vel malo consilio. Genes. 3. v. 12. Mulier quam mihi dedisti, illa mihi dedit, & comedi.

*VEL* qui vi & manu nocet, ut Tyranni, Latrones, &c.

*HOMO*



**HOMO** etiam multarum rerum & artium autor est,  
Gen. 4. v. 20.

**RES** etiam rei causſa est.

**SIC** peccatum mortis causſa est. Ad Rom. 5. v. 12. Per hominem peccatum intrauit in mundum: & per peccatum mors. Et 6. v. 23. Stipendium peccati mors.

**SANGVIS** Christi tollit peccatum & mortē. 1. Ioh. 1. v. 7. Sanguis Christi purgat nos ab omni peccato.

**OPVS** præmij, causſa est. 2. ad Theſſ. 3. v. 10. Qui non laborat, non manducabit. 2. ad Tim. 2. v. 6. Agricola oportet prius laborando fructum percipere. Et v. 5. Non coronabitur quis, niſi legitimè certauerit.

**HARVM** Cauſſarum Gradatio est. Ad Rom. 5. v. 3. Afflictio patientiam parit: patientia experientiam: experientia ſpem: ſpes autem non confundit.

**INSTRUMENTVM** Efficientis Species est.

**SIC** Miniſtri verbi, Dei quaſi Organa ſunt ad ſalutem hominum. 1. Cor. 3. v. 6. Dei ſumus *οὐκ ἐργοι, &c.*

**DOCTRINA** etiam cœleſtis cauſſa. Instrumentalis Fidei est. Ad Rom. 10. v. 13. Fides ex auditu: auditus autē per verbum.

**ET** eadem Organon Salutis est. Ad Rom. 1. v. 16. Nō pudet me Euangelij Christi, potentia ſiquidem Dei eſt ad ſalutem omni credenti.

**ET** Sacramēta Inſtrumēta Salutis ſunt. 1. Pet. 3. v. 21. Baptiſmus nos quoq; ſeruat per reſurrectionē Christi.

**FIDES** apprehendens Chriſtū & gratiā eius per verbū & Sacramenta oblatā Cauſſa Instrumentalis Salutis eſt. Ad Rom. 3. v. 28. Colligimus Fide iuſtificari hominē.

**ET** partes hominis actionū Inſtrumenta ſunt: vt Cor cogitationum: Os, Lingua, Labia ſermonis: Brachium, Manus, Digiti, Inſtrumenta operum.

Nn. 3. EFFI-



*EFFICIENS* interdum Impulsiva dicitur. Estq; vel Obiectum vel Affectus.

*OBJECTVM* est persona aut res ad agendum mouens. Gen. 6. v. 2. Viderunt filij Dei filias hominum pulcras esse, & eas vxores duxerunt. Et, 3. cap. v. 6. Vidit mulier fructum arboris bonū ad vescendum, aspectu iucundum, & ad intelligendū efficacem, decerpit & comedit.

*AFFECTVS* in Deo aut homine etiā causa dicitur. Thren. 3. v. 22. Misericordia Domini est quod nō sumus consumpti. Iohan. 3. v. 16. Sic Deus dilexit mundum, vt Filium suum daret, &c. Psalm. 2. v. 12. Osculamini Filium ne pereatis, cum exarserit subito ira eius.

*HVC* etiam Occasio referri potest: quæ est Loci & Temporis. Vnde dicitur: Vitare peccata est vitare occasionem peccandi. Et Prouerb. 18. v. 1. dicitur: Occasionem quærit, qui vult discedere ab amico.

*FINIS* etiam efficit quatenus bonum aliquod est, vel cogitatio de bono, quæ efficientem ad agendum excitat. Sic Deus ipse & Gloria eius Finis est hominis & rerum omnium à se conditarum. Prouerb. 16. v. 4. Omnia propter seipsum condidit Deus.

*EXEMPLVM* etiam ad quod res seu actio sit, efficiētis rationem habet, secundum Platonem in Thymeo, qui Idæam appellat. Seneca lib. 8. Epist. 66. Instrumenti Speciem vocat.

*INTERDVVM* autem persona Efficiens ipsa personæ vel rei effectæ exemplum est. Sic Deus ad suam imaginem hominem condidit & ipsemet exemplum condendi hominis fuit. Gen. 1. v. 27. Creauit Deus hominem ad imaginem suam.

*HOMO* etiam ad suam imaginem hominem gignit. Genes. cap. 5. versu 3. Adam genuit filium ad similitudinem



nem suam & imaginem suam.

*RES* etiam rei exemplū est in artificialibus. Exod. 25. v. 40. Vide ut facias omnia ad exemplum, quod tibi in monte ostensum est.

*EXEMPLVM* etiam causa instituendæ vitæ est. 2. Pet. 2. v. 21. Christus passus est relinquens nobis exemplum. Et 1. ad Tim. 4. v. 12. Exemplum esto fidelium.

*MATERIA* etiam quatenus ante rem est, Efficientis rationem habet, ut est apud Ciceronem in Topicis, & de inuentione. Sed quia Materia rei compositæ est: de ea in Diuisionibus & Partibus dicemus.

*VNIUS* rei plures sunt & esse possunt causæ, quæ interdū variis locis in Scriptura exprimuntur. Interdū vno in loco plures exprimuntur: ut. 1. Reg. 22. v. 23. Nūc igitur Ecce emisit Dominus spiritū mēdaci in ora omniū Prophetarum tuorum: cogitat enim Dominus tibi malum. Hic interitus Achabi tres causæ recitantur. I. Dominus puniens peccata eius. Deinde Spiritus mendax. III. Pseudoprophetæ Diaboli ministri & organa. Ad Rom. 3. v. 24. Iustificamur Gratis eius gratia, per Redēptionem factam per Iesum Christū: quem proposuit Deus ut esset propitiatorium per fidem, per sanguinem ipsius: ad declarandam iustitiam suam, per Remissionem peccatorum præcedentium ex Dei tolerantia: ad declarandam, inquam, iustitiam suam præsentī tempore: ut sit ipse iustus & iustificans eum, qui est ex fide Iesu. Hic primū iustificatio ipsa describitur, Quod sit remissio peccatorum & imputatio iustitiæ Christi. Deinde iustificationis causæ plures coniunguntur. I. Deus eiusque Gratia & Misericordia. II. Christus eiusque sanguis & Redemptio. III. Fides in Christum.

*CAVSÆ* per Accidēs dicitur quā Effectus sequitur: Non.



Non per se, aut nō necessariō. Vt cū effectus magis ex homine eiusque voluntate quā ex re ipsa pendet.

*SIC* lex peccati & mortis causa dicitur. Ad Rom. 7. v. 20. Per legem peccatum fit excellenter peccatum. Et, Ad Rom. 4. v. 15. Lex iram operatur. 2. ad Cor. 3. v. 6. Littera occidit. Quod Paulus ad Rom. 7. v. 7. sic interpretatur: Quid ergo dicemus, Num lex peccatum est, absit. Imò peccatum non cognoui nisi per legem. Sed peccatum occasione sumpta seduxit me per mādātum, & per illud occidit me. Et, v. 10. Et mādātum quod ad vitam institutum erat, mihi ad mortem cessit.

*SIC* Christus & Euangelium dicitur causa Gladij & discordiarum inter homines, quarum causę sunt homines ipsi, qui doctrinam Euangelij repudiant. Matth. 10. v. 34. Non veni missurus pacem, sed gladium.

*SIC* Philosophia dicitur causa deceptionis: cū causa vera sit in homine Philosophia abutēte. Ad Coloss. 2. v. 8. Cavete ne quis vos per Philosophiam & inanem deceptionem deprædetur.

*SIC* scientia superbię causa dicitur: cuius propria causa est homo ipse, ex scientia insolescens, & alios despiciens, quibus scientia servire deberet. 1. Cor. 8. v. 1. Scientia inflat: Charitas verò ædificat.

*SAEP E* etiam causa falsa est & verę causę dissimulantur & teguntur & causa aliqua plausibilis foris ostenditur. Quod *πρόφασις* seu pretextus dicitur. Rhetores Translationem causę vocant, & colorem rhetoricum: Thucydides *χῆμα πολιτικὸν λόγῳ*: id est, figuram politicam sermonis. Atque hæc figura interdum officiosa est, & in vita penè necessaria: interdum admodum pernitiōsa Sophistica est. Nam in vita communi interdum quædam prudentia & ingenij dextritas est, posse allegare verissimi-



verisimiles causas, ut cum aliquis non vult accedere ad odiosum negotium, utitur excusatione valetudinis aut occupationum.

*SIC* Rachel, quæ idola patris furata erat, falsæ causæ prætextu utitur. Genes. 31. v. 34. Rachel accepit Idola & posuit sub clirellis Cameli & sedit super ea. Cumq; Labā perscrutatus esset omne tabernaculū & nusquam ea inuenisset, dixit illa ad patrem suū: Noli, Domine, ægreferre, quod nequeā tibi assurgere: patior enim muliebria.

*SIC* Michol filia Saulis Dauidē excusat, quod ad Saulē venire nō posset: Quia, inquit, egrotat. 1. Sam. 19. v. 14.

*DEINDE* etiam se hac ratione excusat quod Dauidem dimisisset, ille inquit: Mortem mihi minatus est, nisi cum dimissem, v. 17.

*ALIAS* autem perniciofa, crudelis & cruēta Sophistica est. Ut cum Tyranni suis suspicionibus & cupiditatibus prætexunt causam aliquam popularem: & hoc prætextu homines innocentes ē medio tollunt aut tollere conantur.

*SIC* Saul Dauidem ut hostem & insidiatorem sui & filij accusat atq; persequitur. 1. Sam. 20. v. 32. Irat⁹ autem Saul aduersum Ionathā: dixit ei: Fili matris adulteræ: nūquid ignoro quod diligis filium Isai in cōfusione tuā. Quam diu enim ille viuet, non stabilieris tu, neque regnum tuum.

*SIC* Christus falsō seditionis & hæreseos à Iudæis insimulatur. Luc. 23. v. 5. & Iohan. 19. v. 12.

*SIC* Herodes causam interficiendi Iohan. odio suo prætexit iurisiurandi religionem. Matth. 11.

*ATQVE* hic locum habet illud: Nō propter erratum pedis ad Cytharam.

*EODEM* modo faciunt Hæretici, qui nomine Dei &

O o Scriptura



Scriptura abutuntur: & dicunt se quærere Gloriam Dei & salutem hominum: cùm reipsa quærant suam gloriam & primatum in Ecclesia: & explere studeant priuatę vindictę cupiditatē & aliis furoribus indulgeant.

*S*IC falsam causā prohibitionis diuinę ad Euā affert Serpēs & Spirit⁹ mēdax. Gen. 3. v. 5. Dixit Serpēs ad Mulierē: Nō moriemini: sed ideò Deus prohibuit: quia nouit futurū: vt cùm ex ea arbore comederitis, oculi vestri aperiantur, & sitis similes Dijs scientes bonum & malū.

*I*N his autem falsis causis calumnia virulēta est. Et ex causis per Accidens: id est, non necessarijs & falsis atq; alienis oritur Fallacia secundum nō causam vt causam. Elenchorum 1. cap. 4. & Rhetoricorum 2. cap. 22. apud Aristotelem.

*E*X causis autem Res amplificatur, cùm res non simpliciter proponitur, sed causę etiam rei quamuis nō sit necesse, exponuntur. Aut cùm rei causę, vel omnes vel pleręque enumerantur. Cuius rei exempla duo suprà posita sunt.

## SECUNDVM ARGVMENTVM

### EFFECTVM.

*E*FFECTVM est quod res ipsa efficit. Quod & ἀνὰ πρῶτον, πρῶτον, ἐν πρῶτῳ, πρῶτον, γένεσις, κίνησις, ἐργον, ἐκβασις dicitur Gręcis. Id est, Causatum, Actio, Effectio, Generatio seu Ortus, Motus, Opus & Latinis Effectus, Euentum & Euentus. Atque huc vsus & Finis fructus et officium interdum spectat. Opus enim rei cuiusq; etiam Finis dicitur, vt ait Aristoteles lib. 2. Ethicorum ad Eudemum. Atque huc etiam qđ opā corruptio & interitus spectat. De hoc Argumento Cicero in Topicis: Vt causa, inquit, Effectum indicat: sic quod Effectum est, quę fuerit causa demonstrat.

*S*IC Dei Effecta sunt res omnes creatę & bonę, mundus



us & genus humanum, eorumque creatio & conseruatio. Ex quibus Effectis & Deum esse intelligimus & qualis sit. Ex creatura enim, & opere Deum opificem esse intelligimus. Et ex mundi magnitudine rerum pulcritudine, ordine & vsu, Dei potentia, sapientia & bonitas præsertim erga hominem conspicitur. Atque in hoc Argumento bona pars Theologiæ & Physica pia & sobria tota penè versatur. Ad Rom. 1. v. 20. Quod de Deo cognosci potest, ex rebus cõditis intelligitur: & ex creatione mundi conspiciuntur æterna eius potentia & diuinitas.

HOC Argumento Ecclesiastes Dei timorem concludit, cap. 3. v. 14. Deus operatus est omnia, vt timeant homines à facie eius.

HOC Argumento Deus sapiissimè in Psalmis & Prophetis describitur, laudatur & celebratur. Psal. 8. v. 2. Iehoua Domine noster, quàm admirabile est nomen tuum in vniuersa terra. Quoniam video cœlos tuos, opera digitorum tuorum, Lunam & Stellam, quas formasti.

MISERICORDIÆ Dei magnitudinem hoc Argumento ex mundi & partium eius colligit Dauid. Psal. 36. vers. 6. Iehoua vsque ad cœlos Misericordia tua: & Veritas tua vsque ad nubes. Iustitia tua sicut montes Dei: iudicia tua sunt voragine profundæ. Homines & animalia seruas Iehoua. Et, Psalm. 103. vers. 11. Quantum eminet cœlum supra terram: tantum roborauit Dominus Misericordiam suam erga timentes se. Vers. 12. Quantum distat Oriens ab Occidente: tam procul remouet à nobis iniquitates nostras. Et, Psal. 29. Ex vi fulminis & tonitruu fragore potentiam Dei describit & potentes atque principes ad Dei timorem & Deum glorificandum hortatur. Afferte Iehouæ, filij fortium, afferte gloriam & fortitudinem, vox Iehouæ super aquas.

O O 2 Deus



Deus gloriosus tonat. Sonitus eius frangit Cedros, & facit vt tremant montes.

*HIS* autē & similibus Argumētis plenus est liber Iobi. Vide cap. 36. 37. &c. Atq; hoc Argumento Idolis diuinitas detrahitur.

*HO* Cargumēto creationis Dauid etiā Dei prouidentia confirmat, pios cōsolatur, Epicureos confutat & Tyrannos terret. Psal. 94. v. 3. Viduas & peregrinos interficiūt & pupillos occidunt. Et, Cogitant Dominum non videre neque id intelligere Deum Iacob. Intelligite stupidi in populo, & vos fatui tandem sapite.

*AN* qui plantauit aures nō audiet? An qui finxit oculos, nō videbit? An qui docet Gentes non intelliget? An qui docet homines scientiam nō cognoscet? Iehoua ergo cogitationes hominum vanas nouit & intelligit. Atq; idem Argumentū Esaias cap. 29. v. 15. & 16. repetit.

*HOC* Argumēto Idolis diuinitas detrahitur. Iere. 10. v. 11. Sic dicetis iis: Pereant Dij sub cōelo & de terra, qui non fecerunt cōelum & terram.

*DE* etiam Effecta specialia sunt Ecclesiæ & piorum liberatio & cōseruatio, & multa & magna in Ecclesiā & pios publicè & priuatim collata beneficia. Quib⁹ argumentis, Deus sapē etiā in psalmis præsertim celebratur.

*SIC* Dauid Psal. 103. Deum hoc argumēto celebrat; ei⁹que gratias agit. Cuius exemplo & nos ipsi quotidie ad gratias Deo agendas & gratitudinem & obediētiam Deo præstandam excitari debemus.

*P R O P O S I T I O.*

v. 1. Benedic anima mea Domino: & omnia quæ intra me sunt, nomini Sācto eius.

2. Benedic anima mea Domino: & noli obliuisci omnium beneficiorum eius.

*ARGV-*



ARGVMENTA & Effecta Dei plura & diuersa: primū  
quidē Priuata beneficia erga Dauidem & quemuis aliū.

3. Qui remittit omnes iniquitates tuas, qui sanat omnes infirmitates tuas. Qui redimit de interitu vitam tuam. Qui coronat te misericordia & miserationibus. Qui satiat bono os tuum: & renouat vt Aquilæ iuuentutem tuā. Faciens iustitias Dominus, & iudicia omnibus iniuriam patientibus.

PVBLICA beneficia, patefactio Dei in Ecclesia.

7. Qui notas fecit vias suas Moyfi: filijs Israhel voluntatem suam.

8. Quod sit misericors & clemens Iehoua patiens, & multæ miserationis, &c.

HORVM autem Effectorum Dei Species quædam sunt miracula, quæ sunt opera diuina, quibus Deus in gratiam piorū naturæ ordinē mutat, & cursum impedit.

SIC Mare rubrum in gratiam populi sui ex siccauit. Exod. 14. Et Iordanē, &c. Iosua, 3. Solem sistit ad preces Iosua, Iosua 10. Solem reducit in gratiam Ezechia, 2. Reg. 20. Saram sterilem fœcundat, Gen. 18.

HOC Argumento Dauid hostibus Ecclesiæ insultat. Psal. 115. v. 2. Vt quid dicēt Gētes: vbi nūc est Deus corū? Certē Deus noster in Cœlo omnia quæ voluit fecit.

ET Ecclesiam cōsolatur. v. 9. Tu ergo Israhel fide Deo. Nam auxilium & clypeus tuus est: q. d. Is te sæpè magnis miraculis liberauit

SE & Ecclesiam consolatur. Psal. 77. v. 1. In die angustia meæ Dominum quæro. v. 11. Et cū penē despero recordor operum Iehouæ, & ita meipsum consolor.

VTRVQVE autem Argumentum & Creationis, & Conseruationis Ecclesiæ sæpè in Psalmis & Prophetis coniungitur ad Deum celebrandum.

OO 3 SIC



*SIC* Psal. 19. Primū Creationis Effectus & beneficiū est: Coeli enarrant gloriā Dei: & opera eius annunciat firmamentum.

*DEINDE* Beneficiū patefactionis in Ecclesia. V. 8. Lex Iehouæ perfecta, animas recreat, Iehouæ Oracula fida ex infante reddūt Sapientem. Et, Psal. 136. Primū propositio est: Celebrate Iehouam. Argumentū Creationis: Qui fecit Coelos affabrè, & extendit terram super aquas.

*ARGVMENTVM* Conseruationis Ecclesiæ. V. 10. Qui percussit Aegypti primogenita: & eduxit Israëlem de medio eorum. Atq; huius generis Psalmi sunt, 147. & 148. & alij.

*HOC* Argumento etiam Christus se Messiam esse docet. Matt. 11. v. 3. Profecti renunciate Iohanni ea quæ auditis & videtis à me fieri: Cæci visum recipiunt, Claudi ambulant, Leprosi mundantur, Surdi audiunt, Mortui excitantur, & Pauperes audiunt Euangelium. Et, Ioh. 5. v. 36. Opera quæ facio testantur de me, quod pater miserit me. Et, 10. v. 37. In vtramq; partē argumentatur Christus. Si non facio opera Patris mei, nolite mihi credere: Sin facio: etiā si mihi nō creditis, operibus credite.

*HOMINIS* Effecta varia admodum sunt. Ac primū Homo hominis effectus est. Sic filius Patris, liberi Parentum, & posterī Maiorū. Vt Iohannes est Zachariæ & Elizabetæ filius, Luc. 1. v. 1. Sic Christus Davidis filius est secundum carnem, Matth. 22. v. 41. Et ad Rom. 1. v. 3

*HOMINIS* etiam Effecta sunt actiones & res variæ: vt Cogitationes, Consilia, Deliberationes, Dicta, Facta, Res gestæ, Artes, Artium Inuentio & Opera, quæ vel ratione sola vel ratione & manu expediūtur. Singulorum autē hominum singularia Effecta, vt Adami, Noë, Abrahami,



hami, Moysis, Dauidis, Christi, &c. Atq; huc omnis historia sacra & prophana spectat.

*SPECIALIA* autem & magis Theologica hominis Effecta sunt peccata & bona opera, seu vitia & virtutes. Quò spectat tota Legis doctrina & Ethica Christiana, & Philosophica. Et hæc Effecta seu officia pro vario vitæ humanæ genere rursus variant. Alia enim sunt Effecta & officia Oeconomica: & hîc alia Mariti, alia vxoris, alia Domini, alia Serui. Alia Politica, & hîc rursus alia Magistratus, vt benè administrare Remp. ex æquo & bono causas diiudicare, vitam & salutem subditorum tueri: alia Subditorum, ut Magistratui obtemperare, & facultates ad communem pacem conferre. Alia Ecclesiastica & Scholastica. Atq; hîc rursus alia Docentium, alia Discipulorum, & sic de alijs.

*HOC* Argumento Christus petit se à Iohanne baptizari. Matt. 3. v. 15. Sine me nunc. Ita enim decet nos implere omnem iustitiam.

*OFFICIA* Ministrorum verbi & doctorû in Epistolis Paulinis ad Tim. & Tit. exponuntur.

*HOC* Argumento Christus docet bonos & malos doctores cognoscendos esse. Matth. 7. v. 16. Ex fructibus ipsorum cognoscetis eos.

*HOC* Argumêto honesta Matrona laudatur, Prouerb. 31. Capite ferè toto. Dabitur illi de fructu manuum ipsius, & laudabunt eam in portis facta eius.

*RES* etiam rei Effectus est.

*SIC* Singulæ hominis partes suos habent effectus, oculus videt, auris audit, manusprehendit, pes ambulat.

*HOC* Argumento Iacobus hortatur, vt quisq; linguam suam diligenter frenet. Quòd lingua maximorû bonorum & malorum causa sit.

*SIC*



*SIC* Doctrinæ cœlestis Effectus est vita, & Saulus hominis. Deut. 30. v. 15. Ecce propono tibi hodie vitam & mortem. Item:

*VERA* animorum Cōsolatio. Psal. 119. v. 50. hæc est Cōsolatio in afflictione mea: quod Verbum tuum viuificet me. Ad Rom. 15. v. 4. Quęcunq; scripta sunt, in nostram doctrinam scripta sunt: vt per patientiam & consolationem Scripturarum, spem habeamus, 2. ad Tim. 3. v. 16. Quatuor Effecta Scripturę recensentur, vt videlicet vtilis sit ad dogmata vera docenda & probāda, falsa dedocenda & refutanda: ad bonos mores suadēdos & ad malos mores dissuadendos & corrigendos.

*LEGIS* vsus est, peccantibus peccatum reuelare & iram Dei ostendere. Ad Rom. 3. v. 20. Per Legem agnitio peccati. Et 4. v. 15. Lex iram operatur. Quare lex securis hominibus proponenda est. Resipiscentibus autem officia pietatis & charitatis pręscribenda. 1. ad Tim. 1. v. 5. Finis pręcepti est Caritas ex puro corde, &c. Quare & Lex semper in Ecclesia docenda est.

*HOC* etiam argumento peccata & vitia dissuademus; Virtutes & Bona opera suademus. Peccati Effectus est Mors & pœnæ omnis generis. Quare magnoperè fugiendum est. Ad Ephes. 5. v. 6. Ne quis vos seducat inanibus sermonibus. Propter hæc enim venit ira Dei super inobedientes.

*EBRIETATEM* hoc Argumēto dissuadet Solomō, Prouerb. 23. v. 29. Vbi Væ? vbi eiulatus? vbi querelæ? vbi vulnera sine causa? vbi rubent oculi? hæc potatoribus. Ne igitur vinum aspicias, &c. tādē enim velut serpens mordebit & velut aspis punget. Et, 20. v. 1. Quisquis ebrietate delectatur non erit sapiens.

*AVARITIAE* Effecta plurima mala sunt. Quare cauenda



cauenda est maximè ministris Ecclesiæ. 1. ad Tim. 6. v. 10. Auaritia radix est omnium malorum.

**PIETATIS** Effectus sunt præmia omnis generis à Deo pijs ex Gratia proposita: Quare studiosè colēda est. 1. ad Tim. 4. v. 8. Exerce teipsum ad pœnitentiam. Pictas enim ad omnia utilis est: habet enim promissionē præsentis & futuræ vitæ.

**BENEFICENTIAE** erga inimicos Effectus respicientia inimici est. Quare beneficia etiam in inimicum cōferēda sunt. Prouerb. 25. v. 22. Si esurit inimicus tuus, ciba illum: si sitit, da potum. Hoc enim si feceris carbones ignitos coaceruabis in caput eius.

**CRVCIS** Effectus est domare carnem & efficere vt doctrina cœlestis rectius intelligatur: Quare æquo animo ferenda est. Psal. 119. v. 71. Bonum mihi quod humiliasti me, vt discerem iustificaciones tuas.

**SUNT** & Effectus nō necessarij, vt Legis augere peccatum, doctrinæ inflare hominem: sunt & falsi, vt quod Christus dicitur Seditionis & hæreseos autor à Iudæis. Vnde & Fallacia secundū non Effectum vt Effectum dici posset, more Aristotelico. Sed hæc ex causis intelligi & repeti possunt. Atq; hætenus de secūdo Argumento.

## TERTIVM ARGVMENTVM,

## SVBIECTVM.

**SVBIECTVM** est *Argumentum quod rei subijcitur. Quod à Grecis υποκειμενον dicitur. Atq; huc spectat totū Prædicamentum Substantiæ. Itē Obiectū quod dicitur & Materia, quam vocant Circa quam. Nam & Cicero de Inventionē: Materia, inquit, medicina vocamus morbos & vulnera. Atq; huc spectant Nomina Substantiua in Grammatica. Cū autē Sub-*  
*Pp                      stantia*



*stantium à Substantiuo regitur : Subiectum ferè per Genituum exprimitur. Sapè autem Efficiens etiam Subiectum est: cū res effecta ab efficiente sustentatur, & possidetur & efficientis tutela & potestate manet. Hinc ergo intelligitur sine Subiecto Adiunctum esse non posse.*

DEI ergo nullum est Subiectum propriè. Sed Deus ipse Creaturæ & rerū omnium, inprimis Ecclesiæ Subiectum est, Quod omnia sustentet & in sua potestate habeat. Psal. 24. v. 1. Iehoua est terra & plenitudo eius: orbis & habitantes in eo. Quia ipse super maria fundauit eam, & super flumina firmavit eam.

HINC Angeli, Dei Angeli dicuntur. Iosua 6. v. 22. Perij, quia vidi Angelum Dei à facie ad faciem.

ET Ecclesia Dei dicitur. Psal. 144. v. 15. Beatus populus est, cuius Deus est Iehoua.

CHRISTVS est Ecclesiæ Subiectum. Ad Eph. 2. v. 20. Aedificati super fundamentum Prophetarum & Apostolorum, cuius imus angularis lapis est Christus.

IDEM etiam doctrinæ cœlestis Subiectum seu Obiectum est. 1. Cor. 3. v. 11. Nemo potest aliud fundamentum ponere, præter id quod positum est, quod est Iesus Christus. Ad Rom. 1. v. 3. Paulus separatus ad prædicandum Euangelium, quod est de filio Dei.

HOMO etiam Dei Subiectum dicitur. Et homines pij: templa Dei & Spiritus S. in ijs habitātis & efficacis. Atq; hoc Argumento Paulus docet non esse inficiendos homines falsa doctrina. 1. ad Cor. 3. v. 16. An nescitis quod templum Dei estis, & Spiritus Dei habitat in vobis? Si quis ergo templum Dei violat, hunc perdat Deus. Nam templum Dei sanctum est; quod estis vos.

HVC etiam Argumentum Christi referri potest, quod probat Christus hominum mortuorum resurrectionē, quod.



quod mortui, Dei esse & Deū habere dicatur. Matt. 22. v. 8. De Resurrectione verū mortuorū nō legistis, quod vobis dictum à Deo dicente: Ego sum Deus Abrahami, Deus Isaaci & Iacobi: Deus enim nō est Deus mortuorum, sed viuorum: q. d. qui nihil sunt, ij Deum habere nō possunt. Quare si Deus est Deus Abrahami mortui, &c. mortui sunt aliquid & ex parte viuunt, & aliquādo prorsus viuent atq; resurgent.

*HOMO* etiam hominis Subiectū est. Sic Coniunx Cōiugis, Pater Filij, Avus Nepotis, Frater Fratris, Socer Generi, Socrus Nurus, Cognatus Cognati, Affinis Affinis. Sic Dominus Serui, Magistratus Subditorū, Dux Exercitus, & militū, Præceptor Discipuli. Doctor Auditorum, Deniq; Hospes Hospitis, Amicus Amici, Socius Socii, Vēditor Empēris & Locans Cōducētis, &c. Micheę 7. v. 6. Ne fidē habeatis familiaribus: ne confidatis ducibus: ab ea quæ dormit in sinu tuo custodi ostia oris tui. Quia Filius vituperat Patrem, Filia insurgit in Matrē, & Nurus in Socrum suā: & inimici sunt viri domestici eius. Matt. 10. v. 36. Nam veni vt dissidere faciam hominē aduersum Patrē, & Filiam aduersus Matrem suā, & Nurus aduersus Socrum suam, & inimici hominis erunt qui sunt domestici eius. Quibus duobus locis magna discordia & perfidia inter homines hoc genere Subiectorum, & Adiunctorum describitur.

*HOMO* etiam rei Subiectum est: vt, Vestium, liberorum, honoris, famæ, infamię, nominis, paupertatis, diuitiarum & rerum omnium, quas possidet. Item peccati & Mortis. Ad Eph. 2. v. 3. Eramus natura filij iræ.

*SIC* Dominus timoris Subiectum est, Pater amoris. Mal. 1. v. 6. Si Ego sum Dominus, vbi timor meus? Si Pater, vbi amor meus?

*RES* Dei Subiectum est.

Pp 2 SIG



296 DE DIALECTICA

*SIC* corpus humanum Dei templum est. Quo Argumento Paulus fornicationem prohibet. 1. ad Cor. 6. v. 18. Fugite fornicationem: Omne enim peccatum quod facit homo extra corpus est. Sed qui fornicatur in proprium corpus, peccat. Annón nōstis quod corpus vestrum templum est Spiritus S. qui habitat in vobis.

*RES* etiam hominis Subiectum est: vt Materia fabrorum, aurum aurificis, &c.

*RES* etiam rei Subiectum est: vt Thesaurus cordis & cogitationis humanæ, Matth. 6. v. 21. Vbi est Thesaurus: ibi & cor tuum.

*SIC* Res de qua sermo est, Sermonis & doctrine Subiectum est. Sic partes hominis rerū Subiecta, vt Anima peccati, Pœnitentiæ, Iustitiæ, Fidei, Scientiæ, Ignorantiæ, Virtutis, Vitij, Corpus sanitatis, Morbi, Roboris, Infirmitatis, Pulchritudinis, Deformitatis.

*RES* sensiles sensuum Subiecta sunt, vt Lux & color oculorum & visus. Sonus aurium & auditus.

*RES* expetendæ & fugiendę vitiorum & virtutū, peccatorum & bonorum operum Subiecta sunt: vt, Opes liberalitatis & auaritiæ: Voluptates temperantiæ & intemperantiæ: Pericula magnanimitatis & ignauiæ: Crux & calamitates patientiæ.

*ARTIVM* Subiecta sunt Res, quæ artibus tractantur: vt res numerabilis Arithmetica, mensurabilis Geometriæ.

*LOCVS* etiam Locati Subiectum est. Atq; huc spectat Prædicamentum *VBI*.

*SIC* Dei Locus est Cœlum. Esa. 66. v. 1. Cœlum sedes mea est, Terra autem scabellum pedum meorum.

*HVC* Patria hominis spectat. Sic Iudæa & Bethlechem Christi patria est.

*TEMPLVM* precum Locus est. Esa. 56. v. 7. Domus mea



mea domus orationis vocabitur omnibus gentibus.

SVNT & falsa Subiecta: vt Hypocrita pietatis. Et, Galilæa patria Christi. Iohan. 7. vers. 41. Nunquid à Galilæa Christus veniet? Et. 52. Scrutare & vide ex Galilæa Prophetam non surrexisse. Vnde Fallacia dici potest more Aristotelico Secundum non Subiectum vt Subiectum, seu falsi Subiecti Fallacia.

QUARTVM ARGVMENTVM,  
ADIVNCTVM.

**A** D I V N C T V M est Argumentum quod rei adiungitur. Et ab Aristotele συμβεβηκός, τὸ δὲ τὸ ἀδύναμ, περιούσι, περιέστωσι: id est, Accidens, Affectio, Circumstantia. Quāquam Accidens eidem etiam Effecta & comparata completa-tur. Cicero Adiuncta, Antecedentia, Cōsequentia & Signa ap-pellat.

Huc ergo spectant in Dialectica Prædicabilia duo: Proprium & Accidens: Prædicamenta autem sex, Qualitas, Quantitas, Passio, Vbi, Situs & Habitus. Item Loci seu Argumenta Adiacentium, Connexorum, Contingentium, Circumstantiarum, communiter Accidentium. In Grammatica, Nomina Adiectiva et cùm Substantivum à Substantivo regitur, id Substantivum quod Genitivo adiungitur. Abstractum etiam Concreti species est.

Effectus autem sæpe etiam Efficientis Adiunctum est: cum Effectus in Efficientis tutela, potestate & possessione manet. Atq; hinc intelligi potest, posito Adiuncto, necessario ponendū esse Subiectum, & Adiunctum sine Subiecto existere non posse.

*E X E M P L A.*

DEI Adjuncta sunt Creaturae omnes & imprimis Ec-  
clesia & pij. Exod. 19. v. 5. Nunc ergo si obedieritis voci



298 DE DIALECTICA

meæ, & custodieritis pactum meum: eritis mihi thesaurus dilectus præ omnibus populis. Quia mea est vniuersa terra. Vos autem eritis mihi regnum Sacerdotale & Gens Sancta.

DEI etiam adiuncta sunt, saltem καὶ ἀνθρωποπόθειαι, Virtutes & Affectus. Vt Misericordia, Veritas, Ira. Sic Deus ab Adiunctis & Effectis describitur. Exod. 34. v. 6. Et transiit Iehoua ante Moysen, & clamauit: Iehoua, Iehoua est fortis, misericors & miserator, tardus ad iram, & multus misericordia & veritate. Et, Psal. 103. v. 7. Notas fecit vias suas Moyse, filijs Israël opera sua. Quod sit misericors & clemēs Iehoua, patiens & multæ miserationis. Esa. 6. v. 3. Sanctus, Sanctus, Sanctus Iehoua exercituum.

HOC Argumēto Dauid veniam suorum peccatorum à Deo petit, & nos etiam quotidie petere debemus. Psal. 51. v. 1. Misere mei Deus, secundum magnam Misericordiam tuam.

HOC Argumēto Moses à peccatis dehortatur. Deut. 4. v. 24. Deus noster ignis cōsumens est. Et idem à vindicta. Deut. 12. v. 16. Meum est vlcisci, inquit Dominus, & ego retribuam.

SUNT & Dei Attributa, Negātia, vt Incorporeus, immortalis, inuisibilis.

DEVS etiā primum hominum Adiunctū est. Gen. 17. v. 7. Ero Deus tuus & seminis tui in seculum.

ATQUE huc referri potest Argumētum Christi, quo probat resurrectionem mortuorum ab Adiuncto Dei. Matth. 22. v. 8. De resurrectione mortuorum non legistis quod vobis dictum est à Deo dicēte: Ego sum Deus Abrahami, Isaaci, & Iacobi. Deus autem non est Deus mortuorum, sed viuorum.

CHRISTVS ab Adiunctis passim describitur.

SIC



*S*I Creceus nati Adiunctum erat Stella. Matth. 2. v. 2. Vidimus enim Stellam illius in Oriente.

*E*T baptizati, Spiritus super eum descendens. Ioh. 1. v. 33. Vidi Spiritum descendentem, &c.

*E*T in vita paupertas. Matth. 8. vers. 20. Filius hominis non habet ubi reclinet, &c.

*E*T in Doctrina Veritas. Matth. 22. v. 16. Magister, scimus quod verax es.

*E*T in tota vita innocentia. Iohan. 18. v. 38. Nullum crimen inueni in ipsum.

*H*O C Argumento autor ad Hebræos concludit Christum misericordem esse erga miseros. Ad Hebr. 2. v. 18. Debuit per omnia similis esse fratribus, vt esset misericors & fidelis pontifex. Ex eo enim quod passus est & tatus: potest & ijs, qui tentantur succurrere.

*H*O M O pius Dei & Christi Adiunctum est. Ad Rom. 14. v. 8. Siue viuimus siue morimur, Domini sumus. 1. ad Cor. 3. v. 21. Vos estis Christi: Christus autem Dei.

*H*O M O etiam hominis Adiunctum est: vt, Coniunx Coniugis. Filius patris. Frater fratris. Amicus amici, & sic de alijs, quæ ex Subiectis intelligi possunt.

*H*O M O etiam rei Adiunctum dicitur. Ioh. 8. v. 34. Qui facit peccatum, peccati Seruus est.

*H*O M I N I S autem Adiuncta sunt res varieg: vt, Genus, Nomē, Sexus, Aetas, Aeducatio, Fortuna, Diuitiæ, Honores, & his contraria: animi & corporis Bona & Mala. Ac tandem Mors & quæ Mortē consequuntur. Item, magis Theologica, peccatum, crux & varieg persecutiones. 2. ad Tim. 3. v. 12. Omnes qui volūt piē viuere in Christo persecutionem patientur.

*L*I B E R O R V M proprium Adiunctum est ius adeūdæ hæreditatis. Ad Rom. 8. v. 30. Si filij estis, etiam hæredes.

*P I O R V M*



*PIORVM* & credentium Adiunctum est tranquilla conscientia & spes bona. Ad Rom. 5. v. 1. Iustificati fide pacem habemus erga Deum.

*IMPIORVM* contrà Adiunctum est mala conscientia & metus perpetuus. Esa. 48. vers. 22. Nulla est pax impiis.

*RES* etiam rei Adiunctum est.

*SIC* Doctrinæ cœlestis adiuncta sunt Miracula & Sacramenta. Rei speratæ, Fides & Spes. Promissio, rei promissæ. Et, Varicinium rei prædictæ Adiunctum est. Comminatio Poenæ, Typus & Allegoria rei significatæ. Sensus, Affectus, Actio Dei & Hominis Adiunctum est eius rei quæ Sensui, Affectui, & Actioni subijcitur.

*TEMPVS* speciale est personæ & rei adiunctum, vt Locus Subiectum fuit. Sic tempus nati Christi describitur. Luc. 2. v. 1. & 2.

*HOC* Argumento Petrus probat Apostolos non esse ebrios. Act. 2. v. 15. Hi non sunt ebrij: Quia est hora diei tertia.

*SUNT* & Adiuncta nō necessaria & falsa. Multa enim, vt dici solet, de Subiecto dicuntur, quæ nō sunt in Subiecto: vt Pietas de Hypocrita, Seditio & blasphemia in Christo. Homicidium in Paulo, vt est in Actis. Atq; hinc Fallacia Accidētis & Cōsequentis ex parte ab Aristotele in Elenchis facta est. Et in Genere hinc Fallacia more Aristotelico secundum non adiunctum vt adiunctum. Seu falsi adiuncti fallacia. Seu potius falsum adiunctum, & ex eo natum mendacium seu propositio falsa inde orta.

*ATQVE* hæc quatuor Argumenta, Causæ, Effectus, Subiecti, Adiuncti, rei consentanea argumēta sunt. Vnde quiduis alteri Cōsentaneum vel vnum vel idem dici possit. Omnesque modi vnitatis, & vt ita dicam, Identitatis



tatis huc tanquam ad primos & simplices fontes sunt referendi. Atque ex his quatuor Argumentis, primus Tropus Metonymia descriptus est.

### QVINTVM ARGVMENTVM,

#### DISSENTANEVM.

**D**ISSENTANEVM est Argumentum quod à re dis-  
t. Quod & Diuersum, Disparatum, Differens, Opposi-  
tum, Aduersum, Pugnans, Contrarium, Cōtradietorium  
seu Contradictēs dici potest. Quare huc spectāt omnia Argumē-  
ta, quæ his nominibus appellari solēt. & alij quidam, vt ab Ab-  
surdo, à Cōtrario sensu, Inuersio, Bizarro, et alij similes. Et si enim  
hec distingui possūt & solent et in species varias diuidi: tamen  
ad usum et explicationē Argumēti, Distinctio non admodum  
necessaria est. Omne enim Argumentum huius Generis Dissen-  
tanei titulo comprehendī et exprimi potest. Vnde & Philippus  
in Rhetoricis de Contrarijs: Variē, inquit, conferuntur contra-  
ria: Sed Nos vno titulo cōtribetis plerasq; alias species compre-  
hendimus. Nam illa nimis exiliter concisa specierum partitio,  
obscura est. Relata quæ hic recitari solent omnium argumen-  
torū sunt, vt supra ostensum est. Interdū autem vni plura op-  
ponūtur, quæ specialiter Disparata seu Diuersa dici possunt: vt  
cū homini opponuntur auis, piscis, arbor, lapis, &c. Interdum  
autem vnum vni opponitur. Atque hæc specialiter Opposita,  
Aduersa, Contraria, Pugnancia, &c. dici possunt: vt, Deus &  
Diabolus, Amicus, Inimicus, Bellum, Pax, Vita, Mors, Iustitia,  
Iniustitia, Vigilare, Dormire, Bonus, Malus, Benè, Malè.

Interdum autem hæc Dissentio in ipsis vocibus solis contine-  
tur, vt in his modò dictis. Interdum autem adiectione Aduer-  
bij Negatiui exprimitur: vt, Bonus non Bonus, videre non vi-  
dere. Interdum etiam Coniunctionibus: vt, autem, ast, etsi, ve-

Qq rum,



rum, sed, tamen, quanquam, quamvis, & eiusmodi alijs exprimitur. Relatio autem inter rem & Argumentum hic dicitur seu Contentio & à Dialecticis Oppositio dicitur. Omnes autem res ferè partim inter se consentiunt: partim dissentiunt: sed diverso respectu. Eodem enim respectu consentire & dissentire res due non possunt.

## EXEMPLA HVIVS ARGVMENTI.

SIC Deus & Idola opponuntur. Esa. 42. v. 8. Ego Iehoua & hoc nomē meum est: Gloriam meam alteri non dabo: nec laudem meam sculptilibus.

DEVS & Dæmonium. 1. Cor. 10. v. 20. Quę immolāt, Gentes, Dæmonijs immolant, nō Deo. Nolo autem vos Dæmoniorum participes esse. Non potestis poculum Domini bibere & poculum Dæmoniorum: Non potestis mēsa Domini participes esse & mēsa Dæmoniorū.

DEVS itē & Māmō. Matt. 6. v. 24. Nemo potest duobus Dominis seruire, non potestis Deo seruire & Māmōnæ.

DEVS & Homo. Osee 11. v. 9. Non faciam secundum iram furoris mei. Quia Deus sum & non homo.

QVALE est & illud Esa. 55. v. 8. Non enim cogitationes meę, cogitationes vestrę sunt: nec vię vestrę vię meę. Psal. 113. v. 1. Non nobis Domine non nobis: sed nomini tuo da gloriam. Matth. 16. v. 17. Beatus es Simō Bar Iona, quia caro & sanguis non reuelauit tibi: sed Pater meus qui est in cœlis. Ad Rom. 3. v. 4. Sit Deus verax: omnis autem homo mendax.

DEVS & humana præsidia. Psal. 20. v. 8. Hi curribus, hi equis fidunt: Nos autem nomen Domini Dei nostri memorabimus.

CHRISTVS & Belial opponuntur. 2. Cor. 6. vers. 14. Nolite iugū ducere cum infidelibus. Quod enim cōfortium Iustitię cum Iniustitiā? aut quę cōmunio luci cum tenebris?



tenebris: Quæ concordia Christo cum Belial, &c.

*CHRISTVS* & Moses. Iohan. 1. v. 17. Lex per Mosē data est: Gratia & Veritas per Christum Iesum facta est. Et 5. v. 45. Ne putetis me accusaturū vos apud Patrem. Est qui vos accuset Moyses.

*CHRISTVS* & homo. Ad Gal. 1. v. 1. Paulus Apostolus non ab hominibus, neque per hominem: sed per Christum & Deum Patrem. Et v. 10. Si hominibus placerem, Christi Seruus non essem.

*ET* Christi sanguis, auro & argento opponitur. 1. Pet. v. 18. Etenim redempti estis non caducis rebus auro aut argēto: sed precioso Sanguine Agni immaculati Christi.

*HOMO* Homini opponitur. 1. Reg. 18. v. 18. Non ego perturbō Israhē: sed tu perturbas. 1. Cor. 3. v. 4. Etenim cū dicit aliquis: Ego quidem sum Pauli: alter verò, ego sum Apollo. Nōne carnales estis?

*ET* Dominus filio opponitur. Matth. 22. v. 45. Si Dauid vocat Christū Dominum, quomodo filius eius est?

*ET* Seruus & Filius Dissentanea sunt. Ad Galat. 4. v. 7. Itaque non ampliū estis Serui, sed Filij.

*ET* Seruus & Amicus. Iohan. 15. v. 15. Vos amici mei eritis, si feceritis quæ mando vobis, tunc non ampliū dicam vos Seruos, sed Amicos.

*SPIRITVS* & Corpus opponuntur. Lucæ 24. v. 39. Spiritus nō habet carnē & ossa sicut me videtis habere.

*RES* rei opponitur, & Nomen rei.

*NOMINI* rei. Psalm. 34. v. 15. Declina à malo: & fac bonum. Psalm. 113. v. 5. Deus in altis habitat, & humilia respicit in cœlo & terra. Esa. 5. v. 20. Væ ijs qui dicūt bonum malum & malum bonum. Matth. 7. v. 9. Quis est ex vobis qui filio petenti panem, det lapidem: aut piscem petenti, det serpentem.

Q q 2 Iohan. 1.



Iohan. 1. vers. 17. Lex per Moysen data est: sed Gratia & veritas per Christum facta est. Ad Rom. 4. v. 25. Christus traditus est propter peccata nostra: sed excitatus est propter iustificationem nostri. Et, 8. v. 6. Intelligentia carnis mors est: Intelligentia verò Spiritus, vita & pax. est. Et, v. 13. Si secundum carnem vixeritis moriemini: si Spiritu facta carnis mortificaueritis, viuetis. Et, 1. v. 6. Quod si per gratiam iam nō ex operibus, alioquin Gratia non est Gratia. Sin ex operibus iam non est Gratia. Alioquin opus non est opus. Et, 13. v. 12. Nox abiit, Dies adest. Abjiciamus ergo opera tenebrarum & induamus arma lucis. 1. Cor. 3. vers. 12. Quod si quis superædificet super hoc fundamētum, aurum, argentum, lapides preciosos, ligna, fœnum, stipulas: cuiusque opus manifestum fiet. 2. Cor. 3. v. 6. Litera occidit: Spiritus autem viuificat. Et, 6. v. 8. Incedimus per gloriā & ignominiam: per cōuitia & laudes: vt seductores & tamen veraces: vt Ignori & tamen noti: vt morientes & tamen viuentes. Ad Gal. 2. v. 16. Sciētes non iustificari hominem ex operibus Legis: sed per fidem Iesu Christi. Et 3. v. 18. Si ex Lege est hereditas: iam non ex promissione. Et, 5. v. 17. Spiritu ambulate: & concupiscentias carnis ne perficiatis. Caro enim concupiscit aduersus Spiritum: Spiritu aduersus carnem. Hæc autem inter se opposita sunt. Porro manifesta sunt opera carnis, adulterium, &c. At fructus Spiritus est Caritas, &c. Iac. 3. vers. 10. Ex eodem ore prodit benedictio & maledictio. Non oportet fratres mei hoc ita fieri. 1. Petr. 3. vers. 3. Matronarum piarum ornatu esse debet, non externus ille in nodis capillorum: in circumposito auro, & palliorum amictu: sed occultus ille cordis homo, nempe incorruptus, lenis & quietus Spiritus..

Et



*Et in Adiectiuis.*

Prouerb. 10. v. 1. Filius sapiens exhilarat patrem: stultus verò dolore afficit matrem. Et, 11. v. 24. Alij diuidunt propria & diuites fiunt: alij rapiunt aliena, & manent pauperes. Et, 12. v. 11. Via stulti recta est in oculis eius: Sapiens autem audit aliorum consilia. Et, 15. v. 1. Responsio mollis frangit iram: Sermo autem durus suscitatur furorem. Et, 17. v. 22. Animus lætus salutaris medicina est: tristis autem exsiccat ossa. Matt. 7. v. 17. Intrate per angustam portā. quia lata est porta, &c. quæ ducit ad interitum: & multi per eam ingrediuntur. Angusta verò porta est, &c. quæ ducit ad vitam, & pauci eam inueniunt. Ad Rom. 9. v. 25. Vocabo populum meū qui meus non est. Iacob. 3. v. 15. Nō est ista Sapientia supernè descendens: sed terrena, animalis, Dæmoniaca.

*Et in Verbis.*

Matt. 13. v. 19. Habenti dabitur & augebitur: ab eo verò, qui non habet, tolletur etiam quod habet. Marc. 16. v. 15. Qui crediderit, seruabitur: qui non crediderit, condemnabitur. Ioh. 1. v. 20. Confessus est & non negauit. Ad Rom. 6. v. 2. Qui mortui sumus peccato: quomodo ei viuemus? 2. Cor. 4. v. 8. In omnibus premimur, sed nō opprimemur: vexamur, sed nō deserimur: deijcimus, sed non perimus.

*Et in Aduerbijs.*

Matt. 12. v. 30. Qui non est mecum: aduersum me est. Et, 18. v. 22. Non dico septies, sed septuagies septies.

DISSENTANEO RVM oppositio quæ pluribus mēbris constat, interdum fit eodem verborum ordine, vt in his iam recitatis. Interdum autē diuerso: vt, Prouerb. 13. v. 12. Spes quæ differtur affligit animam: Lignum autem vitæ desiderium veniens. Et, v. 24. Qui parcit Virgæ, Q. q. 3. odit



odit filium suum: qui autem diligit illum, instanter erudit. Ioh. 8. v. 47. Qui ex Deo est verba Dei audit. Propterea vos non auditis: quia ex Deo non estis. Et, 14. v. 21. Qui habet mandata mea & seruat ea, ille est qui me diligit. Si quis autem odit me, mandata mea contemnit.

SUNT & falsa Dissentanea: vt si quis dicat Christum non esse Deum, sed hominem: aut eum non esse formosum qui niger sit. Christus enim, & Deus & homo est. Et aliquis ex Sole niger esse potest & tamē formosus. Cant. 1. v. 5. Nigra sum, sed formosa.

ATQUE hinc Fallacia dici potest Secundum non Dissentaneum vt Dissentaneum, seu falsi Dissentanei. Huius autem Argumenti magnus est vsus. Hinc enim Contradictio propositionum oritur. Hinc Captionum præsertim, quæ in dictione fiunt, Refutatio & Solutio existit. Elenchorum lib. 2. cap. 3. Hinc pugnantium locorum in Sacris literis reconciliatio. Si enim ostēditur non esse eundem respectum vtriusq; loci, dissentio tollitur. Hinc deniq; varia Schemata & Figuræ amplificationum à Rhetoribus factæ sunt. Hinc Deniq; Tropus Secundus Ironia factus est.

#### SEXTVM ARGVMENTVM, COMPARATVM.

COMPARATVM est Argumentum quod cum Themate comparatur. Et Top. 1. v. 13. σύμβλητος. Et Relatio inter Thema & Argumentum hinc Græcè παραβολή: id est, Comparatio seu Collatio dicitur. Et Top. 1. v. 3. σύγκρισις Collatio dicitur. Comparata autem interdum breuius singulis vocibus aut notis etiam quibusdam indicantur: Interdum integris



gris sententijs exprimuntur ubi duæ ferè Collationis sunt partes. Quarã prior προτάσις: id est, Propositio: altera ἀποδοσις: id est, Redditio dicitur. Fit autem Comparatio in adiuncto Speciali, nempe Qualitate aut Quantitate.

Comparatũ igitur duplex est: Consentaneũ & Dissentaneũ. Cõsentaneũ est quod ut cũ themate consentiens sumitur. Estq; duplex, Simile & Par. Simile est, cuius eadẽ est qualitas, quod et Proportionale seu ἀναλογον dicitur, ut & Similitudo ipsa proportio seu Analogia: & Simile etiam specialiter, Exemplum & Parabola dicitur. Vulgò quidem Parabola dicitur ea tantũ Similitudo quæ obscurior est & altè repetita, ut sunt Christi Parabole apud Euangelistas Matt. 20. & alibi. Quibus omnibus vel Ecclesia, quæ Regnum Cælorum appellari solet: vel Ecclesiæ gubernator Deus & Christus describitur. Sed vox ipsa Parabola Generalis est, & generalius pro Comparatione & comparato Argumento accipi potest. Cũ autem plura similia coniunguntur, Inductio dici potest.

Simile interdum notis quibusdam certorum verborum exprimitur. Cuiusmodi sunt Exemplum, Parabola, Similitudo, Imago, Effigies, more. Similis, Par, Idem, Talis, Qualis, Imitari, Referre, Exprimere: & Aduerbia Similiter, Instar, Vt, Vti, Sic, Sicut, Sicuti, Tanquã, Seu, Quasi, Velut, Veluti, Perinde ac: & Negatio dissimilitudinis haud Secus, Non aliter cum Synonymis. Interdum autem Argumentum sine his notis exprimitur, quod in Sacris literis frequentissimum est, idq; ex consuetudine Hebraicæ lingue, in qua particula Similitudinis sepiusmittitur, ut in Phrasibus Hebraicis in Aduerbio dictum est. Interdum Simile una voce continetur, ut, cũ Deus Ignis dicitur. Deut. 4. v. 24. Pro, Igni similis. Aut cũ Christus Agnus dicitur, Ioh. 1. v. 39.

Aut cũ Malus Doctor Lupus dicitur. Matth. 7. v. 15. & Act. 20. v. 29. Et Pij, Oves Dei. Psal. 100. v. 3. In his autem et Argumenta



*Argumentum & Tropus Metaphora est: unde & Tropus descriptus est. Interdum autē Simile integra sententia exprimitur, & plena Similitudo dici potest. Et hic vel tres termini: & Similitudo Coniuncta dici potest: vnus enim terminus bis repetitur, vt, ad Ephes. 5. v. 23. Vir caput est mulieris: sicut Christus Caput est viri. Hic tres termini sunt Christus, vir, & mulier: vel quatuor termini sunt: & similitudo disiuncta dici potest, ad Eph. 5. v. 25. Viri diligite uxores vestras: sicut Christus dilexit Ecclesiam. Hic quatuor termini sunt viri, uxores, Christus, Ecclesia.*

## EXEMPLA.

*DEVS cum varijs rebus confertur: primū ex Misericordia. Psalm. 103. v. 13. Sicut pater afficitur erga liberos: ita Dominus afficitur erga timentes se. Esa. 40. v. 11. Iehoua sicut pastor gregem suum pascet, Brachio suo congregabit agnos, & in sinu suo portabit. Deut. 32. v. 11. Vt Aquila nidum suum ad volandum excitans: se supra pullos suos vibrat: alisq; passis exceptos, pennis suis tollit: Sic Iehoua populum suum in deserto deduxit.*

*ET Misericordia Dei cum Cœli altitudine confertur. Psalm. 103. v. Quoniam secundum altitudinem Cœli, roborauit Dominus misericordiam suam erga timētes se.*

*EX potentia & ira. Psalm. 78. v. 65. Excitatus est Dominus ex somno tanquam dormiens: & tanquam heros ex viuo vociferans: & hostium suorum terga cecidit. Deut. 4. v. 24. Cauete vobis ne obliuiscamini pacti Iehouæ. Nā Iehoua Deus tuus Ignis consumens est. Jerem. 18. v. 6. Nunquid sicut figulus iste non potero facere vobis domus Israël ait Iehoua? Ecce sicut lutum in manu figuli: Sic estis in manu mea domus Israël.*

*CHRISTVS cum varijs rebus confertur, ac in primis cum Typis Veteris Testamenti: vnde & officiū eius concluditur.*



cluditur. Est autem Typus specialiter Persona, res aut actio olim ad hoc ipsum à Deo proposita, ut futura quædā significaret: inprimis de Christo & Ecclesia. Sic Summus Sacerdos, Agnus Paschalis, Tabernaculū, Serpens æneus, & similia Typi Christi fuere, ut est in Epistola ad Hebræos. Ioh. 3. v. 14. Sicut Moyses exaltauit Serpentem in deserto: ita extolli oportet Filium hominis, &c. Matt. 12. v. 40. Sicut enim fuit Ionas in ventre Ceti tres dies & tres noctes: Ita & Filius hominis in corde terræ tres dies & tres noctes.

*CONFERTVR* & cum alijs rebus. Ioh. 12. v. 24. Nisi granum Frumenti cadens in terram mortuum fuerit solum manet: Si autem mortuum fuerit, multum fert fructum, &c. Matt. 23. v. 37. Quoties volui congregare te sicut gallina congregat pullos suos.

*SIC* se confert Pastori. Ioh. 8. v. 14.

*ET* Viti, 15. v. 11.

*HOMO* Deo similis est, ut qui ad Imaginem Dei creatus est. Gen. 1. v. 27. Ad imaginem Dei creauit illum.

*ET* idem Dei similis esse debet. Quo Argumēto Scriptura hominem ad Sanctitatem & virtutes omnis generis hortatur. Leuit. 19. v. 2. Loquere ad vniuersum cœtū Israël & dic ei: Sancti estote, quia Ego sanctus sum Deus vester. Matth. 5. v. 48. Estote perfecti, ut Pater vester qui in cœlis est. Ad Eph. 4. v. 32. Estote alij in alios benigni, Misericordes, condonantes vobis mutuò offensas, sicut & Deus in Christo condonauit vobis. 1. Pet. 1. 15. Sicut qui vocauit vos Sanctus est: ita ipsi quoque in omni conuersatione sancti sitis.

*HOMINES* etiam propter dignitatem, ut principes, cum Deo conferuntur. Psal. 72. v. 1. Deus stat in cōgregatione Deorum & in medio Deorum iudicat. Et, v. 6.

Rr Ego



Ego dixi *Dij* estis & filij excelsi omnes.

*P II* Etiam Christi similes esse debent. Quo etiam Argumento Christus ipse & Apostoli sæpè vtuntur ad Caritatem & alia officia suadenda.

*AD* Caritatem. Iohan. 13. v. 12. Diligite vos inuicem, vt Ego dilexi vos. Ad Ephes. 3. v. 2. Ambulate in dilectione: sicut & Christus dilexit nos, & tradidit semetipsum pro nobis.

*AD* Humilitatem. Matth. 11. v. 29. Discite à me quia mitis sum & humilis corde. Ad Philip. 2. v. 3. Is affectus sit in vobis, qui & in Christo fuit. Qui cùm esset in forma Dei: semetipsum exinaniuit forma serui sumpta.

*AD* Patientiam. 1. Pet. 2. v. 21. Si benefacientes patienter sustinetis: hoc Deo gratum est. Quia & Christus passus est pro nobis: nobis relinquens exemplum, vt uestigia eius sequamini.

*DEBENT* & pij Prophetas, Apostolos & alios pios & Sanctos imitari. Iacob. 5. v. 11. Sumite Fratres mei pro exemplari afflictionis & patientiæ Prophetas, & c. tolerantiā quoq; Iobi audiuitis. 1. Cor. 11. v. 1. Imitatores mei estote vt Ego Dei. Iacob. 5. v. 17. Orate alij pro alijs. Nē oratio iusti efficax est. Elias enim homo erat ijsdem quibus nos obnoxius, & cūmprecaretur, exauditus est.

*HOC* Argumento Christus discipulorum suorum factum defendit. Matth. 12. v. 3. Dauid urgēte fame & necessitate panibus sacris vsus est sine peccato. Ergo & Apostoli Sabbatho vellentes spicas non peccant.

*HOC* Argumento Paulus ad Rom. 4. Iustificationem fidei confirmat: Abraham fide iustificatus est. Ergo & Christiani omnes fide iustificantur.

*HORVM* Argumentorum ab Exemplis piorum credentium magna est Inductio. Ad Heb. 11. toto ferè Capite:



*pit*: quo fides describitur & commendatur.

*HOMO* etiam cum rebus alijs cōfertur. Ad Rom. 12. v. 4. Sic in vno corpore multa sunt membra: quorū non est idem officium. Sic multi Corpus vnum sumus & varia dona & officia à Deo habemus.

*HOC* Argumento Pij & Impij sēpē describuntur in Psalmis & Prophetis. Psalm. v. 3. Beatus Vir, &c. Erit enim sicut arbor plantata ad riuos aquarum, quæ fructum suū dat tempore suo, & perpetuū viret. Et, v. 4. Impij erunt quasi gluma quam projicit ventus.

*HOC* Argumento hominis infirmitas describitur. Psalm. 103. v. 15. Hominis dies sicut herba dies sunt. Sicut flos agri sic floret homo.

*QUOD* Argumentum, 1. Pet. 1. 24. repetitur. 1. Cor. 5. v. 6. An nescitis quod paululum fermenti totā massam fermentet. Vbi homo sceleratus cū fermento cōfertur.

*HOC* Argumento Paulus etiam Resurrectionem probat. 1. Cor. 15. v. 35. At dicet aliquis, Quomodo mortui resurgent: & quali corpore prodibunt? Demens, quod seminas non viuiscit nisi mortuum fuerit. Et quod seminas, non est id corpus quod oriturū est, sed nudum granum, cui Deus dat corpus, vt vult.

*RES* cum re cōfertur. Iacob. 3. v. 2. Ecce equis frena in ora immittimus, vt nobis obediant, quibus totum corpus eorum circumagimus. Ecce Naues, quæ cū tanta sint & à ventis seuis agantur: tamen minimo gubernaculo circumaguntur: Ita & lingua pusillum membrum est & magna iacet.

*RESPONSVM* etiam responso simile interdum est: vt Ioh. 8. cū Christus dixisset Iudæis v. 44. Vos ex patre Diabolo estis: Respondent Iudæi, v. 47. Tu ergo Samaritanus es, & dēmonium habes.

Rr 2 Q<sup>v</sup>AE.



*QVAESTIO* etiam Simili Quæstione eluditur. Quomodo Christus insidiosas quæstiones & reprehensiones diluit & soluit. Matt. 15. v. 2. Tunc Pharisei interrogarunt Iesum dicentes: Quare Discipuli tui transgrediuntur traditiones Seniorum? At ille respondit: Quare & vos transgredimini mandatum Dei per traditionem vestram. Marc. 11. v. 28. Dicunt & Pharisei: qua auctoritate id facis? Et respondens Iesus: Interrogabo vos & Ego rem quandam, de qua, si responderitis, dicam vobis qua auctoritate hoc faciam: Baptisma Iohannis è Cælo erat an ex hominibus? &c. Et dixerunt: Nescimus: & dixit Iesus: Nec Ego dicam vobis qua auctoritate hoc faciam.

*PAVLVS* in Collationibus Similium, redditionibus breuioribus vti solet. Ad Rom. 5. v. 13. Qui Adam Typus est futuri Christi. Et, 1. Cor. 12. v. 12. Sicut corpus unum est, &c. Ita & Christus. Et, 15. v. 42. Sicut alia est Gloria Solis, alia Lunæ: sic & Resurrectio.

*SIMILIA* etiam finguntur, & vim verorum obtinent. Qualia sunt in Fabulis & Apologis. Qualis est etiā Iudicum 9. de arboribus Regem eligentibus. Et in Concione Nathanis simile fictum est, quo Dauid rectè reprehenditur & peccati admonetur, 2. Sam. 12.

” *OBSERVANDVM* autē est hīc quod Perionius monet: Hoc loco, inquit, nullus mihi videtur firmior: nec ad Vulgi sensum accommodatior. Quo magis miror hanc esse in Scholis etiam Philosophorum de eo sententiam: vt dicant Argumentum à Simili, vno pede claudicare. Vide Topica Theologica Perionij pag.

24. Vt enim Res sunt, ita etiam Argumenta sunt.

P. A. R.



## P A R.

*P A R* est comparatum Consentaneum, cuius eadem est cum Themate Quantitas. Quod & Similium species esse potest, & cum Simili coniungi. Sape enim Simile Par, & Par Simile dicitur. Sic Virgilius Eclog. 1. Romam mantua: similem dixit: pro, parem seu aequalem. Et quod in Catone dicitur: Tu quoque fac Simile, &c. In Terent. dicitur: par pari referas. Et argumenti usus idem in Paribus est, qui in Similibus. Vnde & Scriptores artis Dialecticæ hic inter se variant. Et eadem exempla alij ad Similia: Alij ad Paria referunt. Vera autem Paria in Scriptura pauciora sunt quàm Similia. Nota speciales Parium sunt Paritas, Parilitas, Aequalitas, Par, Parilis, Idē, Idē quod, Tantum, Quātum, tam Magnus, tam Paruus, Aequare, Aequē, Aequaliter, Sic, Tam, Quam, Tanto, Quanto, Tot, Quot, Non magis, Nō minus, et Synonyma. Vide Erasmus lib. 1. de Copia. Quæ autem his notis carent, omnia ferē ad Similia referri possunt. Nos tamen pauca quadam notabimus.

## D E D E O.

Psal. 103. v. 10. Quoniam secundum altitudinem cœli supra terram, roboravit misericordiam suam, erga timentes se. Quantum distat Oriens ab Occidente: tam procul remouet à nobis iniquitates nostras.

## D E C H R I S T O.

Matth. 10. v. 32. Quisquis confitetur me coram hominibus, confitebor & Ego illum coram Patre meo.

## D E H O M I N I B V S E T A L I I S R E B V S.

Gen. 15. v. 5. Numera Stellas si potes: Sic erit Semen tuū. Matth. 5. v. 46. Si diligitis eos qui diligunt vos: quàm mercedem habebitis? Nōne & Publicani idem faciūt?

Rr 3. Matth. 6.



Matth. 6. v. 14. Si remiseritis hominibus offensas ipsorū: remittet etiam vobis Pater cœlestis. Et, 7. v. 1. Quo enim iudicio indicabitis, iudicabimini: Et quam mensura metimini, vicissim alij metientur vobis.

HOC Argumento Summa secundæ tabulæ & omniū officiorum Caritatis comprehenditur & exprimitur à Christo. Matth. 7. v. 12. Quæcunque volueritis vt faciant vobis homines: eadem & vos facite ipsis. 1. Corinthior. 11. vers. 5. Puto me nihilo inferiorem fuisse summis Apostolis.

## DISSIMILE.

HACTENVS Comparatum Consentaneum fuit: sequitur Dissentaneum quod est Dissimile aut Impar. Dissimile est Comparatum Dissentaneum: cuius Qualitas à Themate diuersa est: quod & Dissentanei species esse potest. Vnde & Autores eadem Exempla, alij ad Dissentanea, alij ad Dissimilia subinde referunt. Atq; hic Relatio thematis & argumenti Dissimilitudo et contrarietas etiā dici potest. Dissimile autem interdū notis exprimitur, interdum sine notis. Nota autem sunt Dissimilitudo, Disparitas, Dissimile, Dispar, Differēs, Differre, aliud, Secus, et per Negationem similitudinis, Non idem, Non similis, Non talis, Non sic, Non tāquam, & Synonyma. Dissimilitudinis plena redditio hic ἀντιπόδος dici potest. Ac sæpe Dissimile, dempta nota, ad Dissentaneum recidit.

## EXEMPLA.

## DE DEO.

Psal. 103. v. 15. Hominis dies vt herbar dies sunt: misericordia autem Domini à Seculo & vsq; in seculum super timentes eum. Esa. 55. v. 7. Derelinquat Impius viam suam



SACRÆ SCRIPTURÆ. 315

suam & reuertatur ad Iehouam. Quoniam facile ignoscit resipiscen-  
tibus. Nō enim cogitationes meæ sunt, vt  
cogitationes vestræ: nec viæ meæ sunt vt viæ vestræ di-  
cit Iehoua.

DE CHRISTO.

Matt. 7. v. 29. Percellebatur turba super Doctrina Chri-  
sti. Docebat enim eos vt auctoritatem habens: & non vt  
Scribæ. Matth. 8. v. 20. Vulpes lustra habent & Volucres  
nidos. Filius autem hominis non habet vbi Caput reclinet.  
Ioh. 4. v. 13. Quisquis bibet ex hac aqua, sitiet rur-  
sus. Quisquis autem biberit ex aqua, quam Ego dabo ei,  
non sitiet in æternum.

CHRISTI & Adami Dissimilitudo est. Ad Rom. 5. v.  
15. & 1. Cor. 15. v. 47.

DE HOMINIBVS.

Psal. 1. v. 4. Non sic Impij, sed tanquam gluma, quam  
proicit ventus. Et, 32. v. 9. Ne sitis sicut Equus & Mu-  
lus: in quibus non est intellectus. Matth. 6. v. 16. Cum ie-  
iunatis, ne sitis vt Hypocritæ tetrici. Qui obseurant fa-  
cies suas vt appareāt hominibus ieiunare: Tu verò cum  
ieiunas unge caput tuum. Et, 20. v. 25. Reges Gērium  
dominantur eis, Vos autem non sic. 1. Cor. 15. v. 39.  
Non omnis nāro eadem caro: alia enim caro hominum  
est, alia pecorum, alia piscium, alia volucrum, & sunt cor-  
pora cœlestia & corpora terrestria: & alia quidem cœ-  
lestium gloria: alia terrestrium, &c. 2. Cor. 3. v. 13. Non  
sumus sicut Moyse, &c.

LEGIS & Euangelij Dissimilitudo ibidem est, v. 6.

SACERDOTII Christi & Aaronici Dissimilitudo pro-  
lixè describitur ad Heb. 7. 8. 9.

IMPAS.



*I M P A R* est Comparatum Dissentaneum, cuius diuersa est à Themate Quantitas. Quod & Dissentanei & dissimilis species esse posset. Huius Notae speciales sunt Imparitas, Inaequalitas, Impar, Inaequalis, Non par, Nō equalis. Praestare, Excellere, Antecellere, Vincere. Impariter, Inaequaliter. Itē Gradus Comparatiuus & Superlatiuus, & Aduerbia Comparandi Magis, Minus, Potius & Quanto magis, Quanto minus, & horum Synonyma. Quibus Notis quae carent ad Dissentanea & Dissimilia plerunque recidunt.

Atque huc spectant illa Aristotelis Axiomata à Maiori & Minori. In quibus etiam parū inter autores sapē conuenit, quod Argumentum Maius, quod Minus sit. Et eadem exempla alij ad Maius, alij ad Minus referunt. Nos, ut eam perplexitatem vitemus & breuiores simus, Generali Imparium titulo contenti erimus: & Imparium argumento etiam Maiora & Minora comprehendemus.

Hinc autem Hyperbole oritur seu Elatio. Cum rei augenda aut minuenda causa, id quod nullo modo fieri potest, dicitur, ut ait Cicero in Topicis. Vt autem Comparatio per omnes locos se extendit: ita et Hyperbole in omnibus et Argumentis et Tropis etiam esse potest.

## E X E M P L A.

Psal. 118. v. 8. Melius est confidere Domino, quàm confidere principibus. Et, 139. v. 17. Magni apud me sit Consiliorum tuorum Sapientia, quorum tanta Summa est, ut cum ijs numerandis inuigilem numerare prorsus nequeam. Sunt enim arena numerosiores. Ionæ. 4. v. 10. Et ait Iehoua ad Ionā: Tu cucurbitæ causa moueris, quā nec elaborasti nec auxisti, quæ vna nocte orta, vna nocte perijt.



perijt. Ego non mouear ob Niniuea tantam urbem, in qua sunt plusquam centum viginti millia hominum, qui dexteram suam à Sinistra non dignoscunt. Malach. 1. vers. 8. Quamuis offeritis victimas cæcas & claudas: tamen negatis esse malum. Offer ea quæso Præsidi tuo, & vide vtrum ei placiturus sis, aut ab eo, quod velis, impetraturus inquit Iehoua. Matth. 7. v. 11. Si vos cum sitis mali, nostis bona dare liberis vestris: Quantò magis Pater vester cœlestis dabit bona ijs, qui ab ipso petunt. Et, 10. v. 28. Ne timete vobis ab ijs qui corpus tantum occidere possunt, &c. Sed timete potius eum, qui animā & corpus perdere potest in gehēna. Et, 6. v. 25. Ne estote solliciti de anima vestra quid esuri sitis aut bibitori: neq; de corpore vestro, qua re sitis induēdi. Nónne anima plus est quàm cibus, & corpus quàm vestitus. Intuemini volucres cœli, quas Pater vester cœlestis alit: nónne vos multò præstatis iis? Et, v. 30. Quòd si herbā agri Deus ita vestit, nónne vos multò magis vestiet? O' exigua Fide præditi. Et, 10. v. 29. Nónne duo passeressæ ueniant, & vnus ex iis non cadit in terram sine Patre vestro. Vestri etiam Capilli omnes numerati sunt. Ne igitur timete, vos multis passerculis præstatis. Ad Rom. 8. v. 32. Qui proprio Filio nō pepercit, sed pro nobis eum in mortem tradidit: Qui nō etiam cum eo omnia nobis donabit? 1. Ioh. 4. v. 20. Qui non diligit fratrem quem videt: quomodo Deum diliget quem non videt?

## DE CHRISTO.

Matth. 10. v. 37. Qui amat patrem aut matrem supra me, non est me dignus. Et, v. 24. Non est Discipulus supra Magistrum: neque Seruus supra Dominum. Si igitur patrem appellarunt Beelzebub: Quantò magis do-

S s      mesticos



mesticos eius? Ioh. 13. v. 14. Si Ego laui pedes vestros, Magister & Dominus vester, Vos quoque debetis alij aliorum pedes lavare. Et, vers. 15. Maiorem hac Caritatem nemo habet: ut quis animam suam ponat pro amicis. Ad Heb. 1. vers. 4. Christus tantò excellentior factus est Angelis: Quantò excellentius præ illis sortitus est nomen.

## DE HOMINE.

1. Sam. 17. v. 33. Non potest puer cum tanto viro & veterano pugnare. Respondit autor David: Quod si Leonem & Vrsum aliquando occidi: profectò etiam præputiarum istum Palæstinum occidam. 2. Sam. 17. v. 11. Ipse Filius meus qui ex visceribus meis ortus est, mortem mihi machinatur: Quid obstat quo minus hic filius Iemni mihi maledicat: Et, 1. Reg. 1. v. 23. Saul & Jonathan amabiles, &c. aquilis leuiore & Leonibus fortiores fuerunt. Psal. 37. v. 17. Multò præstat res tenuis iustorum, quàm opulentia Impiorum. Prouerb. 15. v. 17. Melius est vocari ad olera cum caritate, quàm ad vitulum saginatum cum odio. Et, 16. v. 19. Melius est humiliari spiritu cum humilibus, quàm diuidere Spolia cum Superbis. Et, v. 32. Melior est patiens viro forti: & qui domat animum suum, eo, qui vrbes expugnat. Et, 17. v. 20. Admonitio plus proficit apud prudentem, quàm centum plagæ apud Stultum. Ecclesiaste 9. v. 16. Præstantior est Sapientia quàm fortitudo. Et, v. 18. Melior est Sapientia quàm Instrumenta bellica. Matth. 5. v. 20. Nisi abundauerit Iustitia vestra plusquam Scribarum, & Phariseorum, non intrabitis in regnum Coelorum. Et, 7. v. 5. Quomodo dices fratri tuo: Sine eijciam festucam ex oculo tuo: cū trabem in oculo tuo habeas. Et, 12. v. 11. Quis ex vobis



bis homo qui habeat ouem vnā: & si inciderit Sabbatho in foueam, nōne extrahit eam? Quāto verò præstat homo oui? Itaque licet etiam Sabbatho sanare hominem. Et, 16. vers. 26. Quid prodest homini si totum mundum lucretur: Animæ verò suæ iacturam faciat. Luc. 16. vers. 17. Facilius est Cœlum & Terram præterire, quàm Legis apicem vnum excidere. Iohan. 3. vers. 12. Si terrena dixi vobis, & non intelligitis: Quomodo si cœlestia dixerō, intelligetis? 2. Cor. 11. vers. 23. Ministri Christi sunt, desipiens loquor, Excello Ego in laboribus, &c. 1. Timot. 3. vers. 5. Qui propriæ domui præesse non nouit, Quomodo Ecclesiam Dei curabit? 1. Pet. 4. vers. 17. Quod si iudicium Dei à nobis incipit: Quis erit finis eorum, qui non parent Dei Euangelio? Et si iustus vix seruetur, Vbi impius & peccator comparabit?

IN his igitur & similibus Argumentum Impar est, & Imparium collatio. Ad locum autem Comparatorum magna pars libri Solomonis, cui titulus est Prouerbia seu Parabole, spectat. Et hinc etiam integri libri scripti sunt, vt Similia Erasmi, Lycosthenis & vitæ Paralelæ: id est, comparatæ Plutarchi. Exempla autem virtutum, & vitiorum breuiter ab initio Bibliorum ad finem usq; collegit Perionius in hoc Argumentum, pag. 30.

### SEPTIMUM ARGUMENTUM, DIVISIO.

**D**IVISIO est Argumentum quod Thema vt Totū in Partes diuidit. Et Græcè διαιρέσις, ἀπερίσπυτος. Latine Partitio, Distributio, Distinctio, Enumeratio et Recensio dici  
Ss 2 solet.



folet. Nam hac in praesentia non distinguimus. Diuisioni autem opponitur Collectio partium ad constituendum Totum. Quae et hic Inductio dici potest.

Totum est quod partes continet: et cum pluribus verbis continetur. Summa, Argumentum, Locus communis et Thesis dici solet. Pars est, qua continetur à toto, et alias Exemplum et ὑπόδειξις dicitur. Atque hinc praeceptum Rhetorum est de ὑπόδειξις ad δεικνύ transferendo. Quod in Sacris concionibus maximè locum habet. Prima autem rei cuiusque composita: id est, totius, partes sunt Materia et Forma: Quae et partes Essentiales dicuntur: et ab Aristotele etiam Causae appellantur. Et in corporeis rebus propria sunt: in incorporeis Metaphoricè potius quàm propria dici videntur. Sic animal seu homo totum est: partes sunt Corpus et anima, ut Materia et Forma. Quae rursum ut noua themata sumi possunt: et in suas partes rursum diuidi: Corpus in partes integrales: simplices et compositas: principales, item et minus principales. Anima itidem in suas facultates quasi partes deduci. Sic poenitentia totum est: Partes sunt Contritio, Fides et noua Obediètia: vel ut alijs placet, Mortificatio carnis et viuificatio Spiritus. Hic autem in rebus à Deo conditis magna est hominis cecitas. Homo enim partes Essentiales rerum non intelligit, nisi admodum generaliter et crasse. Vnde dicitur Ecclesiaste 11. v. 9. Sicut ignoras quae sit via venti: et quomodo coalescant ossa fetus in utero pregnantis: ita ignoras reliqua opera Dei: qui facit omnia. Homo enim tantum ea perfectè intelligit, quae ipse facit, ut sunt artes ab hominibus inuenta et artium opera.

Huc autem spectat Genus, Species, Differentia seu Forma, et Diuisio ipsa Generis in Species, Differentias aut Formas. Genus est totum quod de Specie dicitur. Species est pars Generis: quae Generis sui appellatione venit: seu de qua Genus dicitur. Sic Animal Genus est: Species sunt Homo et Bestia, quorum utrumque  
Animal



*Animal & est & dicitur. Nam & Homo animal & Bestia animal est & dicitur. Quod in Partibus fieri non potest. Neque enim anima neque corpus animal est aut dicitur. Sic etiam Homo Genus est: cuius Species sunt Iudeus & Græcus: Petrus & Paulus. Doctrina cœlestis Genus est: Species sunt Lex & Euangelium. Cùm Genus per Adiectiua maximè propria diuiditur: Differentia seu Forma dici solet, ut Animalium aliud rationale, aliud irrationale seu Brutum est: seu aliud loquens, aliud mutum est. Creatura alia cœlestis, alia terrestris.*

*Pars autem Species & Differentia interdum in locos præcedentes incidunt & ex ijs sumuntur. Vnde & Diuisio ex illis locis tum nomen sortitur & oriri dicitur. Sic Efficientis est: opera hominum alia à Deo sunt, alia à Diabolo. Effecti, ut homines alij bonum, alij malum faciunt. Subiecti, ut homines alij Dei, alij Diaboli ministri sunt. Adiuncti ut homines alij Boni, alij Mali sunt. Comparati, ut hominum alij inter se similes, alij dissimiles sunt: alij Pares, alij Impares: alij Meliores, alij Peiores: et in his omnibus Species dissentea sunt.*

*Partes interdum nullo expresso toto ponuntur, et in Diuisione non semper omnes partes enumerantur. Sed in accurata doctrina enumerari debent. Et hinc Diuisio quidem in paucissimas partes semper fieri debet: ac quoties fieri potest in binas: ut ab infinito longissimè absit. Ex Genere autem res Homogenea & Heterogenea dicuntur. Homogenea sunt species eiusdem Generis proxima, ut Homo & Bestia, quæ sub vno genere Animalis continentur. Heterogenea sunt species diuersorum Generum, quæ longius inter se distant, ut Homo & Arbor: quorum hoc sub animali: illud sub stirpe seu planta est.*

*Hoc Argumentum doctrina Paulus nominat & commendat 2. ad Tim. 2. v. 15. cùm vult Timotheum non λογομαχεῖν, sed ἐρρωτοῦναι: id est, rectè secare sermonem veritatis. Quo loco Paulus ad locum Platonis in ciuili: de victimis per membra*



secundis. Et Christus ipse planè Logicè hoc argumento utitur, & Summam Legis totius, & suarum cōcionum de officijs Summam et Genus conficit, et hoc magnum mādatum vocat: id est, Summum & Generalissimum mandatum. Matth. 22. v. 36. Hoc, inquit, magnum mādatū est: Diliges Deū ex toto corde: Et huic alterum simile est: id est, aequè etiam Generale ad secundam tabulam: Diliges proximum tuum sicut teipsum. Ab istis enim duobus mandatis pendent Lex et Prophetæ. Scorsum autē posterioris tabula, Summā cōficit, Matt. 7. v. 12. Quacung, inquit, volueritis, ut faciant vobis homines: idem et vos facite ipsis: hoc enim est Lex et Prophetæ: id est, hæc est Sūma cōcionū omnium specialium Moysis & Prophetarum de officijs Caritatis erga proximum. Et cap. 19. v. 16. Vbi enumeratis secunda tabula præceptis, Genus subiungit: Et diliges proximum tuum sicut teipsum. Et Paulus ad Rom. 13. v. 8. Caritatem erga proximum cōtineat: id est, Summam seu Epitomen seu Genus omnium præceptorum secūde tabula facit. Omnia, inquit, præcepta secunda tabula summam comprehenduntur in hoc sermone, nempe, Diliges proximum tuum sicut teipsum. Itaque Caritas expletio Legis est.

### EXEMPLA ET VSVS ARGVMENTI, DE DEO.

DEI Propria & peculiaris Diuisio, qua non in partes neq; in Species, sed in personas tres diuiditur. Matt. 28. v. 19. Profecti docete omnes gentes, baptizantes eos in nomine Patris, & Filij & Spiritus Sancti.

HOC Argumento Moyses Gen. 1. vtitur, cū primum Genus & Summam creationis proposuisset: opera Dei postea in 6. dies distribuit & ordine recitat.

HOC Argumento Dauid se ad Deum laudandum exhibet.



beneficiorum Dei erga se, Speciebus, Distributione & Enumeratione excitat Psal. 103.

## PROPOSITIO GENVS ET SVMMÆ.

v. 1. Benedic Animæ meæ Domino: Et ne obliuiscaris omnium beneficiorum eius.

## SPECIES ET DISTRIBUTIO

*Beneficiorum.*

Qui remittit omnes iniquitates tuas: Qui sanat omnes infirmitates tuas: Qui redemit de interitu vitam tuam: Qui coronat te Misericordia & Miserationibus: Qui satiât bono os tuum: & renouat, ut aquilæ iuuentutem tuâ. Faciens Iustitias Dominus, & iudicia omnibus iniuriam patientibus: Qui notas fecit vias suas Moyfi, & filius Israël naturam suam, &c.

CHRISTVS ex Genere Argumentatur. Ioh. 4. v. 24. Deus est Spiritus: Ergo vult Spirituales adoratores, seu Spiritu & Spiritualiter coli & inuocari.

## DE CHRISTO.

CHRISTVS cùm sit vna persona, in duas naturas diuiditur, nempe Diuinam & Humanam. Ad Rom. 1. v. 3. De Filio suo factò ex semine Dauidis secundum carnem: declarato Filio Dei potenter secundum Spiritum Sanctificationis per resurrectionem è mortuis. Et, cap. 9. v. 5. Ex quibus est Christus secundum carnem: Qui est supra omnes Deus laudandus in secula.

ARGVMENTO Partium Christus vtitur, & se non esse Spiritum docet. Luc. 24. v. 39. Videte manus meas & pedes meos: Nā Ego ipse sum. Cōtrectate me & videte. Spiritus enim carnem & ossa non habet: sicut me videtis habere.

## DE HOMINE.

HOMO in Corpus & Spiritum diuiditur. 1. Cor. 5. v. 3. Absens.



Absens corpore præsens autem Spiritu. Et, 6.v.20. Glorificate Deū in Corpore vestro, & in Spiritu vestro quæ sunt Dei. Pro quibus Petrus Carnem & Animam nominat. 1.Pet. 2.v.11. Abstinetes à carnis cupiditatibus, quæ militant contra animam.

*ALIAS* Paulus Hominem in tres partes diuidit. 1. ad Theff. 5.v.23. Ipse Deus pacis autor sanctificet vos: vt integer vester Spiritus & anima, & corpus inculpate in aduentum Domini seruentur.

*VTITVR* & Tropici Diuisionibus, vt cūm Hominē in Carnem & Spiritū diuidit. Ad Rom. 8.v.6. & ad Gal. 5.v.17.

*ITEM* in Corpus & Spiritum. Ad Rom. 8.v.10.

*ITEM* in mētē & carnē eodē sensu. Ad Rom. 7.v.25.

*ITEM* in Hominem nouum & veterem. Ad Ephes. 4.v.22.

*ITEM* in Hominē interiorē & exteriorē. Ad Rom. 7.v.22. & ad Ephes. 3.v.16. Et ad Rom. quidem Camerarius annotat in hac partitione & loquēdi forma Paulum ad locum Platonis respexisse, qui est de Republica.

*ARGVMENTO* à Materia Corporis humani, Scriptura vtitur ad hominis imbecillitatem exprimendam, & misericordiam Deo mouendam.

*EX* parte. Gen. 18.v.27. Liceat mihi quæso loqui cum Domino meo: Qui sum puluis & cinis. Et, Psal. 103.v.13. Deus misereatur timentium se. Quia ipse nouit figmentum nostrum: & memor est nos puluerem esse.

*HOMO* in species varias diuiditur ex loco Subiecto in Iudæos & Gentes. Ad Rom. 3.v.29. An Iudæorum Deus tantūm annon & Gentium? Pro quo dicitur versu proximo: Vnus est Deus, qui iustificabit Circumcisionem ex fide: & Præputium per fidem.

ET



SACRÆ SCRIPTURÆ. 325

ET in Iudæos & Græcos. Ad Rom. 2.v. 10. Pax omni operanti bonum tum Iudæo tum Græco.

ET in Græcos & Barbaros. Ad Rom. 1.v. 14. Et Græcis & Barbaris debitor sum.

EX LOCO. Act. 2.v. 8. Hæc distributio copiosior est: Quoniam nos omnes audimus eos loquentes sua quisque lingua in qua nati sumus: (*Species*) Parthi, & Medi Elamitæ, &c.

EX adiunctis animi. Ad Rom. 1.v. 14. Sapientibus & Insipientibus debitor sum.

EUNUCHORVM Species ex causa Efficiente recitantur. Matt. 19.v. 12. Sunt Eunuchi qui ex Matris utero tales nati sunt: Et sunt Eunuchi qui castrati sunt ab hominibus: Et sunt Eunuchi qui seipso castrarunt propter regnum Cœlorum.

APOSTOLORVM Enumeratio est. Matt. 10.v. 2. & Act. 1.v. 13.

RERVM etiam Distributio est.

SIC Doctrina cœlestis in Legē & Euangelium. Ioh. 1.vers. 17. Lex per Moysen data est: Gratia & veritas per Christum facta est.

SCRIPTURÆ in Verus & Nouū Fœdus diuiditur. 2. Cor. 3.v. 14.

SCRIPTURÆ utilitates enumerantur. 2. ad Tim. 3.v. 13.

CREATURA in Cœlestem & terrenam: visibilem & invisibilem diuiditur. Ad Col. 1.v. 16.

SIC & rerum aliarum longiores Distributiones sunt, ut Musicorum Instrumentorum, Psal. 105. Ornamentorum Muliebrium, Esa. 3.v. 18. Et Urbium Moabiticarum, cap. 15.

ET rerum ad vitam necessariarum. Ioël. 1.v. 3.

ET Membrorum corporis humani. Ad Rom. 3.v. 13.

EFFECTORVM & Adiunctorum Caritatis. 1. ad Cor. 13.v. 4.

Tt OPE-



OPERVVM Carnis & Spiritus. Ad Gal. 5. v. 19.

BENEFICIORVM Christi. Ad Eph. 1.

OFFICIORVM Oeconomicorum. Cap. 5. v. 21.

ARMORVM Spiritualium. Cap. 6. v. 13.

SUNT & Diuisiones longiores & mixtę, in quibus Heterogenea miscentur. Sic Res aduersę virtutes, & alia hominis adiuncta enumerantur, 2. Cor. 6. v. 4.

HUIVS Distributionis insigne Exemplum est Psalm. 148. Laudate Dominũ in Coelis: laudate eũ in excelsis.

2. Laudate eũ omnes Angeli eius: laudate eũ omnes exercitus eius. (cidæ, &c.)

Laudate eũ Sol & Luna: laudate eũ omnes Stellę lue.

Laudate Iehouam in terra, Cete & omnes Abyssi.

Ignis & Grando, Nix & Vapor, Ventus & Turbo quę ipsi obediunt, montes & omnes Colles: Arbores fructiferę & omnes Cedri. (tæ.)

Bestię & vniuersa pecora, Serpētes & Volucres pēna-

Reges Terrę & omnes populi: Principes & omnes iudices terrę. Iuuenes, & Virgines, Senes cum iu-

nioribus, &c. Alleluia: Laudate Iehouam.

POTEST & falsa seu minus cōmoda Diuisio esse. Hinc autē oritur Fallacia à Dicto secundũ: Quid ad Dictũ Simpliciter: id est, cũ Speciale pro Generali accipitur, vt si dicā: Ecclesia nō errat, Ergo Monachi & Papistę nō errant: aut Iustis nō est Lex posita. Ergo ijs quiduis facere licet. Hęc n. dicta Specialiter vera sunt. Pro, Ecclesia nō tota errat: vel, nō omnes in Ecclesia errāt. Et lex scilicet damnās nō est iustis posita. Quod si autē Generaliter hęc accipiātur, falsa sunt. Et Fallacia etiā dici potest Secundũ Nō Generale vt Generale, seu falsum Genus. Nullus autē error in artib. vltior est, quàm Speciale pro Generali accipere. Qui enim ad pauca respiciūt facillē inquit Aristoteles.

παράλογονται.

ET



ET in toto hoc Argumēto errare facilius est: quod nulla pars Logicę Inuētionis equē difficilis sit quā accuratē & commodē diuidere, teste Platone & Aristotele. Nam sēpē vel Genus vel Species, vel Differentia ignoratur: aut si hęc intelligātur: tamen nomina Generum, Specierum, Differentiarū idonea & cōmoda desiderātur. Quę res non parū artibus accuratē tradendis obstat. Atq; ex hoc Argumento Tropus Quartus, nempe Synecdoche totius & partis Generis & Speciei descriptus est.

## OCTAVVM ARGVMENTVM,

## DEFINITIO.

**D**EFINITIO est Argumentum quod Thema ex Genere & Differentia definit. Et Græcè ὁρίσιν, λόγος, λόγος ὁρίσιν, τύπος, λατρυραφία, χαράκτηρ, χαρακτήρισμος, εἰκόνισμος & περιγραφικός, τὸ τι ἢ ποῦ εἶναι. Latine Finitis, Finitio, Definitio, Descriptio, Informatio, Designatio, Delineatio, Effigies, Exemplar, Notio, &c. dici solet. Atque huc etiam Periphrasis spectat.

Thema autem ut proximē Diuisum: ita hīc Definitum appellatur. Quod utrobique pluribus etiam vocibus continetur, ut Doctrina cœlestis, Verbum Dei, Lex Dei, Vindicata ordinata, Vita Christiana. Et vox Diuisionis & Definitionis ambigua est. Nam & argumentum ipsum & Relationem Thematis & argumenti, & Propositionem etiam ex Themate & Argumēto compositam significat. Et utraque vox Geometrica est: & Diuisio quasi Diametro diuidit: Definitio quasi Perimetro comprehendit. Neque verō Definitio vniuersam rei naturam explicat, sed rem extremis quasi lineis & χαρακτῆρ quadam Generaliter tantū et breuiter repræsentat. Quæ longa deinde sēpē oratione aut tota arte explicatur.

Genus & Differentia hīc pro duabus partibus Essentialibus Materia & Forma sunt, & earum Symbola & Nota sunt, Ge-



nus quidem Materia: Differentia autem Forma: Qua quasi corpus & anima rei & Definitionis sunt. Vera enim & legitima Definitio ex partibus Essentialibus, ex quibus res composita est: quæ rei semper insunt: fieri atque constitui deberet: ut si dicam, Homo est corpus anima rationali prædeditum: vel, ars est præceptionum Methodus. Verum quoniam hac Definitio in hac hominum cecitate propter Partium Essentialium præsertim formarum ignoracionem, rara & difficilis est: Nec hac Definitio rebus omnibus prorsus competit: (Neque enim Essentialis Spiritualibus et accidentibus Simplicibus conuenit: quæ sunt tantum Formæ sine omni Materia: ) ideo Philosophi pro partibus Essentialibus, Genus & Differentiam assumpserunt et ad Definiendum adhibuerunt: Quæ & in omnibus rebus haberi possunt: & omnibus rebus competunt.

Genus autem et Differentia, ut supra, de Argumento in Genere dictum est, ex rei cuiusque arte propria petenda sunt. Et aliqua ex parte ex Prædicamentis: quæ artium Epitome quædam sunt, sed minimè perfectæ. Et Genera quidem atq; Differentia Thematis Theologici ex Theologia & Sacris literis & libris Catecheticis petenda sunt. Scorsim autem Genus & Differentia ex Diuisione petenda sunt. Quare & Diuisionis doctrina Definitione prior est. Genus autem non semper proximum aut proprium adhiberi potest, aut solet, aut necesse est. Sæpè enim, ut iam in Diuisione dictum est, vel Genera vel Generum nomina ignorantur & desiderantur. Quare interdum Genus remotius, interdum nomen aliquod commune et notius, quod Definito par aut latius sit pro Genere adhibetur. Interdum cum Genus per se notum est, omittitur: & per nomen Qui, Quæ, Quod, quod Genus includit, exprimitur. Genus etiam interdum non unum est, sed Geminum, aut Tergeminum pro occasione & commoditate: præsertim in Definitione quæ partium enumeratione constat, de qua paulo post.

DE



SACRÆ SCRIPTURÆ. 329  
DE DIFFERENTIA ET DEFINITIONIS  
EX DIFFERENTIA,  
Varietate.

**D**IFFERENTIA etiam non semper una voce continetur, sed sæpè pluribus. Deinde primum quidem & præcipuè Differentia Formalis esse deberet: id est, ex rei forma sumpta: verum quoniam ea, propter formarum ignorationem rara est: plerumq; quòd commoditas & necessitas etiam in alijs rebus suadet: ut aliud pro alio sumatur: ad alia argumenta iam explicata decurritur, & ex ijs Differentia petitur, adeoq; Argumentum ipsum pro Differentia assumitur.

Atque hinc fit, quòd definitionis doctrina commodius post alia argumenta, tradatur. Quod sine illis explicari nequeat: & Differentia ad definiendum necessaria ex illis petenda sit.

Deinde hinc fit, quòd Definitio varia nomina sortiatur. Quæ enim Differentiam Formalem habet: Essentialis et Perfecta dicitur. Quæ verò argumentum aliud pro Differentia habet: priuatim Descriptio, et Imperfecta Definitio à quibusdam dici solet. Deinde ex argumentis singulis rursus Specialia nomina sortitur. Sic exempli causa, ex argumento causa causalis, ex argumento partium, partialis appellari potest, & sic de alijs.

Sed ut res, quo ad fieri possit, penitus intelligatur et propius quasi aspiciatur, paulò clariùs hoc explicare conabimur. Definitio igitur ex argumento quod pro Differentia sumitur: duplex primum esse potest: Simplex & Mixta. Simplex est in qua Differentia unius tantum argumenti est: siue una sit siue plures. Differentia igitur vel est Efficiens, ut, Mundus est machina totius uniuersi (Efficiens) à Deo condita. Christus est persona diuinitatis, (Efficiens) à Patre ab æterno genita. Euāgelium est doctrina (Efficiens) diuinitus reuelata. Lex naturæ est Notitia legis diuinæ (Efficiens) à Deo insita natura hominis.

Tt 3



*minis. Vindicta ordinata est vindicta, (Efficiens) qua fit mādato Dei. (11. Efficiens) per leges & magistratus. Inordinata est qua fit (Efficiens) propria iracundia & nocēdi cupiditate.*

*Vel Effectus: vt, Deus est Spiritus (Effectus) qui mundum condidit. Christus est persona, (Effectus) qua nos redemit. Lex est Doctrina Ecclesia, qua peccantibus peccatum & iram Dei reuelat. Euangelium est doctrina Ecclesia, (Effectus) qua de Dei gratia concionatur & resipiscētes consolatur. Sacrificium Propitiatorium est, quod placat iram Dei & alijs remissionem peccati meretur.*

*Vel Subiectum: vt, Deus est Spiritus cælum et terrā implens. Ecclesia est cœtus hominum, qui Christo addictus est. Euangelium est doctrina, (Subiectum) de Christo & eius beneficys. Lex moralis est doctrina, (Subiectum) de moribus & officijs piorum. Latitia est affectus, quo cor presenti bono fruitur. Mansuetudo est Virtus, moderans iracundiam & vindictæ cupiditatem.*

*Vel adiunctum: vt, Deus est Spiritus (Adiunctum) immensa potētia et sapiētia. Angelus est Spiritus finitus, Liber, Iustus, Sapiens, Immortalis. Dominus est persona habens Adiunctum seruum.*

*Vel Dissentaneum: vt, Spiritus est Substantia, incorporea & immortalis. Virtus est fuga vitij seu fugere vitia, & Sapiētia est carere stultitia. Castitas est Virtus, vitans vagas libidines. Impius est, qui non est pius.*

*Vel Comparatum: vt, Deus est Sol quidam innisibilis omnibus rebus lucem & vitam suppeditans. Homo est animal conditum ad imaginem Dei. Sanctus est, qui Sanctorum fidem & mores imitatur. Item: Deus est Spiritus omnibus potentia & Sapiētia superior. Angelus est Spiritus Deo inferior potentia & Sapiētia.*

*Vel Diuisio: vt, Deus est Spiritus, in cuius Essentia simplici*  
tres



tres sunt personæ: Pater, Filius & Spiritus Sanctus. Christus est persona, constans natura Diuina & humana.

Hic autem cum Partes & Species sunt, interdum Genera etiam plura sunt. Vt Pœnitentia seu Conuersio ad Deū est Cōtritiō: id est, verus pavor & dolor cordis propter peccata nostra: et fide in Christū accipere remissionē peccatorum, recōciliationem & iustificationem: & inchoare nouam obediētiā. Quod breuiter dici posset: Pœnitentia est contritio, fides & noua obediētia. Fides est assentiri omni verbo Dei: et in hoc promissioni gratuita reconciliationis donatæ propter Christum Mediatorem: & fiducia misericordiæ Dei promissæ propter Christum. Bonus est, qui pius est, iustus, temperans, patiens, &c.

## DEFINITIONES MIXTÆ.

Definitiones Simples ha fuere: Mixtæ sunt, in quib⁹ diuersa Argumēta ad Differentiā cōstituendā cōiunguntur: vt, Homo est animal, (Efficiēs) à Deo conditū (Effectus & Finis) ad Deum agnoscendū & celebrandū. Bonū opus seu cultus Dei est opus, (Efficiens) à Deo mandatum (alterum Efficiens) ex fide profectum (Effectus) quo Deus honore afficitur. Vel plura simul: vt, Homo est Substantia (Efficiens) cōdita à Deo. (Partes) constans corpore & anima rationali, (Comparatum) condita ad imaginem Dei, (Finis & Effectus) vt Deum agnoscat & celebret.

Atque hoc modo Argumenta in Definitionibus longioribus ad Differentiam constituendam variè coniunguntur. Hinc fit, quod vt alia Argumenta: ita & Definitiones vnius rei, prodicentis cuiusque consilio & arbitrio, variè esse possint. Vnde Seneca libro de vita Beata cap. 4. Quemadmodū, inquit, exercitus modò latius pāditur, modò in angustū coarctatur: & aut in cornua, sinuata media parte curuatur: aut recta fronte explicatur: & vis illi, vt cūq; ordinatus est, eadem est, & voluntas

pro



pro iisdem partibus stendi: ita Definitio aliàs diffundi potest  
 & porrigi: aliàs colligi & cogi. De qua re vide plura apud Ari-  
 stotelem lib. 2. de Anima cap. 2. in Definitione Ira. Et apud Ga-  
 lenum lib. 4. de pulsuum Differentijs: ubi variæ pulsus Defini-  
 tiones recitantur, & multa de Definitione, scitu digna expli-  
 cantur. Et Fabium lib. 7. cap. 3. Et hodie Theologi alij aliter pro  
 suo quisque instituto, res easdem definiunt. Atque hæc de Dif-  
 ferentia, & varietate Definitionis ex Differentia nata.

## DE DEFINITIONIS ORIGINE.

Galenus, loco iam citato, ait Veteres non esse usos definitio-  
 nibus: sed vocabula Grammaticæ tantum interpretatos esse. Et  
 Aristoteles Metaphysicorum 1. cap. 6. ait Isocratem primum  
 capisse uti Definitionibus. Sed Definitionis argumentum, ut  
 cetera Argumenta omnia, semper in usu in vita & sermone  
 humano fuit. Sed à Socrate ad artes traductum est atque ex-  
 cultum.

## DE VSV ET VITIO DEFINITIONIS.

Definitio & Divisio admodum commoda sunt docendi ar-  
 gumenta et formulæ: et sola ferè ad artes tradendas sufficiunt.  
 Potest autem de usu Definitionis in artibus ad præcipue præci-  
 pue spectantibus, inter quas etiam Theologia est, queri an sint  
 utiles: cum magis contemplationi quàm actioni accommodata  
 esse videantur. De qua re pulcrè à Seneca responsum est Epist.  
 96. Definire, inquit, eandem vim habet quàm præcipere. Nam  
 qui præcipit, dicit: Illa facies si voles temperans esse: Qui descri-  
 bit, ait, temperans est, qui facit illa, illis abstinet. Quæris quid  
 intersit? Respondeo: Alter præcepta dat virtutis, alter exempla-  
 ria. Descriptiones has, ut Publicanorum verbis utar, *καὶ νομῶν*:  
 id est, Effigies, ex usu esse confiteor Proponamus laudanda, in-  
 veniatur imitator. Putas tibi utiliter dari Argumenta per que  
 intelligas



intelligas nobilem Equum. Quanto hoc utilius excellentis animi notas nosse: quas ab alio in se transferre permittitur.

Definitio non solum rei & nomini convenire debet: sed etiā docentis instituto & proposito, per Differentiam maximè accommodata esse debet: & cū doctrina sequenti, cuius caput est, cōgruere. Fabius lib. 7. c. 3. Vt autē rectè finiamus, ita sit: si prius in animo constituerimus: quid velimus efficere. Sic enim accommodari ad voluntatem verba poterunt. Quare tum demū Definitio vitiosa est: si vel à re, quæ definitur aliena est: vel à nominis usu abhorret: vel cum docentis proposito et doctrina sequenti parum convenit. Nullum argumentum magis, reprehensioni obnoxium est quàm Definitio. Et in disputationibus horum temporum de Definitionibus, Gratiæ, Fidei, Iustitiæ, Peccati, Pœnitentiæ, cultus Dei, Libertatis Christianæ, &c. magna et præcipua cōtentio est. Et Iacobinus Iurēcōsultus: Omnis, inquit, in iure periculosa Definitio est. Rarum enim est ut non possit subverti. Et Aristoteles 6. Topicorū multas rationes tradit Definitiones evertēdi. Sed hæc de qua nunc diximus, reprehensio Definitionis præcipua est.

## EXEMPLA.

## DE DEO.

Gen. 17. v. 1. Ego sum Deus omnipotens. Quare ambula coram me & esto perfectus. Exod. 3. v. 15. Sic dicet filijs Israël: Iehoua qui est Deus patrum vestrorum, Deus Abrahami, Isaaci & Iacobi, apparuit mihi dicens: Recordatus sum vestri, & educam vos ex afflictione Aegyptiaca. Exod. 20. v. 1. In Præfatione legis Dei Definitio est ex recenti beneficio, qua populus ad obedientiā incitetur: & dixit Iehoua: Ego Iehoua, sum Deus tuus, qui eduxi te ex terra Aegypti & è domo servorum. Ergo non erunt tibi Dij alieni coram me.

Vu DE-



**DESCRIPTIO** Dei vberior ex immensa misericordia & ira extat Exod. 34. v. 6. Et transiens Iehoua ante Moſen ſic pronunciauit: Iehoua Iehoua eſt Deus miſericors & exorabilis, tardus ad iram, propenſus ad clementiam & auxilium. Qui clementia in mille vſque etates vtitur: vitia & peccata & delicta condonans. In poena autem eroganda, parentum culpam in natos & nepotes ad tertiam & quartam ſtirpem perſequitur.

**MOSES** autem rurfum deprecans pro populo hac eadem Dei definitione à Deo ipſo tradita, pro Argumēto vtitur. Num. 14. v. 17. Nunc quaſo oſtende magnam tuam illam potentiam, quam praedicabas his verbis: Iehoua eſt Deus ad iram tardus, &c. Remitte ergo quaſo culpam huic populo pro tua clementiae magnitudine.

**VIDE** plura, Gen. 24. v. 1. & 7. & 27. & cap. 28. v. 13. Et Exod. 20. v. 5. Et Pſalm. 103. v. 10. Vbi Deſcriptio Dei vberior illa repetitur.

## DE CHRISTO.

Ad Rom. 1. v. 3. Chriſtus eſt perſona nata ex ſemine Dauidis ſecūdam carnem: Declaratus filius Dei ſecundum Spiritum Sanctificationis per Reſurrectionem à mortuis. 1. ad Tim. 2. v. 5. Chriſtus eſt homo, mediator Dei & hominum. Et, 3. v. 16. Chriſtus eſt Deus conſpicuus factus in carne, iuſtificatus in Spiritu, praedicatus Gentibus & ſurſum receptus in gloriam. Ad Tit. 2. verſ. 13. Chriſtus eſt magnus Deus & ſeruator noſter, qui dedit ſemetipſum pro nobis, ut redimeret nos ab omni iniquitate. Ad Col. 1. v. 14. Graphica & luculenta perſonae Chriſti Definitio atque Deſcriptio extat. Vide & Eſa. 9. v. 6.

**MIXTAE** Definitiones ſunt ex Cōparatis & Effectis hę. Ioh. 1. v. 29. Chriſtus eſt agnus Dei, qui tollit peccata mundi.



SACRÆ SCRIPTURÆ. 335

mundi. Et, 6. v. 3. & 4. Christus est panis vite, qui è cœlo descendit, quem, qui comederit nunquam esuriat.

DE HOMINE.

Tob 14. v. 1. Homo qui nascitur de muliere brevis æui est & plenus miseriæ.

ECCLESIAE.

Ad Ephes. 5. vers. 25. Ecclesia est coetus hominum per Christum redemptus & lauacro aquæ per verbum purgatus.

FILIORVM DEI.

Ad Rom. 8. v. 14. Filij Dei sūt, qui spiritu Dei ducūtur.

HOMINIS BEATI.

Psal. 1. v. 1. & Psal. 119. v. 1. & 32. v. 1. Beatus homo est, qui lege Dei delectatur, & in ea ambulat, & cui peccatū remissum est. 1. ad Tim. 3. v. 2. & ad Tit. 1. v. 6. Episcopi & Presbyteri Descriptio est.

PONTIFICIS.

Ad Heb. 5. v. 1. Pontifex est, qui ex hominibus assumptus, pro hominibus constitutus est in ijs, quæ apud Deum agenda sunt, vt offerat donaria & victimas pro peccatis. Quæ Definitio exemplis specialibus Aaronis & Christi Subiectis illustratur.

DEFINITIO MAGISTRATVS.

Ad Rom. 13. v. 1. Magistratus est persona à Deo ordinata, ad bonos defendēdos & malos puniendos. Quare omnis anima ei se reuerenter subiciat. 1. Sam. 16. v. 18. Dauidis descriptio est. Et respōdit vnus è seruis Saulis ac dixit: Ecce vidi filium Isai Bethlechemitæ: is nouit psallere, & potens robore, & bellicosus, & prudens & formosus, & Iehoua est cum eo: q. d. Ergo is idoneus est minister Saulis. Capite autem 17. vers. 4. & deinceps longa est Goliathi Descriptio. Ad Rom. 1. vers. 1. Paulus

Vu 2 est



## DE DIALECTICA

est Seruus Iesu Christi uocatione Apostolus, Separatus ad prædicandū Euangelium Dei. 2. ad Tim. 1. v. 11. Paulus est præco Euangelij, Apostolus & Doctor gentium. Quare audiendus est.

## DE REBUS ALIIS:

## SCRIPTURAE DEFINITIO.

2. ad Tim. 3. v. 16. Scriptura est Doctrina, diuinitus inspirata: utilis ad doctrinam redargutionem, Correctionem & institutionem in iustitia, &c. Quare diligenter discenda est.

## EVANGELII.

Ad Rom. 1. v. 16. Euangelium est potentia Dei ad salutem omni credenti. Ergo Paulum non pudet prædicare Euangelium.

## FIDEI.

Ad Heb. 11. v. 1. Fides est *ὑπόστασις* rerum quæ sperantur & *ἄλογος* eorum quæ nō videntur. Id est, quæ res adhuc in Specie positas representat: & inuisibilia velut oculis subiicit.

## SPES.

Ad Rom. 8. v. 24. Spes est earum rerum, quæ non cernuntur, expectatio.

## PECCATI.

1. Ioh. 3. v. 4. Peccatum est *ἀνομία*: id est, legis transgressio: vel quod pugnat cum lege Dei.

## VITAE HUMANAÆ.

Iacob. 4. v. 14. Nemo scit quid cras futurum sit: Quæ enim est vita vestra. Vapor enim est qui paulisper durat, & deinde euanesceat. Quare quæ ad vitam breuem & incertā pertinent, leuiter curanda sunt: Quæ autem ad vitam immortalem spectant: ea in primis curanda sunt.

NONVM



SACRÆ SCRIPTURÆ. 337  
NONVM ARGVMENTVM,  
NOMEN.

**N**OMEN est speciale Adiunctum rei, quo res nomina-  
tur. Quod Argumentum ferè cum superiori aliquo, pra-  
sertim Causa, Effectu, Subiecto et Adiuncto cōiungitur:  
& pro eius Argumenti, cum quo iungitur, et rei natura arguit.  
Hoc autem Nominis Argumentum, dupliciter rem arguit, seu  
duplex est: Notatio & Coniugatum.

DE NOTATIONE.

Notatio est Nominis interpretatio. Quæ ab Aristotele, De-  
finitio Nominalis seu λόγος ἀνομαστικός Posteriorū 2. cap. 10.  
Et Definitio Nominis seu λόγος ἀνομαστικός Topicorum 2. cap. 2.  
Et locus ex Nomine in Rhetoricis lib. 2. cap. 23. & Ciceroni in  
Topicis, Etymologia & Notatio. Et Fabio Originatio dicitur.  
Nominis autem vel Deriuati vel Compositi ratio reddi potest,  
ex aliquo Argumēto primo: ac de hoc Argumēto dicitur: Cōue-  
niūt reb⁹ nomina sæpè suis. Et copiosè à Platone in Cratylō  
de hoc Argumēto disputatum est. Sed Argumētum per se infir-  
mum est. unde & à Galeno de placitis Hyppocratis & Galeni,  
ἀλλὰ τὸν μᾶλλον: id est, vanus testis dicitur. Apud Hebræos  
autem in nominibus Proprijs frequēs est huius Argumēti vsus.

EXEMPLA.

DE DEO.

Exod. 3. v. 14. Sic dices ad filios Israël: Is qui est, misit  
me ad vos. Vbi Nominis diuini Ichoua interpretatio seu  
notatio est ex adiuncto Dei, quòd is solus per se & per-  
petuò subsistat. Matt. 1. v. 21. Paries Filium, & vocabis no-  
mē eius Iesum. Ipse enim seruabit populum suum, à pec-  
catis ipsius. Hic Notatio ex Effectu est.

Vu 3 DE



## DE HOMINIBVS.

Gen. 2. v. 23. Vocabitur Ischa seu Virissa: quia de Ischi, id est, de viro sumpta est. Hic Notatio ex Causa materiali est. Et, 3. vers. 20. Et vocauit nomen vxoris suæ Euam: quod ipsa esset mater omnium viuētium. Notatio est ab Effectu. Et, 17. v. 5. Non vocaberis vltra Abram: sed nomen tuum erit Abraham. Quia patrem multitudinis gentium posui te. Hic ab Effectu vel adiuncta posteritate numerosa, Notatio est. Genes. 27. v. 36. Et dixit Esau: Recte vocatū est nomen eius Iacob. Nam bis me iam supplantauit. Notatio est ex Effectu. Exod. 2. v. 10. Et vocauit nomen eius Mose. Quia ex aquis extractus esset. Notatio est, ex adiuncta liberatione. 1. Sam. 25. v. 25. Noli quæso Domine mi, animum adijcere ad istum hominem malum Nabalem, qui verè est quod dicitur: Nabal enim dicitur, & Nabal id est, stultus est.

INTERDVM breuius hoc Argumētum in Nominibus præsertim Locorum. vt, Ierem. 6. v. 2. In Techua Ticheu: q. d. in clangore buccina clangite. Nā Techua, loci nomen, clangorem significat. Amos 5. v. 5. Hagilgal Galó Iglé: & Bethel erit Betauen: q. d. Migratio migrabit, & domus Dei erit domus doloris. Gilgal enim migrationem significat: & Bethel domum Dei. Betauen domum doloris. Quare in his, ex adiuncto bello vel exilio, Notatio est. Vide plura similia Micheæ. 1. v. 14. & deinceps. Vide etiā Figuram *παρανομιαν* in Tractatu de Figuris.

## DE CONIVGATO.

CONIVGATVM est vox, ab eodem principio cū Themate deducta, vt iustitia, iustus, iustè, iustificare, iustificari, &c. Quod et *ὁμοιογενή* Topicorum 2. cap. 3. et *ὁμοιογενή*, et Relatio ipsa *ὁμοιογενή* in Topicis Ciceronis appellatur. Cuius Species sunt:

*παρανομία*



*ῥῆσις et παρὰ ῥῆσιν in Cathegoriis, quæ tamē generaliter accipi possunt: quò etiam casuum et Generum mutatio referris possit.*

E X E M P L A.

Esai. 53. v. 11. Iustus seruus meus, multos sui cognitione iustificabit. Hic iustificare Cōiugatum & Effectus est iusti. Ioh. 8. v. 36. Si filius vos liberauerit, verè liberi eritis. Hic Liberum esse, Coniugatum & Effectus est liberationis à Christo factæ. Prouerb. 8. v. 36. Ego amantes mei, amo. Hic amare Cōiugatum & Par est ad amantes. Sap. 6. v. 7. Potentes potenter tormenta patientur. Et, Matt. 21. v. 41. Malos malè perdet. Hic potenter torqueri & malè perdi, potentium & malorū Coniugata & Adiuncta sunt. Matth. 7. v. 1. Nolite iudicare, ne iudicemini. Hic Coniugata sunt, vel Causa & Effectus; vel Par cum Pari. Ioh. 8. v. 32. Si verè mei discipuli eritis, veritatem cognoscetis.

VEL Casu tantum mutato: vt, Matth. 8. v. 22. Sine vt mortui sepeliant mortuos. Ioh. 3. v. 6. Quod natum est ex Spiritu, Spiritus est. Et, 4. v. 24. Deus Spiritus est, Ergo Spiritu vult adorari. Coniugata sunt ex Simili. Et, 8. v. 32. Cognoscetis veritatem, & veritas vos in libertatē vindicabit.

VEL Genere mutato. Matt. 12. v. 33. Aut facite arborem bonam & fructum eius bonum, &c.

VEL Casu & Genere simul mutato. vt, v. 35. Bonus homo, ex bono cordis thesauro, bona depromit: Malus autem ex malo thesauro, mala depromit. Coniugata sunt Causa & Effectus. vide *παλῶσις* in Figuris & *παρὰ ῥῆσιν* etiam. Et Breuia illa Hebraica suprà, in

Notatione posita, huc etiam aliquo modo referri possunt.

DECI-



**T**ESTIMONIUM est Argumentum, quod de Themate & alijs Argumētis cū Themate collatis, testatur. Et aliās Græcè μαρτυροῦν et μαρτυρία, et aliās iudiciū, νεῖσις, νεῖθηγιον. Autoritas, αὐτεῖα, & quatenus verbis constat, Pronunciatū. Qui autē testimoniū dicit, Testis dicitur, Autor, Laudator, vel Iudex etiā. Et Testis interdū Iniuratus, interdū Iuratus, Testimonium dicit. Huius igitur Argumenti Nota sunt, ha ipsæ voces, et alia similes, ut testari, testificari, testimoniū dare, testimonium dicere, testem vocare vel adhibere, et Synonyma. Atq; huc etiam spectant Lex, Sententia illustris, γῶμαι, ῥῆσαι, Apophthegmata, Proverbia, Item fama et rumor, et similia.

Hoc autem Argumentum, pondus sumit à testis seu auctoris Sapientia & virtute: & aliorum Argumentorum Natura. Vide Topica Ciceronis, & Rhetorica Arist. lib. 1. Cap. 2. Et lib. 2. cap. 1. Vnde et Dei de se & sua voluntate testantis amplissimū testimonium est, cui fidem non adhibere, nefas est. Deus enim maximè Sapientia & virtute excellit. Et Scriptura proinde, quæ Dei quasi testimonium, de ipso est. & ῥῶσις & est, principia ac demonstrationes suppeditat, & rationes etiam iudicio praeiudicat.

In testimonijs autem quæ verbis constant, citandis, non tam verborum, quàm sensus ratio habenda est, nec semper opus est verba annumerare, si modo sensus seruetur. Vnde & Apostoli non semper testimonia Prophetarum iisdem verbis citant. Sic Moyses Num. 14. vers. 17. Verba ipsius Dei, non iisdem verbis, sed alijs, & multò breuius repetit ex cap. 34. vers. 6. Exod. Et eundem locum repetit David Psal. 103. vers. 7. alijs verbis & multò fusijs. Matth. 21. v. 5. Testimonium Zachariæ ex cap. 9. v. 9. Hoc modo citatur. Et verba Esaia, Rom. 9.

v. 27.



# SACRÆ SCRIPTURÆ. 341

v. 27. & 28. *Neg, etiam semper opus est, auctoris & testis nomē exprimere, cum id aliās notum sit.*

*Testimonium autem quod ad hoc institutū attinet, duplex esse potest, Scripturæ et Naturæ. Scripturæ est, quod ex scripto repetitur. Sic David et Prophetæ ex Mose: Christus et Apostoli ex Mose, Davide et Prophetis, doctrinæ suæ testimonia repetūt. Et Nouum Testamentum nihil est aliud, quàm perpetua quædam veteris Instrumenti citatio.*

## E X E M P L A.

Matth. 12.v.7. Si noscitis quid sit: misericordiam volo & nō sacrificium: nō condemnassetis infontes. Quod ex Hosea, nomine dissimulato, cap. 6.v.7. ad discipulos Christi excusandos, sumptum est. Et, 22.v.32. de Resurrectione Mortuorum non legistis, quod vobis dictū est, à Deo dicente: Ego sum Deus Abraham, Deus Isaac & Deus Iacob, &c. Quod ex Exod. 3.v.6. ad mortuorū resurrectionē probandam sumitur. Luc. 24.v.25. Tum dixit ad eos: O amentes & tardi corde ad credendum omnibus quæ locuti sunt Prophetæ, &c. Ioh. 5.v.39. Scrutamini Scripturas. Nam illæ testificantur de me. Et, 4.v.6. Si Mosi crederetis, crederetis & mihi: de me enim ille scripsit. Act. 10.v.43. Huic omnes Prophetæ testimoniū perhibent, &c. Et, 26.v.22. Ego nihil doceo extra ea, quæ Prophetæ & Moses prædixerūt futura: nempe quod Christus esset passurus, &c. Esaias cap. 8.v.20. Testimonium suæ doctrinæ ex Mose repetit: ad Legem, inquit, & ad testimonium. Et, Malachiæ 4.v.4. Mementote Legis Mosi. Paulus ad Rom. Davidis testimonio doctrinam suam de gratuita iustificatione cōfirmat ex Psal. 32.v.1. ad Rom. 4.v.6.

*SIC etiam David explicat beatitudinē hominis: cui Deus imputat iusticiā absq; operibus dicens: Beati quo-*

X x rum



rū remissę sunt iniquitates : & quorū recta sunt peccata.

PETRUS etiam Pauli testimoniū citat, 2. & 3. v. 15. Sicut & charus frater noster Paulus pro sibi data Sapiētia, scripsit vobis, &c.

PAVLVS etiam prophanorum autorum testimonia, sed rariū, citauit, idq; ter tantū. Act. 17. v. 28. In Con- cione de Deo apud Athenienses & Philosophos, Arati Poētę testimonium citat: τὸ γὰρ θεὸν γενόμεν: id est, hu- ius namq; genus sumus: id est, Dei progenies sumus. 1. Cor. 15. v. 33. docet: Nō audiendos Epicuræos, qui vitā se- cuture negabant, & proinde voluptatibus indulge- bant: testimonio Menandri Comici: Mores bonos com- mertia corrumpūt mala. Ad Titum 1. v. 12. dixit: Quidā ex ipsis proprius ipsorum Propheta: Cretensis mendax, mala bestia, venter inersq;. Vbi Epimenidis testimonio vtitur, quo vult docere Cretenses acriter obiurgandos.

SCRIPTURAE ergo Argumēto, omnis narratio Hi- storica tum sacra, tū Prophana, & tota Euangelij doctri- na, nititur. Creditur autē maioribus res gestas narranti- bus, propter amorem veritatis, qui hominibus natura- lis est: & propter *σφοδρὰ* erga liberos & posteros: propter quam non faciliē illos falsis narrationibus seducunt.

IN testimonijs autem citandis summū Sophisma est Sensum corrumpere. De quo Petrus 2. & 3. v. 15. cōque- ritur: Sicut Carus noster frater Paulus, pro sibi data Sa- piētia etiā scripsit vobis: vt qui in omnibus ferē Epistolis loquatur de istis. Inter quę sunt nōnulla difficilia intelle- ctu: quę indocti parumq; stabiles detorquent: vt & reli- quas scripturas, suo ipso exitio. Corrūpitur autē Sēsus trib. maximē modis: Ellipsi, Pleonasmō, & Enallage. De quib. sic scribit Tertullianus de Pręscriptionib. Hęretico- rū: Hęresis, inqt, si quas Scripturas recipit: eas adiecti- onibus, & detractionib. ad dispositionē sui instituti inter-

uertit:



uertit: & si recipit, nō recipit integras. Et si aliquatenus integras præstat: nihilominus diuersas expositiones cōmēta, cōuertit. Et Philippus Melanchthon cōtra Staphylum: Vtitata, inquit, sunt hæc artificia Sycophantis, confundere diuersa, diuellere coniuncta, excerpere mutilata & affingere falsas Interpretationes.

*ELLIPSIS est, cū verbis quibusdā omīssis sēsus corrūpitur.*

Mat. 4. v. 6. Dicitq; ei: Si Filius Dei es: iace te deorsum. Nam scriptū est: Angelis suis mādabit de te, vt tollant te manibus: ne quando offendas ad lapidem pedē tuū. Testimoniū est ex Psal. 91. v. 12. citatum. In quo Ellipsin cōmisit Sathā, vt Christo imponeret. Omisit enim hæc verba Psalmi & testimonij: *Vt custodiant te in omnibus vijs tuis.* Est etiam Ellipsis, cum ex vno Scripturæ loco, non considerata totius Scripturæ mente, nec aliorum locorum habita ratione, de doctrina pronuntiatur.

*PLEONASMVS est, cū verbis additis, sensus deprauatur. Ellipsis autem & Pleonasmus interdum coniungi solent, vt in Compositione & Diuisione, de quo Vigilus Martyr, lib. 4. Religiosis, inquit, dictus callidē insidiaris: superiora demis & sequentia non addis: & ita media eligis, vt verba sententis exuas, ac ita in nudis pro arbitrio ludas.*

*ENALLAGE est, cū vel verbis immutatis, vel iisdem etiam manentibus, sensus corrumpitur: vt, cū quod figuratē dictum est, propriē accipitur, aut contrā: vnde controuersia oritur de scripto & sententia.*

Ioh. 2. v. 19. Et dixit Iesus: Destruite tēplum hoc: & tribus dieb. erigā illud. Vbi Christus Tropicē & Metaphoricē tēpli voce vsus est de suo corpore, v. 21. Ille autē dixit de tēplo corporis sui. Hoc autē Iudēi aliter & sine Tropo acceperūt, v. 20. Respōderūt ergo Iudēi: Quadraginta & sex annis ædificatū est tēplū istud, & tu trib. dieb. eriges illud? Et falsi testes, Matt. 26. v. 61. Postremò aduenientes

Xx 2 duo



duo falsi testes dixerunt. Iste dixit: Possum dissolvere templū Dei, & triduo ipsum edificare. Atq; hi tres fontes maximorū Sophismatū in doctrina Ecclesiæ etiā hodie sūt.

*NATURAE testimoniū est, cum ex ipsa natura hominis, testimoniū sumitur. Quod privatim κατ' ἑαυτοῦ appellatur. Est q; partim Diuinum, partim Humanum, & Superioris ferè appendix est. Est q; Sensus aut mentis. Sensus seu Experientia est, cum ex sensu testimoniū sumitur. Atq; hoc primum fuit doctrina cælestis tradita Argumentum. Propheta enim & Apostoli, & alij veteris Ecclesiæ homines p̄j, qui Deum ipsum & Christum docentem & miracula edentem audiuerunt & viderunt, testes doctrinae oculati erant.*

## E X E M P L A.

Exod. 20. v. 22. Vos ipsi vidistis, quod ē Cœlo locutus sim vobis. Ne ergo faciatis vobis Deos argenteos aut aureos. Deut. 1. v. 31. Vos vidistis quod Iehoua vos portauit in deserto: Sicut homo portat filium suū. Quare presenti animo estote. Matt. 11. v. 4. Profecti renunciate Iohanni quæ auditis & videtis. Ioh. 20. v. 20. Et cum hæc dixisset: ostēdit eis manus & latus suū. Gausi sunt ergo discipuli viso Domino. 2. Pet. v. 16. Nō arte compositas fabulas secuti, vos docuimus de Domini nostri Iesu Christi potentia & aduentu. Nam ἐκ τῶν ὧν sumus maiestatis ipsius: id est, Spectatores, qui proprijs oculis maiestatis eius cōspexerimus. 1. Ioh. 1. v. 1. Quod erat à principio, quod audiuius, quod vidimus oculis nostris, quod spectauimus, & manus nostræ contrectarunt de Sermone vitæ, id annunciamus.

*MENTIS est, cum ex mente ipsa testimoniū petitur. Atque huc Lex naturæ & Conscientia spectat.*

## E X E M P L A.

1. Cor. 11. v. 14. An nē natura quidē vos docet: quod viro



viro quidē comatū esse, dedecori sit. 2. Cor. 1. v. 12. Gloriatio nostra hæc est, testimonium videlicet conscientia nostræ: quod cum simplicitate & synceritate Dei: non cum sapientia carnali versatus sim in mundo, potissimū apud vos. Ad Rom. 2. v. 14. Nam cum gentes quæ legem (Scriptam) non habent, natura quæ legis sunt, faciunt: sibiipsis sunt Lex: ut qui ostendunt opus legis scriptum in cordibus suis: unā testimonium reddente ipsorum conscientia: & cogitationibus sese mutuò accusantibus aut excusantibus. Vbi Paulus naturæ, mentis & conscientia testimonio gentes reas peragit coram Deo. Atque hæcenus de prima Dialecticæ parte, Argumentorum inuentione.

## DE ARGVMENTORVM DISPOSITIONE ET IVDICIO.



**D**OCTRINA Inuentionis et Argumentorū iā exposita, & exēplis Sacra Scriptura illustrata, ut hoc tēpore nobis in mentē venit: nunc ut Argumentorū vsus magis cōspiciatur, breuiter de eorū, cum Themate et inter se, Dispositione & Dispositionis Iudicio, aliqd addā. Quātū quidē ad Sacra Scripturæ vsū, tractationē et explicationē doctrina cælestis, vtile & necessariū esse videatur. Ut enim literarum vsus in earum coniunctione, quæ in Syllabis et vocibus fit, cōsistit: ita et Argumētorum vsus, in Dispositione et Cōiunctione, ipsorum, cum Themate et inter se consistit. Dispositio igitur est altera pars artis, de argumentis cum Themate et inter se disponendis. Quæ et iudicium et nōtū dicitur. Hæc, doctrinam Inuentionis, quæ per se infinita et quasi vaga est, ad numerum quendam certum et finitum, astringit: et ad vsū in docendo accommodat, ut ea tantū proponantur, quæ verè et rectè proponi possint et debeant.

Xx 3 Dispo-



*DISPOSITIO* autē duplex est, *Simplex* & *Cōiuncta*. *Simplex* est *Enunciati*. *Enunciatiū* autem est argumēti cū *Thema*-*te Dispositio*. Est quē quasi *Syllaba* : vel quasi *domus*, constans *uxore* & *viro*, ut ait *Valla*. Quod *Aristoteli* ἀποκρίσις, id est *Ciceroni* *Enunciatum*, *Enūciatio*. *Pronunciatum*, *Pronuncia-**tio*, *Effatum*, et προτάσις : id est, *Propositio* dicitur. Aliās etiam ἀκμῆς : id est, *Sumptum*, ἀκμῆς *Sumptio*. Θέσις *positio*, sed rariū dicitur : in arte autem priuatim, *Præceptum*, *Præceptio*, *Docu-**mentum*, *Theorema*, *Consiliū*, *Monitum* : & *Metaphorice* *Nor-**ma*, *Canon*, *Regula*. *Stoicis* etiam κατὰ ἀκμῆς & γνῶσις ἀκμῆς : id est, *perceptio* & *comprehensio*. Et apud *Platonem* in *Minoë*, etiam *Lex* dicitur. Et cū *euidens* & *per se notum* est, *Aristo-**teli* ἀρχή : id est, *principiū*. Item ἀφῳα & κοινὴ ἐννοία : id est, *communis sententia*.

## E X E M P L A.

*CHRISTVS* est *Filius æterni Patris* & *Mariæ Vir-**ginis*.

*Christus* est *caussa* & *autor salutis nostrę*.

*Christus* est *natus Bethlehēmæ*.

*Christus* est *natus tempore Herodis*, & *passus sub*  
*Pontio Pilato*.

*Christo* *aduersatur Belial* & *Antichristus*.

*Christus* est *similis Agno* & *Leoni*.

*Christus* *constat natura diuina* & *humana*.

*Christus* ergo est *persona constans natura diuina* &  
*humana*.

*Christus* dicitur quod *vnctus* sit *Rex* & *Sacerdos*. *He-**braicè* *Messias*. Dicitur & *Iesus*, quod *populum suum*  
*seruet*.

*HÆC omnia autoritate* & *testimonio Sacre Scriptura*  
*doceri* & *probari possunt* : ut in *Argumentis* factum est. Sic,  
Fides



Fides est donum Dei, & Spiritus Sancti per verbum efficacis.

Fides iustificat.

Fides est in mēte & voluntate: & intuetur Promissionem, Misericordiam promissam, & alia bona promissa.

Fides habet comites, Timorem Dei, Spem, Patientiā, Caritatem, &c.

Fides pugnat cum diffidentia & desperatione.

Fides est similis manui, munus oblatū apprehendēti.

Fides constat notitia verbi & promissionis: & fiducia misericordiæ promissæ.

Fides ergo est Notitia verbi & fiducia Misericordiæ.

Fides est à Græco *πίστις*, quod ab Hebræo *Pasa* est: id est, persuadeo. Significat enim certam persuasionem. Græcè *πίστις*, aliàs *πεπίστισις*. Item *ἐλεγχος* & *πλεροφορία*, Hebraicè *Emona*. Atque hæc omnia testimonijs Sacræ Scripturæ doceri & probari possunt.

ENUNCIATI LEGITIMI IN OMNI  
DOCTRINA, AFFECTIONES ET  
Leges Generales.

**E**NUNCIATIVUM Legitimum in doctrina quidem cōmuni, verum & utile est: In accurata autem Affirmatum & Reciprocum: in arte etiam Catholicum.

DE VERO ET UTILI.

DOCTRINAM communem in præsentia appello, in qua vel verum docetur, vel falsum refellitur. Hic ergo Enūciatum omne legitimum verum & utile est.

Verum est, in quo Argumētum de Themate verū est. Quam veritatem in Philosophia sensus et ratio rem ipsam cōsiderans, dijudicat: In Theologia autem Scriptura ipsa, ex Grāmatica et  
variorum



*variorum locorum collatione rectè intellecta. Falsum autem contrà est: Quod summum in omni doctrina vitium et Sophisma est. Quod vel ex simplici ignorantia: vel malitia existere solet. Ad Sophisma autem Falsi, spectant omnes fere Fallacia ex locis, Vt Fallacia secundum non causam vt causam: secundum nō Effectum vt Effectum, &c. ex quibus falsa Enunciata existunt. Et cum res serio agitur, non solum Fallacia, sed etiam Calumnie sunt et exitiosa mendacia.*

De hac lege Aristoteles Ethicor. 1 cap. 6. sic ait: Et si, inquit, nobis difficilis existit quæstio, quod nobis amici sint, qui Idæas induxerunt: tamen æquum est veritatis causa etiā sua decreta tollere, philosophos præsertim. Et si enim vtrique cari sunt: tamen pium est pluris æstimare veritatem. Et Christus Matth. 5. v. 37. Sit sermo, inquit, vester est est, non non. Et ad Philipenses 4. vers. 8. Quod reliquum est, quæcunque sunt vera, ea cogitate. Diligenter igitur videndum, vt doctrina ad veritatem potius quàm autoritatem aut opiniones hominum dirigatur: & nō solum quid Aristoteles aut Plato dixerint: sed etiam quid sensus & ratio sana probet, cōsideretur. Tum in Scriptura, qua fide testimonia Scripturæ ad dogmata, ab interpretibus citentur.

## DE VTILI.

*ENUNCIATVM utile est, quod vsum in vita habet: & priuatim quod ad rem propositā, et audientium vsum et caput et locum et tempus accommodatum est: Specialiter autem in Theologia utile est, quod ad Dei gloriam et adificationem Ecclesiæ pertinet: et in animis hominum pietatem alat et augeat. Inutile contra est.*

De hac lege Isocrates in laudatione Helenæ: Multo, inquit, satius est de bonis & utilibus rebus, præclaram  
senten-



sententiam, quàm inutilium exquisitam habere scientiam: & in magnis modis se excellere, quàm longè præstare in paruis, & nihil adiuventi ad hanc vitam adferentibus. Et Matt. 12. v. 36. De omni otioso verbo reddituri sunt homines rationem in die iudicij. Et, 1. Cor. 14. vers. 26. Omnia fiant ad ædificationem Ecclesię. 2. ad Tim. 2. v. 12. Hęc suggere obtestans, ne verborum pugna sectetur quod nullam adfert vtilitatem. Et, ad Tit. 3. Hęc volo te proponere & asserere: quę sunt honesta & vtilia hominibus. Stultas autem Quæstiones fuge: sunt enim inutiles & vanę

*DEBET igitur is, qui docet, altero quidẽ oculo veritatem: altero verò vtilitatem & necessitatem doctrina semper intueri, & ad hæc duo doctrina cursum dirigere.*

*De veritate autem & vtilitate doctrina iudicare et censere hominis prudentis est, & in sua arte artificis: qui etate & usu valet, & in negotijs vite & doctrinae & artis meditatione diu & sedulo versatus est. Nam ut Plato 2. de Legibus ait: Beatus est, cui vel in Senectâ contingit, ut Sapientiam & veras opiniones firmas assequi possit. Rudiorum autem et Imperitorum, quorum adhuc infirmum est iudicium, est ex iudicio & autoritate præceptorum & peritiorum pendere: in ijs præsertim, quę obscuriora & magis controuersa sunt, & captum eorum superant. Nam ut ait Aristoteles Elench. 1. cap. 1. Discipulum oportet credere.*

SECUNDVM DE DOCTRINAE  
ACCVRATAE ENVNCIATO, AFFIRMATO & Reciproco.

**D**OCTRINAM accuratã in præsentia voco in qua verum tantum, idg. breuiter docetur: In hac ergo Enunciatum debet esse Affirmatum & Reciprocum.

Yy DE



AFFIRMATIVUM est, in quo argumentum de Themate affirmatur. Negans contrà. Affirmatio autem idè ad doctrinam accuratam est necessaria: Quia Affirmatio Negatione & prior seu notior, et breuior est, ut ait Aristoteles Post. lib. 1. cap. 21. Prior autè & Notior est: Primum, Quia Affirmatio est eius quod est, & proinde scientia et doctrina est, Posteriorum lib. 1. ca. 11. Scientia τὴν ἐστὶν καὶ ἀποδείκνυσι est: id est, Scientia Essentia & Definitionis, affirmationis est. Affirmatione igitur quod verum est, docetur. Negatio autem contrà est eius quod non est. Vnde et Iureconsulti dicunt: Negantis nullam esse probationem L. asseueratio et L. actor C. de probationibus. Ac proinde Negatio non scientia aut virtutis est: sed in scientia et vitij atque erroris. Nec tam docentis est, quàm dedocentis: et falsas opiniones et Enunciationes, et inutilia consilia improbantis et refutantis: et vitia et errores in agendo commissos reprehendentis. Itaque Negatione id quod falsum et vitiosum est rejicitur. Et inficiatio expeditissima solutio est. Fabius lib. 3. cap. 8. Fortissima, inquit, tuendi se, ratio est: si quod obijciatur, negari potest. Vnde et notatum est in Euclide Quatuor tantum propositiones et demonstrationes Negatiuas esse.

Deinde Prior et Notior est, Quia ex affirmatione veri, Negatio falsi intelligitur: non contrà. Sic qui intelligit Quid sit homo: is statim intelligit Quid non sit, nempe neclapis, nec arbor: non autem contrà. Sic exempli etiam, causa de Deo & Religione ait Lactantius, Philosophos assecutos esse, ut intelligerent Quid non sit: illud autem assequi nequiuisse, ut intelligerent Quid sit. Non aliter ac Quid intelligit quid recta linea sit: mox etiam quæ curua sit, intelligit.

Præterea, quia Affirmatio Negatione probat et demonstrat: non autem contrà, vnde fit in omni Syllogismo, altera minimum præmissarum affirmatiua esse debeat. Et ex puris & me-

ris



ris Negatiuis nihil concludi possit.

Breuior etiam est Affirmatio seu doctrina Affirmatiua quàm Negatiua. Quia plus uno verum esse non potest, & Affirmatio, ut veritas ipsa et rei cuiusque natura Simplex & Finita est: Negatio autem ut falsum varia et infinita est: ut linea recta unica est: Curua autem infinita. Pauca enim sunt, quibus in cuiusque natura continetur: quæq; de re, verè et necessario affirmari possint. Quæ autem de re negari possint, infinita sunt: multò enim plura extra rem sunt, quàm in re. Quare affirmatio, doctrinam finitam & breuem efficit: unde et Galenus  $\alpha\pi\sigma\tau\alpha\tau\epsilon\sigma\iota\varsigma$  &  $\epsilon\lambda\epsilon\gamma\iota\varsigma$ : id est, vera et affirmatiua doctrina breuissima est: Negatio autem doctrinam longam et infinitam efficit. Sic in Theologia, omnes errores et prauas opiniones hereticorum exquirere, et negando et refutando persequi velle, doctrinam infinitam efficeret. In doctrina ergo accurata et breui, verum primum affirmatè tradendum est: falsorum negationes, infirmitates, refutationes, premittenda et ad fusiores commentarios reijcienda sunt.

Sed quia interdum, Contraria iuxta se posita magis elucescunt: idè sicubi affirmatio ex negationis collatione illustrari possit: etiam Negatio, interdum quasi argumentum Dissentaneum affirmationi subijci possit.

#### DE RECIPROCO.

RECIPROCVM est, in quo argumentum themati proprium est, et soli conuenit, ac proinde Reciproce verum est. Non Reciprocum contrà. Sic Reciproca sunt: Deus est mundi conditor, et conditor mundi est Deus. Christus est filius Dei et Mariae, Et filius Dei et Mariae est Christus. Christus est generis humani redemptor, Et redemptor humani generis est Christus. Dauid Goliathum interfecit: Et Goliathi interfectior est Dauid. Solomon primum Templum Ierusalem condidit: Et conditor primi Tēpli Ierusalem est Solomon. Omnia enim argumenta

Yy 2 The-



*Themati propria esse possunt: maximè consentanea: & in his, Causa, Effectus, Subiectum, Adiunctum, Diuisio & Definitio. Quare Reciprocatio non est solùm Definitionis & Diuisionis: sed etiam aliorum argumentorum: inprimis autem Definitionis & Diuisionis esse debet. Quæ duo argumenta maximè ad artes tradendas idonea sunt.*

DE hac lege sic ait Aristoteles post. 1. cap. 9. In disciplinis vix fieri potest, vt non reciprocentur ea, quæ assumuntur. Propterea quòd non Accidentia: sed Definitiones ad docendum vnumquodque adhibentur. Atq; hac in re disciplinæ & artes differunt ab ijs sermonibus, qui in disputatione ac Dialogis continentur. Quod autem hæc lex non solùm artis & vniuersalium, vt vult Aristoteles in Analyticis: sed etiam historiæ & singulariũ sit, ipse etiam Aristoteles in Rhetoricis autor & testis est: eo loco, quem suprà de Argumento citauimus. Vt enim Generalium Thematum Generalia Argumenta propria sunt, ita & singularium Singularia propria sunt, Rhetoricorum lib. 2. cap. 21. In dicendo, inquit, non respiciendum est, ad ea argumēta, quæ Infinita sunt: sed ad ea, quæ rei, de qua sermo est, insunt: Ac ea potissimũ eligēda sunt, quæ ad rem ipsam, quā proximè accedūt. Hæc enim ad docendũ & persuadendũ sunt accommodatiora: quæ min⁹ sunt Cōmunia. Voco autē Cōmunia hoc modo: vt si quis Achillem laudet quòd Homo sit, quòd Heros, quòd ad bellũ Troianũ profectus sit. Hæc enim alijs etiam multis cōpetunt. Quare qui hæc commemorarit, non magis Achillem, quàm Diomedem laudarit. Propria autem illa dico: quæ nemini alijs contigerunt aut competunt: vt quòd Hectorem Troianorum fortissimũ interfecerit: & Cygnum, qui cū vulnerari non posset, Græcos omnes è nauibus descendere prohibuit: & quòd



quod omnium esset maximè iuuenis : & quod iureiu-  
rando nō astrictus ad id bellum profectus sit, & alia eius  
generis. Hæc Aristoteles, quibus manifestè docet hanc  
Legem, non solum in arte, sed etiam in historia : nec so-  
lū in Dialectica : sed etiam in Rhetorica in docendo  
& dicendo locum & usum habere.

DE ARTIS ENUNCIATO  
CATHOLICO.

ARTEM appello Doctrinam, quæ perpetua est. In hac ergo  
Enunciatum omne Catholicum esse debet. Catholicum autem  
est, cuius Subiectum perpetuum & numero finitum est. *Quin-  
tilianus lib. 2. cap. 13.* Vniuersale & Perpetuale appellat. Eius-  
modi sunt primum omnium Deus ipse, tum mundus domiciliū  
Dei & hominum, & eius partes principales Cælum quasi la-  
queare, Sol, Luna, quinq; Planeta, Stella certæ magnitudinis  
et numerabiles : tum Elementa, terra primum solum et pau-  
mentum huius domicilij, tum aqua, flumina et fontes, quibus  
terra irrigatur, tum aër, quo perflatur et quasi verritur. De  
his enim et eorum natura, quatenus ab homine cognosci pos-  
sunt, et eorum affectionibus constans et necessaria scientia est,  
ut est in Theologia, in Physica, Astronomia, &c. In rebus au-  
tem infinitis et caducis, eorumq; Effectis et Adiunctis sola Ge-  
nera et Species perpetua sunt, et ad artes apta : ut, Angelus, Ho-  
mo, Animal, Stirps, Grando, Nix, et hominis adiuncta Theolo-  
gica : Peccatum, Fides, Pœnitentia, &c. Rebus enim singulis in-  
tereuntibus, Genera et Species manent et propagantur, huius  
propagationis causa et domicilium est Deus et Mundus. Atque  
de his dicitur : Singularium non esse scientiam aut artem. *E-  
thicorum 2. cap. 2.* Singularia nec sub artem nec sub præceptio-  
nem ullam cadunt. Et *Ethic. 1. cap. 2.* Nulla ars considerat res  
singulas : ut, Medicina non docet quid Socrati aut Callia salu-



tare sit: sed quid homini hoc aut illo morbo laboranti. Hoc enim quod Generale est, ad artem pertinet. Singularia autem infinita sunt: nec scientia comprehendipossunt. Et Galenus lib. 2. de Differentiis pulsuum non in Dione pleuritico: sed in Commendatione Generum et Specierum artes sunt posita. Hæc ille. Quare et Plato à Generalissimis ad Specialissima profectos quiescere iubebat, ut Porphyrius in capite de Specie ex Philabo Platonis repetit.

Vt autem in rebus singulis & æternis Scientia seu ars & historia idem serè est: ita in caducis & infinitis rebus, artis & historia diuortium atq; discrimen fit & apparet. Ars enim universalium. Historia autem Singularium est. Et si autem ars & artis Enunciata omnia Catholica sint: tamẽ exempla singularia ex historia & rebus singulis assumunt: ita etiam historia sæpe ex artibus generalia præcepta & monita accipit, & singularibus ipsis adiungit. Hoc autem præceptum non tantum in artibus, sed in alijs etiam doctrinis usum habet, quæ vel artem imitantur, vel artis quasi particule sunt. Seneca ad Marciam de Cōsolatione, cap. 2. Scio, inquit, omnes, qui monere aliquem volunt: à præceptis incipere, & in Exemplis desinere.

Hæ ergo quinque sunt leges Enunciati legitimi, in omni doctrina, tum communium tum accurata & artificiosa. Quas quisque in docendo respicere & sequi debet. Quæ ex parte à Platone in Minoë plenius autem à Galeno de Optima Secta ad Thrasybulum: accuratissimè ab Aristotele Post. 1. cap. 4. propositæ & explicatæ sunt. Et Aristoteles quidem tres tantum leges proponit: quas Enunciati artificiosi Leges tantum esse vult. easq; tribus notis breuius exprimit, quæ sunt, κατὰ τὸ κοινὸν, κατὰ τὸ αἰσχροῦς, κατὰ τὸ ἀπὸ τοῦ παντός: id est, de omni, per se, & vniuersale primum.

Quod autem eas leges non solum ad artes Mathematicas: sed etiam ad omnes omninò artes & disciplinas pertinere velit Aristoteles: inde patet, quod in iis duobus libris, non solum



de disciplinis Mathematicis: sed in genere de omnibus artibus & scientiis agat: in quibus res veræ simpliciter exponuntur, quas ideo Dialogis & disputationibus, per interrogationem & responsionem factis: in quibus etiam verisimilia, & ἀπαλογοῦντοί & vitiose ratiocinationes locum habent, opponit, Post. 1. cap. 9. Quasq; tam late patere ait, quàm patet sensum vsus, cap. 14. & cap. 9. Medicinam & Physicam disciplinas appellat. Et Galenus de Opt. Secta ad Thrasybulum: Omnium, inquit, artium & scientiarum præcepta, æquæ sunt perpetua et aterna.

Sed in his tribus legibus Aristotelicis et obscuritas quædam est propter brevitatem. Nam prima Lex, De omni, complectitur non solum veritatem, necessitatem et universalitytem: sed etiam affirmationem: Deinde, secunda Lex Per se, rursum et veritatem et necessitatem includit: Tertia autem, utramque præcedentem, et insuper Reciprocationem complectitur. Præterea universale Primum non est solum artis, sed etiam Historiæ, ut ex ipso Aristotele docuimus, Quare nos paulo aliter has Leges distinximus et proposuimus, ut et facilius intelligi et ad usum rectius transferri possint.

Atq; hoc Enunciati iudicium totius reliqui iudicii fundamentum est. Hoc enim omnium artium omnes omnino Enunciationes per se clare et manifeste indicantur, et omnis omnino Questio, cui non possit responderi Ita vel Non, hoc Enunciati iudicio indicatur. Ut cum quaritur Quæ Causse, Quæ Effecta, Quæ Subiecta, Quæ Adiuncta, Vbi est, Quando erit, Quæ Partes, Quid est, &c. Nam si respondeas quod quaritur, acquiescit auditor, querereq; ultra et dubitare desinit.

Ac postea, quicquid indicatur, ope huius iudicii indicatur.

DE



**PARTES** Enunciati sunt duae: quarum prior *ὑποκείμενον* Subiectum, posterior *κατηγορούμενον* Prædicatum dicitur: quorum illud ferè thema: hoc Argumentum est, possunt & Antecedens & Consequens seu prior & posterior dici. Hinc Enunciatio in Species diuidi solet, nempe Simplicem & Coniunctam.

Simplex est, quæ partibus Simplicibus constat. Atque hic breuissima Enunciatio & Oratio est, quæ Nomine & Verbo tantum constat, ut ait Plato in Cratyllo, ut Deus est, Christus resurrexit, Fides iustificat. Hæc deinde alijs vocibus partim ad Nomen, partim ad Verbum pertinentibus, augetur.

Nam quod de tribus partibus, Subiecto, Prædicato & Copula vulgò dicitur, id Speciale est, nec omnibus Enunciatis competit. Definitiones quidem & Diuisiones verbo Substantiuo gaudent. Sed multa alia argumenta sunt, quæ id non habent, & ipsum verbum Substantiuum verbum etiam est, & prædicatum constituit, vel solum, vel cum alijs vocibus adiunctum: ut, Deus est, Deus est bonus. Et quanquam verbum omne in Participium & verbum Substantiuum resolui potest, ut Fides est iustificans: tamen eæ resolutio & periphrasis verbi, quæ Græca magis quàm Latina est: non est necessaria. Satis enim est, vsitate loqui, & vsitato sermone, sententiam exprimere & intelligere.

Compositum seu Coniunctum est, quod dua simplicia continet vinculo aliquo Relatiuo connexa. Cuiusmodi vincula sunt, primùm nomina Infinita & Relatiua, Qui, Quicumque, Quisquis: item Qualis, Quantus, Quot, &c. Deinde Aduerbia, ut Cum, Quando. Postremò Coniunctiones, ut Si & Aut: vulgò autem ea sola Composita, Hypothesica dicitur: quæ vinculo Coniunctionis constat: Reliqua omnes Cathgoricæ. Verùm

hic



hic obseruandum est, & Simples omnes in compositas mutari posse: & contrā, Compositas in Simples resolui, eadem manente sententia: ut Homo est animal: Qui homo est, animal est. Si quis homo est, animal est. Si homo est, animal est. Item, Credens saluabitur, Qui crediderit, ille saluabitur. Si quis crediderit, seruabitur: Si homo crediderit, seruabitur. Quare an hac Distinctio Enunciati necessaria sit, dubitari potest. Et ex partibus oritur: quare partium magis quā totius esse videtur: unde & suprà monuimus & Thema & Argumentum interdum singulis vocibus, interdum pluribus contineri.

## DE SYLLOGISMO.

**H**ACTENVS dispositio simplex fuit: sequitur Coniuncta. Ea est plurium Enunciatorum dispositio: à Generali ad Speciale progrediens ac proinde ex diuisione originem trahens. Omnis enim artificiosa Enunciatorum Dispositio à generalibus, ut finitis et perpetuis, ac proinde natura prioribus & notioribus, ad Specialia progreditur. Vide Aristotelem cum alibi, tum Post. 1. cap. 20. Quare omnis eiusmodi legitima Dispositio Enunciatorū ex loco Diuisionis oriri videtur. Huic autem Dispositioni frequens leuē-tis & occultatio opponitur, constans Ellipsi, Pleonasmō & Enallage.

**DISPOSITIO** igitur Coniuncta duplex est: Syllogismus & Methodus. Syllogismus est Dispositio coniuncta, qua argumentum cum thematis compositi & dubij parte utraq, in duobus Enunciatis certis et notis, vel iam antè creditis disponitur: unde thema, quod antè dubium erat, certò & necessariò concluditur. Quæ si ex veris & certis tantū constat, Demonstratio ab Aristotele dicitur. Ex certis enim & notis seu creditis, incerta, ignota, & nondum credita docentur. Ea enim rationis conclusio probanda est, quæ ex rebus non dubijs, id quod dubitabatur, efficit, ut ait Cicero.

Zz Sapè



Sapè autem fit, quod per se verum & certum est, homini indocto, rudi & imperito, minus notum & certum fit, minusq; verum videatur propter imperitiā. Quare hic ex ijs qua antè didicit, Syllogismo docendus est. Nam quod omnino per se in rerum natura incertum & ignotum est, id nec simpliciter, nec syllogismo doceri potest. Et ad Syllogismum omnia, qua dubia sunt, reuocanda et exigenda.

Duo autem prima Enunciata, simul Antecedens: Tertium Consequens dici potest: Aristoteli *συμπέρασμα* est: id est, Conclusio, Ciceroni et Quintiliano Complexio. Et antecedentis Enunciatio prior, propositio Ciceroni est, posterior Assumptio. Et hac semper affirmata esse debet. Argumentum autem in propositione antecedit, in assumptione sequitur, ac videndum est, ut Argumentum totum in assumptione repetatur. Ad Syllogismum autem connectendum, primum Thematis: Deinde Argumenti habenda est ratio: Tertiò Dispositio Argumētum Themate instituenda est.

Syllogismus duplex est, Affirmans et Negans. Affirmans est, qui ex utraq; antecedentis affirmata thema affirmans concludit, et solus ut Enunciatum affirmans, ad docendum aptus est. Nec refert generaliter an specialiter concludit: ut,

Conditor mundi est Deus, Genes. 1. vers. 1.

Christus est conditor mundi, Col. 1. vers. 16.

Christus ergo Deus est.

*Vel Propositione composita: ut,*

Qui mundum condidit, Deus est.

Christus mundum condidit.

Christus ergo Deus est.

*Vel per vinculum coniunctionis Si, et nominis Quis.*

Si quis mundum condidit, Deus est.

Christus mundum condidit.

Christus ergo Deus est.

NEGANS



*NEGANS* est, qui ex altera antecedentis negata, thema negativum concludit, & ad refutandum idoneus est. Hic si Argumentum compositum negationem continet, etiam assumptio negata esse potest: Sed quæ negatione transposita ad affirmationem reduci possit: ut,

Qui non est mundi conditor, non est Deus.

Idolum non est conditor mundi. Jerem. 10. v. 11.

Idolum ergo non est Deus.

*Negativum Argumentum ad affirmationem reduci potest, negatione transposita: ut,*

Qui est non conditor mundi, & Idolum

Est non conditor, quomodo Hebræi loquuntur.

*Vel per conjunctionem Si & nomen Quis.*

Si quis mundum non condidit, non est Deus.

Idolum mundum non condidit.

Idolum ergo non est Deus.

*Syllogismus igitur per ea quæ certa & nota sunt: ea quæ incerta & ignota sunt docet hoc modo & concludit: non aliter atq; rerum mensura & pondera ignota, rerum nota mensura & poderis collatione docetur. Et quod Pindarus Ode 7. Nemeorū ait: Ad veritatem seu bonam causam tria verba sufficere: id etiam de Syllogismo dici potest, in quo tres termini, Argumentum maior, & minor terminus, veritatem concludunt.*

*Hæc autem Dispositio, quam in præsentia generaliter, pro generali & legitima Dispositione posuimus, Aristoteli prima figura est, quam omnium perfectissimam, & ad docendum accommodatissimam esse docet, quod ea ex generalibus ad specialia progrediatur, Poster. 1. v. 20. Sed non solum perfectissima, sed sola etiam perfecta & didactica esse videtur, ac sola omnino generalis est, & omni Themati seu quæstioni affirmanti & neganti, generali & speciali concludendo apta est. Ac commodissimum videtur ad docendum unam Syllogismi dispositionem*

Zz. 2. legitimi

NEGANS



legitimi proponere, ut unam Methodum generalem. Qua postea pro dicentis arbitrio, magis quam docendi lege variè immutentur. De qua varietate in Syllogismo nunc dicendū est.

## DE CRYPSI SYLLOGISMI.

ΚΡΥΨΙΣ Syllogismi est immutatio & occultatio. In qua etsi verum etiam necessario concluditur: tamen id minus perspicue & manifestè fit. Quare ad Iudicii facilitatem & certitudinem Κρυψις omnis ad formam Syllogismi expositam reuocanda est. Hac Κρυψις in sermone hominum quotidiano, & omnis generis scriptis Sacris & prophanis longè quàm ipse Syllogismus vsitatio est: tum propter consuetudinem & loquentium atq; dicentium libertatem: tum ad auditorem oblectandum, eiusq; fastidium leuandum: de qua Crypsi vide Priorum 2. 20. Topicorum 8. cap. 1. Elenchorum 2. 14.

Κρυψις est duplex. Numeri & Ordinis. Numeri rursus duplex est, ἑμμετρικῆς καὶ πλεονασμῆς.

## ELLIPSIS.

ELLIPSIS seu defectus est, cum è trib. enunciatis Syllogismi unum aliquod omittitur, vel desideratur. Unde Syllogismus Imperfectus fit, & Enthymema dicitur. Prio. 2. v. 27. Ad iudicandum autem, quod desideratur, restituendum est. Estq; triplex Ellipsis: vel Propositionis: vt,

Christus mundi conditor.

Christus ergo Deus est.

Vel Assumptionis: vt,

Qui mundum condidit Deus est.

Christus ergo Deus est.

Vel Complexionis: vt,

Qui mundum condidit Deus est.

Christus autem mundum condidit.

PLEO-



## P L E O N A S M V S.

P L E O N A S M V S seu redundantia est, cum ad tres Syllogismi Enunciationes aliquid accedit. Et Aristoteli προσυμνο-  
γιου & πρόσσεις: id est, adyicio dicitur. Prior. 2. vers. 26.  
Qui Syllogismus redundans dici potest. Atque huc spectat So-  
rites, & Expolitio Rhetorica ex parte. Hic autem quod ad iudi-  
candum redundat, detrahendum est.

Accedit autem vel Argumentum unum vel plura, vel ali-  
qua antecedentis exornatio aut approbatio. Ex Argumento  
etiam duplicato etiam enunciationes Antecedentis multipli-  
cantur: vt,

Quicumque mundum condidit: & qui Filius Dei  
est, is Deus est.

Christus autem & mundū cōdidit, & Filius Dei est.

Christus ergo Deus est.

Hic in Antecedente duo Argumenta sunt et quatuor Propo-  
sitiones, & proinde duo Syllogismi in vno potestate sunt. Atq;  
hoc modo plurium Syllogismorum ad idem Thema pertinenti-  
um summa pro Syllogismo comprehendipotest & solet.

Exornatio vel approbatio accedit: vt,

Qui mundum condidit Deus est: quoniam ea vis  
& potentia solius Dei est, vt tota Scriptura te-  
statur.

Christus mundum condidit, vt testatur Apostolus:  
ad Coloss. i. v. 16.

Christus ergo Deus est.

## E N A L L A G E.

E N A L L A G E est ordinis & loci immutatio. Estque vel  
Enunciatorum vel partium enunciati. Enunciatorum triplex  
est, pro triplici Enunciatione.

Prima, cum assumptio primo loco est, Propositio secundo: vt,

Christus mundum condidit.

Zz 3. Qui-



Quicumque autem mundum condidit, Deus est.

Quare Christus Deus est.

*Atq; hanc Dispositionem Valla etiam in prima figura probavit, qui à priori Thematis parte ad posteriorem progreditur: sed contra artis naturæ leges, quæ à generalibus ad specialia progreditur. Villichius etiam hinc quartam figuram efficere voluit, quod non est necesse, cum sit tantum Reptus veri Syllogismi. Et si hinc figura faciendæ est, etiam ex sequentibus Inuersionibus figuræ fieri possent.*

*Secunda, cum Complexio primo loco collocatur. Eaque duplex. Complexionem enim sequitur vel Propositio, vel Assumptio.*

*Propositio: vt,*

Christus Deus est.

Quicumque enim mundum condidit, Deus est.

Christus autem mundum condidit.

*Assumptio: vt,*

Christus Deus est.

Christus enim mundum condidit.

Quicumque autem mundum condidit, Deus est.

#### ENALLAGE PARTIVM, ET PRIMVM CONVERSIO.

*ENALLAGE partium in Enunciatis, est cum ordo partium Thematis & Argumenti in antecedente mutatur. Estq; duplex, Conuersio, & Transpositio.*

*Conuersio est, cum ordo partium vnius Enunciati immutatur, eadem manente sententia, Græcè ἀντιστροφή. De qua Prior. 1. cap. 2. agit Aristoteles. Latius autem patet hoc loco conuersio, quam reciprocatio, de qua in Enunciatis dictum est.*

*Conuer-*



*Conuertitur autem simpliciter reciproca, cum affirmans  
tum vniuersaliter negans, & particularis affirmans.*

*Reciproca affirmans: vt,*

Deus est mundi conditor:

Et mundi conditor est Deus.

*Negans vniuersalis: vt,*

Nemo credentium perit.

Et nemo pereuntium credit. *Vel,*

Qui mundum non condidit, non est Deus:

Et qui non est Deus, non est mundi conditor.

*Particularis affirmans: vt,*

Quidam diuites Deo placent.

Et quidam Deo placentes sunt diuites.

*Non simpliciter conuertitur affirmatiua vniuersalis. Nam  
vel conuertitur in negatiuam vtrinq; negantem, quod vulgè  
Contrapositio dicitur: vt,*

Deus est mundi conditor.

Et qui non est mundi conditor, non est Deus.

*Et hac contrà in illam conuertitur.*

*Quòd si autem in affirmatiua vniuersali predicatum sub-  
iecto latius est: conuersio fit in particularem affirmatiuam,  
quod vocant per accidens conuerti: vt,*

Homo est animal.

Et quoddam animal est homo. *Item:*

Christus est pauper:

Et quidam pauper est Christus.

*Cum autem Propositio Syllogismi reciproca est. Argumētum  
in assumptione vel præcedit, vel sequitur indifferenter, eadem  
manente ferè vi concludendi & complexione. Conuersio ergo  
Syllogismi, vel est propositionis, vel assumptionis. Propositio con-  
uertitur vel affirmata & reciproca: vt,*

Qui Deus est, mundi conditor est.

Christus



Christus mundi conditor est.

Christus ergo Deus est.

*Hic Propositio simpliciter conuersa est: unde Argumentum in utraq, antecedentis consequitur. Valet autem connexio, non vi dispositionis, sed vi propositionis reciproca, ut modò dictum est, vel negata, idq, vel simpliciter: vt,*

Qui non est Deus, non est mundi conditor.

Idolum non est mundi conditor.

Idolum ergo non est Deus.

*Vel per contrapositionem: vt,*

Deus est mundi conditor.

Idolum non est mundi conditor.

Idolum ergo non est Deus.

*In his duobus Syllogismis, etiam Argumentum sequitur, in utraq, antecedentis. Ac posterior forma magis vsitata est.*

*Atque hac  $\text{neg} \vee \text{dis}$  secunda figura Aristotelis est, quæ negatiuè tantum concludere dicitur. Veruntamen in reciprocis etiam affirmatiuè concludit: extra autem reciproca, negatiuè tantum.*

*Cum Assumptio conuertitur argumentum in utraq, antecedentis præcedit. Affirmata ergo conuertitur per accidens: vt,*

Mundi conditor Deus est.

Mundi conditor est Christus.

Christus ergo Deus est.

*Negans simpliciter conuertitur: vt,*

Mundi conditor est Deus.

Mundi conditor non est Idolum.

Idolum ergo non est Deus.

*Atq, hæc  $\text{neg} \vee \text{dis}$  conuersionis Aristoteli tertia figura est: quæ extra reciprocationem propositionis, specialiter tantum et particulariter concludit. Quare nec illa nec hæc, omnis thematis concludendi forma est, sed illa questionis & thematis negantis tantum, hæc particularis. Ac posterior  $\text{neg} \vee \text{dis}$  ex assumptionis*



SACRÆ SCRIPTURÆ. 365

ptionis conuersione in usu aut rara aut nulla est. Nam Enun-  
ciatum seu Thema speciale solo inductionis Argumēto & exem-  
plo speciali sine Syllogismo doceri solet: vt,

Quidam diuites Deo placēt, vt Abrahā, Dauid, &c.

TRANSPOSITIO.

TRANSPOSITIO est, cū pars prior Thematis ex as-  
sumptione in propositionem transfertur, & cum Argumento  
coniungitur: ac proinde & in assumptione & complexione  
idem ferē repetitur. Quare Cicero repetitionis vitanda causa,  
pro assumptione & complexione, breuioribus formulis hic uti  
solet: vt,

Hoc primum prius, antecedens est, aut verum est:

Hoc ergo vel secundum vel posterius, vel conse-  
quens est, aut verum est.

Hac autem transpositio fit tantū in Syllogismo, qui vul-  
gō Hypotheticus seu connexus aut compositus dicitur. Vnde &  
duplex esse potest, nempe syllogismi connexi & disiuncti. Con-  
nexi in quo propositio per cōiunctionem Si, et synonyma qua-  
dam connectitur affirmatē: vt,

Si Christus mundum condidit, Deus est.

At Christus mundum condidit.

Christus ergo Deus est.

Hic Christus prior pars Thematis et complexionis, ex as-  
sumptione in propositionem translata est, et cum Argumento, nem-  
pe, mundum condidit, coniuncta: vnde et ter ponitur. Negati-  
uē hoc modo:

Si Idolum Deus est, adorandum est.

At Idolum adorandum non est.

Idolum igitur Deus non est.

Hic rursum Idolum, prior pars quæstionis et complexionis  
ter ponitur.

Sed hic interdum et alia Transpositio fit. Nam prior thematis

Aaa pars



*pars in propositione assumpta, non solum cum Argumento iungitur: sed etiam interdum cum posteriori Thematis parte. Atque ita totum Thema in propositione cum Argumento precedente collocatur: unde & argumentum solum in assumptione repetitur: ut,*

*Si Christus resurrexit, nos etiam resurgemus, 1. Cor. 15.*

*At Christus. Ergo nos.*

*Hic prior pars questionis nos, cum posteriori, resurgemus, in propositione coniungitur: atque ita totum Thema cum Argumento precedente Christus resurrexit, collocatur. Unde & Argumentum solum, Christus resurrexit in assumptione repetitur. Sed & hac forma ad priorem reuocari potest hoc modo:*

*Si Christus resurrexit, nos etiam resuscitabit.*

*At Christus resurrexit.*

*Christus igitur nos resuscitabit.*

*Disiunctio est, in quo Propositio per coniunctionem Disiunctiuam, aut, item, non, & & synonyma connectitur. Estque semper Propositio ex Dissentaneis & Negatiue uniuersaliis, quod uerum est, ac proinde reciproce & utriusque concludens.*

*Affirmatiue: ut,*

*Christus aut Deus est, aut creatura est:*

*Christus autem creatura non est:*

*Christus ergo Deus est.*

*Negatiue:*

*Idolum aut Deus est, aut creatura est:*

*At idolum creatura est.*

*Idolum ergo Deus non est.*

*Sic de actione affirmatiue. Homini aut pereundum, aut resipiscendum est. At homini non pereundum. Homini igitur resipiscendum est. In his omnibus prior pars Thematis repetitur.*

*Verum hac  $\kappa\alpha\iota$  & Transpositio in Syllogismo Hypothetico ad legitimam Syllogismi dispositionem & Syllogismum Categoricum reuocari potest: Si prior Thematis pars ex Propositione:*



sitione eximatur, & eius loco Propositioni nomen aliquod generale preponatur: sub quo generali, subsumptio fieri possit: cuiusmodi sunt infinita illa genera omnia vel propinqua vel remota, ut res vel homo, & infinita illa ad hanc rem commodissima: Qui, quicumque, quisquis, qui homo, quæ res, &c.

In connexo affirmato: vt,

Quicumque mundum condidit, Deus est.

Christus autem mundum condidit.

Christus ergo Deus est.

In connexo negato hoc modo:

Quod non est adorandum, non est Deus.

Idolum non est adorandum.

Idolum ergo non est Deus.

Et in altera Transpositione.

Qui resuscitatore viuum habent, illi resurgent.

Nos resuscitorem Christum viuētem habemus.

Nos ergo resurgemus.

In disiuncto itidem. Si propositio disiunctiua in super in negatiuam mutetur. In Affirmato: vt,

Qui creatura non est, Deus est.

Christus creatura non est.

Christus ergo Deus.

In Negato: vt,

Quæ res creatura est, ea Deus non est.

Idolum creatura est.

Idolum ergo Deus non est.

Postremus Syllogismus etiam hoc modo reduci potest:

Cui aut percundum aut resipiscendum, ei potius resipiscendum est.

Omni homini vel Petro, vel Magdalene, vel Dauidi, aut percundum, aut resipiscendum est:

Omni igitur homini, vel Dauidi, &c. resipiscendum est.

Aaa 2 Atque



*Atque hanc reductionem Syllogismi Hypothetici ad categoricum & Transpositionis terminorum, ad primam dispositionem ostendit Cicero etiā in Topicis, Numero 225. vel pag. 697. in Argentinensibus exemplaribus, ubi de Consequentibus agit. Ibi enim ostendit hunc Syllogismum:*

Cui omne argentum legatum est, ei & pecunia signata & numerata legata est.

Mulieri omne argentum legatum est.

Mulieri ergo pecunia signata & numerata legata est.

*Hunc inquam Syllogismum etiam connexis & disiunctis, ut vocant, Syllogismis concludi posse docet.*

*Omnis ergo Argumentandi varietas ad Syllogismum primæ figurae facile & commodè hoc modo reuocari potest. Quare hæ varietates non esse species, ab illo Syllogismo distincta videntur: sed potius eiusdem crypsis & immutationes. Neque enim species natura distinctæ sunt, quarum una in aliam mutari potest. In his autem omnibus & primo Syllogismo & crypsibus unum & idem Thema, ut nunc vidimus, concludi potest. Et si pro singulis crypsis speciebus, singula Syllogismi species essent faciendæ, fierent innumerabiles, quod Stoicis contigisse eodem loco ait Cicero. Hæ enim tres crypses Ellipsis, Pleonasmus & Enallage simplices tantum crypses sunt: quæ si inter se permisceantur, infinitæ erunt.*

*Neque verò difficile erit, qualiscunque crypsis oblata fuerit, eam ad Syllogismum legitimum reuocare, si quis primum Thema consideret; Deinde argumentum cum Thematis partibus disponat. Atque hæc de Syllogismo.*

#### DE PARALOGISMO SEV SOPHISMATE ET VITIO

##### Syllogismi.

*Est vitia artis in arte non sunt tradenda, ut in Enunciato*



ciato dictum est: tamen quia contraria iuxta se posita magis illucescunt, vitia etiam argumenti ea collationis causa, interdum etiam obiter quasi veris praeceptis addi possunt. Quare hic etiam de Syllogismi vitijs quibusdam monebo, unde nascitur *παράλογισμός* seu vitiosus Syllogismus. Sophisma ergo seu vitium Syllogismi duplex est: Comune & Proprium. Comune est, quod etiam argumento & enunciato competit, & vulgò vitium in materia dicitur. Estq; duplex, Ambiguum aut Falsum. Ambiguum est cum idem terminus aliter atq; aliter accipitur. Atq; hoc vitium ex cognitione sermonis dyudicatur, & termini ambigui explicatione discutitur: seu distinctione ambiguitatis & varia significationis.

Ambiguitas est vel in argumento, vel in termino questionis: id est, conclusionis. Argumenti ambiguitas vrsitatior est: vt,

Caro & sanguis regnum Dei non possidebunt,

1. Cor. 15. ver. 50.

Omnis homo est caro & sanguis.

Nullus ergo homo regnum Dei possidebit.

Resp. Est ambiguitas in argumento. Caro enim & sanguis in propositione & verbis Pauli Metonymicòs accipitur pro corporum natura infirma, & corruptioni obnoxia: id est, non pro ipso corpore humano, sed pro corporis adiuncto. In assumptione autem de ipso corpore humano Synecdochicòs accipitur.

In fallacia Compositionis & Diuisionis etiam Argumentum ambiguum est, vt in illo vulgari exemplo:

Duo & tria sunt paria & imparia.

Quinq; sunt duo & tria.

Quinq; ergo sunt paria & imparia.

Resp. Duo & tria diuersimodè accipiuntur. In propositione diuisa & distincta: In assumptione autem coniuncta.

Terminus questionis ambiguus est: vt,

Omnis caro foenum est, Esaia 4. ver. 5.

Aaa 3

Omnis



Omnis homo est caro.

Omnis ergo homo fœnum est.

Resp. *Terminus fœnum in Antecedente Metaphoricè accipitur, pro feno similis: in consequente autem & complexione sine Tropo. Nam si utrobique eodem modo & Metaphoricè accipiat, nullum vitium est.*

*Falsum est, cum Antecedentis Enunciatio altera vel utraq; falsa est. Quod in Theologia sine solida doctrina celestis cognitione intelligi & dijudicari non potest. Hoc autem vitium Syllogismo cum Enunciato commune est, & ex Enunciato oritur, & nomine falsitatis rejciendum & reprehendendum est atq; negandum. Propositio falsa est, ut in argumento Sabellij:*

*Quæcunq; vnum sunt, distingui nequeunt.*

*Pater & Filius vnum sunt, Ioh. 10. vers. 30.*

*Pater & Filius ergo distingui nequeunt.*

*Assumptio falsa est, ut in illo Martionis:*

*Quod à malo est, malum est.*

*Vetus Testamentum à malo est.*

*Vetus ergo Testamentum malum est.*

*Proprium Syllogismi vitium est, quod in Syllogismi definitionem peccat: id est, cum vitio formæ & dispositionis falsum concluditur: & eorum quæ dici potest: vulgò mala & vitiosa consequentia, & vitium in forma Syllogismi dicitur. Et eiusdem vitij nomine reprehenditur.*

*Estq; vel in Antecedente vel in Consequente. In Antecedente est, Primum, cum ex utraq; antecedentis negativa concluditur, quod aliàs dicitur: ex puris negativis concludere: ut,*

*Nullus lapis est baptizandus.*

*Nullus infans est lapis.*

*Nullus ergo infans est baptizandus.*

*Excipe hic. Primum, cum Propositio duplicem negationem continet, de quo supra diximus. Vel assumptione tantum negata: ut.*

Omnis



Omnis homo est animal.  
Nullus equus est homo.  
Nullus ergo equus est animal.

*Secundò, cum utraq; antecedentis particularis est: vt,*

Aulici sunt diuites.  
Ego ero aulicus.  
Ego ergo ero diues.

*Vel cum Propositio particularis est: vt,*

Quidam diuites saluantur.  
Hi omnes sunt diuites.  
Hi ergo omnes saluantur.

*Tertiò: Cum Argumentum non rectè repetitur, quod fit. Pri-  
mò, cum diuersum prorsus in assumptione est: vt,*

Magistratus gladio punit peccata.  
Petrus est Apostolus.  
Petrus ergo gladio peccata punire debet.

*Deinde cum aliqua pars Argumèti in assumptione omittitur: vt,*

Omnes sapientes Græciæ sunt septem.  
Solon & Periander sunt sapientes Græciæ.  
Solon ergo & Periander sunt septem.

*Resp. Hic vocem omnes, partem Argumenti in assumptio-  
ne omissem esse, quæ si addatur assumptio falsa fit.*

*Tertiò, cum aliquid superfluum Argumento additur in as-  
sumptione: vt,*

Quicquid est in domo mea, hoc est in oppido.  
Vnicus fons est in domo mea.  
Vnicus ergo fons est in oppido.

*Resp. Vocem vnicus in assumptione perperam Argumento  
addi, & sub voce quicquid subsummi.*

*Quartò, cum sub parte tantum Argumenti subsumptio fit: vt,*

Qui dicit te esse animal, verum dicit.  
Qui dicit te esse asinum, dicit te esse animal.

Qui



Qui ergo dicit te esse asinum verum dicit.

Resp. *Subsumptio fit sub parte Argumenti, nempe animali, non sub toto: seu totum Argumentum non repetitur. Vera enim Subsumptio & Argumenti repetitio hac esset:*

Hic vel ille dicit te esse animal.

Hic ergo vel ille verum dicit. *Sic:*

Qui dicit te hominem esse, verum dicit.

Qui dicit te hæreticum esse, dicit te hominem esse.

Qui ergo dicit te hæreticum esse, verum dicit.

Resp. *Argumentum non totum repeti, sed sub parte tantum Argumenti subsumi, nempe sub homine. Recta enim & plena Subsumptio esset.*

Hic vel ille dicit te hominem esse.

Hic ergo verum dicit.

*Atq; hic interdum etiam ambiguitas accedit: vt,*

Qui solum videt, non audit.

Qui terram videt, solum videt.

Qui ergo terram videt, non audit.

Resp. *Subsumptio facta est sub parte tantum Argumenti, nempe solum. Idq; ambiguè. Solum enim in Propositione Aduerbiu est, tantum significans: In assumptione autem terram significat. Recta & plena Subsumptio hac esset:*

Hic vel ille solum videt.

Hic ergo non audit.

*Tale esset illud, sine ambiguitate tamen:*

In omni contradictione altera pars falsa est.

Quod fides iustificat, altera pars contradictionis est.

Quod ergo fides iustificet, falsum est.

Resp. *Subsumptio facta est sub parte tantum Argumenti, nempe pars altera. Vera autem assumptio esset: Fides iustificat, & Fides non iustificat, Contradictio est. Hic ergo pars altera falsa est.*

*In consequente ἀσυλλογισ: & est. Primum, si pars Argumenti complexioni miscetur: vt.*

Affe-



SACRÆ SCRIPTURÆ: 373

Affectus per se boni contaminantur infirmitate humana.

Στοργαὶ sunt affectus per se boni.

Στοργαὶ ergo per se contaminantur.

Hic pars Argumenti per se, complexioni miscetur. Vera complexio esset: στοργαὶ ergo contaminantur infirmitate humana.

Secundò, Cum aliquid complexioni additur, quod in antecedente non fuit: ut,

Qui Fide iustus est, opere iustus est.

Homines Fide iusti sunt.

Homines ergo propter opera iusti sunt.

Hic particula propter, inserta est, et casus etiā mutatus. Itē:

Qui peccare non desinunt, perituri sunt.

Hic peccare non desinit.

Hic ergo paulò post morietur.

Hic, paulò post, insertū est, quod in Antecedente non fuit.

Atq; hactenus παραλογισμὸς fuit, eiusq; solutio. Et hæc solutio Paralogismi realis dicitur. Alia est solutio quæ personalis dicitur, seu solutio ad hominē. Ea fit, cum vel Argumenta proposita eleuantur, contemnuntur & irridentur, ut responsione indigna: vel etiā dissimulantur & aduersarius ab Argumento proposito longis Digressionibus & Declamationibus abducitur.

Deinde cum persona ipsa reprehenditur, ut quæ digna non sit, quæ talia proponat: vel cui respondeatur. Atq; hæc solutio ferè per conuitia fieri solet. Vide Rodolphum lib. 2. cap. 21. Sed hæc solutio Argumenti solutio non est, sed elusio tantum, bonis indigna: nisi fortè quibus cum præfactis sophistis & nimis molestis rixatoribus est negotium.

DE METHODO.

DE Syllogismo dictum est: sequitur Methodus. Vox autem Methodi οὐνοῦ μὲν καὶ πολύου μὲν ἐστὶ, aliàs enim generaliter et latè pro doctrina, scientia & arte quavis: & doctrina & artis

Bbb parte



parte usurpatur. Sic Plato in Phædro, & 7. de Republica, ea voce usus est. Sic Aristoteles Analyticorum priorum, lib. 2. ca. 15. Et Ethicorum 1. cap. 1. Et Physicorum 1. cap. 1. & alibi utitur. Deinde specialiter pro Dialectica tota, & eius partibus omnibus, accipitur. Sic Platoni etiam 7. de Republica Methodus δὲ λέξις dicitur. Atq; hoc sensu hac voce utuntur nonnulli, qui multas & particulares Methodos faciunt. In quibus præcepta Dialectica inuentionis & Dispositionis ferè repetuntur. Atqui ita Definitio & Diuisio Methodi dicuntur. Et Methodus definitiua & diuisiua dicitur. Postremò, specialissimè pro postrema Dialectices parte accipitur, de qua nunc dicendum est.

METHODVS ergo est dispositio cōiuncta, qua plura Enūciata ad idem thema pertinentia disponuntur, à generalibus ad specialia progrediens, & membra præcipua aptis transitionibus connectens. Plato ἀνακλιὰ λόγου καὶ λέξεως: id est, necessitatem scriptoriam & vinculum artis atq; doctrinæ. & ipsum δὲ λέξις in Phædro appellat. Aliàs Oeconomia dicitur. Cicero, viam & rationem & artem etiam vocat lib. 1. de Oratore. Fabius breue compendium vocat.

Methodus ergo similis est ciuitatis in regiones, vicos, & domicilia distributioni. Qua, vt Platoni placet, sacerdotibus ad templa: iudicibus ad fora: militibus ad muros: mercatoribus & opificibus, in reliquis urbis regionibus, loca & domicilia, tribuuntur. De hac Plato in Phædro ait: Etiam atq; etiam circumspiciendum esse, quæ via breuissima sit: ne longiorem ingrediamur, cum breui & plana incedere liceat.

## DEFINITIONIS ANALYSIS

## SEV EXPLICATIO.

Genus in definitione est Dispositio coniuncta: id enim Syllogismo & Methodo commune est. In Syllogismo enim duplex Dispositio est, una argumenti cū partibus quæstionis: altera enūciatorum



ciatorū trium, quæ ex illa Dispositione nascuntur, nempe Propositionis, Assumptionis & Complexionis.

Differentia materiam & formam complectitur. Materia est in Enunciatis eorumq; natura, ac primum in numero. Enunciata enim Methodo disponenda plura esse debent: Quorum numerus vel ex re ipsa, eiusq; explicatione sufficienti pendet: vel ex docentis arbitrio pro loco, tempore, auditorum captu & usu, ex generali utilitatis lege constituitur.

Deinde in genere Enunciatorum. Debent autem Enunciata diuersa quidem esse: sed omnia tamē ad idem thema seu genus pertinere, ut inter ea quædam sit quasi affinitas & cognatio. Quod Aristoteli καὶ ὁμογενὲς, per se, & Homogenea dicitur. In Heterogeneis autem alienis prorsus inter se Enunciatis, ordo vel nullus, vel arbitrij potius, quàm artis est.

Forma Methodi est, à generalibus ad specialia progressio. Hic aut generale et speciale latius quàm antè patere sciendū est. Hic enim generale est, quod pluribus inest: seu quod pluribus comune est: seu quod ut unum multis comune sumitur: & per se sine alio intelligi & explicari potest. Speciale contrà est. Vniuersale, generale, comune, pro eodem sunt hic: itidē & particulare, speciale, singulare, propriū, &c. Sic Aristoteles vniuersale definit, et de vniuersali loquitur, de partib. animal. li. 1. ca. 4. Vniuersalia, inquit, sunt communia. Quæ enim in pluribus insunt: ea vniuersalia appellamus. Et Metaphys. 4. cap. 3. per translationem, inquit, elementū dicitur quicquid unum paruum, et ad multa utile est. Vnde et ea, quæ maximè vniuersalia sunt, et latissimè patent, elementa sunt: propterea quod vñquodq; eorū, vñcū sit, et simplex, in multis reperitur, aut omnibus, aut quàm plurimis. Et Physic. lib. 3. cap. 1. de loco et tēpore primū dicendū est: quod hæc omnibus communia sint, et omnibus vniuersalia.

Sic & Galenus de Constitutione artis medicæ: Communissimus, inquit, & generalissimus artis scopus est, contrarietas, ut



ab Hippocrate dictū est, particulatim autem particularia cōtraria, ut calido morbo, frigidū remedium. Et lib. 2. de Methodo medendi duplicem, inquit, cognitionem habent etiam a fini, communium specierū alteram, priuatarum alteram. In summa, siue vnā speciem appellare commune illud velis, siue genus, siue communitatem si illius quam ipse nunc interpretor, notionem custodias: de nominibus cōtendas, rem tamen ipsam mutare non poteris.

Ex hac ergo vniuersalis definitione, non solum totū & summa partibus, & genus speciebus, & definitio diuisione: sed etiā pars speciebus, pars item partibus, & species speciebus generalior & vniuersalior est. Sic pars speciebus vniuersalis est, ut litera & syllaba omnibus vocis speciebus: illa enim his omnibus insunt: Sic corpus & anima, & corporis partes omnes hominis speciebus vniuersales sunt: sic pars partibus, ut litera syllaba, syllaba vocis, sanguis carni, caro manui & pedi, &c.

De his Aristoteles Topicorum 6. cap. 2. ait: Prius & notius est, punctum: linea superficies: superficies solido: item vnitās numero, & litera, syllaba. Species etiam rudior & imperfectior, specie perfectiori vniuersalior est, quod eius adiuncta & partes huic etiam insunt. Sic arbor animali, bestia hominibus, vniuersalis est. Sed hic interdum vniuersalis & specialis distinctio obscurior est, ubi ordo arbitrio docentis relinquitur.

Hinc ergo fit, quod in artibus & doctrinis, in quibus Methodus accurata obseruatur. Primum perpetua et iusta quedam cōsuetudo sint. Deinde duo quasi cōtrarij ordines concurrant & coniungantur, quorum ille Analysis seu Resolutio: hic cōpositio seu cōpositio: id est, Compositio seu Generatio dici potest.

Primum enim cū totum in partes, & genus in species diuiditur, Analysis est, & quasi cōpositio quedam, & rei ex aedificata destructio ab vno et finito, ad plura & infinita progrediens, ut cū Grammatica in Etymologiam et Syntaxin: vox in literam.



teram et syllabam ut partes diuiditur. Dialectica in Inuentio-  
nem et Dispositionem. Deinde, in ipsa partium et specierum in-  
ter se dispositione et collocatione συνθεσις καὶ γένεσις ἐστὶ, et que-  
dam quasi domus destructa partium, coagmentatio, à pluribus  
ad vnum, ab infinito ad finitum progrediens. Hic enim pars &  
species simplicior et rudior, & quæ alijs inest, primo loco colloca-  
tur: cui deinde specialior et magis composita opponitur, atque  
adiungitur, ut cum primum in Etymologia litera, tum syllaba,  
post vox, eiusq; species, postremò in Syntaxi oratio collocatur et  
explicatur. Atq; ita ædificium quasi quoddam ex partibus in-  
ter se coagmentatis, rursum extruitur. Sic si dicam exempli  
caussa: Theologiæ duæ sunt partes: vna, Doctrina fidei: altera,  
Doctrina de fidei operibus: seu fides et opera fidei. Hic primum  
resolutio seu diuisio est rei totius, nempe Theologia in partes,  
nempe doctrinam fidei, et doctrinam operum fidei. Deinde in  
ipsa partium duarum collocatione et dispositione inter sese con-  
trarius ordo est, nempe συνθεσις seu compositio: qua fides ut  
pars simplicior preponitur: opera fidei, ut pars composita, poste-  
riori loco ponitur.

Quare quod de duabus Methodis generalibus diuersis &  
contrarijs, nempe analysi et synthesi alias dicitur, infirmum est:  
utraq; enim in vna et eadem doctrina concurrunt: & vnā  
tantum Methodum constituit. Vt enim cæli motus duobus con-  
trarijs motibus constat: ita Methodus duabus contrarijs vjs.  
Qua in re quiddam planè diuinum est, ut non mirum sit Pla-  
tonem in Phædro Methodum donum Deorum appellare. Multò  
etiam minus firmum est, quod de tribus Methodis dicitur. Dia-  
resis enim seu Diuisio Argumentum tantum est, vel ἀνάλυσις  
quoddam Methodi origo, & pars tantum.

Præterea ex hac vniuersalis definitione etiam id quod loco  
& tempore prius est, vniuersale esse videtur: quod autem po-  
sterius est speciale, ut in Historijs: prius enim posterioribus in-



est & commune est, & per se sine illis intelligi potest: posteriora contrá.

Ordinis huius adiunctum est, Trāsitiō ut dicitur. Quae inter figuras Rhetoricas à Cicerone numeratur. Et ad Herennium definitur, ut sit oratio, quae & ostendit breuiter quod dictū sit: et proponit breuiter quod cōsequatur. Quintilian. lib. 4. cap. 5. eam nomine Partitionis his verbis laudat: Reficit quoq; auditorem, ait: certo singularum partium sine, nō aliter, quam iter facientibus multum detrahunt fatigationis, notata in scriptis lapidibus spacia. Nam & exhausti laboris nosse mensuram voluptati est: & hortatur ad reliqua fortius exequenda, scire quantum supersit. Nihil enim longum videri necesse est: in quo quid ultimum sit, certum est. Ea autem tum adhibetur, cum partes praecipue maiores & longiores connectendae sunt, ut exempli causa. Haecenus de fide dictum est: nunc de charitate dicendum est. Item haecenus de Spiritu Sancto eiusque natura dictum est: nunc de eius officijs & beneficijs dicendum est. Varias autem formulas Transitionis recitat Erasmus lib. 1. cap. 53.

Ordinis ergo ratio in generalibus et specialibus, ut apertius dicatur, haec est: Vt omnis doctrina sit quasi corpus quoddam animalis vel hominis, ex varijs partibus & membris compositum & coagmentatum, ut ait Plato in Phaedro: In hoc autem corpore primum, commune & generale aliquid, & summa quaedam omnium aliorum esse debent, quod sit quasi caput in corpore. Huic deinde capiti, subijcienda est distributio in partes & membra principalia, vel species quasi in truncum & artus.

Atque hic rursū pars membrum & species generalior speciali praeponi debet. Tum qualibet pars & species eodem ordine, rursū tractanda & explicanda est, quoad opus fuerit, et membra praecipua, Transitionibus colliganda sunt.

Et



Et ut hoc etiam specialiter dicatur, si Thema aliquod simplex ex argumentis tantum docendum est, ut Deus, fides, iustitia: Hæc ratio Methodi postulat, ut omnia alia argumenta, ante Divisionem colligantur et collocentur: cetera enim omnia ad divisionem generalia sunt: Divisio ad specialia descendit.

Atque hoc modo et hac Methodo omnis omnino ars, doctrina, oratio, poema, epistola, historia, interpretatio institui & contexti potest, et ex parte solet, in Theologia, Iurisprudentia, Medicina, Philosophia tota & parte omni eius et artibus. Atque hætenus Definitio Methodi, eiusq. usus & usus fuit. De qua, iudiciū et dictū Platonis in Phædro dignū observatione est: Methodū, inquit, docere et explicare nō est admodū difficile: ad usum autē transferre, longè omnium difficillimū est. Atq. huc spectat illud etiā Divisionis elogium, quod inibi à Socrate proponitur: Si quem, inquit, offendero, qui scitè et apud unū et multa discere potuerit, hunc à tergo vestigijs quasi Deum confector.

De Methodo autē plura ex professo tradit Plato in Philebo, in Phædro, in Sophista, in Ciuili et passim alibi: Aristoteles autē breuius indicat lib. 1. cap. 1. Metaphysic. 1. cap. 2. de partibus animalium lib. 1. cap. 1. et 2. Et Porphyrius in capite de specie. Galenus itē cū alibi, tū lib. 9. de placitis Hyppocratis et Platonis copiose varijs nominib. ex Platone repetit: Itē ad Glauconē lib. 1. ca. 1. Et de curā di ratione per sanguinis missionē ca. 3. Cicer. lib. 1. de Oratore, ubi de arte iuris agit. Rodolphus lib. 3. cap. 9. Vines de causis corruptarū artium lib. 1. Philippus in Prædicabilibus quæstione quarta: cur prædicabilia etiam vniuersalia appellantur? ubi ait: Naturalem ordinem esse, ut angustiora declarentur per communiora.

## DE CRYPTIS METHODI.

Ut Syllogismi: ita et Methodi cryptis quædā est, eaq. nō minus quàm Methodus, aut magis etiā apud Oratores et Poetas præsertim vsitata. Quā Cic. de Oratore lib. 2. Ordine prudentia vocat.

Eius



Eius partes tres sunt: Ellipsis, Pleonasmus, & Enallage.

ELLIPSIS est, cum aliquid desideratur, et Enunciata quada ad Thema pertinentia in aliqua orationis parte omittuntur.

PLEONAS MUS est, cum aliquid redundat: sine quo Thema ipsum explicari posset. Quod & amplificatio dicitur. Estq; duplex, Tautologia, & Heterogenea.

Tautologia est, cum eiusdem rei repetitiones, & in eadem re comorations verbis sunt. Quod Epexergasian & Expolitio-nem vocant Rhetores. Atq; huc spectat vocum seu sententiarum synonyma & isodinamia seu equipollentia.

Heterogenea est, cum παρακλήσεις seu digressiones à re sunt, & aliena à Themate seu Heterogenea assumuntur. Aristoteles de poetica περὶ ὁδοῦ: id est, aduentitia appellat. Atque huc spectant Exordia & Epilogi Rhetorum, quorum illa ferè extracausam assumuntur: Hi rem ferè breuiter repetunt. Vide Aristotelem Rhetoricorum 3. cap. 16.

ENALLAGE est cum rerum & partium ordo inuertitur: & antecedentia nonnulla consequentibus postponuntur. Quod & Hysterologia dicitur.

Huius autem crypsis usus tum est: cum non tantum docere, sed etiam delectare & mouere opus est: & delectatione & motu aliquo maiore auditor in parte aliqua orationis detinendus & fallendus est. Ac proinde hac crypsi, Poeta precipue, et Oratores non solum prophani: sed etiam sacri: id est, Propheta et Apostoli in suis carminibus et concionibus saepe vtuntur. Quod ipsis non solum simpliciter docere: sed etiam persuadere et delectare et mouere: et homines segnes et stupidos ad fidem et pietatem amplectendam excitare propositum sit. Vnde plerumq; diuisiones nullas aperte proponunt aut promittunt.

#### VITIUM ET SOPHISMA METHODI.

Eadem autem crypsis in vitium et sophisma degenerat, culpa docentis vel dicentis duplici, nempe vel inscitia, vel malitia.

Inscitia.



*Inscitia, cū vel intempestiua vel nimia est, ut cū vel necessaria prorsus omittuntur: vel aliena & peregrina multa assuntur: vel omnia promiscuè sine discrimine & modo amplificantur & exaggerantur. Vnde oratio similis fit corpori hydropico, & aque intercute undiq; turgenti. Vel postremò, cū ordo vel nullus adhibetur, vel non rectè instituitur. Atq; hæc Methodi crypsis indocta, intelligentiæ plurimum officit.*

*MALITIA vitiosa fit crypsis: cū ad auditorem fallendū veritatem opprimendam, & mendacia defendenda callidè & insidiosè adhibetur. Ita non raro in disputationibus etiam sacris, qui falsas opiniones & dogmata propugnant, sæpè quæ necessaria sunt & principalia, non attingunt: & pro ijs alienas & intempestiuas Declamationes instituunt, quibus auditor à causâ ipsâ abducitur. Deniq; ordinem inuertunt et perturbant, ut in ipsâ confusionis caligine mendacium delitescat.*

*Verū, ad rectè & accuratè de Themate & re proposita iudicandum: & intelligenda ea, quæ dicta sunt, Crypsis & prudentiæ & inscitia, atq; malitia ad iustā Methodum reuocanda est: ijs quæ prætermissa sunt addendis, superfluis amputandis: & prauo ordine immutando.*

#### EXEMPLVM METHODI EX EPISTOLA PAVLI AD ROMANOS.

*SCRIPTURÆ, ut dixi, Methodo quidem, sed occulta magis, quàm aperta, & prudentiæ crypsi, vititur. Res enim & partes diuersas aptissimo ordine distinguit, & vnā post aliam collocat, & explicat, sed tacitè: Diuisiones partiū apertas aut Diuisionum & partitionum promissiones, non ferè adhibet: nec Transitionum vinculis vititur. Huius ergo Methodi exempla passim in Psalmis sunt, Concionibus Prophetarum & Christi & Apostolorum epistolis: sed præcipuè in epistola ad Romanos exemplum Methodi singulare est, & corp⁹ doctrinæ cœlestis quoddam.*

Ccc dam.



dam. Nos partes præcipuas tantum, & partium Methodum, breuiter indicabimus.

Paulus igitur in Epistola ad Romanos, non quidem omnia dogmata & præcepta necessaria: sed ea præcipue tradit, quæ Romanorum fidei & moribus maximè necessaria erant.

Eius ergo Epistolæ summa, duabus partibus principalibus comprehendi potest. Quarum prior est, doctrina, præcipua fidei Christianæ: Altera doctrina vitæ Christianæ. His autem duabus partibus aliæ adduntur minus principales, quasi appendices: priori à fronte, posteriori à tergo.

Ante priorem ergo partem Præfatio est. Quæ continet primum inscriptionem Epistolæ & salutationem Apostolicam: ab initio ad versus 7. finem: Deinde Exordium, in quo est gratulatio de fide Romanorum, & significatio studij Paulini erga ipsos: à septimo ad versum 16. vel 18.

Præfationem sequitur doctrina ipsa prioris partis: quæ in duo membra rursus distribui potest, vt prior sit doctrina de Pœnitentia: altera de Ecclesia. Ac doctrina de pœnitentia denuò in tres partes distingui potest: Quarum prima sit, cōcio & doctrina de peccato, qua omnes homines tum Græci, tum Iudæi peccati accusantur. Unde concluditur neminem coram Deo sua, suorumve operum dignitate iustum esse: à primi Capitis versu 18. ad tertij Capitis versum 21.

Secunda est doctrina & consolatio, de gratia & misericordia Dei, fide hominis & iustitia gratuita. Quod videlicet homines gratis propter Christum, gratiā, veniam peccatorum, & iustitiam apud Deum consequantur: ad finem Capitis quinti.

Tertia



144

SACRÆ SCRIPTURÆ. 383

Tertia pars est doctrina & concio generalis, de necessitate & causis nouæ vitæ, & obedientiæ erga Deum, ad finem capitis 8.

Altera prioris partis pars est, de Ecclesia ad quam Dei gratia spectat: de quæ populo Dei, eiusque ex Iudæis & Gentibus ad Societatem Euangelij vocatis, collectione & electione gratuita per & propter Christum: per tria capita ad finem Capitis vndecimi. Atque hæc prior pars Epistolæ principalis est.

Posterior est, doctrina de præceptis vitæ Christianæ: in qua primùm, planè Methodicè generalia præcepta ponuntur: Deinde specialia, de ministerijs Ecclesiæ: de Charitatis officijs erga proximum: de obedientia erga Magistratum: de rebus Adiaphoris seu medijs: & de infirmis tolerandis, &c. ab initio Capitis 12. ad Capitis 15. versum 13. Hinc deinde quasi Epilogus additur, quo clauditur, constans precibus, commendationibus & salutationibus. Talis Methodus & summa est eius Epistolæ breuissimè indicata.

Atque hæcenus post Argumenta de Argumentorum cū Themate & inter sese Dispositione & Dispositionis iudicio, quæ hoc tempore in mentem venerunt: & studijs doctrinam cœlestem discantium profutura viderentur, dicta sunt.

Reliquum est, vt ea studiosi auditores repetant: & si vtilia esse, vsu deprehenderint: tum in publicis Prælectionibus rectè intelligendis, tum proprijs meditationibus doctrinæ cœlestis rectè instituendis, quotidie ad vsum transferant.

SECUNDI TOMI FINIS.



BASILEAE,  
PER SEBASTIANVM  
HENRIC PETRI.

Anno

clo lo LXXXIX.

Mense Septembri.